

IOANNES GRAM- MATICVS PHILOPO.

NVS ALEXANDRINVS
IN PROCLI DIADOCHI
DVODEVIGINTI

ARGVMENTA

*

DE MVNDI AETERNITATE.

*Opus varia multiplicique Philosophia
cognitione refertum.*

IOANNE MAHOTIO

ARGENTINAE O

interprete.

*



L V G D V N I,

1 5 5 7.

Cum Privilegio Regi.

2897 ABC

МЯДЪ СЪМЪ

PLATE 108 PHILIPPO.

ALEXANDRINVS

THEOLOGICAL DIACONATE

PAODEVIGINTI

ATMIMVDEA

DE MONDI AETERNITATE

Of the Multiplication of the Species

...the ...

LOA VINE MATHOTIO

УЗАНІСТІНІОД

מגן עבודת ה'.

TABLE

522

(over 1000 copies)



IOANNES MAHOTIVS,

TURNONIENSI GYMNASIO PRÆ-

FECTVS CLASSICVS, FRANCISCO

A' TURNONE, CARDINALI

AMPLISSIMO S.



TS I in hac docendi prouincia, Cardinalis amplissime, in qua felicibus auspiciis tuis Philosophiam profitendi partes sum sortitus, vix satis otij à praelectionibus suppetere mihi potest, ut quicquam scribere possim, quod te dignum esse videatur: tamen in tanta beneficiorum tuorum erga me magnitudine, nihil ardentioribus votis expectui, quam ut non ingrati saltem animi significationem aliquam apud amplitudinem tuam relinquerem. Atq; huic meae voluntati non mediocrem stimulum adiecit, quod cum nuper in doctorum

hominum corona (quos tu eximia tua liberalitate foues, & quorum consuetudine vnicè delectaris) de Philosophia egregiè multa, & acutè disputauisses, veterum Philosophorum de Mundi aeternitate facta est mentio, ubi tu (ut omnium bonorum Scriptorum, & eorum praesertim, quae ad retinendam nostram in Christiana religione persuasionem pertinent, mirum in modum es studiosus) statim ea legendi, quae Ioannes Grammaticus, cognomento Philoponus, aduersus Proclum de Mundi aeternitate scripssisset, te desiderio teneri dixisti. Hac igitur in re nihil prius mihi faciendum putavi, quam, ut tuo illi voto si non omnino satisfacerem, at certè, aliqua ex parte responderem. Itaque etsi videbam onus meum esse viribus impar, opus nimirum omniūga altioris & profundioris Philosophia referendum & quod hominem non solum in utriusque orationis facultate diligenter excultum, sed etiam, tum in Platonica, sum in Aristotelica Philosophia egregiè versatum desideret, quae omnia aut planè mihi deesse, aut in me sanequàm exigua esse sentio: tamen ut tua voluntati obsecundarem, non dubitavi ingenij aleam subire, & quid in hac parte possem, experiri. Quare ut ex paucis totum opus, & ut prouerbio dicitur, ex vnguib; leonem aestimare possis, ac videre quid in hoc argumento valuerint praestantes Philosophi, de duodeniginti argumentis illis, quae impiè Proclus aduersus Christianos de Mundi aeternitate scripserat, & quae Philoponus admirabili eruditione dissoluit, ac refutauit, quatuor quae prima extant, hic tibi è Graeco in Latinum sermonem conuertii. Argumentorum autem omnium primum omittere sum coactus, quia in exemplari Graeco quo sum usus, tum ipsum Procli argumentum, tum eiusdem per Philoponum solutionis prima duo capita de-

fyderantur. Neque vero in hisce conuertendis orationis cultum aut elegantiam confectus sum. Philosophicum enim hoc scribendi genus, eiusmodi esse persuasum habeo, ut dum Latina sit oratio, & verba usitata, interpres de reliquis non debeat laborare, e re enim omnis hic cura suscipitur: quam in hac disputandi subtilitate exprimere haud temere possit, qui orationis ornatum confectari vult. Græcæ enim orationis felicitas verbis ad hæc exprimenda accommodis abundat, quæ in Latinum conuersa, prioris elegantie gratiam amittant, nec nisi sententiæ dispendio, aut secure omitti, aut temere commutari possint. Hæc igitur purpurate Pater, eo animo accipies, quo, ea soles omnia, quæ ad solidam eruditionem, & sinceram rerum cognitionem pertinent. Si hisce perspectis leonis ungibus, totum leonem videre desideras, ad ea omnia perficienda, quæ tua amplitudo mihi iniungere vult, sum paratissimus.

Vale.

The text on the left side of the page is a dense Latin manuscript, likely a continuation of the letter or a related text. It is written in a cursive script typical of the 17th or 18th century. The text is arranged in two columns, with the left column being the main body of text and the right column containing a smaller, possibly supplementary, text or a list of items. The handwriting is somewhat difficult to decipher due to its cursive nature and the age of the document.



L A M B I N V S

M A H O T I O

S V O S.



PHILOPONVS tuus aduersus Proclum de Mundi æter-
nitate, diu à nobis conquisitus, Stephano Papelino mortuo tandem inuentus est. Ex eo cum nudius tertius pagellas aliquot Cardinali recitarem atq; explicarem, visus est magnam ex ea lectione capere voluptatem. Itaque sic habeto, tum studium, ac laborem in ea re positum, valde Cardinali placere. quod quidem tibi non scribere, nisi hoc ipsum me tibi significare per literas, & confirmare iussisset. Præterea, cum prima Procli ratio, & Philoponi in eam argumenta desyderentur, hoc mihi negotii dedit, atque adeò hoc onus imposuit (si onus est, quod libenter feras) vt in bibliotheca D. Antonii (quæ libris Græcis ac Latinis pulchrè instructa, & ornata est) eum librum perquirerem, vt si fortè exemplar esset integrum, describendum curarem, quod tuo deesset. Feci, perquisiui, reperi: vt paucis expediam, ne hoc quidem integrum est. Sed cum Latinum tuum cum hoc Græco Antoniano contulisset, comperi in hoc argumento propemodum omnia Philoponi, quibus primam Procli rationem refellit, inesse, quæ Latino tuo desunt. Verba autem Procli, & principium eorum, quæ à Philopono opponuntur, planè in Græco desyderantur. Siquid nihil plus est in eo exemplari quo vsus es, quam in tuo Latino (de principio loquor) curabo describendum id, quod in hoc Antoniano Græco reperi. sin cum ea quæ dico, pateant in vestro, idcirco omisisti, quod essent ἀκέραια, hac cura atque hoc labore superfedebō. Principium exemplaris Antoniani ita habet: Τῇ γὰρ περὶ τὴν ἀνάγκην τῶν ἀπείρων ἀδυνατόν, &c. Adscriptum autem margini est, καὶ πρὸς ἀρχήν. Quare primo quoque tempore mihi significabis, vt se tota res habeat. Est & illud alterū, quod me tibi scribere iussit Cardinalis, gratum te sibi facturum, si reliqua (quod tuo commodum fieri possit) persequere, extremæque cum primis contexes. Omnino longum opus est. Estque res multi otii, eget denique homine & diligente, & industrio: quæ tibi, vt arbitror, suppetunt, nisi fortè minus otii tibi datur, quam velles, quod multum ipse tibi docendi labor & munus eripit. Sed vincet omnes difficultates, mihi crede, assiduitas, & studium pertinax. Vale mi Mahotie, & me ama: quando te aliquando lacessiui, à Cardinali iussus (tamen si mea sponte id quoque facere cogitabam) fac vt aliquid reponas, præsertim vbi tua res agitur. Iterum vale, Venetiis decimosexto cal. Octob.

ILLVSTRISSIMO CARDINALI
FRANCISCO A' TVRNONE

IOANNES MAHOTIVS

OTTOJAM

2 0 1 4



U'N E G O libros Ioannis Grammatici Philoponi contra Proclum de
Mundi aeternitate; è Græco in Latinum sermonem iussu tuo conuerissem,
Cardinalis amplissime nihil mihi prius faciendum esse putabam, quàm ve
curarem, ut ij tuo nomini tandem aliquando comparerem. Verùm docendi
provincia, & ob Sacerdotium, quo me ornatum esse tua benignitate volui-
sti, exorta lites fecerunt, ut serius quàm voluissem liber purius, & emendatius descriptus,
ad te mitteretur. Nam molestia, quàm ego in tanta occupationum multitudine in prima
Libri conuersione describenda perculeram, ita me ab illo iterum describendo reuocauerat,
ut illum nec in manus quidem sumere libenter possem. Quando tamen per literas Lambini
cognoui opus tibi placere, & te velle, ut in aliud exemplum transfusum, ad te mitteretur,
ego maiore quàm vnquam antea alacritate opus, ut potui describendum curavi. Liber ita-
que ad te mittitur, cordatissime pater, ita descriptus, ut per eum librarium licuit, quem
nancisci potuimus. Si opus ita conuersum esse iudicabis, ut dignum videatur, quod emitta-
tur in vulgus præfationem adiciam, quæ & operis fructum explicabit, & quàm varia in
quæuis Philosophia parte contineat edocebit. Iam verò ne hoc opere absoluto horis succissi-
uis nihil agerem, eiusdem Philoponi Commentarios in libros Aristotelis de anima Lati-
nos facere sum aggressus. Quod opus mihi omnium pulcherrimum esse videtur, quæ à Phi-
lopono in Philosophia scripta fuerunt eorum certè, quæ ad nostram ætatem peruenierunt.
Nam in tota Philosophia cum nulla sit ea parte suauior, quæ in natura obscuritate expli-
canda consumitur: in hac tamen primum locum sine controversia tenet, quæ de anima, &
partibus eius instituta est disputatio: ea est enim, propter quam tam celebratum est illud,
vixi, & vixi, id est, nosce teipsum, ut Deo auctori feratur acceptum. Cicero enim putauit
non solum pertinere ad minuendam arrogantiam, sed etiam, ut bona nostra norimus. Bo-
na autem nostra tum demum probe nouimus, cum animi nostri naturam, vim, & origi-
nem diuinam cognouimus. Nam ab animo, ut homines & simus & dicamur, obtinemus.
Sunt alia pleraque huius Viri scripta, quæ omnia latinitate donare est animus: si hac ini-
tia tibi placere intellexero. Quauis enim auctoris huius scripta nonnulla conuersa fuerint,
ita tamen conuersa mihi esse videntur, ut à lingua Græca ignaris, qui ex barbara &
inepta translatione græcæ phrasæ diuinare non possint, vix, aut ne vix quidem cognosci
possint. Itaque me & huic meo instituto (cui, quandiu in tuo Gymnasio meus labor tibi
non erit ingratus, ætatem meam deuoti) rem conuenientissimam, & à tua amplitudine,
quæ Philosophiæ studia omni fauore semper es amplexatus, non abhorrentem facturum
esse putavi. si quod oij & temporis à prælectionibus mihi superest, id huic auctori illustran-
do pro Virili parte totum impendero. Omnes enim te, cum omnium literarum, cum vete-
ris Philosophiæ tam studiosum esse nouerunt, ut eos laude maiore dignos esse putet, qui
veterum scripta in omni disciplinarum genere illustrare, ornare, & diuulgare student,
quàm eos, qui in simili argumento noua cudunt volumina. Hi enim præterquàm quod
nihil

nihil boni omnino tradunt, quod non illis acceptum ferre debeant, sæpenumero quæ ab illis planè & disertè explicata fuerunt, ab his inuertuntur, corrumpuntur, obscurantur. quam non ignoro hac nostra ætate quamplurimos inueniri, qui utroque scribendi genere, hoc est, & veteres clariùs illustrandi, & noua feliciùs excogitandi, rem literariam tam diligenter prouehunt: ut sperem futurum, ut aliquando quæ in omni disciplinarum genere inculca iacebant, & orationis & interpretationis lumine in quavis lingua splendescant illustriùs. In quibus etsi locum tenere fortasse non possim: mihi tamen abunde meus labor satisfecerit, si ea scribere possim, quæ tuæ amplitudini, & illi tuo tam exquisito iudicio non ingrata esse possint. Vale, Turnone quinto Nonas Iulias, Anno à Christo nato 1555.

NICOLAVS
EDOARDVS, CAMPANVS,
A D
GENEOSVM VIRVM
HENRICVM
A GABIANO.

HENDECA.
SYLLABVM.

Qui diuina sapis, petisq;ue, dextro
Αὐτῶντινι terens pede, carduolόνq;
Quò sæcunda vehit, trahit, rapitq;
Diuini ingenij tui Venustas,
Ist hæc, Henrice, si legas lubenter,
Flores inde duos legas, nitorem,
Et fructum. Omne tulit proinde punctum
Auctor. quem meritò corona μῆτορ,
Et cæcis celebris trium Sororum
Iam lauro viridi beânt que cælo.

L A M B I N V S

: M A H O T I O

S. D.



PHILOPONVS tuus *πλὺς οὖς φιλοπορίας* argumentum
ceruissimum, testimoniũque luculentum, venit ad nos circiter
quartum Cal. Sextileis. Noli dubitare, quin Cardinali gratissimus
fuerit. Sed scire debes, cum tot negotiis impediri, vt vix suae valeru-
dini consulere, nedum legendis libris operam dare possit. Itaque
statim vt librum tuum accepit, iussit eum me audiente Carolo viro docto, epi-
scopo Resensi dari, vt legat, eoque lecto de tuo ingenio ac tua diligentia sen-
tentiam ferat. Quod ed fecit, quod persuasum habet, te in illo Autore inter-
pretando summa fide, maximaque industria esse vsum, praesertim cum sentiat
te in vtriusque linguae studio, & Philosophia ita esse versatum, vt credibile non
sit, quicquam esse abs te vel linguarum imperitiã, vel inscitã titubatum aut
peccatum. Tuas ad Cardinalem literas ego ei recitavi. credas mihi, velim,
fuisse ei iucundissimas. Superioribus tuis quas ad me miseras, idcirco non re-
spondi, quia nihil in iis erat scriptum, in quo meam fidem, meumve erga te offi-
cium desiderares. Verum quia vereris vt mihi fuerint redditae, libero te ista
cura: eas enim & accepi, & libentissimè legi, tum quod abs te veniebant, tum
quod me de concordia vestra certiores faciebant. Quod si existimassem te
meas fuisse requisiturum, ego tibi vt in cæteris rebus soleo (cupio quidem cer-
tè) sic in hac quoque gratificari ac satisfacere studuissem. Vale, Compendii
Calendis Sextilibus, anno post natum Christum .R. 5 5 5.

AD D. IANVVM
ANGELVM PAPIVM
PARTHENOPEVM,
PHILIBERTI BV-
GNONII I. C.

MATISCENSIS

CARMEN.

*Est nihil aeternum toto sub corpore cali,
Quæq; Deus finxit, sunt peritura semel.
Principis rerum quæ constant omnia, finem
Sunt habitura, Deus semper idemque manet.
Quid tamen hic Mundum vocet Autor, nescia mens est:
Nam cælum Mundi nomine turba vocat.
Sunt quoque nonnulli Sophia genitricis alumni,
Qui Mundi usurpant nomine Terrigenas:
Qui dicant etiam cuncta inferiora, sub ipso
Comprendi Mundi nomine. Quicquid id est,
Omnia crediderim sub Mundi nomine dicta,
Esse aliquando suum finem habitura grauem.
Pagina sacra docens arcana recondita legis
Divina, Mundum perpetuum esse negat.
Vera fides hic, vera salus hic Christigenarum,
Qui mandata Dei non violanda, timent.
Adductis utrinque λόγους, contraria tandem
Soluuntur, rerum sed manet una fides.
Disputat hic igitur magnorum more Sophorum
Philponus, assertor summus Aristotelis.*

Velle & sperare.

AD P. IANVARIUM
M. D. C. L. V. I. I. I.
IOANNIS PELISSONIS
CONDRIACENSIS GYMNASII
APVD TORNONEM IN VOLCIS,
Rhodanicolis præfæcti de Ioanne Mahotio
primæ clâssis illic ductore
ad lectorem.

Bis sex implevit Tornone Mahotius annos,
Dum mecum doctas pergit habere scholas:
Ad me Tornonem ad tradenda Mathemata missus,
A patre Cardineo quem pia Torno dedit.
Doctus homo, eiusdemque patris iam munere dives,
Ac felix, nisi mors abripuisset eum.
Quantum autem idem esset lingua Valiurus utraque,
Hoc opera illius sat tibi monstrat opus.

IN PHILOPONI LIBROS.

CONTRA DVODEVIGINTI PROCLI

ARGVMENTA, DE MVNDI

æternitate, Clementij Mahotij Argen-

tenzi, ad Franciscum à Tur-

none Cardinalem

illustrissi-

mū,

P R Æ F A T I O.



AE P E miratus sum, hominum nostræ ætatis deprauatissimam scribendi libidinem, Cardinalis illustrissime, qui sine iudicio, & delectu quibusvis scriptis chartas oblinunt, nihil pensi præterea habentes, quàm vt in vulgus aliquid emisisse videantur: vnde apud posteros, vel, vt veriùs dicam, apud præsentés (sic enim sibi persuadent) suum nomen reddant illustrius. Ex quo factum est, vt nostra hæc ætas, institutionum Grammatices, Dialectices, Rhetorices, adde Physices, Cosmographices, & omnium artium & disciplinarum infinitam multitudinem pepererit, vt iam, quoquò te veritas, libros nouos plures & inuiles proferre, quàm bonos autores hodie possis: neque verò id morbi in artes & disciplinas tantum intrasit, sed in omni scripti genere radices altius egisse videtur. Atq; cùm huic malo remedium vnum vitrò concessum esse videretur, quòd hi optimi scetus in oculis suorum parentum repente intermoriuntur, non propterea tamen morbus hic serpere & grassari desinit. Nam subinde noui Scriptores suboriuntur, qui suis nugis omnia referciant, vt iam Typographi in his tam ineptis libris excudendis magis laborent, quàm in veterum Scriptis, quorum genius tam longinquam ætatem tulit, fideliter promulgandis. Qui autem ideo scribunt, vt ea, quæ in quauis arte obscura sunt, clariùs illustrent, & inuoluta apertius & diffusius euoluant, perpaucos sanè reperias. Quæ causa mihi esse videtur, cur hodie, cùm literæ suauius, quàm vnquam antea florere dicuntur, tam pauci tamen reperiuntur, qui in optimis disciplinis & salutaribus artibus probè instituti, solidam eruditionem sint consequuti. Nam vt omnes rerum nouarum naturâ audi sumus, quæcunq; ex Typographicis officinis specioso aliquo titulo noua prodeunt, ea incredibile cupiditate arripimus, legimus, & vt rarum aliquem thesaurum, cuius frequenter inscriptio libri spem ostentat, diligenter excutimus: sed magnis sæpe sudoribus, longo exantlato labore, nos iuxta prouerbum *ἀποπαρῆς θυγατρός εὐρύς* reperimus. Ita fit, vt cùm sine fructu, in istis legendis ætatem nostram transigimus, bonarum arum, & rerum bonæ frugis inanes consenscamus. His itaq; plurima deberi confitendum est, qui acriore mentis acie, & vi ingenij maiore præditi, in id maximo conatu iucumbunt, vt res posteritati viles & salutarés, & veteribus inauditas exquisitiore philosophandi genere incitati excogitent, & inueniant, inuentas omni studio excolant & perpoliant, & orationis cultu exornata posteritati transmittant. Tamen illis quoque magnam gratiam deberi puto, qui studium suum huic omne conferunt, vt à veteribus quæ bene inuenta

P R A E F A T I O

fuerunt, ea modis omnibus illustrare contendendum aut ex vna lingua in alicnam transferunt, aut obscurius dicta, apertius exponunt, aut concisius & breuius explicata, latius & diffusius interpretantur, & non satis exculta, melioribus commutant. Quæ omnia Ioannes Mahotius, frater meus germanus, & præceptor iuxta doctus atque non poenitendus, cum in tuo tam celebri Gymnasio, maximæ auditorum frequentiæ præset, auspiciisque tuis profiteretur publicè Philosophiam, in hoc nostro Philopono præstitit, quem tuo iussu, ea orationis facilitate latinum fecit, vt interpres potius composuisse, aut Commentarios scripsisse (nondum tamen perspecto Autoris titulo) quàm e Græco in Latinum sermonem vertisse cuilibet viro docto inter legendum, prima fronte videatur. Quare non potest non magnopere probari consilium & propositum tuum, amplissime Cardinalis, quòd tam studiosè cõtendis, vt boni Autores, qui adhuc in Græcis delitescunt, in Latinorum lucem proferantur. Nam præter nomen Autoris, quo nihil est in Peripateticorum familia, celebrius, Operis argumento plurimum es incitatus. Vbi enim ad nostram religionem opus pertinere intellexisti (nihil huius præter auditum ab interprete dico) desiderio statim ardere cœpisti, illud vt non solum cognosceres, sed etiam vt Latinis hominibus innotesceret ac patefieret. Tu itaque id negotii Ioanni Mahotio fratri meo protinus iniunxisti, opus vt ipsum latinitate donaret. Ad quam ille provinciam accessitus, tuis sanctissimis votis non parère, omnino nefas esse duxit. Et vt nonnullis fortasse non sit satisfactorius, non dubito tamen, quin sint opus probaturi, qui codicis Græci, quem nactus erat, deprauationem prius animaduernerint. vnico enim est vsus (rem expertus loquor) eoque corruptissimo. Is enim præter cicatrices per multas per totum corpus fœdissimè sparsas, ita mutilus ac deformatus erat, vt & capite & pedibus esset truncatus, vt in quo neque principium neque finis reperiatur. Nam præter ipsius Philoponi præfationem, quam & elegantissimam & copiosissimam eum scripsisse oportuit (sic enim vt coniciamus, tum Procli, quem refellendum suscepit, celebre in Philosophia nomen, tum ipsius Autoris in diffusissimis præfationibus scribendis consuetudo facit) desideratur primum Procli Argumentum, vnà cum Philoponi cõfutationibus primis duobus capitibus. In fine autem postremi argumẽti, aliquot solutionis capita partim extant valde trunca, partim interciderunt. Quæ tamen in Græco reperit, ea, quàm summa potuit fide, interpres latina fecit. Nec dubito, quin si illi vita longior contigisset, quæ iam desiderantur, & mutila propter situm longo temporis spatio contractum, & imminuta remanserunt, ea, præter præfationem, suo facili iudicio & industria fuisset suppleturus. Id quod adhuc penes quemlibet virum doctum est agere. Hoc præterea addam, quòd omnia Philoponi scripta, latina facturum erat, & Commentarios in diuini Platonis opera scribere decreuerat, vt res de Philosophia elucidiore in vulgus emitterentur. In disciplinis item mathematicis, in quibus maximam suæ ætatis partem consumpserat, longè pulcherrima & acutissima cum suis demonstrationibus excogitaret, & excogitaturus erat theoremata ac problemata: quorum Prolemaus, Euclides, & cæteri alii Mathematici nunquam meminerunt. Porro, quàm sit amandus hic Autor, qui

nostram

nostram religionem aduersus sceleratorum linguam tanta diligentia defendit, pii omnes intelligunt, qui norunt quanta sedulitate iis sit occurrendum, qui capiosorum conclusionum fraude, veluti cuniculis quibusdam, conantur ea subuertere, quæ nostræ religionis persuasit veritas, inter quos insignis fuit Proclus, qui in Christianos tetrum linguæ suæ virus eiectus est de quo & nostri huius Philoponi toto hoc opere, Suidæ Autoris grauissimi extat huiusmodi testimonium: *Πρόκλος ἐστὶν ὁ Πρόκλος, ὁ δευτέρως μὲν Πορφύριον καὶ Χρυσόστομον καὶ μακρὰν τὴν ἐκείνου διὰ τὴν γλώτταν καὶ τὴν ἀντιθέσιν τῶν ἐν ἑξέρῃ Ἰωάννης ὁ ἐπικληθεὶς φιλοπονος, πᾶσι θαυμασίως ὑποδείκνυσι καὶ τῶν διὰ τὴν ἀντιθέσιν ἐπιχειρημάτων ἀλλήλους, καὶ διέξας διὰ τὴν τοῖς ἐκκλησιαστικῶν, ἐφ' οἷς μέγα ἐφρόνεται, ἀεὶ ἀπὸ καὶ ἀντίστοιχα.* Id est, hic is est Proclus, qui post Porphyrium in Christianos scelestam & contumeliosam suam linguam secundus mouit: aduersus quem Ioannes cognomento Philoponus scripsit, & egregie admodum duodeuiginti illius Argumentis occurrit, ostenditque eum in Græcis, in quibus sibi plurimum arrogabat, imperitum esse ac fatuum. Quid hoc testimonio illustrius? Quid ad Philoponi laudem clarius dici potest? Id verò plenius verum esse intelliget, qui ipsum opus studiosè euoluere, & in eo sedulò versari volet. quod proculdubio sine maximo fructu, Philosophiæ studiosus facere nullo modo potest. Tanta enim diligentia omnia persequutus est, vt in hisce Procli rationibus refellendis, nullam eius partis Philosophiæ disputationem, quæ in naturæ obscuritate explicanda consumitur, intactam omiserit, imò, vt verius dicam, totius Philosophiæ partem omnem, alias quadam ex parte attigisse, alias exquisitè persequutus esse videbitur. Nam cum Aristoteles & tota Peripateticorum scholæ Philosophiæ studia in eam partem, quæ cognitione cernitur, & in eam, quæ posita est in actione, diuiserit, vtriusque pulcherrima theorematum diligenter & acutè explanauisse comperietur. Quod vt plenius intelligatur, veniam mihi tua concedat amplitudo, dum harum partium vtriusque rationem paulò fusius expono. Eius igitur partis, quam cognitione cerni ex Aristotelis & Peripateticorum decreto diximus, partem tres ipsi fecerunt: tot sunt enim differentię rerum, quæ sub cognitionem cadere possunt. Alię enim sensibus percipiuntur, rerū omnium infimę, quæ Græcis τὰ ἐν αἰσθητικῇ dicuntur. Atque hæc in materia omnino cohærent, neque ab ea diuelli vllō modo possunt, vt os, vt caro, vt panis. Alię sunt ab his plurimum remotę, quæ sola mente & intelligentiā comprehenduntur, quæ materię nullius sunt participes, neque in ea vllō modo reperiuntur, aut sensu vllō percipi vnquam possunt, quæ Græcis τὰ νοητὰ vocantur. Atque vt illę caducę sunt & perpetuis obnoxie mutationibus: ita hæc omnis mutationis immunes, hęc diuinę sunt & sempiternę, vt à sua essentia nunquam dimoueantur, vt Deus, vt mens, vt spiritus immortalis. In vtrarumque medio alię demum sunt positę, quæ quantum in materia cohæreant: non tamen vt illę cum sua materia necessariò cognoscuntur, sed cogitatione, ab ea separantur, vt quam nullam certam habent. Neque vt hæc modis omnibus materię sunt expertes, sed in materia omnino consistunt, à qua tamen, vt dixi, sola cogitatione reuelli possunt, vt circulus, vt triangulus. Vnde quemadmodum superiora Græcis, à mente, qua so-

la comprehenduntur, *ῥῶτα*, dicuntur: ita hæc à cogitatione, quæ à materia separantur, *ὑποκείμενα* vocantur. Et quemadmodum ab omnibus extremis, hæc ad eum, quem diximus, modum separantur: ita cum vtriusque aliquid habent commune, & amborum societate gaudent. Nam cum primis illis rebus, quas & in infimo gradu positas esse, & à sensibus percipi diximus, hac societate coniunguntur, quod ambæ in materia cohererent, quod reliquis nullo modo conuenit. Cum supremis autem illis, quæ ad mentem referuntur, hisce hoc conuenit, quod ambæ sine materia cognoscuntur, quod formis primi generis conuenire non potest. Ab hoc igitur triplici rerum genere tres disciplinarum species exorta sunt, quorum vnum in earum rerum inquisitione positum est, quæ sensibus percipiuntur, quæ naturæ res ideo esse dicuntur, quod à natura proximè producantur. Vnde totum hoc physicum est appellatum. Alterum ab hoc longè diuersum, altiore mentis cogitatione rerum earum naturam inuestigat, quæ sola intelligentiâ comprehenduntur. Hoc genus à præstantia primam Philosophiam continere dicitur, & eam scientiam, quam Græci Theologiam dixerunt, à quibus etiam, *Μετὰ φυσικά* nuncupatur. Tertium denique genus earum rerum naturam euoluit, quas medias esse diximus, & quod Mathematicum appellatur, atque hoc totum in quantitate aut continua & coherente, aut diiuncta & discreta consumitur: Vnde disciplinas Mathematicas quatuor constituerunt, duas, quæ diiunctam explicent quantitatem, Arithmeticam & Musicam, quæque continuatam, duas, Geometriam & Astronomiam. Hæc sunt igitur disciplinæ, quæ totam eam partem exponunt, cui Veri proposita est inquisitio, & sola cognitione conquiret. Eius autem partis sapientiæ, quæ est de vita & moribus, & in actione tota est posita, tres partes fecerunt, vnam, quæ singulorum mores informaret: alteram, quæ familiæ sapienter administrandæ rationem præscriberet: tertiam denique, quæ totius ciuitatis, & Reipublicæ formam quam optimam institueret. Hæc sunt sapientiæ studiorum spatia latissima. Nam tres illæ artes, Græcorum vocabulis dictæ, Grammaticæ, Dialecticæ, & Rhetoricæ, quæ in oratione, qua omnia sapientiæ studia explicantur, omnino consumuntur, à sapientiæ partibus à Peripatericis merito excluduntur, cum nullus rei tractationem susceperint, sed per omnes sapientiæ partes diffusæ sint. Hęc igitur omnia hic noster Autor mirum in modum est persequutus. Nam in Philosophia, in qua se non minus versatum fuisse, quam quivis alius vnquam fuit, suis scriptis demonstrat Aristotelem, qui que cum sunt sequuti Peripatericos, est imitatus: sed ita tamen, vt amicos Philosophiæ studiosos veritatem nunquam celauerit, hoc est Aristotelis, eiusque interpretum errores, quoties opus fuit, refutauerit ac prorsus euerterit: imò verò præter hos, & Sophistas imperitos, inter quos Proclus egregius est, ipsum quoque diuinum Platonem suorum erratorum, in hoc suo opere, damnavit durissimè: vt quando Plato non veritus est Ideas siue species non solum substantias appellare, sed etiam primas substantias ab omni materia seuinctas esse pronuntiavit. Multa sunt præterea à Platone dicta, quibus Proclus tanquam firmissimis argumentis Mundi æternitatem ostendere nititur, quæ vtrum vera sint an falsa, sincera opinioni & exquisito lectoris docti iudicio relinquo. Is enim non sum,

qui tan-

I N I O A N. G R A M.

qui tantum virum reprehendere cupiam. Cum igitur Proclus contra Christianos Mundi perpetuitatem ostendere ac probare veller, sua sapius contexuit argumenta ex eo, quod putaret verè à Platone dictum & excogitatum fuisse, quod tamen longè erat à veritate alienum. Aut si certè ab ipso Platone pronuntiatum fuerit, id Proclus sophista perperam intellexit, & ad suum sensum nimia luxurie detorsit, vt inter legendum quilibet Philosophiæ studiosus facillè tum ex Philoponi acutissimis refutationibus, tum ex Procli captiosis cõclusionibus intelliget. Nam fructum Operis, & quàm varia sunt in quavis Philosophiæ parte prolixiùs explicare, in præsens omitto. Hoc enim tantum ago, vt fratris mei vicem, quam ego meritò sum sortitus, aliqua ex parte supplere possim, eiùsque Latina hæc interpretatio iam tuo nomini dicata, tandem aliquando in lucem edatur: postquàm maiora tibi præstare, aut polliceri, & ingenii mei angustia prohibet, & otium negat. Caterùm, Deum Opt. Max. precor, vt tibi omnia secunda, & ex tuis sanctissimis votis succedant. Vale. Lugduni, anno à Christo nato 1556. quarto Cal. Iulias.

NICOLAUS

EDOARDVS,

CAMPANVS,

AD

MECOENATEM SVVM

CAROLVM

A PORTA.

*

Quicquid Phæbus alit, cælo diffusus opaco,
 Quicquid pontus habet, quicquid alumna suis
 Saturni coniux complexa est finibus amplis,
 Seu qua latura est, seu tulit antè quævis,
 Omnia compositis soluentur partibus olim,
 Natiuum repetent, unde petita, locum.
 Sed magna molis, rerum cognoscere causas,
 Quo fiat fato ὅς τῶν αἰνῶν ῥέει φθορὰν.
 Philponus id noster stringit, soluique deferre
 Præ reliquis, quos hæc secula tulere viros.
 Num illum Græci celebrent cæloque locantur,
 Τῷ δὲ Νηὺς, Δάφνις τε ἄλκιον ἄνδρα πολὺν
 Nos verò Νεαχoti ternis denisque coronis
 Te dabimus, qui vel Græca Latina facis.
 At tu Mæcenas, letissime Carole, gnarus
 Aera lupinis distinguere, τῶν αἰνῶν βλέπεις.



IOANNES

Grammaticus Philoponus

ADVERSUS PROCLVM,

De Mundi æternitate.

PROCLI DIADOCHI

Argumentum primum.

Deest principium.

ex æuo, & æternitate in idem, & ex tempore in infinitum deducere: neque enim æuum & tempus idem intelligit. Hinc igitur prius probatum sumamus, quòd, vel ipsomet autore, vires infinitæ sunt in æuo. Quare si tum secundum Proclum, tum secundum Aristotelem, vires infinitæ sunt in æuo, & , vt omnino dicam, si quod ex æuo est & æternitate, perpetuum est & virium in finitarum, certè quod virium compos non est infinitarum, id æui non est paritè eps. Quod autè æui nō est particeps, id æternū non est. Si igitur secundū prædictarum duarum hypotheson, Deus infinitarum virium compos non est, nullo modo sempiternus erit. Quòd si sempiternus non sit, sub tēpore erit necessariò. Omnium enim rerum, quæ sunt, aliæ in æuo sunt sempiternæ, aliæ in tempore, non sempiternæ. Itaque si sub æuo nō est Deus, neque virium est infinitarū, neque est perpetuus. Nam quæ finitæ sunt vires, semper sufficere ad perpetuitatem non possunt.

aut quidpiam erit aliud, quod causa sit, cur ipse constet & permaneat. Rursus igitur in illo eadem requiremus. Quoniam enim illud quoque procreandi vim habet, vt quod tum hoc produxit, tum dedit, vt hoc posset efficere, necesse est & de illo meliora produci quàm quæ producit necesse, vt aut in infinitum euadamus (id quod absurdum est) aut infinitas Dei procreandi & efficiendi vires esse statuamus: aut potiùs Deum in omnibus infinitarum esse virium. Quoniam etsi Deum omnium, tum quæ facta sunt, tum quæ sunt futura, cognitionem habere, sine principio est & finē

carens. Quod si infinita sunt, tum quæ facta sunt, tum quæ sunt futura, fieri non potest, vt Deus (si quidē finita sit in eo ac non immensa cognoscendi vis) aut ea quæ præcesserunt, aut ea quæ futura sunt, cognitione cōprehendat. Nā finitis viribus infinita tenere, eorū est, quæ fieri nō possunt. Quare neq; quæ facta, neq; quæ futura sunt cognoscet Deus. Nā si cognoscet, aut Mundus ortu & interitu nō carebit, ne infinita sint, tum quæ facta, tum quæ futura sunt: aut certē nō finita facultate cognoscit ea, quæ sunt. Quod si verum est, neq; sanē finita ea vis est, qua gignit & procreat. Cum igitur si duæ hæ statuantur hypotheses, nempe ea quæ Dei vim vnam eamque simplicem esse ponit, Deum autem finita facultate opera sua efficere, & ea, quæ Dei vires plures quidē esse statuit, cæterum nullam esse infinitam: cum inquam, si hæ ponantur hypotheses, absurdissima consequuta sint, nempe tum non sempiternum esse Deum, sed subiectum esse tempori, tum ipsum alio indigere, quod tribuat, vt permaneat in perpetuum. Quod rursus easdem ineptias effugere non possit. Adde etiam, nec eorum quæ antecesserunt, nec eorum, quæ futura sunt, Deum habere cognitionem, cum ipsi consiteantur mundum & ortu & interitu carere. harū igitur hypothesē nulla erit vera. Iam tres supersunt hypotheses. Nam si Dei vis est vna, infinita tamen facultate omnia peracta & effecta reddit, seu efficere, seu providere, seu cognoscere, seu quidvis aliud dicatur: aut multæ sunt facultates, & harum vnaquæque infinita: aut multæ, & harum aliæ infinitæ, aliæ autem finitæ. Quod si aliæ finitæ sint, & aliæ infinitæ, in sorte & fortuna posita erit hæc ratio, neque omni iuris libertate vteretur. Quæ enim erit iuris autoritas, cur aliæ Dei vires finitæ sint, aliæ infinitæ? Sic enim futurum est, vt summus Deus aliqua in parte sempiternus sit, & aliqua temporī obnoxius. Atque adēo quæ Dei vires tempus producunt, ipsæ temporī subiectæ erunt. Quod si infinitus non est, quomodo ea, quæ sunt in perpetuum, continebit? Quibus enim viribus procreat, iisdem prorsus continet, quæ procreata sunt. Absurda igitur & eiusmodi, quæ fieri non possit, tertia comprobata est hypothesis. Superest igitur, vt ē duabus reliquis altera sit vera: earum dico, quæ habent, aut multas esse Dei vires, & vnamquaq; esse infinitam, aut vnicam esse & eam simplicem, & ab infinita potentia quamlibet Dei actionem manare. Quod & verum magis est, & communibus de Deo notationibus consentiens, propter omnifariam Dei simplicitatem.

- III. EX HIS igitur, quæ diximus, palā est, fieri non posse, vt finitis viribus Deus ea, quæ sunt, procreet. Quod si fieri nō potest, vt finitæ sint, procreatrices dei vires, necessariō erunt infinitæ. Infinitas autem dico, non solum quod res proferre, ac producere semper possint (nam quæ non sic infinitæ sint, in perpetuum sufficere non possunt) sed quod, vt ita dicam, in vnoquoque temporis momento singularum rerum, vt solis, vt animæ, vt cœli productio, ab infinitis omnino viribus perficiatur. Huiusce rei autem argumentum ad ea, quæ dicta sunt, accedet, quod nullo tēporis impendio, sed vnā cū cogitatione, Deus omnia proferat, hoc enim de Deo vt credant omnes, communes efficiunt notiones. Vnde Theologorum,
- “ qui apud nos habentur, vnus scribit: Ipse dixit, & facta sunt. Alius autem: Cogitasti, & facta sunt: animo concepisti, & in naturam producta sunt. Nam qui
- tempus

tempus ipsum procreauit, temporis protractione ad res efficiendas indigere non potest. Quid enim? Nonne infinitas eius vires necessariò conuincit, quòd voluntatis concursus vnus, vt ipsa fiant, satis est ad omnium substantiam, & naturam procreandam? His tamen infinitis viribus, tum maximæ, tum minimæ rerum producuntur. Si enim vna & eadem potentia omnia in rerum naturam profert, vt ipsi quoque Proclo videtur. Nam in opere, quod de decem dubitationibus contra Prouidentiam composuit, scribit, quòd Prouidentia vniformis cognitio in eodem impartibili, omnium est, quæ in partes deducuntur, cognitio, & vniuscuiusque tum eorum, quæ indiuidui, tum eorum, quæ totius rationem maximè subeunt, & vt vnumquodque, inquit, in naturam protulit secundum vnum, ita vnumquodque secundum vnum cognoscit. Si itaq; secundum vnum omnia procreat, facultate, quæ neque vnà cum iis quæ procreantur, diuisa sit, neque completa: varia autem sunt ea quæ fiunt, nempe alia meliora, alia inferiora, vi autem infinita omnia in naturam profert, vt demonstratum est, vnica certè, & eadem infinita facultate res, tum maximas, tum minimas procreauit. Cum igitur confirmatum sit, fieri non posse, vt rerum procreandarum vis diuina terminata sit, & ipsam immensam esse & infinitam necesse est, non certè verè dictum est, res plures, aut meliores factas non fuisse, neque propter solam efficientem causam, neque propter vtrumque, tum id nempe quod efficit, tum id quod efficitur, has enim hypotheses conseq̃uebatur, terminatam esse in Deo vim procreandi. Quod quàm absurdum & dictu obrusum sit, iam ostensum est. Relinquitur igitur, vt ex propositis hypothefibus ea sola vera sit, quæ statuit, causam, cur plura aut meliora effici non possint, in sola eorum, quæ procreantur, natura positam esse. Quòd si quis causam, cur aut plura, aut meliora effici non possint, in ambobus positam esse concefferit, nempe tum in eo, quod efficit, tum in eo, quod efficitur, omnino est necesse, ob quam causam id quod efficitur, effici non potest, ob eandem quod efficit, efficere non posse. Quamcunq; igitur causam quisquam reddiderit, cur fieri non possit, vt plura, aut meliora facta sint iis, quæ facta sunt, cum in Deo, vt probatum est, vis procreandi modis omnibus sit infinita, hanc eandem à nobis accipiat, cur fieri non possit, vt ex æternitate Mundus non constiterit, quanuis semper bonus, & semper opifex Deus existat. Atque hæc causa est, quam nos de his naturæ accommodatissimam reddere possumus. Infinitum nullo modo actu & re ipsa constare posse, longiore oratione Aristoteles tum in libris de Naturæ principiis, tum in libris de cælo, necessariis rationibus confirmauit. Infinitum nunc intelligo, aut in magnitudine per productionem, aut in numero. Nam quod facultate infinitum est, in iis esse quæ secundum Naturā æterna sunt, omnino est necesse. Atq; in hoc omnes inter se consentiunt. Cum autem infinitum in magnitudine, & in numero constare in natura actu non possit, prorsus est necesse, rerum omnium finitum esse numerum. Cum autem hoc ita se habeat, ridiculum est inquirere, quam ob causam non plura constiterit. Quando enim cunq; res plures constituisse quisquam statuerit, cum infinitum re ipsa euenire nunquam possit, in iisdem nihilominus hærebimus angustiis, & eadem manebit dubitatio. Hac igitur ratione re-

rum numerum finitum esse oportet. Rursus, res meliores factæ non fuerunt, quia omnino oportuit opifice ea esse inferiora, quæ ab eo producta sunt. Quādo igitur cūque meliores, quān sint, res esse quis statuerit, cum futurum sit, ut nihilominus vincantur ab ipsa, quæ supra mentem est Dei potentia, nihilominus eadem relinqueretur hæsitatio. Quare iterum est necesse, eorum, quæ facta sunt, ut numerum, ita & qualitatem certam & circūscriptam fuisse. Quod si natura earum rerum quæ procreatæ sunt, causa posita est, cur nec plures, nec meliores factæ sint, & hoc nullo modo Dei aut vires, aut bonitatem imminuit, apta sanè consecutione, nos Mundum ortu non caruisse statuimus. Neque verò procreatoris arguimus imbecillitatem; neque accusamus, quod bona proferre, & in naturam producere non semper voluerit: sed rerum potius, quæ procreatur, naturam excusamus. Quemadmodum igitur aut plura, aut infinita Deo procreari non contingit, quia infinitum reipsa constare non possit, sic & mundū aio vnā cū Deo ex æternitate stare non posse, ne rursus reipsa infinitū cōsistere credamus & infinitū percurri dicamus posse. Nam si ex æternitate staret mūdus, omnino esset necesse eorum, quæ antea ad hūc diem præcesserunt, ut hominū, ut stirpium, ut reliquorū cuiusque generis indiuiduorum, numerum actū & reipsa infinitum fuisse. Nam si quis aut hominum, aut stirpium, aut quorumcunque indiuiduorum, quæ præcesserunt, numerum finitum, ac certum poneret, quoniam illorum quodque in tempore finito suum esse obtinuit, vniuersum etiam tempus finitum esse esset necesse. Nam quod ex finitis compositum est, & ipsum est finitum. Quoniam igitur si ortu caret mūdus, & tempus quod antecessit reipsa immensum est, & infinitum, necessariò efficitur, ut & quæ infinito tempore præcesserunt indiuidua, in infinito reipsa numero sint. Quare eueniet ut actū infinitus numerus cōsisterit. Idque hoc ipso eueniet, quia mundus ortu carere dicatur. Porro quod nullo pacto reipsa infinitum constare potest, neque repente, & confertim in natura prolatum, neque vicissim & per partes productum, progressi longius alibi, Dei ope adiuti, plenius docebimus. Vbi confutatis omnibus controuersis, quæ mundi æternitate tueri videātur, ipsi de nostra sententia deinceps confirmabimus fieri non posse, ut ipse sit sempiternus. Ipsam quoque Arist. producemus, qui ad verbum hoc ipsum confirmet: nempe fieri non posse, ut infinitum reipsa vllō modo constet. Atque hoc ipsum per se & sua vi clarum & apertum esse puto. Quæ enim causa est cur confertim, & simul infinitum cōstare non possit, eadem efficit, cur per partes productum in actum educi nunquam possit. Si enim omnino fieri posset, ut per partes productum actū euaderet infinitum, quæ iam ratio prohiberet, quominus ipsum simul actū constaret infinitum? Nam vicissim & per partes reipsa infinitum constare, & veluti vnitate vna deinceps post aliam connumeratum, in ortum actū educi, multò magis eorum est, quæ fieri nō possunt, quān si simul, & confertim infinitum in natura rerum constare dicatur. Si namque simul & cōfertif cōstet, fortasse non erit necesse per vnitates singulas percurri, & tāquā enumerari. Per partes autē si fiat, & ita alia post aliā in naturā producatur vnitas, ut postea actū infinitū euadāt vnitates, etsi non simul & confertim infinitū ipsum const

constiterit, propterea quod aliae partes ipsius iam corruptae sunt, aliae autem adhuc sunt, huiusmodi tamen factum est, ut percurri potuerit. Illud quod fieri nullo modo potest. Nempè quod infinitum est veluti per singulas vnitates connumeratum percurri etiam si sempiternum id sit quod enumerat. Nam quod infinitum est natura sua, pertransiri non potest. Alioqui enim infinitum non esset. Si itaque infinitum percurri nequit, per vnumquodque autem indiuiduum progressa generis successio, & continuatio per infinita indiuidua ad ea peruenit, quae nunc sunt, percursum sanè est infinitum. Quod fieri non potest. Non igitur immensus eorum, quae antecesserunt, indiuiduorum est numerus. Generis enim continuatio ad nos usque non peruenisset. Percurrere siquidem id, quod infinitum est, eorum est, quae fieri non possunt. Præterea, si sine principio Mundus fuisset statuat, omnino annorum numerus, qui, verbi gratia, ad Socratem usque præcessit, fuit infinitus, illi autem numero adiuncti, ii qui à Socrate ad hoc usque, tempus sequuti sunt anni, quiddam infinito maius efficiunt. Quod fieri non potest. Et hominum, qui antea fuerunt, numerus erit infinitus. At verò & equorum, qui antecesserunt, iudem infinitus. Adhuc infinitum igitur duplicabis. his si canum numerum adieceris, infinitum rursus triplicabis. Et ita reliquorum indiuiduorum si numerus quisque adderetur, saepius multiplicabitur infinitum. Quo nihil dici potest obtusius. Nam infinito maius nihil esse potest, nedum multiplicatum ipsum concesserimus. Si igitur quia Mundus ortu carere dicatur, hæc absurda, & pleraque alia euenire necesse est, ut nos alias docebimus, fieri certè non potest, ut ortu & initio careat Mundus. Nam ita eueniet ut infinitum percursum sit & re ipsa constiterit. Atque semper infinitum amplificari erit necesse: & semper seipso maius euadet. Atque saepius, ne dicam infinitè, infinitum erit. Quae igitur causa est cur Deus plura non procreet, eadem est cur ex æternitate Mundum non procrearet. Quod si fieri nequit, ut ex æternitate Mūdus procreetur, palā est certè quod nullus quaestioni relinquitur locus, cur non prius constiterit. Quantò enim cogitatione longius progrediemur, tantò magis mentis nostrae cogitatione præuertet consistentiae Dei æternitas, quae principium nullum agnoscit. Et ob id rursus nihilominus eadem relinquitur dubitatio, quare non adhuc prius constiterit. Quod si quis ambitiosè huic rationi repugnans, non ad infinitum causam referret, cur plura facta non sunt, quae naturae causa est accommodatissima, necessario: sed absolute ita dicat, non solum infinita fieri non potuisse, sed nec omnino plura: cum rerum procreandarum natura hunc tantum admittat numerum, qui fuit, huiusce rei sanè causam nullam proferre poterit. Nam si tot res factae fuerunt, quid vetabat alias duas, verbi gratia, aut tres species in Mundo extitisse? Nam si homines, a sinu equo permiscuit, arte mulum effecerunt, & in volucris per multas formas commistas produxerunt, nonne absurdum est dicere Deum non posse, natura tantum duce, huiusmodi animalia in naturam producere? hic autem dico natura tantum duce, ut propter similitudinem formarum non opus fuerit homines differentes animantes componere ad horum procreationem, sed naturalem successionem in his, ut & in reliquis, retineri. Cur enim non potuit Deus seminales rationes continuationis horum animalium in natura

producere, cū humana arte & industria procreentur? Nam in aliis, vt tradit Aristoteles, perpetuā successione continuationē seruare cū vellet Deus, eo qui supererat modo totū suppleuit, dum perēnem generationē effecit. Quid igitur prohibebat huiusmodi animātibz, iis dico, quē hominū industria nascuntur, cōtinationis generis rationē naturaliter inferere? Tamen, etsi hoc cōcesserimus, nos certē nihil prohibet eadē vti defensione, cur ex æternitate Mundus non cōsisterit: ne re ipsa infinitū cōsisterit, & ne infinito quicquam esset maius: neue multiplicatū, & permeabile esset infinitum: hæc enim fieri nō possunt. Dicta est igitur causa cur cū probus semper sit Deus, nō ex æternitate Mundū procrearit.

III. E T aliōqui si probus Deus est, probus autem nulla in re tangitur inuidia, vt inquit sapiens Plato, & ob id res omnes in essentiam suam & in naturam produxit, cur nihil eorum quæ facta sunt, secum modis omnibus idem procreauit, vt eiusdem secum essentia & facultatis esset particeps? Aut enim cū id possit, non vult, & quod consequens est, quia blasphemum est, reticeo. Neq; enim inuidiam effugere possit. Aut omnino ideō non vult, quia non potuit. Verū hoc Dei arguet infirmitatem. Non enim fieri poterat, vt quicquam eorū quæ procreantur, idem esset cum æterna, non genita, & ipsius opifice causa. Aliōqui ipsemet Deus seipsum procrearet: & fieret, vt quod ortu caret, nasceretur, siquidem natura illa sua vi ingenerabilis est. Gigneretur autē, & iterum nasceretur, si quid eorū quæ generata sunt, eiusdem esset cum ipsa essentia. Quod si, quia nihil eorum quæ effecta sunt, idem cum opifice esse potest, neq; Deo probitatē adimic, neque quin sibi omnia persimilia efficere voluerit, inducit, neq; imbecillitatis & impotentia ipsi notam inurit: & nos certē cum Mundum nō sempiternum esse statuimus, neq; quin Deus perpetuō sit probus efficiamus, neq; effectricis eius facultatis imbecillitatem arguimus. Verū perpetuō Mundum esse non posse, cū propter eius quod procreatur, naturam, proposuimus: tum quia infinitū re ipsa consistere, aut permeabile esse non potest: tum quia id quod sit, vnā cum faciente æternitatem consequi natura non patitur. Nam si essentiam suam, & vt esset in natura ab opifice Deo accepit Mundus, cū nihil cum ipso penes essentiam cōmune haberet, quā fieri potest, vt ipse ex æternitate vnā cum Deo steterit? Nam quod semper est, quomodo ad ipsum esse produci possit? Præterea, si modis omnibus opus cedit opifici, & substantia, & viribus, & actione, planē necessariō consequitur vt ipso etiā esse cedat, & posterius sit. Nullam enim neq; naturæ, neq; artis procreationē esse videmus, in qua causa non antecedit id quod oritur de causa. Nam quas nobis, vt Mundus simul cum Deo sit sempiternus, proferunt imagines, dum probare sibi vidētur, effecta esse nonnulla, quæ simul cum causis suis cohæreant, nihil video quid habeant cōmune cum eo quod in disquisitionē nobis est propositū. Sol enim, aiunt, cū causa sit luminis, ipso suo esse efficit lumen, neq; sole lumen prius est, aut posterius: neq; cōtrā sol lumine. Et quæ in lumine sunt corpora, cū ea vmbra sunt simul quæ ab ipsis educitur, & cuius sunt causa.

V. E G O verō secundum horum exemplorum, ne verbis quidem, vt reprehendatur dignum esse puto. Quis enim nescit vmbra nihil esse aliud, quā lūminis priuationem? Priuatio autem per se est id quod non est, vt paulō antē docuimus.

cuius. Quis igitur, qui sensu non careat cōmuni, dixerit corpus, quod est in lumine, eius esse causam, quod per se non sit, atq; ipsum producere? Nam quod nō est, nō gignitur. generatio enim rei est quę sit. Neq; enim quia luminis priuatio nomine significatur, cūm vmbra & tenebras ipsam nuncupamus, ideo essentiā aliquam & formā habere existimare debemus. Nam visus priuatio, nomine aliquo designatur, dum cæcitatē ipsam nuncupamus. Et eum qui peruersis est pedibus, & progressione, quæ corū ministerio perficitur, est priuatus, claudum appellamus, nemo tamen dixerit speciē aliquam, & essentiā esse cæcitatē, aut hanc ingrediendi priuationem. Neque igitur luminis priuationem, seu ea tenebrarum, seu vmbraē nomine designetur, speciem aliquā esse arbitramur. Propositum autem nobis erat ad disquirendum, an eorum quę sunt, quidpiam sit, quod cūm per effectricē rationē ab alio acceperit, & vt esset, & vt in natura constaret, nō sit posterius eo quod ipsum produxerit? Vmbra aut luminis est priuatio, quę per se nō est res quę sit. Quī igitur corpus causam vmbraē efficientē esse dicit, perinde dicit ac si mortē eius quod nō est, causā esse diceret. Quēadmodū igitur id quod nō est, nō naturā aliquā consistentē, sed eius quod est, priuationē tantū esse intelligimus, sic & vmbra luminis solā esse priuationē, nō aut naturā vllā esse consistentē, informatā specie, & quę ē corporibus effecta sit, persuasum habemus. Quī fieri igitur pōt, vt quisquā luminis interitū, ab obiectis corporibus prouenientē, imaginē esse dicat mūdi procreationis à Deo, & eius in natura cōsistētiæ? Iam verò & illud apertū est, iis certē, qui in Mathematicis sunt acutiores, quod neq; ex toto verū est, corpus quod sit in lumine, vmbraē necessariō emittere. Nā si cōiugerit vt sol in eo sit pūcto, quod corpori respōdet ad verticē (quēadmodū apud eos interdū fieri solet qui in iis locis habitāt, tū quę æquatori subiecta sunt, tum quę ad tropicū æstiuū vsq; producūtur) palā est quòd sine vmbra sunt corpora subiecta, ea certē quę terris cōtinuata sunt, & eam ita contingūt, vt aēr nullus interiectus sit, in quo vmbra & tenebræ stare suapte naturā solent, quēadmodū & lumē. Nā in quo lumē constat, in eodē stāt & tenebræ, vt in libris de anima etiam Aristoteli est visum. Quare aliquo tempore est opus, vt dum sol in puncto est quod vertici respondet, inde discedēs ad latera vmbraē locum faciat, quo radii non incumbunt. Et ideo terra in iis partibus est sine vmbra, ad quas radii perueniunt, & ad eas paulatim vmbraē emittit, vnde solis radii sensim se subducunt. Quare etiā si vmbra per se res esset, non tamen eius quod inquirimus, imaginem referre possit, neque omnino vnā cum corpore quod in lumine est, vmbra coheret.

Ad illud autem exemplum quod à sole sumptū est, hoc respondemus. Gemi VI. num omnino est lumē, vnum quod in ipso solis globo coheret. Alterū quod per aerē est diffusum. Illud igitur quod in ipso solis globo naturam & essentiā suam obtinet, ad solis speciem perficiendam, & eius naturam explendam omnino pertinet, vt in consensu est apud omnes. Vnumquodque autem suum esse, & suam substantiam ab ipsa forma habet & specie. Nihil verò sui ipsius efficiens est causa. Neque igitur sol sui est effector luminis, cūm ab ipso sit informatus, & ab eodem vt sit, obtineat. Quare si quis Mundum essentiā opificis exple-re dixerit, omnino fatebimur, sic Mundum affectum esse ad Deum, vt ad solem

se habet quod in ipso est lumen. Verum hoc modo Deus Mundi procreator non erit. Quoniam neque sol eius luminis est opifex: quod substantiam ipsius informat. Siquidem sol non se ipse procreauit. Quod si remota & à diuina natura aliena ea sunt omnia quæ per opificem rationem ab ipsa in naturam producta sunt, non sane ut lumen, quod in sole est, cum ipso sole comparatur, sic proportionem Mundi cum procreatore comparari potest.

- VII. ILLVD autem quod per aërem diffusum est lumen, non semper idem constat. Nam interitui subiectum esse in confesso est. Ipsum enim tenebræ excipiunt. Nam neque idem constanter manet: sed in ipso gignendo habet, ut sit & constet: perinde atque motus & tempus. Vnde cum primum quod illustrat corpus diffusetur, statim & quod erat in aëre, eò deficit ut non sit amplius, perinde atque si quod moueatur nihil sit, neque motus erit, neque tempus. Quare neque id verum est cuius gratia luminis & solis imaginem assumpserant. Nempe aliquid esse quod gignatur ab alio, nec sit efficiente posterius. Vnde efficitur, ut si non semper lumen idem manet, proculdubio ei quod nunc semper in aëre nouum gignitur, lucidum corpus antecedere est necesse. Nam aliàs aliud per continuitatem quandam à lucido corpore lumen defluere solet, perinde atque aqua de fonte scaturire. Ipse autem effector Mundi Deus, Mundum unum, ut ait Plato, vni genam in naturam produxit. Quare quicquid tandem sit lumen illud quod in aëre diffusum est (nam magna est de eius essentia inter autores controuersia) seu illuminantis actus sit corporis, seu species, seu aëris affectio, quoniam non unum & idem numero semper manet, sed aliàs aliud efficitur, ea quæ à sole fit in aëre luminis procreatio, probare certe quid possit, quod conferta aliqua sit procreatio, quæ non in temporis productione fiat, quemadmodum, verbi gratia, in tanto tempore hominem procreat, & effingit natura, & item repentinæ rerum productionis, quæ à Deo una cum ipsa conceptione perficiatur, imaginem referre possit. Quod autem una cum efficiente eternum sit id quod efficitur representare non ita possit. Cum enim unum sit quod illuminat, aliàs aliud numero lumen efficitur. Quod autem lumen per aërem diffusum, obnoxium sit interitui, & aliàs aliud numero euadat, ipsa rei confirmat euidencia. Quin Proclus hoc ipsum in opere de lumine, clare docuit. Sic enim habet: Quod si lumen aliud in materia est, aliud expers est materia: pro lucidorum corporum ignis & solis varietate, illud quidem quod materia expers est lumen, interit quodammodo. Quod autem in materia est, quodammodo per materiata permeat. Nam nihilo magis totus aër nobis illustratus esse videtur à sole, quam ab eo lumine quod ab igne nostra paratur industria. Atqui cum nubes soli subiicitur, ab altera parte lumen intercipitur, neque ex toto lucet. Hæc igitur Proclus. Obserua igitur quod lumen interire, ut indubitatum statuit. Verum cum hoc confessum sumpserit, inquit, quid fiat ut si expers est materia, quod à sole manat lumen, intereat: & cum nubes subit sol ex altera parte omnino non luceat. Et paulo post rursus id hæc scribit: Quia enim fieri possit, ut lumen quod est in cælo, cum eo continuatum sit, & coherens quod est in aëre? Hoc enim perimitur, illud vero minime. Præterea illud à suo principio pedit, hoc autem interciditur, si ita res tulerit, & interdum non est. Ei porro quod perimitur, illud non est coniunctum & coher

& coherens, quod nequit interire. Nam quæ duo sunt eiusmodi, specie quoque sunt differentia. Quod igitur interire possit lumē, quod in aëre est, perspicuè docuit Proclus. Iam verò quod perinde atq; illud quod in aëre est, illud etiam intereat quod per cœlestes globos diffusum est, nec sit expers interitus, uti vult Proclus, apertum ex iis esse puto, quæ in Astronomia demonstrata sunt. Nam si vmbre terræ conus partem globi lunæ contingit, & hanc superat, ut luminum eius defectiones apertè confirmant, quando tota luna in vmbre terræ conum incidit, perspicuū est omnino lumen quod in cœlestes globos diffusum est, subiectum esse interitui. Nam si oberrans vmbre conus aliàs aliā lunaris globi partem occupat, nec in ea parte solis lumen lucere sinit, unde lunam obscurari & deficere contingit, palam est quod lumen eo diffusum non est expers interitus, uti vult Proclus, sed omnino subiectum interitui. Nam si totum cœlum substantiæ & naturæ est eiusdem, quod autem in prima & secunda sphaera lumen diffunditur, interire posse probatum est, & præterea lumen lunæ quod à sole suam, ut ita dicam, consuetudinem habet, apertè & gignitur & interit: confertum quidē in lunæ defectionibus, sensim autem in reliquo toto tempore, perspicuum sanè est quod in toto etiā cœlo interire possit. Quauis, quia superioribus globis semper adest quod illustret, nec quicquā incurrit quod eos obscuraret, propter continuatē, idem perpetuè & vnū lumen manere videatur. Quemadmodū si ignis proxima sibi semper aut illustraret, aut calfaceret, propter continuatam commutationē, qui in aëre ingeneraretur calor aut lumē, perfectionis carere videretur.

QVOD si quis quod in aëre lumen efficitur, non interire contendat, sed vnā cum lucido corpore circumferri, omniū maximè falsa est hæc opinio. Quoniam cum se soli nubes subiicit, id totū quod est infra nubem, obscuratur, eo corrupto lumine quod antè in aëre fuerat, quanquam sol demigrarit. Quare digressus, non circumfert secum lumen, sed illud, quod in iis erat locis, à quibus digressus est, perimitur: aliud autem in iis locis gignitur, ad quæ sol accessit. Iam verò etsi vnā cum sole id quod in aëre est lumen, circumferri quispiam concesserit, certè à lucido corpore separari omnino non poterit. Quod si verum est, eius aut forma, aut affectio erit. Hoc autem si cōcessum semel erit, adhuc magis aliena ab instituto erit similitudo. Nam sol lumen ita habet, ut ab eo separari non possit, ut quod ex eo formam suam ac speciem nactus sit: formæ enim ac species à subiectis suis reuelli non possunt: opera autem artificis substantiæ formæ ac speciem non tribuunt. Sol igitur, luminis effector non est. Nam subiectum nullum eius speciei efficiens est causa, à qua completā suam habet substantiā. Quinetiā neq; est quicquā, quod affectionē propriā, aut accidentia, quibus est præditum, soleat efficere. Idem autē dixerimus, si secundū Plotinum, lumē est actus lucidi ad alia progrediens. Quare, inquit, præsentē agente, actus quoque præsens adest: digressio autē illo, & hic simul digreditur. Nam si lumen, quod in aëre est, actus est solis, aut eius complet essentiam, aut non. Si igitur eius perficit substantiam, cum sole necessariò semper adest. Nam quæ rerum naturas complent, cum ipsis semper sunt necessariò. Porro Mundus vim & naturam opificis non complet. Non igitur ita comparatur cum Deo Mundus, ut cum sole lumen.

Quodd si luminis actus ad solis vim, & substantiam perficiendam non pertineret, cogitatione saltem hunc actum non esse conciperemus. At hoc fieri non potest. Nam si præstò sunt perlucida, aut omnino ea, quæ lumen recipere possint, fieri non potest, quin hæc sole præsentē lumine collustrentur. Nam si ipso præsentē non illuminantur, neque sol esse dicitur. Præterea, si lumen in aëre actus est solis, hoc solis naturam & essentiam complere omnino est necesse. Si verò lumen est solis affectio (quæ omnium, quæ de lumine feruntur; mihi opinio videtur esse verissima) translucidi erit immutatio, aut omnino eius quod lumen suscipit. Sic enim in secundo Commentario de anima Aristoteles pronuntiauit: eius enim verba sic habent: Lumen actus est huius perlucidi, quia est perlucidum. In quibus autem hoc facultate inest, in iisdem sunt & tenebræ. Lumen autem veluti color est perlucidi, quando actu fuerit perlucidum ab igni, aut simili corpore, cuiusmodi est corpus superum. Hoc enim vnum his & idem inest. Quid igitur sit perlucidum, & quid lumen, diximus. Hæc ergo de lumine prodidit Aristoteles. In quibus euidenter speciem quandam, ac perfectionem translucidi lumen esse dixit. Si igitur in aëre & in aqua, & eius generis corporibus est perlucidum, nimirum lumen affectio est, quæ hæc corpora immutare potest. Cum igitur hoc ita se habeat, nihil est miri, si cum vnum idoneum sit ad agendum, & alterum ad patiendum, vbi primum hæc simul præstò sunt, vnum agat ut alterum patiatur. Nam ignis aëri admotus, qui facultate calidus est, ipsum immutat, & actu calidum reddit. Neque verò res aliena aut peregrina videri debet, si vbi digressum est lucidum corpus, statim obliteratur & euanescit, quod in aëre lumen erat. Nam igne recedente, is etiam deficit, qui in aëre calor erat. Hoc vno differunt, quodd celeris, atque adeò temporis puncto, luminis sequitur interitus, sicut & procreatio. Si sol igitur per commutationem perlucidum immutat, Deus autem est, qui substantias ipsas in naturam profert, immutatio autem ab ortu & procreatione differt: aut doceant in absolutè dicta procreatione, hoc est, in ea, quæ substantiarum est, vnà cum causâ simul esse effectum: aut concedant etiam Deum effectorem non esse, nec ipsarum substantias procreare, sed quæ secum sempiterna sint, tantum immutare. Aliòquin effectum vnà cum causâ sempiternum esse, hoc argumento non conficiunt. Nam si affectio in aëre, & in iis quæ lumen excipiunt, aliàs alia efficitur, neq; numero est vnum, quod in ipsis ingeneratur lumen, siquidem interitui subiectum est, tum ut probatum est, tum ut sentit ipse Proclus, conficitur, ut non vnum & idem maneat cum sole lumen: quemadmodum neq; cum igni vnus & idem manet, qui in aëre ex ipso suscitatus est calor. Siquidem & sol vnus, & ignis vnus, lumen autem in aëre aliàs aliud, & calor itidem alius atque alius excitatur. Ex hisce igitur hoc modo confirmatis, perspicuum factum est, lumen & solem nullam referre similitudinē, quæ conficiat fieri posse, ut opus vnà cum efficiente causâ ex eternitate constet. Ipsorū igitur euanescit ex falsâ imagine adlata probabilitas. Aliòquin, doceant aliquod esse opus, quod simul ac eius est opifex, ipsum quoq; constet. Aut cum omnia quæ fiunt, tēpore posteriora sint efficientibus, seu artis seu naturæ illa sint, necessariò cōficitur, ut vnà cū Deo Mundus sempiternus esse nō possit.

PROCLIDIA DOCHI

Argumentum secundum.

Si sempiternum est Mundi exemplum, & in hoc Mundo vis est naturæ & essentia, vt exemplum sit, neque fortuito aut per accidens, sed per se hanc habet vim, cum, quod exemplum est essentia sua, id æternum sit sua vi, ex æternitate certè exemplum erit. Quòd si exempli naturæ hoc inest vt ex æternitate sit, necessariò imago quoque semper erit. Nam cum imagine exemplum comparatur. Quòd si non erat, quando imago non erat, neque erit vnquam, quando eadem non erit: ne exemplo idem eueniat. Nam aut neque sit exemplum, si imago non sit, aut certè non imaginis exemplum. Eorum enim, quæ inter se comparantur, & sub eandem rationem cadunt, vnum esse non potest, si alterum non sit. Quare si exemplum ex æternitate exemplum est, semper est & Mundus, nempe simulachrum æterni exemplaris.

Capita solutionis secundi Argumenti.

Quòd ex duabus hypothesibus secundum Procli argumentum coagmentatum sit: Platonica una, quæ habet ad exemplum æternum factum esse Mundum. Altera, quam Proclus vt Platoniam posuit, cum Platonis non sit, nempe in hoc Mundi exemplum essentiam suam habere, quòd sit exemplum.

Quòd inter Aristotelem & Platonem controuersa sit Idearum hypothesis, cum Plato rerum Ideas & formas esse constituat, Aristoteles autem hypothesin hanc euerat.

Quòd etsi Platonis Idearum hypothesin veram esse concesserimus, non tamen verum erit, quòd sentit Proclus, Ideas in eo suam vim & naturam habere, vt sine exempla, cum eas Plato substantias esse dicat.

Quòd si hæc non est vis & essentia Idea Mundi, ad quam ipse factus est, vt sit exemplum, nulla relinquitur necessitas, cur Mundus sit æternus, si sempiternum est exemplum, ad quod productus est Mundus.

Quòd etsi Ideas & formas non substantias esse quis constituerit, sed rationes efficiendi potentes secundum quas, ea quæ sunt, facta sint, ne sic quidem vilo modo erit necesse, cur una cum huiusmodi rationibus sint & opificia: sed contrà potius, hæc rationes rebus antecedere oportet. Vbi etiam docetur, quòd vsque ad ea, quæ maximè sunt indiuidua, ipsa Dei fabricatio & cognitio pertingit.

SECUNDI ARGVMENTI

PROCLIS SOLVITIO.



VM Plato rerum Ideas & exempla esse statuat, ad quas opifex, & fabricator omnium Deus respiciens, tum Mundum, tum ea quæ in Mundo conspiciuntur, vt simulachra & imagines tanquam ex archetypis quibusdam effecerit, atque ad hoc Mundi exemplum sempiternum esse dicat, Proclus hoc Platonis vsus est axiomate, & ipse aliam adiiciens hypothesin: Quòd in hoc ipso formæ & Ideæ rerum suam habent essentiam, quòd exempla sint. Id quod

Platonem scripsisse nusquam adparet. Ex his igitur duabus positionibus conficit Mundum necessario semper esse. Eorum enim quæ inter se conferuntur, imaginem esse & exemplum. Quæ autem inter se conferuntur & sub eandem rationem cadunt, simul & ponuntur & perimuntur. Quare, inquit, si æternum est Mundi exemplum, & hæc est eius vis & essentia, ut sit exemplar, neque in alio suam vim & naturam habet, quam ut sit exemplar, exemplar autem, simulachri est exemplar, omnino necesse est simulachrum, cuius est tale exemplar, hoc est mundum, semper esse. Nam si imago non sit semper, neque exemplar erit sempiternum. Si igitur aperte Plato alterum pronuntiavit, mundi æternum esse exemplum, alterum quoque necessario concedit, semper esse Mundum, nempe simulachrum æterni exemplaris. Sic igitur habet secundum Procli Argumentum.

- II. NOS autem, quibus non tam Platonis hypotheses, quam res ipsæ studio esse debent, non prius huic argumento occurrere decet, quam ea, in quibus philosophi de Ideis dissentiant, dissoluerimus. Quis enim nescit, quanta de hac re inter primarios philosophos conflata sit pugna? Nusquam non enim in suis scriptis Platonis discipulus Aristoteles hanc de Ideis præceptoris sui hypothesin vincentibus rationibus impugnavit: præcipue tamen in metaphysicis, ubi primum librum terminavit in hac de formis opinione corrigenda. Ibi enim Platonis de rebus philosophiam recensens, Platonem dicit, quia perperam Socratis opinionem accepisset, in hanc de Ideis opinionem incidisse. Eius autem verba sic habent: Post has autem Platonis successit disciplina, quæ in plerisque hos quidem est sequuta: nonnulla tamen habet propria, præter ea quæ Italici philosophi sunt. Nam cum recens cum Cratylo esset versatus, & Heracliti opinionibus assuetus, perinde ac si ea quæ sub sensu cadunt, omnia semper in fluxu essent, nullaque de ipsis haberi posset scientia, hæc ita se habere etiam in posterum est arbitratus. Cum autem Socrates relicta in totum naturæ rerum explanatione, ea, quæ ad mores pertinent, modò tractaret, & in his quod univèrsum est, quæreret, primus ad definitiones animum aduertit. Hunc amplexatus Plato, definitiones eiusmodi non vlla de re, quæ sub sensum caderet, sed de aliis semper fieri putavit. Fieri enim non posse, ut vlla communis definitio vlla de re sensibili assignaretur: cum res huiusmodi mutationibus sint semper obnoxia. Itaque factum est, ut res illas, Ideas & formas appellaret: quæ autem sub sensum cadunt, ab his formis esse diversa, & secundum has omnia dici. Multa enim, quæ alioqui synonyma sunt, eodem nomine cum hisce formis harum participatione dici. Aperte igitur in hisce Aristotelem audiimus palam profitentem, quod cum Socrates primus ad viam & rationem definitionum animum adplicuisset, & eas quæ in rebus, quæ sensu percipiuntur, visuntur, communionem inquireret, & definiret, ut quid sit absolute nomine dicta scientia, quæ communiter in singulis scientiis cernitur, ut, verbi gratia, in Astronomia, in Geometria, & in reliquis. Quid item simpliciter honestum. Quid iustum. Et ad hunc modum in omnibus. Hanc igitur Socratis methodum & rationem cum libenter Plato probauisset, putavit Socratem non de iis, quæ sub sensum cadunt, neque de iis commu-

communionebus, quæ ipsi infunt, sed de aliis quibusdam separatis verba facere. Cum enim, inquit, Heracliti opinionem sectaretur, nullius rei sensibilis definitionem, quando neq; scientiam, esse putauit: in fluxu nempe & mutatione perpetua essentiam suam habere, neque statum aut terminum ullius esse rei, quæ sentiantur. Hinc in Timæo, gigni & interire dicit quæ sub sensum cadunt, omnia: reuera autem nunquam esse: sed opinione cum rationis carente sensu, nō scientia comprehendi. Ob id igitur communione definitiones de quibusdam separatis rebus, quæ ab iis essent diuersæ, quæ sensibus accipiuntur, à Socrate fieri arbitratratus, formas & sensibilibus exempla nuncupauit: quorū participatione quæ sub sensum cadunt, iisdē cum illis nominibus appellarentur. Animalis enim nō mine cum ipsa animalis Idea, tum ipsum quod sensu percipitur animal, appellatur. Par est hominis ratio, honesti, iusti, & reliquorum. Ex quibus facile est cerne-
re Aristotelis orationem contra Platonem, non eos reprehendere, qui perperā Platonis dicta acceperunt, vt recentiores nonnulli fabulati sunt, quia Philosophos discordes dicere verentur: verū directō Platonis opinionibus contradicit. Nam si non Platonis decreta de Ideis impugnaret Aristoteles, sed eos, vt volunt, tantū reprehenderet, qui Platonis dicta malē intelligunt, primū, hoc ipsum definire debuit, ac non simpliciter, & indefinitē Idearū opinionem reprehendere: sicut in ipsis, quæ eius protulimus, verbis, non Socratem reprehendit, cum rerum, quæ sentiuntur, communitates definit, sed Platonem ipsum, qui Socratem non rectē intellexerit. Inuenias autem ipsum in suis scriptis nusquam non hoc vsum esse genere doctrinæ. In scriptis enim Physicis, quando naturæ interpretibus, qui ipsum præcesserunt, in iis contradicit, quæ de principiis rerum censuerunt, nō principia & elementa rerum esse negauit, sed cōfutatis veterum de initiis rerum hypothesibus, suam sententiam ipse nobis explicauit. Itidem in libris de anima, cum perperam de anima sentientes corrigit, non omnino animam sustulit: sed eam ita, vt illi censebant, esse negauit. Sic & in his, quæ de accretione & ortu conscripsit, loci & temporis, & reliquorum omnium falsis primū sublati opinionibus, eas, quæ sibi veræ videntur, ponit & constituit. Oportuit igitur & in Idearū disputatione, si quidem eas ita vt Platoni videtur, esse arbitrabatur, non omnino ipsarū euertere hypothesin: sed docere, quomodo nonnulli doctrinam Platonis perperam acceperunt: & vicissim, quæ de ipsis vera sit opinio, explicare. Id quod ipsum nusquam fecisse apparet: sed contrā, præter quā quod reprehendit, in multis etiam hanc de Ideis ridet opinionem. In Secundo enim de demonstratōe, Valeant, inquit, formæ: strepitus enim sunt ci-
“
cadarum, hoc est, voces tantū, & verborum strepitus, significationis rerum
“
prorsus inanes. Et rursus in Primo Metaphysicæ disciplinæ: Verba inania, &
“
Poëtarum translationes, eam disputationem esse pronuntiāuit, quæ de ipsis insti-
“
tuitur. Adde quod & in Ethicorū principio, in harum reprehensionem ingressurus, aduersus præceptorem, reprehensionis calumniam deprecatus, prius se vecundē purgauit, dum harum inquisitionem difficilem esse professus est: quia homini amico (Platonem intelligit) necesse haberet contradicere. Verū
“
etsi, inquit, amicus sit Plato: sanctum tamen, amicitia veritatem, anteferre. “

“ Et æquum est, inquit, Philosophos non solum aliorum hypotheses, ut retineatur veritas, reprehendere: sed suas etiam ipsorum, si quidem repertæ fuerint veritati non consentientes. Eius autem verba sic habent: Melius autem fortasse fuerit, vniuersum bonum considerari, quoque modo dicatur, exquiri. Quæ nobis etsi difficilis existit quæstio, quia amici sunt, qui Ideas induxerunt: tamen melius est, & decet, veritatis retinendæ causâ, sua etiâ decreta tollere, Philosophos præferim. Nam ut ambo chari sint, veritatem pluris facere, sanctum est. Cæterum & ipse Proclus, cum in multis aliis Philosophorum discordiam in Idearum hypothesis eximiâ esse syncerè est confessus: tum in Opere quod inscripsit, Observationes eorum, in quibus Platonis Timæo contradixit Aristoteles. Nam in primo capite hæc habet ad verbum: Aristoteles vel ipso exempli nomine offenditur, cum metaphoricum & per translationem dictum esse dicat. Multo magis tamen contra id decretum, quod absolute Ideas inducit, pugnare videtur: & præcipue contra ipsum animal, ut scripsit in Opere Metaphysicorum. Videtur autem nullum Platonis decretum vir ille usque adeo esse auersatus, ut Idearum hypothesis: cum non solum in Logicis inanes strepitus, formas appelleret, sed in Ethicis ipsum bonum impugnet: & in Physicis noli t procreationes ad Ideas referri: quemadmodum ipse in lib. de ortu & interitu scribit: & in Metaphysic. multo amplius, ut in quibus de principiis disserat, & longam producat Idearum accusationem, idque in prima, in media & in extrema illa tractatione, & in Dialogis aperitissimè clamat, se non posse huic doctrinæ assentiri, etiam si sint, qui eum putent per contentionem ambiguoè contradicere. Ad hunc igitur modum clara voce Philosophorum discordiam confessus est Proclus: imò verò eam ex ipso Aristotele comprobauit. Quare iure mirari licet excellentem eorum impudentiam, qui hac in re Platonem & Aristotelem concordēs esse docere conantur. Nonne igitur superuacaneum erit, nos ei argumento contradicere? quod tantam peperit controuersiam inter ipsa lumina Philosophorum. Nam & qui hisce successerunt, suæ sectæ duces, & quasi præfultores sequuti sunt. Ne reprehensiones tamen refugere videamur, cum aliòqui receperimus, nos Platoni assensuros esse in iis, quæ de Mundi procreatione scripsit, Idearum hypothesis ipsius admittentes, videamus deinceps, an rectè Proclus acceperit, Idearum hanc naturam esse, & essentiam, ut sint exemplaria. Nam si hoc falsò sumptum esse docuerimus, Proclus ex Idearum hypothesis concludere non amplius poterit, Mundum ex æternitate cum suo exemplari stetit. Neque quòd Plato, quia Ideas constituerit, Mundum sempiternum esse sit arbitratus. Reprehensionum autem hoc esto nobis initium.

III. RERVM, quæ sentiuntur, Ideas & exempla aut substantias, aut non substantias esse, est necesse. Quare si substantiæ sunt, ut censet Plato (non solum enim substantias, sed etiam primas substantias ipsas esse dicit. Nam Mundi exemplum, per se animal, & perfectum animal appellat, quòd reuera sit, & semper in eodem statu, & eodem modo se habeat. Et aliòqui si exemplaris imago per se consistens res est, & substantia, multo magis ipsum archetypum esse substantiam, & per se constare oportet) si, inquam, formæ sunt substantiæ,

tiæ, patet non in relatione ad id, quod alio indiget, vt sit, suam habere essentiam. Per se enim & sua vi constans res est substantia, & quæ nullo alio indiget. Si igitur sensibus perceptæ substantiæ, & illarum formarum imagines ipsæ per se constant, nec in relatione ad aliud suam habent vim, & naturam, omnium certè minime, primæ illæ substantiæ, quæ semper sunt vniuersimodi, & eodem modo se habent, in relatione ad aliud suam essentiam obtinebunt. Quare si Mundi exemplar est substantia, per se & non in comparatione cum altero suam vim habeat oportet. Vnde efficitur, vt non hæc eius sit vis & ratio, vt sit exemplar. Exemplar enim eorum est, quæ cum aliquo conferuntur, vt ipsemet Proclus profiteatur. Imaginis enim & simulachri dicitur exemplar. Nulla autem substantia in iis est, quæ cum aliquo conferuntur. Præterea, si eorum, quæ ad aliud referuntur, sunt formæ, vt Proclo videtur, & hoc est ipsarum esse, & natura, vt conferantur cum iis, quæ sensibus percipiuntur, quorum sunt exemplaria: quemadmodum hæc est vis & natura dextro, vt ad sinistrum referatur: & domino, vt ad seruum: quæ autem ad aliud referuntur, non substantiæ sunt, sed accidentia, quatenus certè ad aliud pertinent, neque certè Ideæ erunt substantiæ. Non igitur ad aliud pertinent, aut referuntur. Porro exemplar in iis est, quæ cum alio conferuntur. Quare non hæc est vis & natura exemplari Mundi, vt sit exemplar, & vt ad imaginis suæ, hoc est, Mundi relationem, suam rationem obtineat. Præterea, si de numero eorum, quæ cum aliquo conferuntur, sunt Ideæ. Quæ autem cum aliquo conferuntur, propriam coherentiam non habent, sed in aliis suam habent essentiam, vt in categoriis est ostensum. Aut enim in substantia, vt pater & filius: Dominus & seruus. In hominis enim substantia horum relatio cohæret. Aut in qualitate, vt magnum & paruum: vt maius & minus: duplū & dimidium. Aut in qualitate, vt candidius, vt dulcius, vt sapientius. Aut in aliqua reliquarum categoriarum. Necesse est igitur & Ideas, si quidem de eorum sunt numero, quæ ad aliud referuntur, in aliquo alio subiecto cohærere, & itidem Mundum. Nam & ipse in iis erit, quæ ad aliud referuntur. Quemadmodum enim Mundi exemplum, in eo, quod sit exemplum, habet essentiam, ita sanè exemplaris quoque imaginem, nempe Mundum, necesse est, quia est imago, suam naturam & essentiam obtinere. Imago autem eorum est, quæ ad aliquid referuntur. Mundus igitur, secundum suam ipsius rationem & naturam in iis erit, quæ pertinent ad aliud. Quæ si sic se habent, accidentia & non substantias, tum Ideas, tum Mundum esse oportet. Sed ponitur ipsas esse substantias: & Mundus aperte est substantia. Non igitur in iis sunt, quæ ad aliud referuntur. Præterea, quæ ad aliquid sunt, sub opposita cadunt. Nulla autem substantia sub opposita venire potest. Non ergo ad aliquid sunt substantiæ, formæ autem substantiæ sunt. efficitur ergo, vt ad aliud non referantur formæ. Exemplar autem ad aliud refertur, vt dictum est: imaginis enim exemplar dicitur. Non in hoc igitur suum esse habent formæ, vt sint exemplaria. Quare si substantiæ sunt, necessariò conficitur, per aliud quiddam suam ipsis inesse substantiam, & per aliud esse exemplaria.

Q V O N I A M igitur non in eo, quòd exemplaria sunt, formæ habent IIII.

vt sint, & constant, certè non est necesse, si Idea ad quam Mundus est factus, æterna est, protinus Mundum quoq; esse sempiternum. Plato enim hominem & Mundum tanquam politicæ felicitatis exempla esse dicit: & eadum, qui in ipsis visitur, ordinem, dum is respicit, qui verè politicus est, ciuitatis res bene digerere, & ordine distribuere. Quemadmodum igitur, quoniam cœlo non in hoc est essentia, vt sit politicæ felicitatis exemplar, non necesse est, quando est ordo in cœlo, protinus huius quoq; esse simulachrum, nempe beatam ciuitatem: ita planè vt sempiternæ sint formæ, quoniam non in hoc ipsis sua est essentia, quòd exemplaria sunt, cum non ad aliud referantur, sed sint substantiæ, non prorsus est necesse, harum imagines, eas dico, quæ sentiuntur, semper esse substantias. Necessarium enim in hisce contraria reciprocatione commeat. Nam si est imago, exemplar esse necesse est. Non tamen si exemplum sit (dum non sit vt exemplar, sed quia est etiam substantia) imaginem esse oportet: regiæ nanque imaginis rex ipse est exemplum, non tamen est necesse, statim vt rex est, ipsius esse imaginem: quoniam per aliud quiddam regi inest, vt rex sit: per aliud autem, vt sit imaginis exemplar. Quando enim est exemplum, tunc omnino est imago. Sicut cum factus fuerit pater, vnà prorsus intelligitur & filius. Non tamen simul ac rex, protinus est & imaginis exemplum. Quemadmodum neque vbi primùm quis homo est, protinus est & pater, aut dominus, aut dexter, aut aliquid eorum, quæ ad aliud referuntur.

V. H AE C sunt igitur, quæ conficiuntur, si Ideas substantias esse posuerint, sicut Platoni videtur. Sin autem non substantias ipsas esse dicent, sed notiones & effectrices quasdam rationes, secundum quas opifex, ea componit, quæ sunt. Quid enim aliud sint, si quidem substantiæ non sunt? ne sic quidem villo modo videbitur esse necesse, vt vnà cum rationibus artificialibus simul ea sint opera, quæ fiunt secundum eas. Hic enim rursus contraria reciprocatione se habet necessarium. Nam si opera sint, necessariò rationes erunt, secundum quas ipsa facta sunt. Non tamen res retrorsum commeat. Neque enim rationes ipsas opera necessariò consequuntur. Quoniam & domorum & nauium fabricatorem esse licet, qui nauis aut domus alicuius rationes & notiones contineat, nondum tamen secundum eas fabricetur. Hisce enim rationibus sua in eo est essentia, quòd notiones sunt aliquæ. ipsis autem accidit, vt tum exemplaria sint, cum ex ipsis opifex aliquid effecerit. Cum igitur non prorsus vnà cū rationib. artificialibus, illa sint opera, quæ secundum eas efficiuntur, nihil verat, si opifices Mundi rationes sempiternæ sint, non semper esse Mundum. Quòd autem necesse non sit, vnà cum effectricibus rationibus, simul esse res eas, quarum sunt rationes, sed contrà potius, rationes rebus antecedere, hinc didiceris. Deum futura prænosceret, nullus est, qui non confiteatur. Et apud Græcos in plerisque locis, vaticiniorum atq; oraculorum templa excitata sunt in quibus prauus aliquis demon veras Dei prænotiones ementitur. Res tamen omnes diuinam sentire Prouidentiam, neque quicquam Deo esse neglectui, communis est omnium animis insita sententia, eorum præsertim, qui, vel leuiter, Dei bonitatem & potentiam ineffabilem agnouerunt. Atque eadem hæc nobis Proclus ipse confiteri videtur,

in eo Opere, quod de decem contra Prouidentiam dubitationibus, composuit. Hæc enim habet in illo: Cùm itaque Prouidentia vt dictum est, secundum ipsum vnum, & ipsum bonum definita sit, & bonum mentem præcedat (Mens enim bonum ipsum expetit, vt quod expetunt omnia, quæ sunt, non autem mentem ipsum bonum) necesse est prænoscentem cognitionem esse supra intelligentem, & ita Prouidentiam sua vnitatem omnia cognoscere, sicut omnia bona efficit, non solum, quæ intelligunt, sed etiam, quæ non viuunt: & tam ea, quæ sunt, quàm ea, quæ non sunt, dum se sua vnitatem repræsentat omnibus incumbens. Et paulò post: Vt summarim igitur dicamus, omnia procreandi, & omnia conseruandi vim habere vnum illud dicimus: vt quod omni substantia hyparxin & naturam habet veriolem, & quauis cognitione clariolem. Nec diuiditur cum iis, quæ cognoscuntur: neq; circa eadem mouetur. Animalis enim & intelligens cognitio horum habet proprietates. Et mens omnis vna, multa tamen & in sua essentia & in ipso intelligendo. Atque omnis anima cum motio sit, etiam cum morione intelligit. Illud autem cum in vno maneat spatio carens simul & indiuisum, omnia eodem modo intelligit: nec hominem solum & solem, & quod est huiusmodi, sed etiam rem quamque sigillatim. Nihil est enim, quod vnum illud effugiat, seu esse, seu cognosci dicas. Et iterum paulò post: Sic & Prouidentia in vnitatem cognitio, in eodem impartibili rerum omnium est quæ diuiduntur cognitio, tum earum quæ maxime sunt indiuiduæ, tum earum, quæ totius naturam maxime retinent. Et quemadmodum sua vnitatem rem quamque produxit, ita sua eadem vnitatem vnāquamq; cognoscit. Quod igitur prima omnium causa, quam res omnes expetunt (hæc autem est ipsum bonum & ipsum vnum. Nam huic soli primi nomen tribuunt, si quod certè omnino est verbum, quod de ipso liceat pronuntiare) etiam eas quæ inter ipsas res maxime sunt indiuiduæ, procreat & cognoscit: & ad omnia suam producit Prouidentiam. Proclum ipsum apertè dicentem audiuius: iam & Plotinus Philosophus in eo Opere, quod De iis, quæ mente percipiuntur, & de bono cōscripsit, persimilia de opifice, & prouidente Dei potentia hisce verbis enuntiavit: Attamen si quamque actionem non imperfectam esse oportet. Neque fas est Dei quicquam aliud arbitrari, quàm totum, & vniuersum. Oportet in re qualibet quæ ipse sit, omnia simul adesse. Quare ipsum quoque semper esse oportet. Vnde efficitur, vt sit necesse futurum, vt iam præsens adesse. Quapropter non posterius quicquam in illo. Sed quod iam illic præsens est, posterius in alio efficitur. Quare si iam adest futurum, necesse est ita adesse, vt quod mente anticipatum sit, & præuisum in posterum. Hoc autem est perinde, vt nulla re tum indigere: Atque hoc eius est, quod nulla re defecturum sit. Omnia igitur iam erant, & semper erant. Atque ita erant, vt postea dicamus propter hanc causam hoc esse factum. Extensum enim & quasi simplex factum potest ostendere, hoc post hoc esse factum. Illud autem omne, quod simul est, vnum id est. Hoc autem est id, quod in se causam continet. Plotinus igitur non solum præsentia, sed & futura per prænotionē Deo adesse dicit. Quod enim in iis, quæ oriuntur posterius producit, id in illo semper adesse testatur. Deinde modum sub-

ierit, quo Deo præsens adest futurum, nempe dum ea quoque intelligit, quæ nondum sunt. Necessè est enim, inquit, sic adesse, ut quod cogitatione anticipatum est, & præuisum in posterum. Quare si per prænotionem omnia etiam quæ nondum sunt, Deo perinde adsunt, ac si iam essent præsentia, nouit profectò ad quæ modum, & ad quas rationes futurum sit vnumquodque eorum, quæ sunt futura: & ubi quidque factum erit, quibus rationibus in qualibet ineundæ vitæ ratione: ea succedent: qua ab illa, quæ falli nequit, Prouidentia casura sint. Omnia, enim, inquit Plotinus, iam erant, & semper erant. Illud enim iam Deo adesse indicat, quæ in posterum futura sunt, antequàm facta sint. Ac nequis illud iam vilius principii significationem dare arbitraretur, subiicit, Et semper erant. Et sic, inquit, erant ut postea dicamus, hoc propter hanc causam esse factum. Hoc est, quorum ortus & procreationis causas, posteaquam effecta sunt, mente percipimus. Ut verbi gratia, quod propter rationis operationes, vnus omnium animantium homo manibus vititur, nempe quoddam rationi conuenientia instrumentum ipse opifex manus sit fabricatus. Hoc igitur posteaquam res ipsa extitit, nos cognouimus. Quapropter hoc ob hanc causam fieri in Dei cognitione semper antecessit. Idque non solum in vniuersis formis & toto genere, sed in iis etiam, quæ priuatim in singulis eueniunt, eadem valet ratio. Explicans itaque seipsum subiicit: Extensum enim, ait, & quasi simplex factum, hoc post hoc ostendere potest. Hoc est, deductum in generationem. Ut verbi gratia, quod post elementorum permissionem ac cras in efficitur coagmentatio, & immutatio, deinde conformatio, tum animæ immisio. Atque ad hunc modum in omnibus. Illud autem, inquit, omne quod simul est, id vnum est. Hoc autem id est, quod in se causam cõinet. Simul dicit, eo quod est in Dei cognitione. In illa enim omnium rationes ita habentur, ut partitionem nullam admittant. Hæc sunt igitur, quæ de ea Dei Prouidentia, quæ futura præuidet, ac prænoscit, tum ex omnibus hominum notionibus, tum ex Philosophis, quos produximus, comprobata sunt. Iam verò qualiscunque de facto concepta habeatur opinio (differentes enim de ipso fuerunt opinionationes) ipsum tamen vniuersas futurarum rerum causas cumulo sub vno ab initio tempus comprehensas habere, & easdem res futuras prædicere, & perficere posse, Græcis est hominibus persuasum. His igitur nobis constitutis & confectis, omnino est necessè per utramque opinionem, tum eam, quæ de Prouidentia, tum eam, quæ de rerum futurarum fato prolata est, iam cognitæ & perceptas rationes antecedere. Cum hæc autem se res habeat, cuius est apertum, non necessè esse, ut vnâ cum earum rerum, quæ fiunt, efficientibus rationibus & causis, ipse quoque res simul adsint: sed contra potius, omnibus quæ oriuntur, rationes ipsas antecedere, ex iis, quæ confirmauimus, necessariò intelligimus. Quare ut rerum Ideæ & exemplaria, notionem sint quædam & rationes opifices, secundum quas Mundum hunc produxerit, non necessariò conficitur, ex æuo sempiterno vnâ cum Dei de Mundo concepta cognitione, Mundum ipsum simul fuisse. Neque vlla ratio Platonem eo compellet, ut quia æternum Mundi exemplum esse dixerit, Mundum etiam sempiternum esse constituat. Demonstratum est enim, ipsas Ideas in eo suam vim & essentiam non habere, quod exempla sint.

PROCLI DIADOCHI

Argumentum tertium.

SI cuiusquam rei quis est opifex, is aut actu erit semper, aut ita potestate inter-
 tendum, ut non semper operetur. Si igitur actu opifex, semper est opifex, opus
 quoq; quod sit, semper efficietur. Quando enim, inquit Aristoteles, causa fuerit
 actu, tum quoq; eodem modo actu erit effectus: nempe si semper actu fuerit,
 qui ædificet, erit & quod ædificetur: Et si qui sanet, erit & qui sanetur. Et Plato
 in Philebo, testatur quod efficiens, alicuius quod efficiatur, efficiens est, non au-
 tem eius, quod effici possit, efficiens est: neque eius quod efficitur, vim & poten-
 tiam habet efficiendi. Nec, si quod efficitur, non sit actu, quod efficit, actu erit.
 Quod si actu non sit efficiens, potestate erit, nempe antequam agat efficiendi
 præditum facultate. Quicquid autem potestate quidpiam est, inquit idem, ab
 aliquo quod actu sit, ad actum deducitur. Ut, quod potestate calidum est, ab eo,
 quod actu sit calidum: & quod potentia est frigidum, ab eo, quod actu frigidum
 sit, in actum traducitur. Sic album, sic nigrum. Erit igitur opifex actu, qui prius
 erat potentia, ab aliquo qui actu sit, in actumeductus. Quare si ille semper actu
 autor est & causa cur hic sit opifex, hic quoq; semper erit actu opifex, per prius
 axioma quod dicit: Quandiu actu erit causa, tandiu actu erit & effectus. Quare
 id semper est quod efficitur. Quod si quando potestate tantum autor ille fuit,
 cur hic actu operaretur, rursus ille quoq; alio indiguit, à quo in effectum ipse-
 met produceretur, per secundum pronuntiatum quod habet, Id quod in poten-
 tia est, aliquo quod actu sit, indigere, ut ipsum sit actu. Atq; eadem rursus in hoc
 ratio valebit, ut aut in infinitum progrediamur, dum semper aliam ante aliam
 causam inquiremus; quæ propositam potentia causam prouehat in effectum:
 aut eò necessitatis compellamur, ut semper actu causam aliquam esse confitea-
 mur. Quod si receptum erit, necessario conficietur, actu semper esse, quæ oriun-
 tur de causis: & item Mundum semper effici: siquidem opificem semper esse
 opificem, per duo honoraria pronuntia demonstratum est. Vnum, quod
 quemadmodum se habet vnum eorum, quæ sub eandem rationem cadunt, ita
 se habet & alterum. Ut si vnum sit potentia, alterum quoq; sit potentia: si actu,
 actu. Alterum, quod omne quod potestate est, & in aliud actu migrat, ab aliquo
 excitatur, quod actu sit, ut prius idem potestate, sit deinde actu.

Capita solutionis tertii Argumenti.

Quod propter homonymiam & ambiguitatem eius, quod potestate, & eius quod actu I.
 dicitur, capisum syllogismum in hisce Proclus conuenit.

Expositio variarum significationum eius, quod potestate, & eius quod actu dicitur. II.

Quod causam per habitum (qua prima est significatio eius quod actu dicitur) non o- III.
 mnino necessario effectus actu consequitur. Unde nihil vetat semper per habitum Deum
 actu esse opificem, non semper tamen Mundum esse.

Quod id, quod progreditur ex secunda potestate, qua per habitum est, & ipsa eius, quod IIII.
 actu dicitur prima significatio, nullo alio non indiget, quod ipsum ab habitu ad actum
 producat.

- V. *Cum*ur verba Procli, quibus docetur quòd capiosum syllogismum confecit: quia confusè quod potestate, & quod actu est, acceperit: ob id, quòd actu per habitum opifex Deus, neque necessariò Mundum secum ex aeternitate fuisse inducit, neque aliquem alium defiderat opificem: qui ipsum ab habitu in actum traducat.
- VI. Quòd neque in priore potestatis significatione, in vniuersum verum est, dum qui potestate est aliquid, omnino indigere alio quopiam: qui id ipsum sit actu, quod ipse potentia, & in actum educatur: sed simpliciter aliquo, qui actu sit, non tamen qui omnino sit talis.
- VII. Quòd fieri potest, ut ipsa natura vi sua traducatur in actum, & in habitum eius rei, ad quam est aptitudo, & habitus: nec ullo extrinsecus indiget, qui perficiat.

T E R T I I A R G V M E N T I
P R O C L I S O L U T I O.

I. **M** I R V M, quàm capiosum hoc sit Philosophi argumentũ, quam decuit eum, qui celebre est Philosophiæ ornamentum & decus, quique ad summum Dialectici acuminis peruenit, cum res tanti momenti, tractet, non adedò fraudulenter ambiguus nos (vt Sophistæ adolescentes solent) in errorem impellere: sed veritatis studio, tum quod potentia, tum quod actu dicitur, vt ambiguas & homonymia implexas voces in varias significationes debuit distinguere, & docere, in quãnam significatione eius quod potestate dicitur, confessum sit alterum eorum pronuntiatorum, quæ ab ipso sunt prolata: & rursus in quãnam eius quod actu esse dicitur alterum: deinde, vnamquamque significationem eorum, quæ potestate, & quæ actu dicuntur, cum in opifice posuisset, videre, quæ cuiusque hypotheseos essent consequentia. Nos igitur cum vnum hunc nobis scopum proponamus, vt veritatem inueniamus, Dialecticorum canones sequuti, prius in varias significationes, quod potentia, quòdque actu dicitur, distinguamus. Deinde, quàm vera sint, quæ à Philosopho in ipsis axiomata ponuntur, ex quibus argumentationem tertiam contexuit, diligenter expendamus. Nam propter eos, qui huiusmodi rationum sunt imperiti, nihil melius, quàm paucis sensum eius quod potentia, & eius, quod actu dicitur, oculis omnium subiicere.

- II. P O T E S T A T E bifariam aliquid dici, & item actu bifariam, cum accurate Aristoteles docuit, tum apud omnes est in confesso. Dicitur namque vno modo potentia aliquid esse, quod ad aliquid naturalem quandam habilitatem habet: quemadmodum dicimus puerum potestate grammaticum esse. Habilis est enim eius natura ad idoneo tempore grammaticorum præceptiones accipiendas. Vna igitur hæc est potestatis significatione, quæ primum potestate, seu prima potestas dicitur, nempe per habilitatem & aptitudinem. Quando autem quispian in habitu grammaticorum theorematum positus, ipsorum scientiam animo conceptam habet, per ipsa tamen neque operatur, neque in eorum perspicentia versatur, aut quia edat, si ita forsulerit, aut quia in aliis animum habeat occupatum, aut quia in his esse nolit, is potentia grammaticus esse dicitur, non tamen, vt prior ille, non enim in habitu præceptorum ille positus erat, sed tantum quia natus aptus esset & habilis, potestate gram-

maticus esse dicebatur. Appellatur autem hæc significatio alterum potestate, seu altera potestas, & potestas per habitum. Hoc ipsum autem, quod alterum potestate, & per habitum potestas nuncupatur, actu prius etiam dicitur: Nam si ad priorem potentiam respicias (quæ per naturalem habilitatem esse dicitur, & quam qui habet, quia præcepta suscipere natura sit idoneus, potentia grammaticus dicitur) qui præceptorum habitum iam sibi peperit, actu grammaticus merito dicatur, ut iam actu habitum ipsum nactus. Verum quoniam est & alter actus, per quem ipse grammaticus sua iam promittit theoremata, aut alteri ea tradens, aut ipse secum exercens, huius actus comparatione, qui habitu solum præcepta tenet, potentia dicitur esse grammaticus: potentia dico, ex significatione secunda. Itaque efficitur, ut idem, qui solum grammaticorum præceptorum habitum tenet, & non ex ipso operetur, & potentia grammaticus, & actu esse dicatur. Sed potentia quidem, ut cum secundo actu confertur, per quem docens sua profert theoremata: actu autem, ut cum priore aptitudine comparatur, per quam habitum quidem theorematum nondum habebat: tamen ut valens hunc aliquando sibi comparare, potestate grammaticus esse dicebatur.

C V M hæc ad hunc modum nobis distincta sint, & geminum sit quod potentia, geminum quod actu dicitur, cumque posterior potentia cum priore actu concurrat, pronuntiatum illud prius quod habet, quando actu causa fuerit, actu quoque erit quod oritur de causa, in solo actu posteriore verum est, non item in priore, qui posterior potentia quoque dicitur. Quando enim præceptor iam docet, necesse est esse, qui doceatur: & si ædificator iam ædificet, necessario erit, quod ædificetur. In priore autem actu non item verum erit pronuntiatum. Fit enim, ut ædificator partum habeat ædificandi habitum, non ædificet tamen: & qui docendi habitu præditus sit, non doceat. Quare ut sit actu causa ad hunc modum, hoc est, ut sit habitu ædificator, aut præceptor, non protinus erit effectus, hoc est, quod ædificetur, aut doceatur. Licebat præstantissimos quosque Philosophos eadem nobiscum propemodum sentientes, ad verbum proferre, cum alios, tum Alexandrum, Aristotelis interpretem in commentariis in libros De demonstratione. Verum cum aperta sit & clara ratio, omnia hæc in præfati missa faciam. Hoc igitur modo verum est primum axioma.

S E C V N D V M autem, quod habet: Quando id quod potestate est, in actu excitatur, omnino est necesse ab aliquo alio mutari, & in actum excitari, quod tale sit actu, quale ipsum est facultate, solum in priore potestate locum habet, puer enim potestate grammaticus eo traducitur, ut actu sit grammaticus, ab eo, qui actu grammaticus est. Et aqua facultate calida, actu calida efficitur ab igni, aut omnino ab eo, quod actu sit calidum. Non item in posteriore potentia verum sit hoc enuntiatum. Nam qui habitum habet grammaticorum præceptorum, & hac modo facultate grammaticus dicitur, quando ab hac potestate excitatur in posteriorem actum, quo iam profert & exercet sua theoremata, non ab alio, qui actu sit grammaticus, commutatur: sed ipse se, nullius ope adiutus, ad operandum excitabit. Atque in omnibus eadem valebit ratio.

V. HIS igitur sic à nobis apertè distinctis, ad rem propositam accedamus, si
 “ priùs ipsa Philosophi verba protulerimus: Si actu, inquit, opifex semper est opi-
 “ fex, opus quoque quod fit, semper efficietur. Quando enim, inquit Aristoteles,
 “ causa fuerit actu, tum quoq; eodem modo actu erit effectus. Vides vt non di-
 “ stinguit, qua significatione actus, opificem, ponit actu opificem: sed simpliciter
 & indistinctè causam actu, actu effectum consequi dicit: vt quod in certa qua-
 dam actus significatione tantum verum est axioma, illud omnino de actu pro-
 nuntiet. Quod falsum esse docuimus, cum in vno actu posteriore locū habeat.
 Si nos igitur per habitum actu opificem (quæ prior est actus significatio) Deū
 semper esse statuimus, cur necesse erit, Mundum semper esse? Hoc autem ca-
 ptiosè fecit Philosophus: vt si dicamus, non semper esse Mundum, statim ne-
 get in vniuersum Deum semper esse opificem. Sin autem cōcesserimus Deum
 nulla actus significatione opificem fuisse, priusquam Mundum efficeret, conse-
 quutione quadam concluderet, potentia esse opificem in priore potestatis signi-
 “ ficatione. Audi igitur quæ intulit: Quòd si quod efficitur, non sit actu, neq; effi-
 “ ciens actu erit. Vide rursus, vt indefinitè vitur actu, neque addit in vtra actus si-
 gnificatione pronuntiatum sit verum. Constat autem in posteriore actu verum
 esse, in priore non item. Nam vt domus actu non sit, nihil tamen vetat ædifica-
 torem esse actu, eo nimirum, qui ab habitu dicitur. Aedificator siquidem est, qui
 habitu præditus est, etsi non ædificet: & medicus itidem, etsi non curet. Neque
 verò ædificare, & curare actu potest, nisi sit prorsus & quod ædificetur, & quod
 curetur. Quòd autem reuera, quia in fraudem nos homonymia impellere vel-
 let, non distinxit eius quod facultate, & eius quod actu est, diuersas significatio-
 nes, vt si, quemadmodum dixi, dicamus nō semper esse Mundum, conficiat ipse
 neque Deum villo modo actu esse opificem, priusquam Mundum effecerit, sed
 “ potentia tantum, eaq; priore, planum ex iis, quæ subiecit. Si enim, inquit, actu nō
 “ sit efficiens, potestate erit, nempe antequam agat efficiendi præditum faculta-
 “ te. Quicquid autem potestate quidpiam est, ab aliquo quod actu sit tale, ad actū
 “ deducitur. Vt quod potestate calidum est, ab eo quod actu sit calidum: & quod
 “ potētia est frigidum, ab eo quod actu frigidum sit, in actum traducitur. Sic albū,
 “ sic nigrum. Erit igitur actu opifex, qui priùs erat potētia, ab aliquo, qui actu sit,
 “ in actumeductus. Obserua igitur quod diximus, vt cum euerterit, Deum actu
 esse opificem, quia Mundus non sit actu, statim conficit ipsum potentia esse opi-
 ficem, idque in priore potestate, quasi vtranc; actus significationem euerterit.
 Alium igitur aliquē opificem desiderare dicit, qui hunc, qui priùs potestate erat,
 actu opificem efficiat. Id quod non ei qui habitu sit ornatus, sed ei, qui aptus tan-
 tum sit, euenire probauimus. Quanquam vt non sit actu Mundus, non protinus
 conficitur priore potestate esse opificem. Potest enim, vt dixi, facultas ex habi-
 tu, hoc est prior actus, concludi. Verum Philosophus captiosè quod priori po-
 tentiæ conuenire dicitur (nempe quòd aliquid actu tale postulet, quo in ac-
 tum prouehatur) simpliciter & nulla adhibita distinctione, potestatem
 consequi dicit. Deinde ex rationis consequutione prolixas opificum nugas
 subnectit, opificem opifici connectens, & quæ primam ineptam hypothelin
 conse

consequuntur. Verum nullus (qui saltem communi sensu non carcat) in priorē potestatis significatione Deum opificem esse dixerit, priusquam esset operatus. Hoc igitur euerso, omnes, qui quasi ex araneorum telis à Philosopho contexti sunt syllogismi, dissoluti corruunt & collabuntur. Cum enim ab habitu opifex, & fabricator sit Deus, priusquam fabricetur, neq; alterum postulat, qui in actū ipsum educat, neq; quia actū est opifex, Mundum ideo ex aeternitate secum esse conficit. Si enim ex habitu sit aedificator, non necessariò domus erit. Sed neque quando aedificator ex habitu transit ad agendum, alio vllò indiget actū aedificatore, qui ipsum eò producat. Porro quod Sophistarum proprium sit, & nimium graue prudentibus, captiosas conclusiones ex homonymia contexere, abunde significauit Aristoteles in libro *Περὶ ἑρμηνείας*, vbi talem paralogismorum formam, molestias propriè appellauit. Dico enim, inquit, enuniationem oppositi eiusdē, de eodē, non ambiguit: & quaecunq; alia disertè definiuimus aduersus Sophistarū molestias. Nam, nonne in molesta & inani verborū turba versantur, qui neglectis rebus, dictionū & verborū captione, eos conuincere conantur, quibuscū differūt? quod certè egregius Proclus hīc nobis facere nihil dubitauit.

Ceterum, operæpretiū est animaduertere, quomodo in ipsa axiomatis sumptione satis magnas captiosarum conclusionum occasiones sibi suppeditat Philosophus. Nam vt longas opificum nugas contexere posset, cum potestate opifex alium postulet actū opificem, qui hunc actū opificem faciat, & ille rursus, quia prius potestate esset, tertio indigeat actū opifice, & hic rursus alio, vt ita in infinitum producat, absurdum. Et cum dixit, id quod potestate est, alio indigere actū, quod ipsum ad actum deducat, tale dicit esse debere illud, quod actū est, quale est ipsum potentia: veluti, si quid calidum sit potestate, illud quidem vim perficiendi habet id, quod potestate est calidum, actū debere esse calidum. Hoc in quibusdam verè quidem dicitur. Potestate enim grammaticū actū grammaticus, actū reddit grammaticum. Et ignis actū calidus, aquam, quæ potestate calida erat, immutat, & facit actū esse calidam. Non in omnibus tamen vera hæc est oratio. Verum aliquo quidem quod actū sit fortasse, est opus, vt quod potestate est, in suum actum excitetur, non tamen quod actū est, necessariò tale est actū, quale est potentia quod ab ipso in actum educitur. Nam cum ligna sint potestate naui, efficit actū nauem, non actū naui, sed nauium actū fabricator. Neque enim quæ in nauium fabricatore efficiendæ naui rationes insunt, iam sunt actū naui. Præterea, quod potestate dulce, aut amarum, aut rubrum est, nō omnino ab actū dulci, aut amaro, aut rubro in actum prouocatur. Aqua enim qua irrigantur stirpes, potestate vnamquamq; qualitatem habet, in quam mutatur, id quod ipsis adglutinetur stirpibus. Neq; verò quicquam actū dulce, aut amarum, aut rubrum aquam immutat, vt iis ornetur qualitatibus, sed quæ in natura eius, quod actū est, efficiendi potentes rationes sunt. Et quod potentia durum est, à frigido actū durum efficitur, cum frigidum non sit actū durum, sed actū sit frigidum. Quare hīc quoq; vt opificum opifices longa serie connectendi occasionem inueniret, addit axiomati, oportere quod actū est, & in actum deducit, id quod est potentia, huiusmodi esse actū, quale illud est potentia.

VII. NV M verò ne id quidem, quod vim habet & habilitatem ad aliquid, alio indigebit actu, à quo à facultate in actum traducatur? Fit enim, vt quis ipse sibi causa sit, vt ex priore potentia in actum eat. Reuera enim ex Platonis sententia, duæ sunt ad scientiam viæ, Disciplina & Inuentio, vt in Alcibiade scribit. Planum est igitur, quòd qui primus artem aliquam, aut totam, aut partes eius inuenit, vt qui primus Lignorum sectionem excogitauit: priusquam inuenisset, cum potestate tantum sector esset, idque priore potentia, tum actu factus est sector, nò ab vllò alio, qui actu sector esset, sed ipse se è potentia in actum excitauit. Iam quid dixeris in recens nato catulo? cum enim potestate & videndi, & latrandi vi sit præditus, non ab vllò alio, quod actu sit, eò deducitur, vt actu videat aut latret, sed ipse à sua natura perficitur. Nisi quis in priore vniuersalem mentem causam esse dicat, cur potentia mens in actum euocetur: in secundo autem vniuersalem naturam. Verum etsi istud concefferimus, nunquam tamè quisquam dixerit vniuersalem animum actu aut sectorem, aut ædificatorem, aut quicquã esse simile: neque vniuersalem naturam actu videre, aut latrare: sed simpliciter actu esse. Ne longius progrediar oratione, inquisiturus, quid fiat, vt vniuersalis animus nonnullorum potentiam in actum ducat, nonnullorum non item: sic & in natura vniuersali, sine illa omnino, & in aliquo constet, & habeat essentiam? Neque enim vnum aliquod corpus est vniuersale in hoc Mundo, præter quodque singulorum. Quare neque natura est vniuersa: quod enim vniuersale est, secundum Aristotelem, aut nihil est, aut posterius: & in nostra cogitatione tantum cohæret: nisi vniuersam naturam quis dixerit consensum esse, & concentum Mundi partium inter ipsas.

PROCLI DIADOCHI

Argumentum quartum.

Quicquid ex immobili sit causa, id vi & natura sua sempiternum est. Nam si quod facit, est immobile, est & immutabile. Porro si immutabile est sua essentia, & ipso suo esse facit, non ab effectione ad non efficiendum migrans, neque ex non facièdo ad faciendum. Nam si migrabit, mutationem subibit: nempe ipsam ex vno in alterum migrationem. Mutationem autem si subibit, non erit immobile. Si quid igitur immobile est, id aut nunquam, aut semper faciet: ne, quia aliquando faciat, motu cieatur. Quare si qua cuiusquam rei immobilis est causa, quæ neque nunquam sit causa, neque interdum: ea semper causa sit esse necesse. Quod si verum est, rei erit sempiterna causa. Cum igitur vniuersi causa sit immobilis (Nam si moueatur, prius imperfecta erit: deinde perficietur. Omnis siquidem motus, actio est imperfecta. Et præterea tempore indigebit, cum tempus ipsum producat) necesse est, vniuersum esse sempiternum, vt ab immobili causa productum. Quare si quis quia ita se pium erga Mundi autorem futurum putet, illum solum sempiternum esse dicat, Mundum autem nò æternum, sanè hunc cum non æternum dicit, illud moueri ac non immobilem esse pronuntiat. Moueri autem cum dicit, ac non immobilem, illum non semper perfectum, sed interdum etiam imperfectum fatetur. quia omnis motus actio est imperfecta, & quæ deteriore indiget, nempe tempore, sine quo motus nò perficitur. Imperfectum

fectum autem nonnunquam, ac non semper perfectum, & deterioris indigentem, cum dicit, insigniter est impius. Si quis igitur vniuersi autorem, dum pius erga eundem videri cupit, solum æternum esse dicat, insigniter est impius.

Capita solutionis quarti Argumenti.

Exponuntur dua quarti Argumenti conclusiones. Et quod à minore propositione, qua I. communis est ambobus syllogismus, Proclus captiosum syllogismum confecit.

Quod plerique contra eas, quæ sentiunt, ut nostram veritatis persuasionem euertant, II. fallaces consunt conclusiones.

Id quod prius non faciebat, deinde facit, & omnino quod ex habitu in actum educitur, III. non moueri neque omnino immutari.

Dei actionem, motum non esse. Et quæ imperfecta, quæ perfecta dicatur actio. IIII.

Imperfectam actionem, quæ, in temporis intervallo perficitur, motum esse non agens, sed patientis: cum nulla in re id quod mouet, immutatum sit, quia prius quidem moueat, postea autem non moueat. V.

Aristotelis quibus hac confirmantur, testimonia. VI.

De eo, quod potestate, & eo, quod actu dicitur, ex iis, quæ scripsit Aristoteles: & quod neque immutatio nec omnino motus est, quando ab habitu actio producitur. VII.

Quod non ex ignoracione, sed sponte ad fallendos imperitos huiusmodi captionum forma usus est Proclus. VIII.

Dubitatio & solutio, quod non collimus, quin semper vniusmodi, & similiter affectus sit Deus, quando ipsum Mundum opificem habitu semper esse constituimus, non tamen ex aeo sempiterno Mundum effecisse. In quo docetur habitum & actionem idem in Deo valere, & necesse esse vñ cum ea, quæ in Deo est, rerum notione, res ipsas simul constare. IX.

Non in hoc esse immutationem, quod Deus interdum velit, & idem nolit interdum. Nec omnino differentes esse Dei voluntates, sed unicam esse & simplicem, eamque semper vniusmodi, & in eodem statu constantem, quia boni sit perpetuo. Mutationem autem in iis cerni, quæ sunt participia. X.

Expositio dubitationis, & reprehensio, quæ habet, quod si semper non erat Mundus, antequàm fieret, potestate Deus opifex erat, & ideo imperfectus. In quo ostenditur, omnem substantiam ipsam à se sine ulla relatione, per eamque in ipsa visumur, naturales facultates, perfectionem habere, non per eas, quæ ab ipsis facultatibus extrà progrediuntur ad alias actiones. XI.

Per se sibi satis esse Deum, & ipsum se complere, nullius eorum, quæ extra ipsum sunt, ad sui perfectionem indigentem. Et in sempiterna efficienitium rationum constantia, non in ipsa effectione suam habere perfectionem. XII.

Non solum vniuersorum, sed etiam maximè particularium opificem esse Deum.

XIII.

Quod per ea ipsa, per quæ nostram de Mundo hypothesin absurdam videri volunt, cum dicunt, quod si factus est Mundus, priusquam fieret, ipsius opifex potestate erat, & ideo imperfectus, ipsi in rem ineptam magis, & obtusorem abducuntur, cum ipsi Deum semper potentia opificem, & semper perfectum suis faciant hypothesibus. XIII.

Quod Proclus iterum conuincitur egere maliciose in suis Argumentis.


XV.

Tum secundum communes notiones, tum secundum Philosophi Platonis, opificem Deum ipsum per se esse perfectum: nec quicquam ex eo, quod postea efficiat, sua addere perfectioni, XVI.

quia omnia per pranoionem ipsi adfint, etiam cum nondum sunt in ortum producta.

Q V A R T I A R G V M E N T I

P R O C L I S O L V T I O.

- I.  V M duæ conclusiones in quarto Argumento à Philosopho propositæ sint, & minor propositio in vtraq; sit communis, ab hac vna nimirum falsa, tota captionis & imposturæ ratio pendet. Reuera enim concessa semel vna re absurda, sexcentas alias consequi conclusiones: tum ad falsæ, hoc est, minoris propositionis reprehensionem veniemus, hac enim reprehensa, detegitur magni Procli contra veritatem fraudulenta molitio. Sic igitur habet vna conclusio: Quod, inquit, à non agendo ad agendum migrat, mutationē habet. Quicquid autem mutatur, illud mouetur: reuera enim omnis mutatio, aut est motus aliquis, aut non sine motu. Motus autem omnis, actio est imperfecta, vt Aristoteli demonstratum est: vt dealbatio. Neque enim nigrum est, neque adhuc album, id quod dealbatur. Via enim est à nigro ad album, dealbatio. Quare si motus imperfecta est actio, Deus autem imperfectus non est, certè non mouetur. Si non mouetur, neque immutatur. Quòd si non mutatur, à non agendo ad agendum non commigrabit. Mutatio enim, inquit, & motus est, quod est huiusmodi. Sic igitur habet altera ratiocinatio. Huius autē maiore propositione cōmutata, ad aliud absurdum deducit orationem: Quod enim, inquit, prius non faciebat, postea autem facit, immutatur. Quod immutatur, mouetur. Quod mouetur, tempore indiget. Est enim omnis motus in tempore. Quod igitur prius non faciebat, & postea facit, tempore indiget. Si igitur temporis autor & fabricator Deus est, non certè à non agendo ad agendum traducitur, ne temporis indigens fiat, cuius ipse est autor. Ex quibus conficit, quòd si Deus & perfectus & immobilis vndequaq; & immutabilis est, nec temporis est indigens, qui tempus ipsum fecerit. Quod autem antea non faciebat, & postea facit, mouetur: & ideo imperfectum est, & indigens temporis: id certè Deus aut nunquam, aut semper faciet, vt immobilitatem & immutabilitatem in altero saltem obtineat. Si igitur prius esse non potest, nempe vt ipse nunquam faciet, semper certè faciet. Quòd si Mundum semper faciet, necessariò Mundus semper erit. Conclusionum igitur Procli ratio sic habet.
- II. C A E T E R V M, mirari mihi succurrit, qui fiat, vt suæ conscientie reprehensionem deprecantes, plerunque etiam contra ea, quæ probè ab ipsis demonstrata sunt, nonnulli aduersus veritatem armentur: & omni arte à conclusionum vi & acumine imperitos fraudulenter auertant. Nam quòd omnis motus actio sit imperfecta, & quòd omnis mutatio, aut motus sit, aut non sine motu, verum id quidem est. Quod autem id, quod à non faciendo, aut omnino à nō agendo, postea ad faciendum, aut omnino ad agendum transit, nullum motum aut immutationem subeat, nobis, opinor, probandum non est, sed ipsa tantum Aristotelis verba in medium producenda sunt, quibus in permultis scriptis suis, euidenti probatione nos hoc docuit. Et quibus nec Proclum contradicendum puro, Verum ne in alienis opinionibus conquirere videamur, ipsi per nos primum

mum rationem ipsam expendamus, deinde Aristotelis testimoniis veritatem quasi impresso sigillo confirmemus.

Q V O D, inquit, ex otio ad agendum transit, mutationem subit & motum. III. Illud imprimis in hisce necessariò obseruandù esse nemo nescit. Id scilicet, quod antè non erat in opere, & postea accedit ad opus, ex secunda potentia (quæ per habitum dicitur, quæq; ipsa primus est actus) ad secundum actum progredi. Exempli gratia, ædificator, qui cùm prius non ædificaret, postea ædificat, ex ædificandi habitu ædificationis actionem promit. Nam à priore potentia ad habitum commigratio, non effectio, sed potius est perpessio. Et quod ex priore potentia in habitum mutatur, potius perpetitur, quàm facit. Veluti puellus potentia græmaticus, quando habitum artis grammaticæ sibi parat, patitur ipse à præceptore, non autè agit in alterum. Atq; par est in omnibus ratio. Quare, si quod prius non faciebat, & postea facit, à secunda potentia ad secundum actum progreditur: & huiusmodi ab habitu progressionem Proclus motionem esse dicit, apertè ab habitu ad actum progressum, motum & mutationem esse pronuntiat. Quòd si id, quod ex habitu actionē promit, mouetur, modis omnibus est necesse, vt aut illa affectio, quæ effectiōnem ipsam præcedit, sit motus, aut ipsamet effectio, aut certè aliam quampiam affectiōnem esse oportet, quæ inter otium & effectiōnem interiecta conspiciatur. nihil est enim præter hæc. Verùm fieri non potest, vt illa affectio efficiētis, quæ effectiōnem præcēdit, motus esse dicatur, hoc est, ea, per quam efficiendi habitu, sine actione, præditus erat. Nam nō facere, quies est potius, quàm motus. Quod & Proclus ipse censet. Si quid enim, inquit, immobile est, id aut nunquam, aut semper facit. Quia non facere, quies est, & otium, non autem motus. Non igitur faciendi habitus sine actione motus esse potest. At verò neq; inter actionem & otium, seu in medio efficiendi & non efficiendi, motum vllū animo concipere possis. Nam vt ab habitu expromatur actio, tempore non est opus. In eodem enim est finis non agendi, & agendi principium. In vno enim & eodē temporis puncto, non scribendi finē faciens, ad scribendū accessit. Atq; eadem in omnibus obseruatur ratio. Nullum igitur tempus est interiectū inter ipsum facere, & non facere: & omnino inter habitum & actionem. Nam si quod tempus inter faciendum, & non faciendum interiectum esset, & omnino inter contradictionis partes, in hoc eodem neq; non faciet. Iam enim non faciendi finem fecit, neq; faciet. nondum enim facere cœpit. In eodem igitur tempore neq; faciet neq; non faciet. Quod fieri non potest. Simul enim vera esset tota contradictio. Quòd si inter otium & actionem nullum est interiectum tempus, & omnino inter habitum, & ab eo progredientem actionem, quia nulla alia affectio interiecta esse potest, motus certè medius nullus erit: nec vlla omnino commutatio. Omnis enim mutatio in tempore perficitur. Tempus autem in medio nullum esse, necessaria ratione docuimus. Neq; igitur ante faciendū neq; inter effectiōnem & otium, fit vt moueatur id, quod cùm prius non faceret, postea facit: & omnino id, quod de habitu actionem promit. Superest igitur, vt ipsa effectio motus sit. Quòd si ita est, per ipsos autem semper facit Deus, certè semper etiam mouetur. Si quid enim, inquit, immobile est, aut nunquā, aut semper

faciet, ne, quia interdum faciat, moueatur. Si igitur semper facit, & effectio ipsa motus est (hoc enim relictum est diuisionis membrum) certe semper Deus mouetur. Motus autem, imperfecta est actio, eaq; in tempore. semper igitur per ipsos in motione numen erit: & ob id planè imperfectum, & temporis indigens. In illorum igitur caput solers ipsorum inuentum relabitur. Per se enim falsum ita esse deprehenditur, & reuoluitur in seipsum. Si igitur neque ante faciendum, neque inter non faciendum, & faciendum, interiectus motus vllus cernitur, neque ipsa Dei effectio motus est, nullo prorsus pacto efficitur, vt cum de faciendo habitu actionem promittit Deus, moueri posse dicatur. Sed quid Deum dico? cum neque aliud quicquam, quod habitum habeat, deinde per ipsum ad opus accedat, ob id immutationem vllam aut motum subire possit, quòd ex habitu proferat actionem. In omnibus enim eadem argumenta valebunt: atque adeò id ipsum in progressu docebimus apertiùs.

IIII. QVOD autem nefas sit, Dei effectiorem, & omnino actionē statuere esse motum, cum ea sola voluntate omnia proferat, nec, vt rebus essentia impertiat, tempore indigeat, aut interuallo, nemini non notum esse puto. Neq; enim quælibet actio, motus esse prorsus dicitur. Nam actio latius patet, quam motus, vt ipsi quoq; Aristoteli placet. Actionem enim duplicem esse dicit: perfectam vnā, imperfectā alterā. imperfectam igitur actionē, motum esse censet. Est enim, ex ipsius sententia, motus, à prima potentia ad habitum mutatio. Sic enim in tertio Physicæ Auscultationis lib. ipsum definiuit: Motus, est entelechia, & actus eius, quod potestate est, quatenus est tale. Entelechiam autem appellat, ipsam potestatis actionem, & perfectionem. Motus igitur hoc pacto actio est imperfecta. Perfectam autem actionem appellat, cōfertam & repentinā ab habitu productionem, ita vt nulla in re immutetur habitus. Conferta autem & repentina est productio, quæ vnā cum motu temporis nihil emittit, sed in puncto temporis, & momento perficitur: qualis est luminis ab illuminante corpore progressus. Cum primum enim id, quod vim habet illustrandi, comparuit, vt ignis aut sol, repente quicquid vt illustratur idoneum est, lumine completur. Huius generis est & visus actio. Simulac enim suspeximus, nullo temporis impediō aspectabili percipimus. Vnde nec sensus tum moueri dicit Aristoteles, quando ea, quæ sentiuntur, apprehendunt. At verò neque mentis actio, motus est. Conferri enim ac repente, & sine vllō interuallo id attingit, quod cadit sub intellectum. Quare si horum actio nullo in tempore perficitur, & ob id perfecta est, ac non motus, quī sit, vt Dei actionem motum esse dicere quisquam audeat?

V. QV ANQV A M nec ipsas imperfectas actiones, quæ nō nisi in tēpore perficiuntur, agentium motus Aristo. appellandas esse censuit, sed potius patienuū. Nam mens, aut ædificandi, aut docendi potens, in ædificando aut in docendo nullam ipsa mutationē, nec motum omnino sustinet. Sumatur enim numeris omnibus absolutus tum ædicator, tum præceptor, & qui nō, quia imperfectus sit, ob id doceat vt exerceatur. Talis igitur præceptor si fuerit, qui doceat, ipse quidē nec immutationē vllā, nec motū vllū ex docendo subibit, sed ex doctrina in ipso discipulo motus erit excitatus. Is enim est, qui immutatur à nō intelligē-

do ad intelligendū. Idem ædificandi potens animus, qui artis numeros omnes impleuerit, si ad ædificandū corpus traducat, ipse à se nihil erit immutatus: sed motus in eo cernetur, quod ædificatur, nempe in lapidib. & lignis. hæc sunt enim quæ subeunt immutationem. Atq; in omnib. par est ratio. Quanquā in hisce omnibus actio nō sine tēpore perficitur. Verū in pariēte motus & cōmutatio, nō in agente recipitur. Nulla enim euarians affectio, neq; in docēdi neq; in ædificādi potente animo, ideo effecta est, quia, aut docuerit, aut ædificauerit. Nam etsi corpus moueatur, vt instrumentum tamen, atque alio motu mouetur, non eo, quo subiecta mouet. Loci enim mutatio, corporis est motus. Deus autem ipsa sola voluntate omnia producit, nullo instrumento actionis socio indigens.

NON alienum autem, opinor, fuerit, si ad verbum Aristote. testimonia, quibus hæc confirmat, proposuerimus. In tertio igitur de natura, vbi motum definiuit, hæc subiicit paulò pōst: Quod autem motus id sit, quod diximus, hinc cognosci potest. Quando enim quod sanabile est, quatenus ipsum eiusmodi esse dicimus, actu erit, tum sanabitur. Atq; hoc ipsum est sanatio, eodēq; modo & disciplina & ædificatio. Et paulò pōst: Fit enim, vt vnaquęq; res aliās operetur, aliās non operetur: veluti sanabile, & sanabilis actus, vt sanabile ipsa est sanatio. Aut enim hoc sanatio est, aut ipsum corpus actu sanū. Verū quando corpus sanū est, nō amplius est sanabile. Sanatur autem sanabile. Sanatio igitur actus sit necesse est. At verò sanatio motus est quidam. Eadem in cæteris motibus valebit ratio. Hisce verbis apertè sanationem, non eius qui sanare possit, hoc est medici, perfectionem esse dicit, sed ipsius sanabilis, hoc est, eius corporis, quod sanatur. hoc idē & in disciplina, & in ædificatione spectari dicit: nempe, quod disciplina perfectio est, non ipsius præceptoris, neq; ædificatio ipsius ædificatoris, sed eius, qui docetur, & eius, quod ædificatur. Atq; hæc ad omnem motum pertinet ratio. Et paulò pōst rursus dubitationem quandam de motu dissoluens, hisce affinia subiecit. Sic enim loquitur: Atq; etiam id, quod in quæstionē vocabatur, clarum est, motum in eo esse, quod mouetur. Est enim actus eius & entelechia ab eo profecta, quod vim habet mouendi: nec mouentis alius est actus. Versusq; enim actū esse oportet. Facultate siquidem mouens ex eo dicitur, quod motum afferre potest: mouere autem ex eo, quod agat. Verū agendi vim habet in illud, quod moueri potest. Ceterum, quod significat hisce verbis, est huiusmodi. Etsi vna sit sanatio, ipsa & eius, quod sanatur, & sanantis est actus, non tamen in sanante motus est, sed in eo, quod sanatur. Sanabilis enim est perfectio, quæ ab ipso sanante efficitur. Idem in omni motu dicetur. Ex iis igitur, quæ tradit Aristot. confirmatum est, effectorem non agentis, sed eius, quod efficitur, esse motum. Quod igitur Dei actio motus non sit, ipsi confiteri debent, tum Aristotelis sententia compulsi, tum iis, quæ à nobis demonstrata sunt. Nam si procreare, moueri est, semper in motu Deū esse ipsos statuere necesse est: per ipsos enim semper procreat.

QVOD igitur id, quod prius in opere non erat, & postea ad opus accedit, & vt in summa dicam, id quod ex habitu actionem profert, non immutatur, nec omnino motū vllum sustinet, satis oratio nostra euidenter comprobauit. Nam si demonstratum est, quod in medio agendi & non agendi nullum est interiectū

tempus: Omnis autem commutatio, atq; adeò motus omnis in tempore perficitur, opificem certè non immutari necesse est, qui quidem plenum efficiendi habitum obtineat, non autem ex æuo sempiterno Mundum producat. Ceterum non alienū, opinor, erit, quod in principio propositæ disputationis, facturos nos esse recepimus, docere Aristotelem hoc ipsum in Secundo Cōmentario de Anima definiuisse. Et certè eius verba paulò altius repetita proponam, ut eius quod potestate, & eius quod actu dicitur, diuisionem, quam nos in superiore disputatione exposuimus, per ipsa Aristotelis verba rudioribus proponamus. In Secūdo

cap. vi. igitur de anima ad verbum hæc habet: Potentia autem & actus nobis sunt distinguenda. Adhuc enim hisce absolute vsumus. Et si enim aliquid ita sciens, ut si hominem scientem dicamus, quia homo sit in iis, qui scientia præditi, & scientiam habere dicuntur. Et si etiam sic sciens, ut scientem eum iam esse dicimus, in quo grammatica insit: horum autem uterq; non eodem modo potens esse dicitur. Sed alter ideo, quia genus tale est & materia. Alter verò, quia contemplari quandoque; volet, potest: nisi sit quod aliunde adferat impedimentum. Qui autem iam contemplatur & in actu ipso est positus, is propriè sciens est hoc A. Ambo igitur priores potestate scientes esse dicuntur, sed alter quidem per disciplinam immutatus, & sæpe ex contraria affectione translatus. Alter autem ex eo quod cum aut sensu, aut grammatica prædictus esset, nec ageret tamen, ad agendum traducitur, idq; alio modo. Aristotelis igitur verba hæc sunt. Ego autem nisi orationis prolixitatem refugerem, ipsorum quoq; Aristotelis interpretationum commentationes in hunc locum proferrem. Sed in præsentī satis mihi erit, si paucis dictionem ipsam interpretatione mea illustrare conabor, ut Philosophi sententiam planam iis faciam, qui horum audiendorum sunt insolentes. Ceterum, quæ ad potestatis, & actus diuisionem pertinent, ex iis, quæ iam à nobis dicta sunt, plana esse debent. Quoniam igitur simpliciter & non distinctè, in iis, quæ præcesserunt, ea, quæ citauimus, potentiæ & actus nomine usus erat Aristoteles (hoc enim significat cum dicit: Adhuc enim hisce absolute vsumus) huius rei gratia, iis quæ proposuimus verbis, diuisionem horum facit. Vno igitur modo omnem hominem potestate scientem dici tradit, quanuis scientiæ, ut grammaticæ, habitum nondum comparatum habeat. Altero modo iterum potestate scientem eum dici vult, qui iam habitum scientiæ percepit. Verum non eodem modo, inquit, uterque horum sciens est: sed prior, quia genus est tale. Exponens autem quid genus dicat, subiecit, & materia, hoc est ipsum scientiæ subiectum, id scilicet, quod ipse est capax: atque hoc hominis est natura. Communiter enim omnis homo facultate sciens dicitur, quia ad suscipiendam scientiam natura sit aptus. Mentis enim & scientiæ capax homo, & est, & esse dicitur. Atque hoc est, quod primo modo potestate esse dicitur. Qui autem grammaticæ habitum iam perceptum habet, is, inquit, potestate sciens esse dicitur: quia ipsi liceat, quandoque; volet, scientiæ actionem depromere, nisi quid extrinsecus interueniat, quod impedimento esse possit. Docebit enim præceptor, nisi moribus, aut discipulorum penuria, aut ruditas prohibuerit. Idem & ædificator

cator ædificabit, & in reliquis eodem modo. Et hoc est, quod secundo modo potestate dicitur: quod & primo actu nuncupatur. Hic igitur, nempe, qui habitum sibi peperit, quando iam docet, ipsa promens theorematum (hoc enim significauit, cum dixit hoc A, perinde ac si hoc theorema diceret) actu fit sciens: Idq; per secundum actum. Cæterum, ubi ad hunc modum actum & potestatem diuisit Aristoteles, quod qui per habitum theorematum tenet, quando ex habitu actionem profert, non per immutationem id facit, subiunxit, Per ea, quæ consequuntur. Ambo igitur priores, inquit, potestate scientes esse dicuntur, sed alter quidem per disciplinam immutatus, & sæpe ex contrario habitu traductus. Qui per primum modum facultate sciens dicitur, sciens actu efficitur, hoc est, actum scientiæ recipit, per disciplinam immutatus. Est enim disciplina, immutatio. Quam enim rationem habet in eo, quod dealbatur dealbatio, eandem & in eo, quod ad disciplinam traducitur, habet disciplina. Plerumque autem, inquit, is ex contrario habitu in contrarium immutatur. Nam qui discit, aut ex ignorantia in cognitionem mutatur, per disciplinam, aut ex falsa opinione in veram. Falsum autem vero est contrarium. Atque hoc est, id quod propriè dicitur immutatio. Nam immutatio, quemadmodum Aristoteles ipse in Physica docuit, ex vna specie est in aliam commutatio, dum scilicet id perimitur, ex quo est mutatio, gignitur autem id, in quod ipsa fieri dicitur: veluti in dealbatione & calfactione. Qui dealbatur, ex nigro in album commutatur, nempe ex specie in speciem, perempto nimirum nigro, producto autem albo. Eodem modo in calido & frigido efficitur, cum quis in calidum commutationem facit: quia perimitur frigidum, & gignitur calidum. Commutatio autem, quæ fit ex incitio in cognitionem, & in summa ex priuatione in habitum, procreationi similior est, quam immutationi. Ad hunc igitur modum, qui priore modo potestate dicitur, ex potentia in habitum progreditur. Alter quomodo? hoc est, is qui cum habitum iam habeat, postea actionem promittit. Alio modo, inquit, ab habitu ad actionem traducitur. Nam qui sensus habitum habet, ut aspectus, is si non videt, aut propter tenebras, aut quia conuiueat, & oculos claudat, aut propter aliam causam quidpiam non immutato sensu videndi actionem profert, eo tantum sublato, quod impedimento erat. Non enim ex vna specie in aliam est immutatus, qui prius non operabatur per aspectum, & postea operatur: neque ex perpetua priuatione in speciem. Sensus enim habitum habebat, etsi per ipsum non operaretur. Alius igitur, inquit, præter hæc modus est, quo ab habitu ad actionem progredimur. Et rursus paulò post ait (ne, quæ in medio interiecta sunt, citantes, orationem nimium producamus.) Quod enim scientia præditum est, ad contemplandum conuertitur, id quod aut immutari non est (eodem enim est progressio, & in actum ac perfectionem) aut aliud est commutationis genus. Quare non re æt sentiant, qui sapientem cum sapit, immutari confirmant: ut nec ædificantem, quando ædificat. Vide ut nuda voce pronuntiat, sapientem, hoc est eum, qui habitu scientiæ præditus est, quando sapit, id est, quando scientiam promittit, non commutari: Neque rectum esse, quod eiusmodi est, commutatio-

nem nominare. Neque enim ex specie in speciem facta vlla est mutatio: quod in omni alteratione & motu fieri solet, sed tantum in apertum producitur habitus. Hoc itaq; confirmans Aristot. addidit: eodē enim est progressio, & in actū, ac perfectionē. Atq; hæc indubitata est demonstratio, actionis ex habitu productionem, commutationē non esse. Nam si, vt dictum est, immutatio ex vna specie in aliam est cōmutatio, ita vt prior quidē intereat, gignatur autem posterior: Quod autē in actionē suam progreditur, non in aliud, sed in seipsum proficit, idē manens & tantummodo per actionē habitum in apertum producit. Non certē cōmutatio est ipsa actionis productio, neq; omnino motus aut mutatio. Quod si cui, inquit, quod eiusmodi est, cōmutationē nominare placuerit, aliud certē cōmutationis genus erit, nominis tantum societate dictū: non illud, quod in qualitatis mutatione tritū est. Veluti, si quis colorē noctu cōmutari dicat, quando recedētibus tenebris cœperit videri, cum prius nō videretur. Verum nō de nomini bus verba facimus. Quod si reuera mutatio vlla speciei & cōmutatio sit in subiecto, quādo ex habitu actio depromitur, motus certē erit. id quod non esse cōprobauimus. Si igitur quod huiusmodi est, non est immutatio, neq; motus, certē omnino neq; mutatio erit. Motus enim tria sunt genera. Aut enim in loco, aut in accretione & decretione, aut in qualitatis immutatione perficitur. Quod autem de non agendo agendi actionem profert, nullo reliquorū motuum genere mouetur, quid attinet dicere? Neq; enim augefcit, neq; imminuitur, neq; de loco in locū migrat. Nullo igitur motus genere mouetur, quod de habitu actionem profert. Atq; in tercio eiusdem Operis libro, tum in alijs permultis eadem ad verbum Aristoteles enuntiat. Verum quæ nunc sunt exposita, homini præsertim non omnino pertinaciter contentioso satisfacere debent.

VIII. C V M hæc igitur ad hunc modum necessarijs rationibus confirmata sint, quis magni Procli (quod initio dicebam) rectum in ratiocinando iudicium non miretur, & suspiciat, cum res ipsa tam apertē loquatur, & propemodum omnes Aristot. demōstrationib. cōsentiant, tum in iis, quæ de differentib. actus & facultatis significationib. dicta sunt, tum in eo, quod nullam motionē subire id diximus quod ex habitu actionē promittit: hæc tamē Philosophus omnia dissimulat. Quāquā quis harum rerū ignorantia huic audeat obicere? Verū scopū hunc vnum sibi proposuit, vt aduersus oraculorū, quæ nos persuasa habemus, veritatē armeretur, perinde ac si apud eos verba faceret, qui harū rerū prorsus sint rudes & imperiti. Nam in superiore Argumēto ex ambiguitate eius, quod facultate, & eius quod actu esse dicitur, captiosam conclusionē contexuit, in hoc autē dicere non dubitauit, id quod prius nō facit, si postea ad opus accedat, hoc est, si ex habitu faciēdi actionē proferat, motū & mutationē subire vt hoc pacto cōficeret, aut nūmen necessariō moueri, hoc est immutari, aut, si hoc fieri nō potest (nulla enim apud Deū immutatio, nec vlla cōuersionis aut varietatis vmbra, vt alicubi sacra prodūt oracula) ex quo sempiterno vnā cū Dei essētia Mundū semper cōstitisse. Cæterū, si sine motu ex habitu in actū itur, fieri sanē pōt, vt cū Deus immobilis prorsus & incōmutabilis permaneat, Mūdus ipse aliquādo sit, & aliquādo nō sit.

IX. A T verò, inquit, qui Deum prius non facere, & postea facere diceret, hoc

hoc est, prius habitū solum, deinde vnā cum habitu ipsum etiam actū habere, is Deum omnino incommutabilem esse tollet. Non enim semper sub idem & eodem modo erit, si interdum faciat, & interdū non faciat. Maxime certē, ō imprimis admirande. Abunde enim nobis & ratio ipsa probauit, & Aristotelis testi monium confirmauit, quod ne in iis quidem, quae generationi obnoxia sunt, nedum in Deo, immutatio est aut motus, dum ex habitu in secundum actum quid piam progreditur. Immutatio siquidē subiectum ipsum diuersum facit, & com mutat. Qui autē præditus habitu pleno, ad opus accedit, is in nullo ipse à se im mutatus euasit. Verūm cogitationem tuam fortasse conturbat, aut potius occa sionem præbet, vt captiosè concludas, quod qui apud nos artibus & scientiis sunt præditi, quando ad habitū opera prodire volūt, organorū corporis motu omni no indigeāt: quia ipsa sola conceptione sua opera producere nō possunt: & ideo varia aliqua affectione sunt immutati, non illa quidē in intelligendi vi, sed in or ganico corpore recepta. Atq; hinc quasi laruam quādam & terriculū proponis adolescentulis, in Deo diuersam aliquā affectionē omnino imprimi, vt qui prius nō faciebat, postea faciat. Verūm si Deus omnium fabricator & opifex, semper perfectus est (quā rationes operū eodem modo semper habet, & sola voluntate omnia facit, & creat, nullius indigens instrumenti, ad rerū substantiā procrean dam) nihil ipse à se cūm facit, & non facit, diuersus efficitur. Notiones enim & ra tiones rerū ex æternitate similiter & eodē modo continet, per quas opifex est, ni hil ex eo quod faciat, aut nō faciat, immutatus. Nam, vt in summa dicatur, habi tum & actū in Deo differre, nefas est dicere: Idem est enim vtrunque. Sed in eo quod particeps est, diuersitas cōspicitur. Cæterū, per similitudinē quandā rem ipsam aliū repetens, quod dicimus, planū facere conabor. Duo enim sunt scien tiæ genera. vnum, quod in animæ affectione cernitur, quā contēplationē & con ceptionem dicimus. Alterū, quod foras progreditur, vt quādo nostras cōceptio nes aliis enuntiamus. Quādo igitur in incipiēdo tantūm & contēplando scien tias habemus, per habitum ipsas habere dicimur. Quando verò animi agitatio nem & contēplationē foras expromimus, aut per syllabas & voces, vt in Logi cis artibus, & disciplinis, quæ oratione tradūtur, quā doctrinā dicimus, aut ma nuum opera, vt sic in artibus practicis, tū ex habitibus operari dicimur. Quem admodū igitur in artibus, quæ oratione traduntur, si quis animos nostros nudos ipsos per se, & corporibus liberos, cogitatione cōciperet, eos cerneret nullius in strumēti adminiculo indigere, vt suas notiones sibi mutuò significarēt, sed nudis alios aliorū cōceptibus incuberēt: ita vt nihil inter id, quod habitū cōtēplaretur, & id, quod per illam notionem in aliud ageret, prorsus interesset: in alio autem quod illius cōceptiones exciperet, diuersa affectio fieri cerneretur. Ad hunc pla nē modum & animus, qui in practicis contēplationibus versatur, posset sine vllō instrumēto ipsa sola notione quādocunq; vellet, ipsa ad notiones efformata opera producere. Itaq; hic rursum rerū cōceptio & habitus nihil ab ipsa actio ne & effectione differret. Quoniā igitur nullius instrumenti adminiculo indiget Deus ad procreandā rerum substantiam, sed ipsa sola cōceptione, omnia quan docunq; libet procreat, & nihilo magis, aut minus, ex eo quod aut res sint, aut

non sint, ipsarum notiones habet, consequitur profectò, apud Deum inter habitum & actum nihil prorsus interesse. Non ideo tamen, quia sola conceptione omnia in naturam rerum procreat & profert, & notiones rerumque omnium rationes vniufmodi & similes semper continet, protinus est necesse, ex æternitate vnà cum Dei notionibus res ipsas in rerum natura coherere. Hoc enim iam à nobis in secundo Argumento demonstratum est. Neq; enim naturæ necessitas in inuitum Deum cadit. Nec sicut sol, statim vbi comparuit, illustrat, & ignis accendit: sic Deus necessitate naturæ, velit nolit, in rerum naturam sua profert opera. Quod enim omnium rerum est causa, supra omnē necessitatem positum est. Quare non est necesse, vnà cum Dei conceptione, prorsus id adesse, quod concipitur. Nam futura, & quæ nondū sunt, Deum cognoscere, in confesso est. Veluti, quot & quales animi deinceps cum corporibus in hac vita versabuntur, & quam singuli vitam ingredientur, & quēnam vniuscuiusq; susceptā vitam, ex inuitabili providentia consequentur. Futurum quoq; tempus prænotione ipsi temporis opifici iam præsens adest. Et quæ cœlestium corporū futuræ sint conuersiones, quæq; in quo tempore ipsarum inter se futuræ sint habitudines (aliàs enim alii aitorum aspectus fiunt, & cōcurfus) hæc scilicet Dei prænotione indiuisim concepta tenentur. Neq; enim ea ignorabit Deus, quorū nullo adiutore ipse est autor. Quòd si futura priusquàm facta sint, notionē Dei anticipata sunt, futura autem nondum sunt (aliòquē enim futura non sunt) non sanē vnà cum Dei notionē id ipsum quod concipitur, simul comparere est necesse. Semper igitur efficientiam & perfectam absolutionē continent, quæ in Deo sunt effectrices rerum rationes, vī probatum est. Procreat tamē & in naturam ac substantiam vnumquodq; ipse producit quandocunq; libet, sola nimirum voluntate omnia excitans. Libet autem tum, cum iis, quæ oriuntur, bonum est, vt oriantur. Bonum est autem omnino, quod secundum naturam est. Porro secundum naturam est iis quæ oriuntur, vt non ex æternitate sint semper vnà cum producēte: vt in primo Argumento cōfirmauimus. Nisi fortē aliquando velle, & aliquando nolle, immutationem esse dicant. Verū si hoc est immutatio, imprudentes nesciunt se statuere Deum in perpetua esse commutatione.

- X. VTRVM enim singularum rerum vnāquamq; vt Socratem, vt Platonē, Deus sempiternam esse vult, an non? sed harum quamq; interdum esse vult, interdum esse non vult. Atqui planum est, quòd res singulas sempiternas esse non vult. Nam prorsus sempiternæ essent, si vellet. Rerum igitur singularum quāq; interdū esse vult, interdum esse non vult. Quòd si ita se habet, semper in cōmutatione Deus est. Nam si hoc ipsum est immutari, nēpe interdū velle esse, & interdum nolle, Socratis autem animū (vt exempli gratia dicam) interdū in ipsius corpore esse nolebat, neq; enim sempiternus erat Socrates. Interdū autem volebat, tum certē, cum ipsum Socratis corpori adligauit. Et rursum noluit, quando ipsum corpore liberauit, certē ex ipsorum sententia opifex cōmutationē subiuit, cum idē interdū voluerit, & interdū noluerit. Eadē est ratio & in reliquis rebus singulis. Quare si ē rebus singulis aliæ gignuntur, & aliæ intereunt, semper certē nōnulla esse & nōnulla non esse ipsi placet. hoc autē ipsis autoribus est immuta-

tio. Semper certè in commutatione Deus erit. Neq; enim profectò dicent, quòd neq; nō vult ipsa oriri, neq; non vult nō oriri. Sic enim vera simul enuntiabit tota contradictio. quod fieri nullo modo potest. Et aliòqui, si fieri non vult, quomodo gignuntur? Sin autè non vult non oriri, omnino oriri vult. Ex translatione enim enūtiata negatio idem efficit, quod simplex affirmatio. Præterea, si nō volebat ipsa oriri, quomodo secundū Platonis Timæū cœlestia iussit ad mortaliū animalium procreationem conuertere? Neq; verò solū iussit, sed etiam ipsis efficiendi vim dedit. Iam verò, si providere, effectricis causæ est propriū. Providentia autè pro eo, quod conueniens esse videtur, aut corporibus animos alligat: aut à corporibus ipsos dissolvit, perspicuum, quòd ipsos cum corporibus interdum esse vult, interdum autè à corporibus separari. Hoc autè, vt sapientibus istis videtur, est immutatio. Numen igitur per ipsos in perpetua est cōmutatione. Quòd si hoc obtusum & absurdum dictū est, non certè interdū velle esse quidpiam, interdum autem nō, immutatio est. Semper enim id vult Deus, quod bonū est, vel potius ipse est ipsamet bonitas. Rerum autè, quæ procreantur natura, quantum in ipsis est, boni illius naturam participat. Quare si hoc quiddam velle pro eorum vilitate quibus beneficia conferuntur, in Deo mutationem nullam efficit, architectandi autem facultatem semper eodem modo retinet ipse Deus, & ipsa sola voluntate in naturam & substantiam suam res omnes profert, nulla certè immutatio in Deo intelligetur, ex eo, quòd interdum faciat, interdum non faciat. Nam quæ bona sunt, vult semper. Siue igitur quidpiā faciat siue non faciat, id omnino bonum est. Singulis enim rebus, quæ factæ sunt, bonitatē imperit, quantum procreationi subiectarum rerum natura capax esse potest. Vna igitur & simplex est Dei voluntas, quæ sub eodem statu semper & eodem modo manet. vult enim semper quod bonum. In iis autem rebus, quæ huius sunt participes, mutatio cernitur. perinde atque solis vna est, & simplex facultas, seu de lumine collustrandi, seu calfaciendi vim dicere quis voluerit: quæ tamen vtramque hanc participant, neutrius ex æquo nec similiter sunt participia: Neque vnūquodq; eiusdem ex æquo semper est participes. Aliter enim vespertilio, & aliter homo, & aliter qui oculorum sensu valens, & in lumine assidue versatus, ex obscuris & tenebrosos locis in clarissimā lucē traducatur. Nō igitur participantū mutatio, & varietas vllam in efficiente enarrationem intelligere nos compellet. Quòd si Deus faciens, deinde non faciens non immutatur, temporis certè ad faciendum non indigebit, qui vnā cum ipsa voluntate omnia profert.

EX HISCE, quæ comprobauimus, illud exclusum est, ac solutum, quod XI.
in adolescentulorum fraudem in medium ab ipso subinde producitur, quòd si Mundus non erat semper antequam ortus esset, potentia tantū Deus erat opifex. Quicquid autem potentia est, imperfectum est. Quare Deus priusquam esset, imperfectus erit. Perfectus autem tum demum factus est, cum est fabricatus. Quicquid enim actu est, aiunt, eo est perfectus, quod est potentia. Hoc enim ipsum nobis hic sapiens Proclus obscure significauit, cum dicit: Ne si moueatur, prius imperfectus sit, deinde perfectus. „ Et rursus: Moueri autem, qui dicit, & non immobilem, illum non semper “

perfectum, sed interdum etiam imperfectum fatur. Et in Opere, quod inscribitur: Observationes eorum, in quibus Platonis Timæo contradixit Aristoteles, hæc habet ad verbum Proclus: Cum semper sit, quod efficit, semper est & quod efficitur, ut quod à semper efficiente fiat. Aut enim Deus non semper procreat, aut ille quidem semper procreat, vniuersum autem non semper procreatur. Verum, si non semper facit Deus, proculdubio potentia erit efficiens, & postea actu. Quare imperfectus opifex, & temporis indigens. Ut autem ille semper efficiat, & vniuersum interdum efficiatur, fieri profecto nullo modo potest. Quando enim efficiens actu est, actu quoque fit, id quod efficitur. Ambo igitur semper, nempe vniuersum efficitur, & efficiens facit. At qui fieri potest, ô sapientissime, ut imperfectum sit, quod nullam immutationem sustineat, seu efficiat, seu non efficiat? Hoc enim iam demonstraui. Quo enim ipse seipso perfectior efficitur præceptor, cum docet, quam cum non docet? aut architectus cum architectatur, quam cum quiescit? Quod dicimus ad hunc modum, expende, sol lucidum quoddam corpus est, & splendens. Si quis igitur proposuerit nihil esse eorum quæ solis lucidas vires participet: veluti si nec aer nec cælestia corpora perlucida sint, ut actione luminis solis perfruantur, an imperfectus sol erit propterea? Non certe puto hoc dicturum esse quemquam: non enim vires, quæ rerum substantias complent, in relatione ad res externas suam vim & naturam habent. Ita enim imprudentes Anaxagoræ sententiam inducemus, qui nullius rei naturam certam & finitam esse dicebat, sed in mutua comparatione omnia vim suam habere. Verum necessariis rationibus, tum à Platone, tum ab Aristotele reprehensa est hæc sententia. Quare si vnaquæque substantia non in comparatione ad aliud suam vim habet, sed absolutas in se suam complentes naturam vires continet, planum hinc esse debet, quod sol quoque per suam naturam & substantiam, plenus & perfectus erit, etsi nihil sit eorum, quibus lumine collustrandi vim suam impartitur. Ut sint igitur quæ lumen solis participant, nihil, quod ad vires quæ ipsius naturam complent, atinet, amplius ipse propterea habebit. Idem dicetur & in ignis calfaciendi facultate. Nam etsi nihil sit, quod calefiat, nihilominus plenus & perfectus erit ignis, quod ad eius essentiae rationem atinet. Et contra, si quid calefiat, nihilo magis ipse seipso erit perfectior. Quoniam non ut quidpiam, quod ad aliud referatur, neque igni calor, neque soli lucida vis inest. Nam quæ rerum substantias perficiunt vires, & quæ si absint, subiectum non constet, ipsæ per se sine vlla relatione rebus ipsis insunt. Quoniam & in profundo testa sui coloris plenam & numeris omnibus absolutam rationem obtinet, etsi nullo comprehendatur sensu. Quod si in corporibus hæc ita habent, nonne is verè blasphemus, & insigniter impius sit, qui tantumdem rerum omnium effectrici causæ adesse non concedat, neque essentielles eius vires sine relatione constare velit? Quemadmodum enim natura & sua vi, & calidus ignis & lucidus est sol, calfacit autem ille, & hic illuminat in quadam ad externas res relatione: ita sanè, & Deus per efficientium rationum omnibus partibus absolutum habitum sua vi semper opifex est, & creator, ut ædificator per ædificandi rationes. Opus autem facit, quando foras suam iam profert actionem:

nem : non tamen ab hac completus. neque enim per foras progredientes actiones, sed per essentielles vires, vnaquæque res naturæ suæ characterem habet. Rationis enim capax homo per habitum est, & in hoc suam vim habet, & ut sit, non autem in eo, quòd ratiocinetur. Nam ut non differat, rationis capax nihilominus erit: & nix frigida, etsi non refrigeret, quia quod refrigeretur, non adsit. Idem in omni actione est dicendum. Quòd si ambitiosè contendere pergunt, Deum non alia ratione perfectum esse, quàm si ex æternitate Mundum fabricetur, paulisper sciscitantibus nobis respondeant.

V T R V M enim ipse sibi satis est Deus, & suam ipse vim, & substantiam XII. complere potest, an non? Si igitur ipse sibi satis non est, in aliorum capita recidat hæc blasphemia. Sinautem ipse sibi est satis, & ad plenitudinem, & absolutam perfectionem ipse sibi sufficit, nec ullius externæ rei indiget (omnino enim extra diuinam essentiam sunt omnia, quæ ab ipsa per efficiendi facultatem producta sunt, & ab omni essentiali relatione, quæ ad ipsam fiat, aliena sunt) perfectus certè Deus est, ipse à se perfectionis suæ absolutionem recipiens, etiamsi nullum eius extret opus. Et aliòqui perfectio & ea diuinæ essentiae absolutio, cui nihil desit, aut intrinsecus ex eadem ipsi inest, ut nullo prorsus externo momento indigeat: aut aliunde ipsi suppeditatur. Si igitur aliunde id quod suppeditat, eo cui suppeditatur, & beatius, & multò antiquius, & minus indigens erit. Nam quomodo dederit, quod non habeat? Quid igitur istud est? Quid autem ipsis autoribus aliud esse possit, quàm eius opera, sine quibus Deum perfectum non esse dicere non formidant? Nam si citra operum adminiculum Deus perfectus non est futurus, certè opera vim habebunt eius perficiendi, qui fecit & autor fuit. Hæc igitur eueniunt, si non ex ipsa sua essentia, sed aliunde Deo suppetit perfectio. Sinautem non aliunde (hoc enim planum est iis, qui vel tenuem de Deo opinionem habent) sed ex ipsa eius natura Deo accedit, ut nullus sit indigus, sed vndique absolutus: non tamen alia ratione sit perfectus, quàm si vnà cum ipso, ea semper sint præsentia, quæ ab ipso producta sunt, certè omnia, quæ sunt, diuinæ ipsius essentiae partem efficient, atq; adeò rerum omnium infima materia. Nam quæ substantiarum naturam absoluunt, ipsarum sunt partes. Si Dei namque perfectionem ex eius essentia eidem adesse conceditur, non aliter, per Græcas hypothesas, perfectus sit Deus, quàm si ex æternitate Mundus vnà sit cum ipso. Quæ autem substantiam cuiusque rei complent, & perficiunt, ea ipsius substantiæ partem efficiunt: ut rationale hominis, & corporis nostri manus, aut pes. Pars igitur diuinæ essentiae Mundus erit. Quæ autem hæc consequuntur, ipsi colligant. Nam hoc pacto & corpus erit Deus, & iis omnibus afficitur, quæ corporibus insunt. Et aliòqui si Deo sua non adsit perfectio, nisi ex æternitate vnà cum ipso res omnes constiterint, à suis operibus plura certè accipiet, quàm illis impertiat. Cum enim illis det ut sint, ipse ab illis accipiet, ut sit perfectus. Jam multò præstantius est, perfectum esse, quàm simpliciter, & omnino esse. Quare res ipsas Deus efficiet, non pro bonitate sua, neque ut aliqua sint, quæ ipsam participant: sed ut ipse sine labore degat, & molestia, & ut nihil ipsi desit, cum suæ perfectionis causam ita sit consequuturus perinde atque

nos (vt hoc vtar exemplo) vt constemus, & permaneamus, ædes nobis & vestes & eiusmodi res conficimus: non vt in hæc benigni simus, sed vt tranquillitati, & commoditati nostræ consulamus. Nescientes igitur se isti sapientes fallunt, cum per ea Deum ipsum imperfectum reddūt, per quæ perfectionem ipsi tribuere volunt. Ita enim ipsum sibi non satis esse statuunt: sed vt constet, iis indigere, quæ ab ipso producuntur. Verum hisce opponit fortasse quispiam, ipsos ad Dei perfectionem quicquam conferre, ea quæ sunt, non statuere, sed potius ipsum actum omnium efficiendi facultate præditum, qui Deo essentialiter inest, & quem rerum omnium natura omnino consequitur. Verum nihilominus ex hisce rei absurditas conuincetur. Nam si tum imperfecta est actio, cum nondum sunt ea, quæ procreata sunt: imperfecta autem quando est actio, Deus perfectus non est, perfectio certè ipsi accedit ex operibus, idque accedēte actione. At, o sapientissimi, actiones, quæ in relatione cernuntur ad res externas, agentia ipsa perficere non valent. Et ideo negauit Aristoteles præceptorem, & omnino eum, qui quidpiam agat, ex ea actione, quæ ad res externas referatur, immutari. Iam quod perficitur, aliqua in re afficitur, atque immutatur. Qui agit, nullam nec affectionem nec immutationem sustinet, vt sepe docuimus. Quare neque perficiatur præceptor, quando docet. Quod si ipsum docere, perfectum & numeris omnibus absolutum habitum non perficit, ipsum sanè fabricari, aut efficere, opificis essentiam non perficit, sed ipse efficiendi habitus, & ipsa facultas: ne in relatione ad ipsa opera Dei essentiam esse statuamus. Nam si ipsum operari, diuinam complet essentiam: Operari autem in relatione ad opera suam vim habet (qui enim operatur, ita operatur, vt eorum quæ facit, sit opifex) certè in relatione ad opera, vt compleatur & perficiatur diuina habebit natura. Itaque efficietur, vt ad suam essentiam ea requirat, quibus vt sint, ipsa dedit. Quo quid impium magis, aut quod conceptæ de Deo opinioni magis repugnet, dici aut fingi potest? Si igitur eiusmodi de Deo cogitare, nedum dicere, impietatem omnem superat, cur eò adductus est, vt diceret, si Mundus non sit semper, Deum antequàm Mundus procreatus fuerit, imperfectum fuisse futurum? Plenus igitur & perfectus est Deus, vel si nihil adsit eorum, quæ ab ipso producta sunt.

XIII.

OPERAE PRÆTIUM est autem ad hunc modum rem expendere: A primis ad extrema vsque Deum omnium autorem, & causam esse, credere nos ea subigit opinio, quæ rerum omnium principium vnum esse persuasit. Nam in omni rege omnia esse posita scribit Plato, & ad hunc omnia referri: atque hunc omnium honestorū esse causam. Et rursus idem Plato principium, finem & medium rerum omnium Deum continere dicit. Et quod tum Aristoteli, tum Homero videtur: Non multos regnare, bonum Rex vnicus esto. Nam etsi nonnulla eorum quæ oriuntur, mediis quibusdam causis oriuntur: tamen constat eam, quæ omnium maximè princeps est causa, primam esse causam essentiae horum, vt quæ illis quoque mediis causis vim præbet, & facultatem, cur ipsæ sint causæ. Porro, quòd prima illa causa rationem causæ magis subeat, quam continens & proxima causa, ex ipsis etiam rebus planum esse debet: cum, vt dixi, secundis causis facultatem, cur causæ sint, illa suppeditet. Sed nihil erit

antiquius,quàm Aristotelem hæc eadem dicentem producere. In octauo enim lib. de natura,cùm dixisset,id quod mouetur,à mouente moueri: & ipsum mouens,aut nullo medio mouere, aut per interiecta media plura: vt si quis baculo fores mouerit. hic enim anima est, quæ primum mouet: baculus autem, qui postremum. Nam animus manum mouet,manus baculum,baculus fores.Hæc,inquam,cùm dixisset,subiicit,quod non solum illud primum, sed etiam postremum mouere dicimus, magis tamen primum: quia illud mouet postremum. hoc autem non mouet primum. Et sine primo postremum nihil mouebitur: illud tamen sine hoc mouerit. Baculus enim mouendi vim nullam habet, si homo ipsum non moueat. Et paucis interiectis idem habet: Planum enim, quod à superiore mouente cietur, quicquid in motu est: & magis ab eo, quod cæteris est prius. Et iterum paulò post: Neque quicquam erit, quod primum moueat, si vtrumque seipsum mouebit. Nam quod prius mouet, mouendi causa magis est, quàm quod consequitur, atque magis mouebit. Bifariam enim quidpiam mouere dicebamus. primum, id quod ipsum ab alio mouetur. Deinde, quod à se mouet. Propius autem ad principium accedit, quod remotius est ab eo, quod mouetur,quàm quod interiectum est medium. Apertè igitur hisce verbis enuntiauit, etsi plura interiecta media sint, quæ moueant, illud quod motus omnium maximè est causa, primam esse causam mouendi. Vt in eo exemplo, quod adposuit. Animus enim magis est causa, cur fores moueantur, quàm baculus. Et ob id meritò ad id, quod mouetur, propius accedere dicit id, quod mouet remotius. Veluti, animus ad fores propius accedit, quàm baculus, non loco, sed causa, & viribus mouendi. Quoniam igitur animus prima est mouendi causa, animum foribus propiorem esse dicit, quàm baculum. Quod autem in motu dicit Aristoteles, id in omni causa certè locum habet. Nam si præceptor per suppositam personam doceat, docendi causa magis est præceptor, quàm is, qui vicem subit præceptoris. Et in ortu eadem est ratio. Quod enim ortus causam primam tribuit, causa magis est, quàm quæ sunt causæ viciniore. Nam etsi pater procreauonis est autor: causæ rationem tamen magis retinet Deus, vt qui efficiendi vim naturæ tribuit. Nam sine prima causa opificem esse nolunt. Præterea, quoniam etiam ipsorum sententia, Deus opifici tribuit, vt sit opifex, ille certè omnium naturæ & essentiæ maximè causa esse debet. Quæ cum ita demonstrata sint, omnino est necesse singularum rerum procreationis Deum esse causam, etiamsi mediæ causæ infinitæ statuuntur. Et in secundo Procli Argumento, verba eius produximus ex Opere, quod inscripsit, De decem contra Providentiam dubitationibus. In quibus apertè pronuntiauit, efficientem & prouidentem Dei facultatem, ad extrema vsque & minutissima pertinere. Ad hunc modum enim scribit: Vt summatum igitur dicamus, omnia in rerum naturam procreandi vim habet illud vnum. Omnia enim ipsum conseruare dicimus, quod omni substantia hyparxin & naturam veriorum habet, & quæuis cognitione clariorem. Et iterum: Illud autem cùm in vno maneat, spatio carens, & omnis expertus diuisionis, omnia eodem modo intelligit: nec homi-

“nem solum, & solem, & quod est eiusmodi, sed etiam rem quamque sigillatim.
 “Nihil est enim quod vnum illud effugiat, seu esse, seu cognosci dicas. Et ite-
 “rum: Sic & Prouidentie in vnitae cognitio, in eodem impartibili omnium est,
 “quae diuiduntur, cognitio, tum earum rerum, quae maxime sunt indiuiduae, tum
 “earum, quae totius naturam maxime retinent. Et quemadmodum sua vnitae
 “rem quamque produxit, ita vnitae vnamquamque cognoscit. Ex his igitur
 omnibus planum est, quod usque ad ea, quae maxime indiuidua sunt, efficien-
 tem Dei facultatem pertinere est necesse.

XIII. QVONIAM igitur Deus autor est, & causa, vt res hae sint & cohæcant,
 quae singulae sunt, & maxime particulares: verbi gratia, vt Socrates sit, vt Plato,
 vt hic equus, vt haec arbor, dicant iam nobis, vtrum omnium indiuiduorum
 Deus actu semper est opifex, necne? Si igitur omnium actu est opifex, qui sit,
 vt non simul omnia compareant, sed alia iam extincta sunt, alia nunc constant,
 alia sunt futura? Et futurorum si actu est opifex, quare non adsunt futura? Sin-
 autem potentia, cum, vel his autoribus, imperfectum sit, id quod est potentia,
 imperfectus certe per ipsos erit Deus, siquidem ex indiuiduis alia semper inter-
 cuncta, alia sunt futura. Quod si, sapiente Proclo autore, dum Mundus erit poten-
 tia, eius quoque opifex potestate erit, vt Argumento tertio conclusit, & ideo al-
 terum requirit, qui ipsum in actum prouehat: & secundus actu si sit, necesse &
 primum actu esse opificem. Nam si potentia sit, secundus quoque erit poten-
 tia: qui rursus, inquit, tertio indigebit, idque in infinitum. Per hanc certe hy-
 pothesin omnino consequens est, vt aut indiuiduorum, quae futura sunt, con-
 tinens causa potestate sit, aut continentis causae causa. Atque ad hunc modum
 ad primam usque progredientes, ipsam quoque potestate dicere necesse habe-
 bimus. Nam si prima causa reipsa & actu causa est, cur sit secunda, secunda
 quoque actu causa erit. Et si haec, tertia rursus actu causa erit. Atque ita pro-
 grediemur usque ad extremam causam. Quemadmodum & extrema si po-
 tentia est, veluti si potentia pater est, necessario prima quoque potentia erit.
 Quoniam igitur semper nonnulla indiuidua futura sunt, vt homines, vt stir-
 pes, vt reliquarum rerum singulae, certe proxima & continens causa procrea-
 tionis harum rerum, potestate est causa. Quare & huius causa potentia erit
 causa: & ad primam usque si progrediemur, rem ita habere comperiemus.
 Iam quicquid potestate est, imperfectum est, vt volunt. Semper igitur, ex ho-
 rum sententia, prima causa potentia erit & imperfecta. Nam vt eorum, quae
 iam facta sunt, actu opifex sit Deus, eorum certe, quae futura sunt, prorsus
 opifex erit potestate. Aut igitur necessario confitendum est, perfectum esse,
 & numeris omnibus absolutum, quod per habitum potentia est, aut rerum
 futurarum imperfectus semper Deus erit opifex. Nam futurorum semper o-
 pifex erit potentia. Non solum autem in rerum singularum effectione hoc eue-
 nire necesse est, sed in rerum etiam vniuersarum procreatione, quarum Deus
 nullius medii adminiculo est opifex. Caelum enim & formas vniuersas, vt ha-

bet Plato, nullo vsus medio, fabricator in rerum naturam produxit. Nam in Timæo post hominis procreationem, ad Deos, qui in cælo sunt, tum eos qui intelligentia tantum cognoscuntur, tum eos, qui sub sensus cadunt, solem, lunam, & reliquos huiuscemodi, nonnulla fabricator est loquutus. Verba autem sic habent: Quando igitur omnes, & qui mouentur, palamque ostenduntur, & qui catenus nobis declarantur, quo ipsi volunt creati sunt, tum ad eos, is Deus, qui omnia genuit, fatur: Hæc vos, qui Deorum satu orti estis, attendite. Quorum operum ego parens, effectorque sum. Et paulò post: Nunc igitur, quid sentiam, cognoscite. Tria nobis genera reliqua sunt, eaque mortalia, quibus prætermisiss cœli absolutio perfecta non erit. Omnia enim genera animalium complexu non tenebit: teneat autem oportet, ut ex eodem ne quid absit: quæ si à me ipso effecta sint, Deorum vitam possint adæquare. Ut igitur mortali conditione generentur, & ut vniuersum reuera vniuersum sit, vos suscipite, ut illa gignatis. Imiteminiq; vim meam, qua in vestro ortu me usum esse meministis. In quibus qui tales creantur, ut Deorum immortalium quasi gentiles esse debeant, diuini generis appellantur. Tenentque omnium animantium principatum. Vobisque iure, & lege volentes pareant, quorum vobis initium statûsque traditur à me.

Quòd si ea quæ in cælo sunt vniuersa, & omnino ea, quæ, ut ipsis videtur, sempiterna sunt nullo interiecto medio ab ipso fabricatore & opifice Deo producuntur, nunquid ea semper producit Deus? an ubi semel ea est fabricatus, producendi finem facit? Quod autem reliquum est, continet & conseruat: Quòd si producendi finem facit, omnino initium quoque fecit. Quicquid enim definit, id omnino cœpisse oportet. Quòd si semper fabricatur. Hisce enim ita videtur: ut Proclus ipse in præcedentibus sæpe pronuntiauit. Nam & in tertio Argumento dicit, quòd si actu & re ipsa opifex, est semper opifex, id quoque quod efficitur, semper actu efficitur. Et rursus in eodem: Conficietur semper esse quæ oriuntur de causis, & Mundum semper effici. Atque adedò in quarto & in quinto eadem habet. Et in eo, quem nuper citauimus libro, quem pro Timæo scripsit contra Aristotelem, ad verbum habet Proclus, quòd semper Mundus efficitur, & quòd quemadmodum opifex, & procreauit semper, & procreat: sic & Mundus semper efficitur: & dum efficitur, factus est: & factus, semper efficitur. Et non ita multò post: Quare Mundus semper procreatur. Et sicut ille, & procreauit semper, & procreat, sic & Mundus & procreatus est, & semper procreatur. Et dum fit, factus est. Et factus, efficitur semper. Quæ si vera sunt, mirum, quæ non aduerterit, quòd suis ipsius alis corripitur. Nam si Mundum Deus, & iam procreauit & procreat nunc, & ob id Mundus tum procreatus iam est, tum procreatur nunc, tum in posterum procreabitur. quia hy-

parxin & consistentiam simul vniuersam non habet, perinde atque illa quæ æterna sunt, sed vnâ cum tempore diuisam, certè necesse est, eum, qui nunc gignitur, priusquam illud *Nunc*, in quo procreatur, instaret, potentia fuisse. Nam etsi prius actu erat, non tamen secundum instans illud, in quo nunc efficitur, sed actu constabat secundum illud instans, in quo tunc gignebatur.

Si enim priusquam hoc *Nunc*, instaret, in quo nunc efficitur, & est, iam re ipsa erat Mundus, certè semper fieri, & gigni non poterit. Nec eius natura & coherencia vnâ cum temporis dimensione diffunderetur, & extenderetur, sed vniuersam simul hyparxin, & naturam perinde atque æterna possidebit.

Verùm nec Proclo ipsi talis Mundi natura, & consistentia ita videtur. Nam in eo libro, quem citauimus, hæc ad verbum scripta sunt:

“ Quod si Timæus aliquando futurum Mundum Deum appellat (hoc enim nonnullos fortasse turbauerit) nunquid in temporis parte procreationem & ortum illi tribuat? Nam ipsum *Aliquando*, partem aliquam temporis esse, nobis est dicendum. Sic sanè quicquid in tempore est seu finito, seu infinito, semper erit aliquando. Quantula enim ipsius portio sumi potest, hæc certè in aliquo est tempore. Neque enim simul vniuersum tempus coheret, sed vicissim, & per partes.

“ Quare si quid in tempore est, etiamsi in tempus producaturn infinitum, interdum quidem est: fit tamen & gignitur in infinitum. Sed ab vno tempore in aliud semper migrans, & erat quidem interdum, & est interdum, & erit interdum. Atque hoc, vt dicam, *Interdum*, semper est diuersum. Est tamen in quo est interdum.

“ Quod igitur in temporis parte coherentiam habet, & constat, id & interdum procreatur, & interdum est, & interdum erit. Quod autem in omni tempore, id interdum quidem est, efficitur tamen semper. Atque in eo quod semper efficitur, eius quod semper est, naturam imitatur.

Cùm igitur, vt ipsi Proclo quoque videtur, quia cum tempore sit Mundus, interdum esse, semper ipsi conueniat, quid sit, vt quantum Mundi constat, & in natura est, id in aliqua sit temporis parte? Quia certè non aliter tempus constiterit: sed vicissim & semper ab vno (vt ita dicam) *Interdum*, ad aliud migrat.

Et quemadmodum tum erat aliquando, tum aliquando nunc est, sic & aliquando erit. Quod autem aliquando futurum est, quatenus aliquando erit, nunc actu non est. Quoniam nec quæ pars temporis aliquando futura est, nunc est actu. Ita enim quod futurum est, iam actu esset præsens. Necesse est igitur futuram aliquando Mundi consistentiam, nunc esse potentia. Quare & qui futuræ autor est Mundi coherentiæ, facultate nunc ipsius est autor.

Quemadmodum enim iam aliquando actu esse Mundum, non tollit, quin sit potentia, quatenus erit interdum, quia vnà cum tempore eius diuiditur coherentia, sic nec quod coherentiæ Mundi autor, iam actu autor fuerit, quatenus iam fuit, facit quin ipse sit potentia, quatenus ipse autor erit, cur iterum sit.

Quemadmodum enim id, quod efficietur, se habet, sic & quod efficit, se habere est necesse. Et contrà, vt se habet quod facit, ita & quod efficitur: vt in præcedentibus sæpe asseruit Proclus. Nam si quatenus aliquando Mundus erit, nunc ipsius actu autor est Deus: quando autem causa & efficiens actu sunt, id quod oritur de causa, quodque efficitur, actu sint est necesse, vt nuper de Proclo audiui in iis ipsius verbis, quæ paulò antè produximus, aliquando certè futura Mundi coherentia, nunc actu erit.

Quare futurum quoque tempus, in quo erit aliquando futura Mundi consistentia, nunc actu erit. Futurum igitur iam actu instans fuit. Id quod & obtusum est dictum, & tale vt dici nullo modo possit.

Non igitur fieri potest, vt quatenus aliquando Mundus erit, nunc ipsius Deus actu sit opifex.

Quare si quatenus aliquando Mundus erit, nunc nondum est actu, sed potentia, autor certè futuræ ipsius consistentiæ, nunc potentia ipsius est autor, quatenus efficietur, quoniam futuri quoque temporis nunc potentia Deus est autor. Semper autem futurum est tempus, & semper aliquando futurus est Mundus. Quare Deus quoque potentia semper erit, & Mundi & temporis autor.

Quemadmodum enim quia quis iam ædificauerit, non facit, quin potentia sit ædificator eorum, quæ ædificabuntur: verum quia ipsa fabricatus est, actu est fabricator, potentia autem quia fabricabitur: Sic certè & Deus quia aliquando & Mundum, & tempus in rerum naturam produxit, actu ipsorum est autor. quia autem erit aliquando tum Mundus, tum tempus, idque semper, semper certè ipsorum potentia fabricator Deus erit.

Quantò igitur deterius, & imperfectius est, potentia semper esse, quàm interdum: in tantò absurdius incommodum incurrunt illi, qui per suos ad veritatem impugnandam planos & fallaces conatus, perennem Mundi procreationem esse statuunt.

OPERAEPRETIVM autem, vt opinor, erit Procli in XV. argumentando fraudulentam astutiam, in iis etiam eius verbis, quæ modo citauimus; expendere. Nam cum videret quorsum eius euaderet oratio, nempe vt Creatorem seu opificem potentia semper esse confiteretur, hoc rationis acumine occultare conatur.

Verum nihilominus hac via factum est, ut per veritatis lucem fraus detegere-
 tur. Nam cum dixisset, omne quod in tempore est seu finito, seu infinito, id
 semper esse aliquando, propterea quod quantum ipsius est, id in aliquo est
 tempore. Neque enim simul vniuersum tempus coheret: sed vicissim, & per
 partes. Et rursum: Si quid in tempore est, etiam si in infinitum tempus
 producat, id aliquando esse, & quod, ut ita dicam, ab vno *Quando*,
 ad aliud semper migrat, & aliquando fuisse, & aliquando esse, & ali-
 quando esse futurum, diuersumque semper esse illud *Aliquando*, esse ta-
 men in quo est aliquando: hæc, inquam, cum dixisset, videretque o-
 mnino esse necesse ex suis ipsius hypothesibus, eum qui aliquando futuri
 esset autor, quatenus esset aliquando futurum, nunc potestate autorem
 & causam (Neque enim actu esse possit. Fieri siquidem non potest, ut
 quod futurum est, quatenus est futurum, nunc actu sit) hoc sane occul-
 tare volens, adiecit esse quidem interdum, fieri tamen in infinitum, ac
 “ non interdum. Et iterum: Quod igitur in parte temporis naturam ha-
 “ bet, id & sit interdum, & interdum est. Quod autem in toto tempore
 “ coheret, est quidem interdum, sit tamen semper. Nam si semper fie-
 ri ac non interdum diceret, se effugere putauit, ut non haberet necesse
 dicere facultate esse factorem eius, quod efficitur. Et illud, si semper in
 continua & indefatigabili procreatione Mundus constitit, & in ipso ge-
 nerari suum esse possidet, si non interdum sit, sed semper, non erit in-
 terdum, sed semper. Nam ipsius natura in ipso fieri coheret. Quod si quia
 in tempore coheret Mundus, nec confertam simul suam habet cohæ-
 rentiam, ut ea quæ æterna sunt (Quoniam neque tempus totum simul
 constat, ut æuum) ob id Mundus semper est nonnunquam, & in parte
 temporis. Et fuit interdum, & interdum est, & interdum erit, ab vna
 temporis parte ad aliam semper commigrans. Ipsi autem esse idem est
 quod gigni, necessarium certe, ut interdum erat, & interdum est, &
 interdum erit: sic etiam interdum generatus est, & gignitur interdum,
 & interdum gignitur. Neque enim aliter est essentia particeps, quam in
 ipso gigni & fieri. Quare si ipsum gigni aut idem est, quod esse ipsius,
 aut causa cur sit, prorsus est necesse, ut quemadmodum ipsius esse se ha-
 bet, sic ipsum gigni se habeat. Si idem sit, ob hoc ipsum. Sin autem
 causa ob id quod, ipsorum etiam sententia, ut se habet id quod oritur
 de causa, ita se habet & causa. Et retrorsum: ut causa, ita & effectus.
 Quare si interdum est Mundus, necessario etiam gignitur interdum. Iam
 & sine ipso gigni. Si ipsum Mundum aliquando futurum esse dicamus,
 necesse est (nisi sine procreante causa sit futurus) futuri causam, quatenus est
 futurus, nunc esse facultate, etiam per ea quæ ipsi statuunt. Quod si Mun-
 dus habet ut semper sit futurus, quandoquidem idem habet & tempus,
 necessario causa cur semper sit futurus, in eo quod futurus est, potesta-
 te erit.

te erit. Quare sine eo, vt dicamus futurum esse, vt Mundus gignatur in posterum, in rem æquè absurdam depellitur oratio, nempe vt Deus semper facultate sit procreator, & semper imperfectus per inuitabiles ipsorum Argumentationes. Neque igitur subtilitatis acumine suarum hypotheseon absurditatem occultare Proclus potuit.

Q V A P R O P T E R si secundum pias de Deo notiones ipse XVI.
sui complementum est Deus, nullo quod ipse procreauerit, indigens ad sui perfectionem, palam est, quòd neque ex eo, quòd res in natura consent, quicquam ad perfectionem adsumit, neque ex eo, quod non consent, ipse seipso erit imperfectior. Nam secundum Plotinum, ea etiam quæ nondum sunt, Deo perinde adsunt, ac si iam essent. Ipsius autem verba iam antea proutimus è libro, cui titulum fecit: De iis, quæ mente percipiuntur, siue de bono. Horum hîc etiam meminisse non alienum erit. Ibi enim de effectrice Dei potentia differens, sic habet: Attamen » si quamque actionem non imperfectam esse oportet: neque fas est Dei » quicquam aliud arbitrari quàm totum & vniuersum. Oportet in re quæ » libet, quæ ipsius sit, omnia simul adesse. Quare ipsum quoque semper esse » oportet. Vnde efficitur, vt sit necesse futurum, vt iam præsens adesse. » Quapropter non posterius quicquam in illo, sed quod iam illic præsens » est, posterius in alio efficitur. Quare si iam adest futurum, necesse est » ita adesse, vt quod mente anticipatum sit, & præuisum in posterum. » Hoc autem est perinde, vt nulla re tum indigere, hocque eius est, » quod nulla re defecturum sit. Omnia igitur iam erant, eaque semper. » atque ita erant, vt postea dicamus propter hanc causam hoc esse fa- » ctum. Extensum enim & quasi simplex factum, potest ostendere hoc » post hoc esse factum. Illud autem omne quod simul est, vnum id est. hoc » verò est id, quod in se causam continet. Itaque si secundum Philosophum, » Plotinum, quod futurum est, necdum factum, iam Deo præsens adest, » neque quicquam apud ipsum posterum est. Sed quod in posterum est fu- » turum, id ipsi iam præsens est, & semper adest, atque ita adest, vt quod mente iam conceptum sit in posterum. Et ob id Dei actio quæque perfecta est & plena, vt quæ prænotione, quæ deinceps futura sunt, conceperit, adeò vt nullo deficiatur, neque quoquam indigeat tunc ipsa Dei operatio. Quando quod prius in posterum erat futurum, iam procreat & profert. hæc inquam si vera sunt, & ab aliquo principio si exiit Mundus, necesse est profectò hæc eos concedere, nempe tum priusquam constitisset Mundus, Deo iam præsentem fuisse, vt mente iam conceptum in posterum: ob idque absolutam esse Dei procreatricem operationem, tum apud Deum nihil esse posterum (quod enim deinceps est futurum, iam ei per prænotionem præsens adest) tum ipsi nihil esse opus quicquam adsumere ad Mundi

procreationem. Cum hæc igitur ad hunc modum, secundum notiones de Deo mentibus omnium insitas, etiam ab ipsis confessæ sint, quis non insigniter impudentes eos, atque contra ea, quæ perpulchrè à se decreta sũnt, asseuerare dicat, qui contendunt nisi sempiternus sit Mundus, priusquàm ipse factus esset, eius procreatorem & factorem esse imperfectum, atque tum, cum ipsum fabricaretur, tempore indigere, & ideo non expertem esse commutationis? Cum igitur ipse à se in omnibus perfectus sit Deus, nullam certè ad exteriora relationem ad perfectionem sui adsumere debet.

P R O C L I D I A D O C H I

Argumentum quintum.

A D H A E C, si vnà cum cœlo tempus cohereret, neq; cœlum est, si non sit tempus, neque tempus, si cœlum non sit, non fuit autem, quando tempus non fuit: neque erit, quando non erit. Nam si aliquando fuit, cum non esset tempus, certè, vt par esse videtur, quando non erat tempus, erat tempus. Quod enim aliquando est, ideo aliquando esse dicitur, quia interdum non sit: vt quod neque semper sit, neque nunquam, sed medium sit amborum. Vbi autem est *Aliquando*, ibi est & tempus. Præterea, si *Aliquando*, erit, cum tempus non erit, nempe ab eo quod interdum erat, ad id recidens, vt interdum non sit, certè tum cum tempus non erit, erit tempus. Nam illud *Aliquando*, temporis notionem repræsentat. Quare si neque fuit, quando tempus non fuerit, neque erit, quando non erit. Illud enim *Quando*, quod in vtranque partem dicitur, tempore non coherente, tempus significabit. tempus igitur semper est. Illi enim *Aliquando*, aut semper opponetur, aut nunquam. Atqui nunquam ipsi opponi non potest, omnino enim est tempus. Est igitur semper tempus. Iam verò cum tempore cœlum est, & cum cœlo tempus. Conuersionis enim cœli mensura est tempus, vt vitæ ipsius per se animantis mensura est æuum. Quod & ipsum docet semper esse tempus: ne æuum, aut nullius sit exemplum, si tempore non coherente sit æuum, aut ipsum non habeat, vt semper maneat id quod est, si ex eo quod non sit exemplum, ad id traducatur, vt sit: aut ex eo, quod sit, ad id vt non sit. Cœlum igitur est perinde atque tempus illi æquale & eiusdem ortus cum illo, neque prius, neque posterius tempore in ortumeductum, sed per omne tempus, vt inquit ille, & ortum & constans, & futurum.

Capita solutionis quinti Argumenti.

- I. *Quòd Sophistarum more, non eorum, quæ dicuntur sententiam, sed Verborum infirmitatem corradi.*
- II. *Quòd non necessariò Quando, seu Aliquando, temporis aduerbium, in quacunque re dicatur, temporis partem significat.*
- III. *Quòd nec reliqua temporis aduerbia ubique temporis significandi vim habent.*
- IIII. *Quòd etsi dicamus, fuit aliquando, cum non fuit tempus, & erit aliquando, cum non erit,*

erit: illud Fuit, & illud Aliquando, pro subiecti natura accipientes, non temporis partem significare intelligimus, sed aliquam aui coherentiam, in quo non fuit, aut erit tempus.

Quod etsi auum temporis exemplum sit, non necesse est tempus ita sempiternum esse, Vt æternum est auum.

QVINTI ARGVMENTI PROCLI SOLVATIO.



ALDE capiosum est hoc etiam Argumentum. non enim orationis significatione, sed ipso verbo premit. Nam si, inquit, fuit quando non fuit tempus, & erit quando non erit, fuit aliquando, quando non fuit tempus, & erit aliquando, quando non erit. Nam Aliquando, inquit, temporis significandi vim habet. Et ubi est Aliquando, ibi est & tempus. Erat igitur tempus, quando tempus non erat, & erit tempus quando non erit. Hæc quidē Philosophus: quanquam non ignarus, quod dictiones non omnino synceritatem, & integritatem notionum representare valent. Quid igitur, si nos nimiam eius in dictionibus examinandis diligentiam effugientes, non dicamus, fuit aliquando quando non fuit tempus, neque erit aliquando, quando non erit: sed simpliciter ad hunc modum: Non est tempus, sed principium habet & finem consistendi. Quod si hoc cū dixerimus, concludat Philosophus id quod semper non est, quia neque semper sit, neque nunquam, aliquando esse necessariū, & aliquando non esse, vt verbum Aliquando, arripiat, concedat nobis dum fallacem eius conclusunculam imitamur, paulisper oratione iocari. Eleganter enim sapienti Homero dictum est:

Talia dicentur tibi, qualia dixeris ipse.

Videat igitur vt gnauiter solers & ingeniosum inuentum suum defendat.

QVONIAM enim tempus aliud præterit, aliud futurum est, verum quod temporis futurum est, vt crastinus dies, aliquando erit, an non? Nam si non semper est crastinus dies, erit aliquando. Ipsi enim aliquando aut semper opponitur, aut nunquam (iisdem enim ipsius verbis vtar) Quare si vtrunque falsum est (nam futurum neque semper est, neque nunquam. aliōqui non amplius esset futurum) prorsus est necesse esse aliquando. Si igitur Aliquando, tempus significat, & quod temporis est futurum, tempus est, erit cerre tempus, quando erit tempus. Quod igitur tempus? nempe illud, in quo futurum tempus, vt crastinus dies, erit. Et de illo eadem iterum dicemus. Aut enim illud tempus aliquando erit, aut semper, aut nunquam. Cū autem falsum sit, tum semper, tum nunquam ipsum esse (nam Aliquando, partem aliquam temporis significat) sanē aliquando erit ipsum Aliquando. Iam verō Aliquando, tempus est, & illud igitur tempus in tempore erit. Atque hoc in infinitum progredietur. Verū adolescentulorum, opinor, iocis eiusmodi syllogismorum, ne dicam captiuorum, genus conueniet, qui de veritate & eorum quæ dicuntur, lentu parum admodum laborantes, verba ipsa dilacerant, dum inepta in disquendis syllabis garrulitate, orationis sensum, & cursum inhibere conantur. Viris

autem, qui se adulto sensu esse profitentur, minimè ista conueniunt. oportet enim ad eorum, quæ dicuntur intelligentiam, tanquam ad propositum scopum spectare, & eam vnam consecrari, etiamsi dictionis infirmitas accuratam eorum, quæ dicuntur, expressionem attingere non possit. Quemadmodum igitur hîc, cum quod temporis est futurum, aliquando fore dicimus, vt diem crastinum, tempus aliquod per illud *Aliquando*, non inducimus, etsi temporis significationem aliquam representet, sed per illud vnum hoc significamus quod futurum est, non semper esse: sic igitur si quis dixerit, aliquando non esse tempus, aut aliquando non futurum, non tempus aliud per ipsum *Aliquando*, significat, in quo non fuit, aut non erit tempus, sed tantum neque semper neque nunquam esse hisce verbis significabit. Verè enim medium ita erit ipsum *Aliquando*, inter semper & nunquam. Nam si cum dicimus, tempus aliquando non esse, temporis significandi vim habet *Aliquando*. certè etiam cum dicimus, *Aliquando*, esse partem temporis, quæ futura est, tempus significabit *Aliquando*. eius enim quod est, aliquando non esse, affirmatio est aliquando esse. Quod igitur in affirmatione significat *Aliquando*, id ipsum oportet significet in negatione. Itaque si cum dicimus, id quod futurum est, vt crastinum diem, aliquando esse, ac non semper, non proprium ac certum tempus aliquod per se significat ipsum *Aliquando*. neque sanè cum dicimus, aliquando non esse tempus, proprii cuiusquam temporis significationem habebit. Vt enim in certo aliquo tempore, vt in crastino die, qui aliquando est futurus, ac non semper, non tempus significat illud *Aliquando*, sic nec in toto tempore, quod aliquando esse, aut non esse dicitur, ac non semper, necessariò temporis significationem habet *Aliquando*. Sed in vtraque oratione nihil aliud significatur, quàm non semper esse id, de quo ipsum *Aliquando*, enuntiatur. Nonne igitur pudendum est, virum præsertim Philosophum, qui se vnam veritatem exquirere & retinere velle profiteretur, non orationis sententiam consecrari, sed in verba & dictiones insilire? quia videret non alio modo exprimi posse ea, quæ suæ naturæ principium habent, & finem, quàm hisce temporum aduerbiis.

- III. Q V O D autem non necessariò vnà cum particularum temporis vsu, tempus protinus intelligatur, hinc planum esse potest. Nam si quis hoc modo dixerit, quando quod mouetur, mouendi finem fecerit, tum & quiescendi principium faciet. Qui, inquam, ita est loquutus, qui aduerbiis temporis vsus est, nempe ipsis *Quando*, & *Tum*, tempus statim significauit. Atqui hoc fieri nequit. In vno enim & eodem temporis puncto finem mouendi facit id quod mouetur, & quiescendi principium. Neque enim motus finis, neque quietis principium est in tempore. Nam in tempore, aut moueri, aut quiescere oportet, quod ad id est natum. Atqui neque motus, neque quies hîc statuitur, sed motus finis, & quietis initium. Non igitur temporis significandi vim habent, *Quando*, & *Tum*, sed finem & extremum indicant temporis eius, in quo motus perficiebatur, & rursus principium eius in quo requies erit. Quare non omnino temporis appellationes, & particulæ vbicunque assumptæ fuerint, tempus statim designant. Quid igitur verat etiam in proposito sermone, si dicatur, Aliquando futurum, cum

cum non erit tempus, ipsum *Aliquando*, non tempus audientis animo repræsentare, sed temporis extremum, in quo tempus esse desinet? Si etiam dicatur tempus aliquando fuisse ortum, non ex æternitate esse, tunc rursus intelligere ipsum temporis initium & primum punctum, aut momentum in quo esse cœpit. Ad hunc modum neque verba *Fuit*, & *Erit*, in quocunque dicta fuerint, necessariò temporis significationem habebunt. Nam consistentiæ significationem habet verbum *Est*, sed ipsum temporis expressio consequitur, ut verbum vnumquodque, quod sua vi aliud quidpiam significet, consequitur, ut partem aliquam temporis adsignificet, non tamen propterea tempus omnino significabunt *Fuit*, & *Erit*, de quibuscunque dicantur. Nam si quis ad hunc modum enuntiet, antequàm mortales, aut omnes, aut nonnulli Deum agnoscerent, Deus erat. Vtrum hoc in loco verbum *Erat*, quod de Deo enuntiatur, tempus significat, aut temporis nonnihil, ut extremum aut principium? Atqui hoc fieri nequit. Neque enim Deus est in tempore. Vnam igitur Dei consistentiam exprimendi vim hîc habet verbum, *Erat*. Nam si temporis omnino significans esset, præteriti temporis significationem haberet. Quod autem præterit, non est. Quando igitur Plato de Deo dicit: Probus erat, probus nulla in re vlli vquam invidere potest, Deum certè, secundùm sapientem Proclum, in tempore etiam præterito esse constituit, & qui propterea, aut non ampliùs sit, aut certè non ampliùs probus, aut qui vnà cum temporis sectione distinguatur, & variè distrahatur, & qui non confertam simul, & æternam simul constantiam & naturam obtineat. In quo enim verbum *Erat*, dicitur, in eodem verbum *Est*, non absolute enuntiatur: Nam qui dicit, Socrates erat, sic dicit, ut de eo, qui nimirum nunc non sit. Neque enim potest absolute sic dicere, Cælum erat, est enim nunc quoque. Quemadmodum si quis homo probus sit, indefinitè de eo dicere non possumus, Probus erat, sed, Probus est. De eo autem, qui non ampliùs probus sit, sed immutatus in vitiositatem, dixeris, Probus erat, ut qui, scilicet, nunc probus non sit ampliùs. Nam etsi in iis, quæ in temporis productione esse suum habent, & quæ adhuc constant, dicitur, & quòd erant, & quòd sunt: quemadmodum de cœlo. Nam erat cælum, & nunc est. Tamen in quo erat, nunc non est. Nam eius esse, quo erat in præterito, nunc non est. Aliòqui enim præteritum esset instans. Quare quatenus verbum *Erat*, de aliquo enuntiatur, secundùm illam consistentiam, nunc non est. Quòd si cum Plato de Deo diceret, Probus erat, non in tempore ipsum Numen ponit, neque cum temporum sectionibus ipsum distrahit, sanè vox *Erat*, non necessariò tempus significat, de quocunque dicatur. Aliòqui necesse est, ut aut ipsi fateantur ex iis, quæ mente & intelligentia tantùm comprehenduntur, & diuina sunt, nonnulla esse, quæ supra Mundum sint, & à corporum relatione libera, & item Deum ipsum cum earum rerum, quæ mente intelliguntur, tum omnino rerum omnium primam esse causam & principium, aut certè negabunt quicquam esse, quod à corporum communicatione & relatione sit liberum, & separatum. Quòd si earum rerum, quæ sunt nulla sit, ne ipsa quidem prima, quæ essentiam, & naturam suam in nulla relatione habeat ad corpora, seorsim certè à corporibus nulla constare possit. Nam

sublatis corporibus, ea, quæ in relatione ad eadem corpora suum esse retinent, vnâ perimi est necesse. Itaque fiet, vt ad eorum naturam & essentiam conducant corpora, & causæ sint ipsorum consistentiæ. At verò si hoc absurdè dicitur, efficitur necessariò, eas, quæ mente comprehenduntur, substantias, & ipsummet Deum, qui propter eximiam naturam, sine vlla comparatione omnium rerum autor est & causâ, omni relatione ad corpora & ad Mundum essentiam habere superiorem. At verò quòd tempus nihil aliud sit, quàm numerus motus corporum, aut (vt absolutè & omnino dicam) quòd circa corpora suam habeat essentiam, conuenit inter omnes. Anni enim & menses, noctes item & dies, quæ partes sunt temporis, extra corpora nec constant, nec vllam habent naturam. Quòd si tempus numerus est motus, tertium certè ordinem à corporibus est sortitum. Nam motus omnis naturalis corporum, est motus. Tempus autem ipsius motus, est mensura, aut omnino ipsius motus est quidpiam. Quæ igitur ab ipsa corporum comparatione sunt absoluta, longissimo interuallo ab ipsa ad tempus relatione seiuncta sunt, cum tempus à corporibus sit tertium. Quòd si hæc vera sunt, & in rebus intelligentia comprehensis, & in Deo dicere possumus, quòd antequàm hoc vel illud factum esset, Deus erat. Atque hoc elocutionis genus non solum in communi hominum consuetudine frequens est, sed etiâ apud doctos & sapientes est in vsu. Interdum enim ea est subiectarum rerum natura, vt aliter quod sentiunt exprimere non possint. certè verbum *Erat*, non quomocunque, & in quacunque re dicatur, necessariò tempus secum inuenit. Quoniam dicimus quoque quòd erat tempus, nec tamen hic temporis vllam significationem habet verbum *Erat*. Aliòqui duo simul erunt tempora: tum illud, de quo verbum *Erat*, enuntiamus: tum illud, quod per verbum *Erat*, significatur. Id quod obtusum est dictu. Atque adeò tria erunt tempora si quis ita dixerit, tempus erat, quando Socrates erat: si per vtrumque *Erat*, tempus significari intelligatur. Atqui, opinor, nemini non valde ridiculum hoc videatur. Nam simul vel quatuor vel quinque tempora in eodem fingere quis poterit, si toties verbum *Erat*, in eadem orationis elocutione adsumpserit. Quòd si in propositis exemplis verbum *Erat*, solius rerum subiectarum consistentiæ apertè significans est, non vllius temporis, efficitur certè, vt non in quacunque re & quomocunque dicatur *Erat*, tempus protinus significet. Ad eundem planè modum, neque verbum *Erit*, in quacunque re enuntietur, ipsum per se temporis partem, nempe futurum, significabit. Et ob id cum dicimus, erit, quando non erit tempus, verbum *Erit*, temporis nihil significat. Isti tamen vocem *Erit*, ad tempus transferentes, colligunt inde, quasi dicatur, quòd erit tempus, quando non erit tempus. Si quis autem tali vsus enuntiatione dicat: Quemadmodum erat tempus, & nunc tempus est, sic quoque tempus erit. Deinde quispiam egregiam hanc & doctam viam sequutus, verbum *Erit*, ad tempus transferat, is, certè efficiet quòd erit tempus, quando non erit tempus. Nam si verum est, quòd erit tempus, hic autem *Erit*, temporis est nota, erit certè tempus, quando tempus erit. At quæ temporum horum est differentia, futuri, inquam, & eius, quod pendet ex verbo, *Erit*? Iam de illo tempore in quo erit tempus, eadem nihilominus dicere licebit.

licebit. Atque ita in infinitum progrediemur, temporum tempora conquiren-
tes. At fieri non potest, vt simul & in eodem duò sint tempora (vt seorsim infini-
ta esse concedamus) nisi vnum pars sit alterius, & in ipso compræhendatur. Vt,
verbi gratia, si quis mensem instare dicat, & decimum eius diem. Non hoc au-
tem significat adfirmatio, quæ dicit, quodd erit tempus, sed simpliciter, quodd non
nunc desinet tempus, verum deinceps etiam erit. Quare si per ineptam Procli
Argumentationem res absurda adfirmationem eam, quæ dicit, Erit tempus,
consecuta est, nempe temporis esse tempus, & tempus esse in tempore, falsa
proculdubio est. Vera igitur quæ huic contradicit. Siquidem contradictionis
necesse est, aut adfirmationem esse veram, aut negationem. Cum igitur falsa sit
adfirmatio, Erit tempus, quantum quidem in Procli Argumentatione situm
est, vera erit huius negatio, Non erit tempus. Quare in sensum sibi contrarium,
ex hac admiranda methodo relapsa est huius oratio. Quoniam autem potest
quis ad hunc modum pronuntiare, Erit tempus, cum erit, verbi gratia, pluuia,
aut quidpiam eorum, quæ oriuntur: Si iterum verbum, *Erit*, hic ad tempus
transferatur, non solum prius, sed etiam posterius, atque si omnino temporis si-
gnificans est illud *Erit*, & præterea illud *Quando*, temporis aduerbium, quis non
videt, quàm ridicula futura sit hæc enuntiatio, & cuiusmodi, vt cogitatione com-
præhendi, aut fingi non possit, in qua quater ordine tempus pronuntiauerim-
us? In sexcenta alia huiusmodi absurda Philosophi Argumentationem per
exempla compellere nobis liceret. Si in his igitur verbum *Erat*, aut *Erit*, non
tempus per se designat: sed cum dicitur, Erit tempus, *Erit*, futuram temporis
consistentiam modò significat. Cum autem dicitur, Erit tempus, cum erit plu-
uia, prius quidem *Erit*, rursus temporis repræsentat coherentiam, posterius au-
tem, pluuia. Neque igitur quando quispiam dixerit, Erit quando non erit tem-
pus, illud *Erit*, vt temporis notam accipiemus. Sed quod erit, quidam status in
quo tempus non erit. Non solum autem *Erat*, & *Erit*, partes temporis signifi-
cant, illud præteritum, hoc futurum: sed ipsum *Est*, etiam instantem temporis
particulam designat, quæ & præterito & futuro opponitur. Non tamen quan-
do dicimus, Deus est, per verbum *Est*, temporis particulam vllam intelligimus,
sed solam Dei æternam constantiam. Neque enim verborum infirmitatem res
ipsas ita sentire oportet, vt propterea fiant deteriores: sed quantum ex usu nobis
est, ad res eas significandas, quas animo & mente conceperimus, ex ipsis verbis
assumentes, si quid quod naturæ nostrarum notionum minus conueniat, vnà
cum verbis exhibetur, id nos dissimulamus. Quemadmodum igitur in propo-
sitis omnibus exemplis, temporis aduerbia, & notæ, non ita in elocutione acci-
piuntur, vt necessarii ipsa per se temporis alicuius loco intelligantur, etsi in ipsis
ex quadam consecutione vnà adpareant temporis partes, sed aut consistentiam
aliquam significant, aut temporis alicuius extremum, aut principium, vt ex præ-
missis exemplis palam fecimus: sic, nec si dicatur aliquando non fuisse tempus,
aut aliquando non futurum, necesse habebimus propter illud *Aliquando*, tem-
poris aduerbium, aut ante tempus, aut post tempus, tempus esse dicere. Sed cum
dicitur aliquando non fuisse tempus, temporis esse principium, ac non æternum

esse significari dicimus. Cum autem dicitur interdum non futurum, desitutum, & non sine fine futurum significamus. Neque verò hîc mihi curiosius inuestigabit oratio, an desitutum sit tempus necne. Sed ex prædictis, id vnum demonstratum esto, quod propositum Procli Argumentum nihil conficit necessariò: sed potius in absonam & absurdam rationem depellitur.

III. C A E T E R V M, proposito Argumento ad hunc quoque modum respondere licet. Si vt tempus motus cœli est mensura, sic æuum mensura est æternorum, vt ipsemet Proclus hîc confitetur. Cœli enim progressiones & conuersiones metitur tempus, vt eum vitam metitur per se viuentis, seu per se animantis. Si igitur æuum vitæ per se animantis, hoc est, æternorum mensura est, modis omnibus est necesse, æuum non esse punctum vnum, sed latitudinem & extensionem quandam, quæ (vt ita dicam) cum *Esse* æternorum simul extendatur: non quidem vt tempus, quod sectionibus secatur differentibus, annis, in quibus, & mensibus, noctibus & diebus. Sed, vt si quis mente & cogitatione cœlum fistat, & solis cursum inhibeat, & tollat, non differentes amplius particule temporis erunt, intelligeretur tamen extensio quædam per omnia sibi similis, quæ vnâ cum Mundi consistentia concurrat. Ita sanè & in æternis est dicendum, quod etsi in quo, ipsorum essentiam dimeciet, non est temporalis intervallo vlla progressio, aut morus: tamen extensio quædam per omnia sibi similis, vnâ cum eorum essentia omnino intelligitur. Neque enim, vt dixi, æuum punctum est quoddam partibus carens, neque quæ in æuo sunt, hoc est æterna, in vno aliquo puncto tantum coherent. Vnde æternorum vitæ mensuram æuum esse dixit Proclus, & ante eum etiam Plato. Tempus enim, inquit, ortum est vnâ cum cœlo, vt simul nata, simul etiam dissoluantur: si quando vlla est ipsorum futura solutio, & ad exemplum sempiternæ naturæ, vt quam potest simillimum ipsi efficiatur. Exemplum enim stat per omne æuum: Cœlum autè ad finem vsque per omne tempus. Quare si Mundi exemplum per omne æuum esse dicit Plato, & mensuram esse vitæ sempiternorum, certè non punctum aliquod eum esse arbitrat (quod enim est totum, non punctum est: nec quod partibus caret, mensura esse potest) verum vnâ quandam æquabilem vitæ sempiternorum extensionem, quæ nulla varietate aut differentia secetur: sed quæ constet semper eadem, & sibi similis & inuariata perseueret. Cum hoc igitur ita se habeat, cum dicimus, Erat, quando tempus non erat, & erit quando non erit, voces *Erat*, & *Erit*, non vt temporum notas intelligimus, sed ita, vt cum dicimus, Deus erat etiam priusquam homines ipsum cognouissent, & erat tempus, & Deus est, & est tempus. Aut cum Plato dicit, Probus erat, non temporis partes per *Erat*, & *Erit*, intelligimus, sed pro rei subiectæ naturæ æui significandi has temporis adiectiones vim habere dicimus: aut certè nudæ ipsius rerum consistentiæ. Quoniam nos aliter loqui non possumus, quam cum quadam temporis significatione. Hic igitur si dixerimus, Erat, quando non erat tempus, & erit quando non erit, voces *Erat*, & *Erit*, non tempus inuohere intelligimus, sed eui consistentiæ significationem habere dicimus. Erat enim æuum, cum tempus non esset: & erit æuum, cum tempus non erit. Itidem, si *Aliquando*, in hac oratione inseratur: veluti,

Aliquando, erat, cum non erat tempus: & aliquando erit, cum tempus non erit. Rursum illud *Aliquando*, de æuo dici intelligimus. Quoniam est aliqua æui consistencia, seu extensio, seu quocunque alio nomine, id in quo tempus non erat, appellare libuerit. Et iterum, erit æuum, quando non erit tempus: Neque enim, ut dixi, ad verborum infirmitatem, sed ad eorum quæ dicuntur, sensum prudentem spectare decet. Quemadmodum enim in Dei & numinis notione mens nostra non valet ipsum sine phantasia seu cogitatione contemplari: sed, ut habet Plato, vnâ cum nostris de Deo notionibus, omnino transcurrit phantasia, seu imaginum & fingendi facultas, quæ figuras nobis & moles seu magnitudines de ipso subiicit cogitandas. At verò neque sine tempore, quæ supra tempus sunt, concipere intellectu possumus. Non tamen propter nostræ contemplationis imbecillitatem statim est necesse, res ipsas sic se habere: sed animi iudicio ea absurda reicere debemus, quæ nostras de Deo & rebus corpore carentibus cogitationes excipiunt. Sic multò magis in rerum quoque enuntiatione, non ad verborum imbecillitatem animum aduertere decet, si non prorsus cogitationes nostras planè & sincere, aut res ipsas exprimere dictiones possunt. Neque ex verbo, sed ex dicentis sensu, & intelligentia dicentem reuincere & refellere oportet. Pluribus enim oratio nostra comprobauit, quòd non statim cum dictionibus, quæ temporis notam habere videntur, tempus verè significatur. Quare, ut in summam totum hunc sermonem contraham, vnâ cum cælo tempus ortum esse, rectè tum Platoni, tum veritati est visum. Cæli enim conuersionis mensura est tempus. Tempus autem initium non habere, nusquam Platonem dixisse ostendere quisquam possit: sed hoc à se Proclus conficere conatus est. Quòd autem principium habeat tempus, aliàs confirmabimus. Nam & Plato ipsum vnâ ortum esse cum cælo apertè dixit: & antequam procreatum esset cælum, tempus non fuisse. Cælum autem ortum esse tradit, & ab aliquo principio esse cœpisse. Et Platonis discipulus Aristoteles in Octauo De naturæ auditione, præcep- cap. i. toris sui opinionem hanc esse testimonio suo confirmauit. Scribit enim ad hunc modum: At verò de tempore omnes præter vnum inter se consentientes esse videntur, non generatum enim omnes dicunt, & per hoc Democritus con- licit fieri non posse, ut omnia facta fuerint, cum tempus ortum non sit, vnus autem Plato ipsum natum esse asseuerat, nempe vnâ cum cælo ortum esse. Cælum generatum fuisse tradit. Hæc igitur in octauo Argumento pluribus demonstrabuntur. Iam & in primo confirmatū est, fieri non posse, ut sine principio sit Mundi coherencia. Vtrumlibet autem esse cœpisse dixeris, seu tēpus, seu Mundum, alterum etiam suæ essentia: principium habere est necesse. Quòd autem si quis concesserit incertum esse, an Mundus & tempus esse cœperint necne, tamen hoc Philosophi Argumentum per quod conficere se putat, tum principio, tum fine tempus carere, Sophistas magis quàm Philosophos deceat, abunde nostra comprobauit oratio.

QVOD si æuum temporis exemplum esse dicat, & ob id oporteat tempus esse sempiternum, ut æuum in sempiternum sit exemplar: Argumentationem hanc in secundo Philosophi Argumento communi repræhensione con-

futauimus, vbi sermo nem mouit de exemplis. Nam si, vt ipse per se animans Mundi est exemplar, sic æuum quod vitam per se animantis metitur, exemplū est temporis Mundi cohærentiam metientis, probatum est autem ipsum per se animantem non in hoc suum esse habere, vt Mundi sit exemplum. Neque sanè, quod vitam per se animantis metitur, æuum in hoc suam naturam habebit, vt temporis sit exemplum. Nam si vt æuum ad ipsum per se animantem se habet, sic se habet tempus ad Mundum. Et permutata igitur ratione, vt ipse per se animans ad Mundum, sic & æuum ad tempus se habebit. Ibi autem docuimus, quòd si per se animans & omnino Mundi exemplum sit, non necesse est esse Mundum. Neque igitur si æuum est, tempus necessariò erit.

P R O C L I D I A D O C H I

Argumentum sextum.

SI opifex Mundum solus dissoluere possit. Omni enim ex parte indissolubilis est, inquit, præterquam ab eo, qui colligauit. Nam in omni re eius est, qui vinculum nouit, rationem etiam nouisse eius dissoluendi quod colligauit. Et eius qui hanc rationem nouerit, est dissoluere. Ipse autem Mundi fabricator Mundum nunquam dissoluerit. Ille est enim qui dicit, haudquaquam probi esse, ratione vinctum velle dissoluere. Nullo autem modo fieri potest, vt malus is fiat, qui verè bonus est, efficitur vt Mundus nullo modo dissolui possit, neque enim ab yllo alio, quoniam soli artifice ipsum dissoluere concessum est. Neq; verò ab ipso artifice, quoniam ratione vinctum velle dissoluere, omnino mali. Aut enim non bene & ratione vinxit, & sic opifex optimus non est. Aut probè colligauit, & non dissoluet, ne malus fiat. quod fieri non potest. Vnde efficitur vt vniuersum sit indissolubile. Quapropter caret interitu. Quòd si interire non potest, ne ortum quidem est. Omne siquidem quod ortum est, interire debet. Dixit Socrates pridie quàm Timæus disputaui, nō suis quidem verbis, sed musas loqui professus. Neq; verò superuacaneum musarum decretum Timæus esse putauit. Sed constituit genus aliquod esse, quod non interiret. Si igitur vera sunt hæc, cuius nullus est interitus, id ortum non est. Atqui Mundo nullus est interitus, sine ortu igitur Mundus est. Quare efficitur, vt sempiternus sit Mundus, qui nec ortus sit, nec possit interire.

Capita solutionis sexti Argumenti.

- I. Quòd malitiosè se gerunt in argumentis, cum qua aperte Platonis dicta sunt de Mundi procreatione, ea veluti obtorio collo, ad id detorqueant quod ipsi sentiunt.
- II. Expositio aggressionis sexti argumenti, quod etiamsi esset necessarium, veritati tamen nihil noceret, cum non ex ipsa rerum natura, sed ex Platonis hypothesibus ductum sit.
- III. Præmittitur explicatio ordinis & æconomia seu dispositionis argumenti.
- IIII. Quòd falsa est & absurda Platonis oratio: qua habet, improbi esse quod ratione vinctum est, & probè colligatum, velle dissoluere. & quod vt ortus Mundi causa est Dei prohibita, sic & solutionis eius eadem est causa.
- V. Quòd si dissoluendi Mundi facultatem habet Deus, vt ipsi quoque sentiunt, ipsum omnino dissoluet. Quòd si non soluet, aut ipsius soluendi facultatem non habet, & ob id neque

neque componendi: aut imperfectus erit, secundum ipsorum rationes, quia sine actu sola dissolutionis facultate praeditus sit.

Quod si mali est ratione vinctum velle dissolvere, & Mundi dissolvendi facultatem VI. habet Deus, ut mala faciat, & ut malus euadat facultatem habebit.

Proferuntur verba Platonis, quod penes tempus, Mundum ortum esse velit. Et VII. brevis intelligentia ipsorum explicatio.

Quot modis ortum & generatum dici velint Platonis interpretes, Taurus, Porphy- VIII. rius, Proclus. Et in qua significatione unusquisque eorum Mundum à Platone ortum dici statuerit.

Reprehenditur prima ortus significatio: nempe fieri non posse, ut Mundus ideo ortus IX. esse dicatur, quia in genere sit eorum quae oriuntur, etsi nunquam ortus fuerit.

Quod Mundum à Platone ortum dici vult Porphyrius, quia cogitatione compositus sit. X. & si, quod ad tempus attinet, nunquam conditus fuerit. & quibusnam rationibus hoc conficiat.

Quod iniustitatum Graecis, tum communi loquendi consuetudini sit proposita genera- XI. ti significatio. Et quod Platoni maximum crimen inurunt, qui ipsum dicunt vocibus uti ambiguis. Et quod etiam si Mundum ita generatum esse diceret, nihilominus principium quo esse ceperit, ipsi tribuit.

Quod fieri non potest, ut quod Platoni dictum est, Mundum ab aliquo principio co- XII. pisse, id penes unum ex principiis intelligamus, materiam dico, formam, instrumentum, efficientem causam, exemplarem & finem.

Quod in his temporis initium Plato significauit. XIII.

Quod à Platoni acumine alienum erat, inquirere, verum compositus sit Mundus ex XIII. materia & forma, an verò sit simplex. Et quod ipsemet Porphyrius Platonis verbis compulsum, suam de ortu hypothesin consultauit.

Quod Proclus exponit Mundum à Platone generatum dici, quia in ipso gignendo suam XV. naturam obtineat. & quia per causam generatus sit.

Quod Plato in ipso quidem gignendo Mundum essentiam habere statuit, generationis XVI. tamen initium eidem tribuit. & praeterea, quod temporis principium intelligit, & non aliud.

Quod etiam Porphyrius non solum ut compositum scribit Mundum à Platone genera- XVII. tum dici, sed ut ab ipso Deo procreatum. Et quod ab alijs ad alias ortus significationes transire, arguit eos repugnantem Platonis sententiam aliò detorquere.

Quod fieri non potest, ut Plato, an penes causam generatus sit Mundus inquirat, tum XVIII. cum dicit, Semperne fuerit nullo generatus ortu, tum in similibus.

Quod fieri non potest, ut cum Plato Mundum generatum esse dicit, penes causam ge- XIX. neratum intelligamus. Cum autem non generatum dicit, temporis ratione, ac non potius etiam cause non ortum accipiamus.

Quod ipse Plato aperte distinxit doctrinam de procreatione Mundi, quae est penes tem- XX. pus, ab ea, quae penes causam intelligitur.

Quod non precatu Argumento, ut volunt, aut doctrina gratia, Plato Mundum ut XXI. ortu inducit. Et quod per ea quibus haec confirmant, eueriunt priores ortus significationes.

Quod perperam Taurus in hisce Platonis verbis: ἡμῶν τὸς αἰὲς τὸν πᾶντος ἀόριστον XXII.

ποίησθαι τῶν μένους, εἰ γέγονεν, ἢ καὶ ἀδύνατος ἐστίν. Id est: Nos de vniuerso verba faciuros, generatione sit, an etiam ortu careat. ἢ, id est an, coniunctionem dubitandi, in eis, id est, si, commutauit: ut dicat, εἰ καὶ ἀδύνατος ἐστίν, etiam si ortu careat.

XXIII. Quod neque ideo Mundum Plato generatum esse dicit, quia in motu perpetuo sunt caelestia.

XXIII. Quod non de anima substantia generationem Plato in Timaeo enuntiavit, sed mutuum animae ad ipsa caelestia corpora comparationem, & certum motum, quem ab anima, quae ipsis inest, caelestia habent corpora, per ἄπογονίδιον, id est, per animae procreationem, docuit. Ubi compendiaria Platonica psychogonia, id est, animae procreationis, inseritur historia.

XXV. Quod necessario Plato ex eo, quod Mundus cernitur, & tangitur, aut omnino sentitur, ipsum ab aliquo temporis principatu ortum esse collegit. Ubi docetur, quod tum secundum partes, tum secundum tota ipsa elementa, generantur & inereunt, & qui ex ipsis constitutus est Mundus.


XXVI. Quod Plato cum ea, quae semper sunt, ortum non habere dicit, nullum ipsorum negat ortum, aut moram in tempore.

XXVII. Testimonia Philosophorum, quod ab aliquo temporis initio Mundum ortum esse voluit Plato: nec ut in conditione ortum dicit, nec quod in gignendo naturam suam habeat.

XXVIII. Quod cum Plato natura solubilem, & caducum Mundum esse dixerit, consequitur, ut ipsum quoque factum esse pronuntiauerit. Et quod cum eo, quod secundum naturam sua rationem immortale est, neque aduentitiam, aut aliunde questam habet immortalitatem id coheret, quod secundum Platonem non ortum esse dicitur.

XXIX. Quod per ea ipsa, per quae tum morbi, tum senectutis immunem Mundum Plato esse dixit, euidenter probatur, quod non natura talem esse putat. Et quod etsi nihil sit extra Mundum, quod ipsum possit corrumpere, nihilominus corrumpi potest, propter finitatem eius vires. Et quod alibi Proclus hac eadem aperte confessus est.

SEXTI ARGUMENTI PROCLI SOLUTIO.

I.  VM nusquam Plato Mundum vilo modo ortu carere pronuntiauerit, sed contrā, ubiq; generatum ortumq; fuisse, & naturae esse ortus capacis, clarissima voce denuntiet, & non secundum quid natū, & secundum quid non natum, sed omnino & sine vlla distinctione generatum fuisse confirmet, qui veritati probabilitatem anteponunt, & nimio quodam affectu ducuntur in defendenda Mundi perpetuitate, cum domesticā reprehensionem nullam proferant, sursum ac deorsum versant omnia, ut ad suum sensum Platonis dicta detorqueant. Quamquam statim ex ipso verborum ornatu, & orationis varietate ab hominibus naris non obesse deprahenduntur, repugnantem Platonis mentem ut ad sententiam suam pertrahere. Simplex est enim veritatis oratio: neq; variis, & in diuersos sensus tendentibus indiget interpretamentis, habent enim haec tempus. Iniqua autem oratio, cum aegrotans sit, & male sana, pharmacis indiget sagacibus. Nam si reuera Platoni visum fuisset, Mundum penes tempus non esse generatum, hoc est, à nullo temporis initio esse

esse coepisse, decebat ipsos, vel vnum ex ipsius scriptis testimonium proferre, quod hoc perspicue prædicaret. Nunc autem hoc minime possunt. Sed magna quadam dicendi, & orationis copia luxuriosius videntes, suadere nobis conantur, ut cum à Platone Mundum generatum esse audimus, id quasi ortus non sit, accipiamus. Et cum vir ille ab aliquo procreationis initio, cœlum esse coepisse dicat, & non fuisse priusquam fuisset ortum, id nos ita accipere volunt, ut neque ortus initium habuisse, neque vnquam non fuisse, sed vnâ cum procreatore suo, ex æternitate sterisse credamus.

I. X. H A C igitur sententia Proclo connexum est hoc sextum argumentum: vel potius in hoc etiam Porphyrii sententiam nobis ipse transscripsit. Nam illum in Commentariis, quæ scripsit in Timæum, ut confirmet Platonem sentire Mundum esse sempiternum, hoc argumento usum esse clare adparet. Nam ubi sumpsit Mundum ex opinione Platonis interire non posse, concludit ipsum ortum nunquam habuisse. Nam si quicquid generatum est, id interit, necessarium (ut in Phædro scribit Plato) conficitur argumento à consequentibus per conuersionem cum oppositione, ut si quid interire non possit, id ortum non sit. Cum igitur Mundum interire non posse Plato aperte pronuntiet, perspicuum est, ipsum omnino oriri non potuisse. Quando igitur ad hunc modum in proposito argumento ex secundis prima confirmat, nempe cum ex eo, quod ex Platonis opinione interire non possit, colligit, secundum eundem, nasci non potuisse. Decebat, opinor, nullum inde negotium iis exhiberi, qui argumenti fraudulentiam captionem confutarent. Nam ut hæc ita se habeant, & Plato, ut adfirmant, Mundum nunquam ortum esse senserit, nihil tamen veritatis propterea labefactatur oratio. Non enim ex ipsis rebus hæc ducta est reprehensio, neque Platonis opinionibus res ipsas oportet consentire. Sed quoniam ubique iniuriam patienti veritati succurrere, & honestum, & æquum esse censeo, pro viribus Platonem falsa calumnia premi conuincere conabor.

OPERAEPRETIUM autem me facturum esse puto, si primum rationes ducitiam, per quas Plato Mundum nunquam solutum iri docuit, necessarione concludant, an secus. Nam in tota hac disputatione hoc vnum est à re sumptum Argumentum, illud dico, quod habet, Mundi effectorem & parentem Deum, ideo quia probus est, Mundum ratione vincitum non soluere. Quoniam quod ratione vincitum est, & pulchre colligatum, velle dissolvere, improbi est. ut autem malus fiat Mundi procreator, fieri non potest. Deinde Platonis sententia excutienda nobis est: velint Mundum nullo temporis principatu esse coepisse, an verò ab aliquo principio coepisse consiteatur, ita ut antequam ortus esset, in natura non esset. Postremò, probandum nobis erit, quòd cum Plato Mundum ortum esse posuit, & eundem non interire, nullo modo inter se pugnantia proposuit: ut quòd Mundum non solutum iri eo modo, quo Plato intellexit, non arguit Platonem sensisse Mundum non esse generatum, ut Proclus hic conclusit. Ut igitur primum ex propositis excutiamus, Platonis verba in medium producere necesse est, quæ habent ad hunc modum:

DII deorum, quorum operum ego parens effectorque sum, ea non sunt IIII.

" dissolubilia me volente : quanquam omne colligatum solui potest. Sed ratione
 " vinctum, & bene colligatum velle dissoluere, improbi est. Hoc igitur Plato. Si
 itaque, inquit Proclus, fieri nequit, vt malus euadat, qui verè bonus est, Mun-
 das certè dissolui nullo modo potest. Neque enim ab vilo alio, quia soli effecto-
 ri soluere concessum est. Neque verò ab ipso fabricatore, quia quod pulchrè
 vinctum est, velle dissoluere, mali est. Aut igitur non probè colligauit, & non
 optimus est : aut bene colligauit, & non dissoluet, ne improbus euadat. quod
 euenire non potest. Vnde efficitur, vt indissolubile sit vniuersum. quapropter
 carer interitu. Quòd autem bene aptum & pulchrè colligatum sit vniuersum,
 ipse eorum, quæ conspiciuntur sensus comprobabit. Atq; adeò id ipsum confir-
 " mabit diuinum oraculum, vbi dicitur: Et vidit Deus omnia, quæ fecit, & ecce o-
 " mnia sanquam pulchra erant: Quòd verò eorum, quæ ratione vincta sunt,
 parens & opifex sit optimus, & quòd fieri nequeat, vt qui verè bonus est, malus
 euadat, omnium mentibus impressæ notiones de Deo clamitant. hæc vt ita sint,
 non video cur necesse sit, vt mali sit, ratione vinctum velle dissoluere. Nam cor-
 pora nostra, & omnia tum animantium, tum stirpium pulchrè compacta esse
 nemo negauerit, cum in animantibus omnibus, & in stirpibus, tam apta sit
 membrorum varia compositio, vt nihil imminutum, nihil redundans conti-
 neat, sed vnaquæq; particula, quantum satis est, suum vsum expleat, vt omnes ad
 totius salutem consentiant. At verò ipsum procreatorem velle rerum singula-
 rum vnāquāq; dissolui, & non esse sempiternam, antea in quarto Argumen-
 to docuimus. Nam si rerum singularum quāq; perpetuam esse voluisset, illæ
 omnino perpetuæ erant futuræ. necesse est enim omnino procreatorem aut vel-
 le singulas animantes interire posse, aut non velle. Si igitur falsum est, ipsum
 non velle (nam si ipsas non dissolui voluisset, omnino indissolutæ permanerent)
 Verum est profectò, ipsum procreatorem velle vt singulæ animantes intereant.
 Quòd si res singulas interire vult Deus, ratione autem vinctæ sunt, & pulchrè
 colligatæ, efficitur, vt Deus ratione vinctum rursus dissolui velit. Aut igitur, vt
 sapientibus istis videtur, non probè compactæ sunt res singulæ. Quod est absur-
 dum. Aut si pulchrè colligatæ sunt, ipsarum effectorem malum euasisse neces-
 se est, cum quæ ratione vincta sunt, dissoluta velit. Siquidem, vt dicunt, ratione
 vinctum velle dissoluere, improbi est. Res nihilominus absurda probabitur, si
 non ad primum effectorem secundum ipsos, orationem hanc quis referat, sed
 ad illos Deos transferat, qui per cælum versantur, quos primus procreator &
 parens ad mortalium animantium procreationem conuerti iussit. Est enim mo-
 dis omnibus necesse etiam illos, cum ortum & interitum efficiant, aut non pro-
 bè adaptare, & vincire, aut improbos effici, cum quæ pulchrè colligata sunt, dis-
 soluant. Non enim quod ita pulchrum est, vt cedat alicui, id protinus malum
 est. Sic enim efficeretur, vt neq; Mundus hic, qui sub sensum cadit, sit pulcher,
 cum ei, qui intelligentia tantum comprehenditur, multis partibus cedat. Hoc
 autem ideo dixi, ne quis, quia quæ in singulis animantibus visitur pulchritudo,
 inferior est ea, quæ ad totum Mundum pertinet, ipsas ideo non pulchrè & ra-
 tione vinctas esse dicat. Quòd autem, etsi per medias causas, vt per cœlestes vel
 alias

alias nonnullas, ortus & interitus caducorum animantium perficiantur, ipse tamen primus effector ipsorum magis est causa quam quæ continentes sunt efficientes causæ: vt nos in decimoquarto capite quarti Argumenti necessaria ratione antea confirmauimus. Ipse est enim, qui causis deinceps sequentibus vim tribuit & facultatem, vt causæ sint. Quare primus ipse procreator maximè causa erit ortus & interitus earum rerum, quæ oriuntur & intereunt. Et ideo aut rerum non pulchrè colligatarum effector erit, aut siquidem ratione & probè coherent singulæ animantes, vt ipsa docet elegans animalis & ornata compositio, Deum ipsum improbum fieri necesse est, cum ipse harum rerum interitus prima sit & princeps causa. Quemadmodum igitur, & ratione vinctæ sunt res omnes singulæ, & eas dissolui vult Deus, & fieri nequit, vt verè bonus malus euadat: sic etsi Mundum totum eleganter, & ratione vinctum soluere Deus velit, non ideo necessariò efficitur, vt verè bonus, malus euadat. Qua enim probitate ductus initio vniuersum colligauit, eadem prorsus ipsum quoque dissoluet, si solutum velit. Quandoquidem egregiè compactam lyram, vbi vsum, in quem compacta fuerat, suo artifice expleuit, qui consecerat, dissoluit. Neque quisquam qui sensu non careat, dixerit, quòd egregiè compactam lyram velle dissoluere, mali est: & quòd malus factus, sit musicus, quia concinnam harmoniam dissoluerit. Sed cuius perspicuum esse puto, quòd vt priùs eleganter & ratione compegerat, sic compactam rursus pulchrè & ratione dissoluit. Multò igitur magis ipse verè bonus, & initio probitate motus, Mundum composuit. Et ipsum iterum eadem probitatis causa ductus, si voluerit dissoluet, etsi dissolutionis ratio nobis ignoretur. Neque enim ea, quorum causas ignoramus (multorum enim, atque adeò foras se omnium, rationes nos fugiunt) prorsus aut temerè aut in malo fieri arbitrari debemus. Adolescentulorum enim, & eorum, qui ea tantum quærunt, quæ sensibus hauriuntur, esse puto, cum malum existimare, qui pulchritudinem, quæ oculis cernitur, dissoluerit. hoc enim fortasse dixerit is, qui vi amoris lunæ pulchritudine victus est, & qui ad perfectissimam partium eius convenientiam, & ad coloris bonitatem attonitus obstupuit: cum in iis, quæ ad animum pertinent, disciplinis non sit philosophatus, neque ipsius Prouidentiae rationes vnquam attigerit. Quomodo eos affectos esse puto, qui ad solam vniuersi pulchritudinem, quæ sensibus adpareat, animum aduertunt. quia in optimas Prouidentiae rationes incumbere non potuerunt, quas Deus ad earum substantiarum salutem & absolutionem molitus est, quæ in vniuerso sunt rationis compotes.

PORRO, alia etiam ratione propositum aggrediendum nobis est. Ab alio enim, inquit, dissolui non potest, præterquam ab eo, qui colligauit. Atque huic dicto Proclus assentitur. In omni re enim, inquit, eius est, qui vinculum nouit, rationem etiam nouisse eius dissoluendi: Et eius, qui hanc rationem norit, est dissoluere. Stigitur hæc tum Platoni, tum Proclo ita esse videntur, & solus procreator & effector Mundi ipsum dissoluere potest, non autem dissoluet, profectò semper soluere posse, in sola habebit facultate, re ipsa nunquam. Quare imperfectus erit. Quicquid enim in facultate est, imperfectum est,

vt sapientibus videtur. Addiderim etiam, quòd temere hanc dissoluendi facultatem habebit. Siquidem hanc vt profitentur, infinito habet tempore. In ortum autem nunquam deducet. Quanquam in sempiternis, vt scribit Aristoteles, nihil est, quod facultate tantum sit. Frustra enim erit, & temerè, cum nunquam in actum promoueatur. Aut igitur neq; ipse procreator Mundum soluere potest: & sic, neque ipsi effectori solubilis est Mundus, neque eius dissoluendi rationem nouit (Nam fieri non potest, vt eius soluendi rationem nouerit, soluere autem non possit) rationem autem soluendi eius ignorans, & ipsum soluere non valens, neque vinculum cognoscet, neque vniuersi soluendi facultatem habebit. Verum est enim, eiusdem esse, vinculum nouisse, & dissoluendi rationem: & eum, qui vincere possit, multò facilius soluere posse. Aut si Mundum soluere potest, quia colligauit, dissoluet autem nunquam, in hoc semper erit imperfectus, & temere solam habebit soluendi facultatem sine effectù: aut si quidem secundum ipsorum rationes hæc dictu sunt absurda, si Mundum Deus soluere potest, omnino dissoluet.

VI. AGE verò, ad summum absurditatis, si placet, accedamus, ad quod nos magnifica hæc inducit oratio, quæ habet, Quòd ratione vinctum, & probè colligatum, velle dissoluere, improbi est. Nam si Mundum soluere procreator potest, nunquam autem dissoluet, ne malus euadat, malum certè est Mundum dissoluere. Nam nisi malum esset soluere, malus neutiquam euaderet, qui ipsum dissoluit. Quòd si soluere malum, ipsius autem Mundi dissoluendi facultatem habet Deus, profectò vt malus euadat, facultatem habet Deus, quia etiam malè agendi. Quare si soluere, malum, soluere autem potest Deus, perperam certè & iniquè agere potest Deus, & malus euadere. Qua impietate, quæ deterior, aut maior dici, aut fingi potest? Quapropter, si fieri non potest, vt ipsa probitas vertatur in malum, & malum est Mundum dissoluere, Mundi certè soluendi facultatem non habebit Deus. Quòd si hanc facultatem non habet, neque colligandi habebit. Quapropter Mundum non colligauit. Nam probè ipsi sentiunt in omni re eius esse, qui vinculum nouerit, dissoluendæ rationem nouisse eius rei, quam ipse colligauit. Quare si qui vinculum nouit, is nouit dissolutionem, certè is vinculum ignorabit, qui dissolutionem non nouerit. Itaque si vniuersum colligauit Deus, & vinculum nouit eius, quod colligauit, eius solutionem nouit, & vniuersum poterit dissoluere. Quòd si Mundum Deus potest dissoluere, qui colligauit, eius autem qui dissoluendi rationem nouerit, est dissoluere, sanè malum non est, Mundum dissoluere. nulla enim in Deo mali facultas inest. Nam qui mali facultatem habet, malus etiam fieri potest. Verùm lumen nunquam vertatur in tenebras, nec probitas improba fieri possit. Sin autem in Mundi dissolutione malum non sit, probè autem compactus est Mundus, non certè quod ratione vinctum est, & numeris absolutum omnibus, quantum in ipsa aptè compositionis pulchritudine positum est, dissoluere velle, mali est. Neque malus euadat Deus, si Mundum dissoluat. Operæpretium est igitur hoc loco inquirere, vtri, quod ad disputationem naturæ attinet, magis cõmunibus de Deo notionibus consentientia de Mundo protulerint: nò scè, qui Mundum à

Deo conditum, & rursum ab eodem dissolutum iri propter eius probitatem ponimus: an is, qui Deum Mundum quidem soluere posse cōmunibus notionibus compulsi confiteri, addiderunt nunquam esse soluturum, ne peruersus fiat? Quod nihil aliud esse probauimus, quā dicere, Deum posse perperam agere, & improbum fieri. Hoc autem vniuersam impietatem Deum esse negantium vincere nemo non fateatur. Dissoluendi autem Mundi causas naturā conuenientissimas, adiutore Deo, aliās explicabimus: nunc enim Procli controuersias dissoluere tantum proposuimus. Haecenus igitur ipsi rei inhaerentes, propositiones in sextum Procli Argumentum explicatae sint. Superest ut deinceps ad secundum eorum, quae initio huius Argumenti proposuimus, hic transeam, & ipsum, ut me facturum esse recepi, confirmare pergā: nempe, quod aperte falsa calumnia premunt Platonem, qui hanc opinionem ei tribuunt, ut Mundum sempiternum esse senserit. Qua in re longiorem orationem producere necesse habeo: dum eius sententiam ex ipsius scriptis lectoribus repraesentare studebo: & eius interpretes refellere conabor. Si cui igitur studio est haec accuratē cognoscere, quae deinceps in hac disputatione sequuntur, percurrat. Sin autem cuipiam non admodum curae est in proposito problemate Platonis opinionem nouisse, sed solis ex rebus sumptis demonstrationibus animum aduertere studet, ad ea, quae hoc proximē sequuntur, Argumenta transeat.

P L V R I M I igitur, tum eorum, qui Platonis decreta sequuti sunt, tum VII. eorum, qui Aristotelicae Philosophiae studiosi fuerunt, & in primis ipsemet Aristoteles, communi consensu pronuntiauerunt, quod ex Platonis sententia Mundus ab aliquo temporis initio esse coepit: hoc est, quod initium fuit aliquod, quod ipse in natura esse coeperit, cum prius non esset. Verum priusquam aliorum proponamus opiniones, quae clarē quae de Mundi ortu Plato sensit, nobis aperiant, ipsa Platonis verba proferre operae pretium erit, quibus Mundum & procreatum esse, & ab aliquo temporis principio coepisse pronuntiat. Deinde eas rationes expendemus, quae tam aperte Platoni ad hunc modum pronuntiata, ad id quod ipsi sentiunt, perperam trahere conantur. In Timaeo igitur Platoni id vnum propositum est, ut Mundi ortum, & naturam nos doceat. Audi autem quomodo ibi propositum sibi scopum exposuit: sic enim loquitur: Obserua igitur ut conuiuium tibi digesserimus. Visum enim nobis est, ut Timaeus, cum in rebus Astronomicis sit omnium nostrum versatissimus, & in vniuersa natura, quid factum sit, omnium maximē bene nouerit, primū ab ipsa Mundi procreatione disserere incipiat, & tandem ad hominis naturam deueniat. Et paulo post haec subiungit: Verum, o Socrates, omnes qui vel minimum sapientiae & moderationis sunt participes, in re qualibet aggredienda, seu parua, seu magna ea sit, Deum semper inuocant. Nos igitur qui de vniuerso verba facturi sumus, ortūne sit, an ortu careat, nisi prorsus aberramus, oportet deos, deasque omnes inuocantes, precari: primum, ut omnia illis grata dicamus. deinde, ut nobis ipsi constemus. Quis igitur in his Platoni propositus sit scopus, aperte ipse dixit: nempe de Mundi ortu se dicere. Nequis ipsum leuius & sine demonstratione mundum procreatum esse sumpsisse putet, sermonem repetens, ipsum in

modum problematis proponit, dum sibi propositum esse dicit, de vniuersitate dicere, hoc est, de Mundo, procreatusne sit, an ortu careat? idque ubi rerum, quę sunt, diuisionem perfecit. harum enim alias esse dixit, quę semper sint, nunquam ortę: alias autem gigni, & ortus esse capaces, ipsi ad eius, quod inquirat, explicationem, hoc pręmissum vtile est futurum. Verba autem quę statim ea sequuntur, quę citauimus, sic habent: Quod igitur ad deos attinet, ad hunc modum nobis inuocati sint. Quod ad vos autem, orandum est, vt & vos facillimę alse-

quamini, & ego commodissimę exprimere possim, quę de rebus nobis propositis maximę sentio. Principiõ igitur mea quidem opinione hęc nobis sunt distinguenda: Quid est, quod semper sit, nec vllum habet ortum: & quid quod gignatur, nec vnquam sit. Quorum alterum intelligentia & ratione comprehenditur, quod vnum semper, atq; idem est. Alterum, quod adfert opinionem per sensus rationis expertes, quod totum est opinabile, id gignitur, & interit, nec vnquam verę esse potest. Omne autem quod gignitur, ex aliqua causa gigni necesse est. Nullius enim rei, remota causa, reperiri origo potest. Expendere autem ex dictis decet, quomodo Plato, omne quod intelligentia comprehenditur, ortum nullum habere dicit, sed vnum semper, atque idem manere. Omne autem, quod opinionem adfert, & sensus mouet (huiusmodi autem sunt omnium corpora, tum quę in corporibus cohęrent. Hęc enim sola cadunt sub sensus) & gigni & interire dicit, verę autem nunquam esse. Omnis enim natura, quę in corpore cohęret, in conuersione & commutatione cernitur, neque vnquam in eodem statu manere potest: sed quasi perpetuitate quadam reconcinnatur, dum quod deest, semper procreatione expletur. Satis igitur ex ipsa rerũ diuisione statim adparet, Platonem priusquã de Mundo quicquam dixerit, de numero eorum, quę gignuntur, Mundum esse putare. Res enim has bipartitõ diuidit: nempe in eas, quę oriuntur, & eas, quę nullum ortum habent. Quorum quę ortę non sunt, eas intelligentia comprehendit: quę autem gignuntur, opinione & sensu percipi. Si igitur Mundi id omne quod corporatum est, sensus mouet, palam est, quod non in numero eorum, quę non gignuntur, Plato Mundum esse voluit, sed eorum potius, quę oriuntur, & intereunt: verę autem nunquam sunt. Quemadmodum enim singulorum vnumquodque, vt verbi gratia, hęc animans, aut hęc stirps, propter commutationis (vt ita dicam) perpetuitatem à natura, quę ipsum proximę regit, instauratum, retexitur: sic & cœlum & totum Mundum Plato ex iisdem elementis, ex quibus res singulas composuit, coagmentatum esse ratus, quanuis immortale ipsum esse proponat, instauratitiam tamen, & rediuiam immortalitatem ipsi accedere dicit, quia opificis & procreatoris vis, & potentia ipsum assiduę retexit. Quoniam omnis corporea & in corpore cohærrens natura, in cõmutatione & conuersione omnino consistit. Verum hęc paulõ post confirmabuntur. Nondum autem fortasse ex iis, quę dicta sunt, palam nobis factum est, verum Plato aliquo initio Mundũ esse velit, necne. Nam ipse Proclus in Opere, quod inscripsit, Obseruationes eorum, in quibus Platonis Timæo contradixit Aristoteles, hunc Platonis locum explicans, dicit, verbum *Esse*, vno tantum modo dici apud

Platonem. Sempiternum enim, & quod sit supra temporis naturam, significare, gigni autem duobus modis dici, aut enim quod semper gignitur, aut quod interdum: Atq; quod interdum gignitur, id esse, quod singulare est, & individuum: Id autem quod semper gignitur, vniuersum esse vnumquodq; & præterea vniuersum Mundum. Nam quæ intelligentia comprehenduntur, vult semper esse, Mundum autē semper oriri. Vtrum igitur Platonis Mundus in perpetua videatur esse generatione, ita vt principium, quo gigni aut esse cœperit, nullum vnquam habuerit, vt sentit Proclus: an principium, quo gigni & esse cœperit, ipsi tribuat, verbis ipsius Platonis de Mundo in medium propositis, inquiramus oportet. Nam cū dixisset se verba facturum esse de vniuerso, procreatumne id sit, an ortu careat, & bene rem se habere indicans, si prius docuisset, quæ res generationis sunt expertes perpetuū, & quæ gignuntur quidem, nunquam tamen verē sunt: quia hoc ad id conduceret, vt intelligeretur vtrius naturæ prædictorum esset Mundus. hæc inquam, cū dixisset, deinceps transiuit ad Mundi inquisitionem, ortūne is sit, an non? id quod etiam ab initio indagare proposuerat. Hæc enim habet: Omne igitur cœlum siue Mundus, siue quouis alio vocabulo gaudet, hoc à nobis nuncupatus sit. De quo id primum cōsideremus, quod principio est in vniuersi natura inquirenda cōsiderandum: Sempérne fuerit, nullo generatus ortus principio: an ortus sit, vt ab aliquo principatu esse cœperit. Ortus est: quando quidem cernitur, & tangitur, & est vndique corporatus. omnia autem talia sensum mouent: sensusq; mouentia quæ sunt, eadem in opinione cōsidunt. quæ ortum habere gigni quæ diximus: Nihil autem gigni posse sine causis. Atq; illum quidem quasi parentem huius vniuersitatis inuenire difficile: & cū iam inueneris, indicare in vulgus, nefas. Plato igitur vbi voce adedē clara dixit, hoc primum in Mundi inuestigatione inquirendum, quod initio in vniuersi natura indaganda cōsiderandum est, sempérne fuerit nullo generatus ortu, an ab aliquo principio esse cœperit, ipsum ortum fuisse, & ab aliquo temporis principatu esse cœpisse, indicauit. Nam si cernitur, inquit, & tangitur, & est vndiq; corporatus, & quæ talia sunt, omnia ortum habere, gigni quæ constituit, necesse est, vt cū ortus sit capax, ab aliquo temporis principio esse cœperit. Quare cū dicebat: Quid est quod gignitur, nec vnquam sit, non dixit ortum sine principio rei eius esse quæ sentitur. Si igitur & ortus est Mundus, & esse cœpit, palam est, quod secundum Platonem, neque ortu, neque principio caruit. Et Plato paulō pōst sic habet: Dies enim & noctes, menses item & annos, cū ante procreatum Mundum non essent, tunc vnā cum illo nascente in ortum venire voluit. Hæc autem omnia temporis sunt partes. Verba autem *Erit*, & *Erat*, genera sunt procreati temporis, quæ æternæ naturæ perperam iuranti tribuimus. Nam in illa dicimus, *Erat*, *Est*, & *Erit*. tamen, si verē loqui volumus, huic verbum *Est*, tantum conuenit. *Erat* autem, & *Erit* in ortu, qui cum tempore incedit, enuntiare decet. Nam ad motum pertinent. Quod autem sine motu semper eodem modo se habet, neq; senioris, neq; iunioris naturæ particeps dici potest. Et paulō pōst: Non huius fortasse temporis erit, accuratius in præsentī hæc distinguere. Tempus igitur vnā cum cælo ortum est, vt hæc simul nata, simul etiā

“ dissoluantur, si quando vlla ipsorum futura est dissolutio. Et ad exemplum eter-
 “ ne nature procreatum est, vt quoad eius fieri potest, quàm simillimum ipsi fiat.
 “ Ipsum enim cœli exemplum, omne per æuum constar, hoc autem ad finem vs-
 “ que per omne tempus, & fuit, & est, & futurum est. Hac igitur ratione, & consi-
 “ lio Dei ad temporis ortum, vt nasceretur tempus, sol, luna & reliquæ stellæ, quæ
 “ planetæ, seu errantes cognominantur, ad distinguendos & obseruandos tempo-
 “ ris numeros procreata sunt. Hæc igitur Plato. Atq; equidem puto nullam esse
 orationem, quæ tam apertè Platonis sententiam oculis subiicere nobis possit, vt
 ipse se explicauit. Dies enim & noctes, menses & annos, quæ temporis sunt par-
 tes, non fuisse dicit priusquam cœlum procreatum esset; idq; merito. Cœli enim
 conuersionis mensura est tempus. Quòd si antequam cœlum in naturam pro-
 ductum esset, non fuit tempus, quò fieri potest, vt, tum cœlum, tum tempus sine
 principio fuerint? Rursus, quod ait, Deum voluisse vnà cum cœli ortu oriri tem-
 pus, & eius partes, satis exprimit principium aliquod ipsorum, & primum ortū
 in natura. Nam quò quod ex æternitate steterit, & semper constet, vnà cum cœ-
 lo nato ab opifice procreatum dici possit: ita vt priusquam ortum esset, non fue-
 rit? Nam quod antequam procreatum esset, non erat, certè nullum erat prius-
 quam venisset in naturam. Quanquam horum accuratam disputationem intel-
 ligens Plato, vbi particulis *Prius*, *Quando*, & eiusmodi temporum notis vti opor-
 tet, statim eos reprehendit, qui in diuina natura huiusmodi temporis notas
 enuntiant, quales sint *Erat*, & *Erit*, & quæ sunt eius generis, quibus afinia sunt,
Prius & *Tunc*. Nam verbum *Est*, inquit, in Deo tantum dicendum est, Mosàicum
 “ illud apertè exprimens: Ego is sum, qui verè sum. Sic enim cum Propheta verba
 “ faciens pronuntiauit Deus. Si igitur ex æternitate Plato Mundum productum
 fuisse à Deo arbitrabatur: ita vt à nullo initio esse cœperit, quò fit, vt cum succen-
 feat alius, qui *Erat* & *Erit*, in Deo enuntiant, in proprium crimen ipsemet incur-
 rat? Nam si Deus ex æterno, tum cœlum, tum tempus profert, cœlum certè &
 tempus ab æternitate producuntur. Quòd si nunquam fuit, cum hæc non pro-
 ducerentur, quomodo dicit, priusquam cœlum ortum esset, non fuisse tempus?
 Si priusquam productum esset in cœlo aptè dicitur, *Priusquam procreauisset*, in
 Deo etiam aptè dicitur. Nam quando procreator procreat, tum gignitur id,
 quod procreatur, vt testatur ipse Proclus. Idem dicitur & in particula, *Quando*.
 Si igitur & semper erat tempus & adiectionum temporis vsum Plato nouit ex-
 quitum, & eum in præsentia accuratum docuit, nunquam ausus fuisset dicere,
 priusquam cœlum procreatum esset, neque verò illud, vnà cum cœlo nascente
 hæc in ortum venire Deus voluit, si sine principio Mundum constare arbitra-
 rus fuisset. Nam qui tunc primum Mundum produxit, antea certè non produ-
 xerat. Et si priusquam ortus esset, nec cœlum erat, nec tempus: nec ipse, qui pro-
 creauit, priusquam orta essent, quæ procreata sunt, ipsa produxerat. Non igitur,
 quod initò dicebamus, hæc dixisset Plato, si ex æternitate Deum hæc produce-
 re fuisset arbitratus. Quemadmodum enim essentia Dei, qui statim eundem re-
 tinet, & semper eodem modo se habet, *Erat* aut *Erit* neuiquam admittit, sed tan-
 tummodo *Est*: sic æterna Mundi productio *Priusquam* aut *Tunc* non recipit. At-
 qui

qui hæc Plato ad hunc modum de ortu Mundi protulit. Non igitur ipsum ex æternitate produci putauit. Quòd si quis obiiciat, quòd hoc ipso quia dicat Deū prius non producere, & postea producere, in Deo mutationem arguit & motū, quod neq; verè dicitur, neque Platoni est visum, ea repetat quæ nobis in quarto Argumento dicta sunt. Ibi enim hanc controuersiam abunde dissoluimus. Iam verò quis (modo ambitiosè contentiosus non sit) his verbis non conuincatur: Tempus igitur vnà cum cælo ortum est, vt simul nata, simul etiam dissoluatur, si quando ipsorum vlla futura est dissolutio. Non enim dixit, Tempus vnà cum cælo oritur, sed, Vnà cum cælo ortum est: vt primum initium significaret, quo esse cœpit. Atque quòd hoc significare velit, apertè indicat, cum subiūgit, Vt simul nata, simul etiam dissoluantur. Nam quod natum est, & initium aliquod habuit, quo esse cœpit, omnino, quantum in ipsa natura situm est, interire debet. Nam quicquid ortum est, manet interitum: vt ipse in Phædro inquit Plato, vt id quod à nullo temporis initio esse cœpit, omnino sine fine & interitu futurum est. Nam quod esse non cœpit, neq; esse vnquam definire possit. Mundus autem de Platonis sententia esse cœpit, necessariò igitur desinet, quantum in ipsa naturæ ratione situm est. Quoniam igitur principium quo esse cœperit, Mundo tribuit Plato, meritò id concessit, quod ex naturæ ratione necessariò consequeretur, quauis vinculo firmitore, quàm eius sit natura, nempe Dei voluntate ipsum indissolubilem manere constituat.

V E R V M qui omnia in suam sententiam detorquere student, neq; veritati suam ipsorum mentem accommodare moderatione quadam studiosè conantur, cum oporteat, si hac duntaxat in re Plato non bene ipsi sentire videretur, eos precatos veniam, omnium sermone tritum illud sibi accinere: Amicus quidem Plato, sed amica magis veritas. Id quod hercle ipse etiam Platonis discipulus Aristoteles, & alii nonnulli fecerunt. Verùm, inquam, qui parum admodum suæ conscientiae pudore, & veritatis studio tanguntur, nullum, quod pro uerbo dici solet, rudentem non mouent, dum huius viri auctoritatem in sui erroris patrocinium trahant. Nam eorum, qui in Platonem Commentaria scripserunt, nonnulli, in quorum numero sunt Platonici Taurus, & Phœnix Porphyrius, quos sequutus est Proclus, Mundum à Platone ortum dici consentiunt: non ita ramen ortum, vt ab aliquo temporis principatu esse cœperit: sed alio ortus & generationis modo. Multis enim modis ortum dici volunt. Ne autem ipsi, quæ illorum sunt, néue vllum ortus significatum prætermittamus, ipsa Platonici Tauri verba proponam. Permultas enim vir ille in ortu significatōnes commentus est. In Commentariis enim, quos scripsit in Timæum, hæc habet ad verbum: Cum in quæstionem vocetur, an non secundum Platonem ortus sit Mundus, varios se in hac sententia Philosophi exhibuerunt. Aristoteles enim scribit Timæum dicere, Mundum esse ortum, quòd Timæus, natum esse profiteatur. Nam eius circumsertur opus de vniuersitate, vt subiecta procreatio. Fortasse autem quia tale quid dicat Platonis Timæus, ortum dicit esse Mundum. Atqui Theophrastus quoque in lib. de Physicis opinionibus, tradit Mundum, ex opinione Platonis ortum esse. Et hoc proposito aduersus eum inhiat.

" diones instituit. Verùm inserit, quòd fortasse perspicuitatis ergò ipsum ortum
 " esse constituit. Et alii item nonnulli protulerunt, Mundum secundum Plato-
 " nem generatum fuisse. Alii tamen ex eiusdem opinione non ortum fuisse asse-
 " runt. Nam qui ortum esse aiunt, cum alia multa, tum verba hæc persequuntur,
 " quibus scribit: Ortus est. Quandoquidem cernitur & tangitur. Distinguendum
 " est autem quot modis oriri intelligatur. & ita intelligemus, quòd Plato Mun-
 " dum ortum esse dicit, non ea significatione, qua nonnulla orta esse dicimus,
 " quia ab aliquo temporis principio constiterint. Hoc enim est, quod per multos
 " fefellit, quando verbum, *Oriri*, in hac significatione enuntiari putant. Dicitur
 " itaq; oriri quidpiam, quod nunquam quidem ortum sit, in eodem tamen gene-
 " re sit, cum iis, quæ oriuntur. Sic videri dicimus, quòd nec visum sit, nec videatur,
 " nec videbitur, sed in eodem sit genere, cum iis, quæ videntur: vt si quod sit in ter-
 " ræ centro corpus. Dicitur etiam oriri, quod cogitatione compositum est, etsi
 " nunquam compositum fuerit. Sic media chorda ex ima & summa composita
 " esse dicitur: etsi composita non sit, in ea tamen cernitur vis vnus ad alteram. Si-
 " mile quid in floribus & animantibus esse videtur. In Mundo igitur compositio
 " & temperamentum conspicitur. Vnde cum ab eodem qualitates subducimus &
 " separamus, ipsum in primum subiectum dissoluere possumus. Dicitur etiam or-
 " tus esse Mundus, quia in eo semper est vt gignatur, vt Proteus, cum in omnes
 " formas ac vultus conuertitur. In Mundo enim tum terra, tum ea, quæ à terra
 " ad lunam vsq; pertinent, continuò commutantur, & in se mutuò conuertuntur.
 " Quæ autem supra lunam sunt, subiecto quidem eadem propemodum manent,
 " exiguum admodum mutationem subeuntia, vultum tamen ac speciem mutant.
 " Quemadmodum saltator cum subiecto vnus sit, & idem, mutatur tamen in va-
 " rios vultus, certo quodam manuum gestu, atq; motu. Cœlestia igitur immutan-
 " tur, & ipsorum conspectus varii efficiuntur, tum in errantium moribus, cum iis
 " quæ non errant, & vicissim non errantium cum errantibus. Ortus etiam dici
 " possit, quia aliunde ipsi tributa sit essentia, nempe ab ipso Deo, à quo exornatus
 " est. Sic secundum eos, quibus cœlum apertè sempiternum est, luna exortum à
 " sole lumen nata est, nunquam fuit tamen, cum non ab ipso illustrata fuerit. His-
 " ce igitur significationibus, si quis, secundum Platonem, Mundum ortum esse di-
 " cere velit, confidenter dicat. Qua significatione autem tempus aliquod signifi-
 " catur, & quod cum prius non esset, postea ortus sit, non item. Ipsemet autem in-
 " dicat quomodo debeat intelligi, quod dixit: principium nullum habens, quo ab
 " aliquo initio ortus esse dicatur. Verba enim *Nullum*, & *Aliquo*, ostendunt quòd
 " Plato principium non temporis accipi vult: vt dicimus Ephorum historiarum ini-
 " tium sumptisse in Heraclidæ descensu. Alii autem aliud initium esse aiunt ab
 " ipso opifice. Nam effector principium est: exemplum item, & materia. Verùm
 " hoc non propriè principium dici possit. Rursus, non dixit & corpus est, sed &
 " corporatus est, indicans quòd in eo, quia huiusmodi est naturæ, nempe corpo-
 " reæ, cuius essentia in eo est, vt gignatur, ortus dici possit. Hæc igitur sunt, quæ
 " ille vir, quem citauimus, protulit. Tertiæ autem & quartæ significationi Pro-
 " clus assentitur. Sic enim vult Platonem Mundum ortum dixisse, non quòd ab

ullo initio esse cœperit, sed quod in gignendo essentiam suam nactus sit. Et præterea, ortum esse, quia à Deo procreatus sit, & non ipse sui ortus, & suæ naturæ sit causa. Id quod est, causæ ratione oriri. Porphyrius autem præter eas, quas Taurus enumeravit, alias etiam addit ortus significationes. Tradit enim id etiam oriri dici, quod ortus rationem suscipit, etsi nunquam sit ortum: ut nomina & syllabæ, quia dissoluuntur in elementa, & ex elementis componuntur. Et ut delineationes figurarum, quemadmodum rectis lineis constantes figure, ratione in triū angulorum figuras dissoluuntur, & ex iisdem componuntur. Perspicuum est verò, quod hoc cum eo concurrat, quod ex materia & forma componitur. Nam quod ad hunc modum ortum est, tanquam id, quod non simplex est, sed compositum ex materia & forma, ad eum modum, quo figurarum delineationes, ortum esse dicitur. Nam quia cogitatione intelligi possunt nonnulla ambobus simpliciora, ex quibus ipsorum compositio facta intelligitur, & in quæ dissoluuntur, ideo orta esse dicuntur, ad eorum distinctionem, quæ modis omnibus sunt simplicia, & nullam compositionis conceptionem admittunt. Quare ut vnum ambobus sumenda sunt. Et hæc ratione fortasse huius significationis alter interpretæ meminit quidem. Præterea, dicit Porphyrius ortum id etiam dici, quod per ortum & per ipsum gigni suam naturam & essentiam consequitur: ut domus, ut nauigium, ut stirps, ut animal. Quomodo fulgurationem, & plausum, & quæcunque repente in natura comparent & desinunt, non orta esse dicimus. Nam quæ huiusmodi sunt omnia, ut etiam Aristoteles tradit, sine ortu in naturam producuntur, & sine interitu, eò ut nulla sint commutantur. Atque perspicuum est, quod nemo Mundum hoc modo ortum esse statuerit: quasi per ortum & procreationem ad essentiam, & naturam suam prodierit. Nam vnà cum conceptione Deus omnia in naturam, & substantiam protulit. Quare nihil hac significatione in examinanda Platonis sententia indigebimus. Postremò, Porphyrius tradit ortum dici, quod omnibus notum, & omnium sermone vulgatum est: quod ab aliquo temporis initio, ita esse cœpit, ut prius nullum esset. Quo significato dicit à Platone Mundum ortum esse, non dici. Quare quatuor supersunt significationes reliquæ: Quod est in genere eorum, quæ oriuntur, etsi nunquam sit ortum: Deinde, quod tanquam compositum ex materia & forma, ortum est. cui significationi maximè Porphyrius assentitur. Tum quod in gignendo naturam suam consequitur: Postremò, quod ratione causæ ortum est. Operæpretium autem me facturum excusserimus, ut perspiciatur, an fieri possit, ut Platonis sententiæ sint consentientes. His enim omnibus confutatis, si preest, ut temporis ratione, Mundus à Platone ortus esse dicatur, quanuis id ipsi nolint.

Q V O D igitur prima hypothesi ortum esse dicitur, hoc est, quod in genere est eorum, quæ oriuntur, etsi ortum nunquam sit, tale quid mihi esse videtur, ut si quis in genere corporum quidpiam esse dicatur, etsi corpus non sit: & quidpiam in genere esse substantiæ, etsi substantia non sit. Quo quid risu maiore excipiendum dici possit? Genera enim nomine & definitione de sibi subiectis enuntiantur. Quemadmodum enim homo, quia in genere est animan-

tium, animans est: & lapis, quia in genere est corporum, corpus est: sic necessesse est, quod in genere est eorum quæ videri possunt, videri posse: & quod in genere est ortus capacium, ortus esse capax. Quòd si prorsus fieri potest vt quidpiam quod ortum non sit quidem, actu sit tamen, & re ipsa in genere sit eorum, quæ oriri possunt, cuiusmodi Mundum esse aiunt, fieri certè potest, argumento conuersionis cum oppositione, vt quidpiam, quod in genere non sit eorum, quæ oriuntur, ortum sit. At verò quod in genere non sit eorum quæ oriuntur, id oriri nullo modo potest. Ortum est igitur aliquid, quod oriri non potest. Quare si hæc fieri non possunt (nam hoc modo idem ratione eiusdè, rationem simul subiret oppositorum) fieri certè non potest, vt quicquid in genere sit eorum, quæ oriuntur, & non ortum sit. Huic enim illud erat cõsequens. Ceterum, aliter etiam ad eandem absurditatem compellere possumus orationem. Nam si Plato ortum non orto opposuit, dum inquirebat, Sine Mundus eorum, quæ oriuntur, an verò eorum quæ nunquam orta sunt, & cum ortum esse concessit, sic ortum esse intellexit, vt isti volunt Philosophi, nempe quòd in genere sit eorum, quæ oriuntur, etsi ortus nunquam sit, sanè non ortum ipsi significabit, quod in genere est eorum, quæ non oriuntur, etsi non ortum neutiquam sit. Idem igitur non ortum erit (vt quòd in genere sit eorum, quæ non oriuntur) & contrà, neutiquam non ortum, quia ortum sit & generatum. Contradictoria igitur in eodem & ratione eiusdè simul verè enuntiabuntur. Verum hæc risu magis, quàm refutatione digna esse censeo. Nam corpus quod ad terræ centrum iacet, cum in genere sit eorum, quæ videri possunt, omnino per naturam eiusmodi erit, quòd possit videri. Nam etsi nunquam visum sit, non ideo quia natura aptum non sit videri, non videtur, sed propter obiecta solida corpora, quæ ipsum occultant, & visui adimunt. Penetrare enim per ea, quæ translucida non sint, acies nostra non potest. Quandoquidem si incumbentia corpora, quæ ipsum obscurant, sublata fuerint, perinde atque reliqua cerni & videri poterit. Adde, quòd si quis, vt in fabulis est, Lyncis oculos nanciscatur, ita vt faciliè subter per ipsam terram radiis oculorum demissis speculetur, omnino ipsa etiam videbit, quæ ad terræ centrum collocata sunt corpora. Quare si mundus & re ipsa est, & in genere est eorum quæ oriuntur, omnino est necesse, ipsum ortum fuisse: etsi nobis initium ortus eius comprehensum non sit, non quòd à natura sua ortum non sit (Nam hoc modo in genere esset eorum, quæ non oriuntur, non enim autem, quæ oriuntur) sed ideo, quia nostra cognitio ea tantum comprehendit, quæ præsentia sunt. Et aliòqui quod visibile est, non eò visibile esse dicitur, quia videatur, sed quia videri aptum sit. Nam videri in habitudine ad ea, quæ vident, euenit: hac ratione etsi contigerit quidpiam visibilem nunquam videri, quia in terræ centro sit collocatum, nihilominus habebit vt sit visibile: Non enim ideo non videtur, quia natura videri non sit aptum, sed propter obiecta corpora, quæ ipsum obscurant. Vnde videbitur protinus, si impedientia corpora sublata fuerint, & adsit quod videat. Quare fieri potest, vt quidpiam videri possit, nunquam tamen videatur: Neque enim idem est videri posse, & videri. Fieri autem non potest, vt quicquam oriri posse dicatur, quod ne-

que ortum sit, neque oriturum. Neque enim in eo, quod aprum sit solum oriri, id quod ortus naturæ est particeps, habet, vt huius naturæ particeps esse dicatur, sed omnino, quod aut ortum sit, aut oriturum. Ipsi enim ad id, vt sit, via est ipse ortus. Fieri itaque nequit, vt id quod neque ortum est vnquam, neque nunc gignitur, neque natura aptum est, vt vnquam gignatur, ortum aut sit, aut dicatur. Omnino igitur est necesse, vt qua significatione Mundus ortus esse dicitur, eadem profus ortus fuerit. Fieri enim non potest, vt ortus quidem sit. Qua autem significatione ortus dicitur, neque ortus fuerit, neque oriatur, neque sit oriturus. Neque enim omnino ortus esset. Si igitur qua significatione ortus est Mundus, eadem procreatus non fuit, omnino est necesse, neque nunc gigni, neque esse oriturum. Neque enim nunc hoc modo, aliàs autem aliter affectus fuit Mundus. Quare si non ortus fuit, ita vt ortus esse dicitur, neque omnino orietur. Quod si neque orietur, neque ortus fuit, ortus dici non potest. Fieri igitur nequit, vt quicquam ortum esse dicatur, quod ortum non fuit, quatenus ortum esse dicebatur. Ad extremum autem præter omnia, illud quoque videndum est, quod neq; absolute Plato Mundum ortus capacem esse dixit, sed vbiq; ortum esse de eo enuntiauit. Vt cum dicit: Nos autem de vniuerso verba facturos, ortumne sit, an non ortum. Et iterum: Vtrum semper fuerit, ita vt ortus sui initium nullum habuerit, an verò ortum sit, ita vt ab aliquo temporis principatu esse cœperit. Ortus est: quandoquidem cernitur & tangitur, & est vndique corporatus. Et iterum: Tempus igitur vnà cum cœlo ortum est, vt simul nata, simul etiam dissoluantur. Atque vbiq; ad hunc modum loquitur. Quod si Plato ipsum aperte ortum fuisse pronuntiat, nonne palam illi contradicunt, qui ortum ideo esse aiunt, quia in genere sit eorum, quæ oriuntur, nunquam tamen ortum fuisse: vt interim omitam, quod in rem absurdam huiusmodi hypothesis abduci docuimus. Prima igitur ortus significatio, ad hunc modum nobis refutata esto.

SECVNDA significatio in eo erat, quod cogitatione compositum est, X. etsi tempore nullo compositum fuerit. Nam cum corpora omnia ex corpore & forma composita sint, non quia vilo tempore, cum forma materia coierit, composita sunt. Nunquam enim formis nudatam materiam cernere aut inuenire licet: neque verò formæ, quæ in materia cohærent, ipse per se extra materiam constare visuntur: sed vna cogitatione simplicia cognoscuntur. Hac enim sola in subiectum & speciem corpora retexuntur, & rursus ex his componuntur. Sic igitur Mundum ortum esse dici volunt, quia cogitatione possumus ipsum, in ea ex quibus componitur, dissoluere, in primum subiectum, & ipsi in hærentes qualitates. Atque huic ortus significationi maximè assentitur Porphyrius. Ad verbum enim in Commentariis in Platonis Timæum, hæc habet: Qui igitur Mundum temporis ratione ortum esse negant, sed aliter Platonem ortum dicere contendunt, necessariò ortus significationibus enumeratis, inquirendum ducunt, cui significationi conueniat confirmatio, qua ortum esse conficit. Nam nisi ipsum ortum esse confirmauisset, incertum erat futurum, quomodo ortum esse de Mundo enuntauisset. Quod demonstrationem sub-

“ iungit, quòd ortus sit, cui ortus significationi competit illa probatio, in illa affectu
 “ rit omnino ortum esse Mundum. Cui autem significationi non responderet, illam
 “ omnino auerfatur & reiicit. Neq; enim tam emotæ mentis Platonem existima-
 “ re debemus, ut perperam coherentia, & quæ conclusionem non efficiant, ad-
 “ sumperit. Hæc ubi dixit Porphyrius, & propositas ortus significationes enu-
 “ merauit, scribit Mundum à Platone ortum dici, quia ex materia constet, & for-
 “ ma. Eius autem verba sic habent: Mundum igitur ea significatione ortum dici
 “ aio, qua ortum propriè enuntiari docuimus, nempe in eo, quòd ex materia
 “ constet & forma, ad quod confirmandum præmissa à Platone axiomata acco-
 “ modata esse docebimus, si priùs huic significato demonstrationem quadrare o-
 “ stenderimus. Nam si quid cernitur, & tangitur, & corporatum est, id triplicem
 “ dimensionem admittit, cum renitentia, & in molem ac tumorem diffusum est,
 “ idq; non simplex est, sed compositum ex materia & forma. Hæc Porphyrius.

- XI. A D V E R S V S hos omnes dicendum est: primum, quòd quæ aliarum
 significationum propria sunt vocabula, aliis significandis imponere, reiectis
 propriis & consuetis adpellationibus, nimis est libertatis, & licentiæ. Ipsos enim
 oportuit, siquidem hoc verum est, docere, ubi vnquam Plato ortum ad compo-
 sitionis significationem transtulerit. At verò neq; communis hominum consue-
 tudo, quando compositum quicquam dicere voluit, compositi loco, ortum vn-
 quam vsurpauit. Nouit enim communis vsus, quòd aliud per ortum significa-
 tur, & aliud per compositum. Neque verò ex vlllo alio veterum, quod sciam, aut
 ex vlllo Oratore fidem nobis facere possit, vllum apertè compositi vocem ad
 ortum traduxisse. Nam Aristoteles cum in Primo de cælo, eius quod oritur, &
 eius quod non oritur, significationes enumerat, nusquam quòd ex materia &
 forma compositum est, ortum dici significauit, & non ortum esse id, quòd sim-
 plex est & incompositum, ut alibi viri huius sententias excutientes, docebimus.
 Quis igitur non absurdum esse censeat, tam facile consuetum verborum vsum
 ad id traducere, quòd ab omni loquendi consuetudine est abhorrens, & tum Pla-
 toni, tum vniuerso hominum generi inusitatum? Et aliòqui maximum crimen
 Platoni inferunt, quòd non ortus significationes priùs distinxerit, deinde qua de
 significatione verba faceret, explicaret: siquidem non omnium vsu tritum signi-
 ficatum, sed externum & peregrinum adsumpsit. Nam hoc eximie captiosum
 esse antea docuimus. Attamen, ut hæc omnia negligamus, & concedamus ipsis,
 ortum præter alia, quæ significat, compositum ex materia & forma etiam signi-
 ficare, omnino est perspicuum, quòd cum iniudè propositum sibi scopum expli-
 caret, cum diceret se in vniuersi quæstione inquisiturum esse, ortusne sit Mun-
 dus, an verò careat ortu, nihil aliud dicebat, quàm se inquisiturum esse, simplèx-
 ne sit Mundus, an ex materia & forma concretus. Nam si ortum esse hîc, apud
 Platonem compositum esse significat, certè non ortum, non compositum nec-
 cessariò significabit. Quando igitur problema ipsum proponebat, Mundusne
 semper fuerit, ita ut à principio nullo esse cœperit, an verò sit ortus, ab aliquo
 exorsus principio, hoc cerè inquirerebat, quòd initidè definiuit, Simplèxne sit Mun-
 dus, an ex materia & forma compositus. Quare illud, Sempèrne fuerit, pro, sim-
 plèxne

pléxne sit, erit translatum, propter eximiam illam in commutandis nominibus libertatem. Nam quod in iudō dixit sibi ad disquirendum propositum esse, Ortúsne sit Mundus, an non ortus (hoc enim progressus inquisivit, cum dixit, Semperne fuerit, an verò sit ortus) semper eū pro ortum non esse usurpauit. Si igitur ortum esse, compositum esse designat, & idēd non ortum, simplex, & non compositum significare debet, & pro non orto semper esse usurpauit Plato, certē apud ipsum semper esse, non compositum esse significabit. Verūm quā necessitas eō Platonem adegit, ut tam ineptē verbis abutatur, cum oporteat eum, qui paucis & propriis dictionibus animi sui sensum exprimat, dicere, simplēxne sit Mundus, an ex materia & forma compositus. Quis enim vnquam mortalium pro simplici, & non composito, semper esse usurpauit? Verūm hoc concessum esto: & nos pro simplici & non composito, semper esse dicamus, & pro componi, oriri, ut nouis istis visum est verborum impositoribus. Tota sententia erit huiusmodi, Mundúsne simplex sit, compositionis principium nullum habens, an compositus fuerit, ab aliquo exorsus principio? Verūm ne sic quidem veritatem occultare potuerunt. Nam si hoc solum in quāstionem Platoni propositum erat, simplēxne sit an compositus, quid sibi vult, quod ipse proponit, ortus in iudō nullum habens? Et rursus, cur cum dixit, Ortúsne sit, adiunxit, ab aliquo exorsus principio? Satis enim erat dicere: semperne fuerit, an ortus sit. Cum igitur sciscitatur, utrum ita ut semper sit, hoc est, simplex principium ortus, hoc est, secundum ipsos, compositionis nullum habet, an verò ortus fuit, hoc est compositus, ita ut ab aliquo principio esse cōperit, & ortum esse respondet. Ait enim: Ortus est: nempe ab aliquo exorsus principio, Mundum certē compositum fuisse dicit. Nam hoc totum interrogauit, Ortúsne sit, ab aliquo exorsus principio. Et respōdit, ortus est, nempe ab aliquo cōceptus principio. Quare Mundi compositionem ab aliquo principio cōpille confessus est Plato. Quod est naturam eius atque essentiam esse cōpisse. Dictum est enim, quod in iis, quā ex materia constant & forma, vna cogitatione compositorum partes simplices intelliguntur. Nō enim opifex materiam & formam prius scorsim productas, in vnum deinde composuit: sed vnā cum simplicibus, quod ex ipsis iunctum est, simul produxit in naturam. Eorum enim, quā ad se mutuo referuntur, & sub eandem rationē cadunt, sunt materia & forma, nec vnum sine altero esse potest. Quare si Mundi compositionem cōpisse dicit, vnā autem cum compositione, tum simplicia, tum quā ex simplicibus componuntur, Deus in naturam producere solet, fanē cum Mundi compositioni initium tribuit Plato, cuius quoq; essentiam à principio cōpisse tradit. Neq; enim aliud est ipsum Mundi esse, quā eius compositio. Sed simul ac in rerum natura compāret, etiam compositus est.

SI quis autem principium hoc in loco, & cōpisse, non in tempore dici intel- X I I.
ligat (temporis autem initium dico, ut saepe dictum est, non quod in temporis parte factum sit, cum iam tempus prācessisset, sed quod cum tempore esse cōperit, cum prius non esset) in causa principium intelligere modis omnibus est necesse. Nam etsi aliqua alia sit principii significatio, nihil tamen ad hanc dispositionem nobis conferet. Quare in iis curiosius immorari, erit superuacaneum.

In omni autem eo quod gignitur, sex secundum Platonem sunt causæ, Materia, Forma, Efficiens, Exemplum, Instrumentum, Finis. Nam in domo ædificanda efficiens est ipse architectus, exemplum autem ratio, quæ est in ipso architecto, ad quam domum ædificat: Materia, lapides & ligna: Forma, ipsa domus figura: Instrumenta, regula, libella, scalpellum, & reliqua: Finis, usus, propter quem excitata est domus, nempe ut ab imbris & caloribus defendat. In nullo horum, opinor, hîc principium intelligere possumus. Vtrum enim, inquit, fuerit semper ortus, principium nullum habens. Nam perinde ac si eius quod semper est, consequens sit, ortus principium nullum habere, ubi dixit, semperne fuerit, subiecit, Ortus principium nullum habens. Cùm igitur pro compositione ortus vsurpetur, & semper esse pro simplici, & non composito, & principium non temporis intelligatur, sed aut per efficientem causam, aut per aliquod aliud reliquorum principiorum, cueniet, ut nullum simplex & non compositum è compositi principii vllum obtineat. Porro, compositi principia sex sunt, quæ enumerauimus. Nullū igitur simplex neque formam habebit, neque exemplum, neque finem, neque causam efficientem. Quare eorum tantum, quæ sentiuntur, effector est Deus, & in his solis formæ spectantur. Nulla igitur rationis compos anima, neque formam, neque exemplum habebit, neque efficientem causam, neque finem: neque verò reliquorum quicquam, quæ mente & intelligentia concipiuntur. Rursus, si principium eorum, quæ dicta sunt, quicquam Platoni significat, quid sibi vult, quod ait, an ortus sit, ita ut ab aliquo principio esse cœperit. Quare enim vnitatis numero ab aliquo principio dixit? Nam si compositi causas per principium significare voluit, hæc autem etiam in Mundi compositione secundum Platonem sunt complures, nempe quæ enumeratæ sunt omnes præter instrumentum. Instrumento enim ad naturam rerum procreandam Deus nihil indiget. Cur igitur tandem numero multitudinis in eo, quod semper est, negatione principii usus, cùm dixit: Quod semper est, nullum habere ortus principium. In eo autem, quod oritur principium protulit numero vnitatis, idque cum infinita particula, *Aliquo*, quando dixit, Ortusne sit, ita ut ab aliquo principio esse cœperit, cùm multitudinis numero dicere debuerit, ut ab aliquibus principii esse cœperit: quandoquidem plura sunt (ut Platoni etiam videtur) principia, quæ compositarum rerum causas continent, quæ nos enumerauimus. Quandoquidem ridiculum est eum, qui Ortum esse, pro, Compositum esse, vsurpauerit, inquirere, an quod compositum est, ex simplicibus quibusdam componatur. Perinde est enim, ac si quis quærat, an compositum simplex non sit, sed compositum. Rursus, quid sibi vult verbum, *Cœpisse*. Nam si tempus hîc non designat, superest, ut ipsum quoque hîc pro, compositum esse vsurpetur, ut tota Platonis sententia sit huiusmodi: an compositus est, ab aliquo concreto principio. Quidvis enim, ut mihi quidem videtur, citius Platonem dicere concedant, quàm genuinam & simplicem eius sententiam admittant. At verò nihil compositum ex aliquo componitur, sed ex aliquibus. Quomodo igitur dixerit, an ab aliquo principio esse cœperit, pro, an compositus? Sin autem principium hîc solam efficientem causam quispiam accipere velit, certè cùm dicit, semper-

ne fuerit nullo generatus ortus principio, principium iterum efficientem causam intelligemus. Et rursus, ut consequens eorum, quæ semper sunt, assumens Plato, nullum habere efficiens principium, ea sola, quæ sentiuntur, ab efficiente causa procreata esse censet. Eorum autem, quæ intelligentia comprehenduntur, nihil. Vnde efficitur, eorum tantum, quæ sub sensum cadunt, efficientem esse Deum. Quæcunque autem intelligentia comprehenduntur, quod ad causarum rationem attrinet, ea esse sine principiis. De quorum numero noster est animus. Quod si hæc absurdè dicuntur, sanè ab aliquo principatu cœpisse, non vilius causa ratione sumpsit. Quare Mundum à tempore esse cœpisse, voluit Plato. Nam si, ut egregiè sensit Porphyrius, nullus usque adeo mens est emorè, ut dicat Platonem propositionibus malè cohærentibus, & nihil conficientibus esse usum: multò certè magis is sensu caruerit, qui Platonem eas hypotheseis adsumere putari, quas sexcenta partim risu digna, partim quavis absurditate absurdiora consequuntur, præterquam quod impropriis, & ambiguis vocibus cum dicit esse usum, quas in suas significationes non distinxerit, atque adeo consueto & recepto significatu neglecto, ad alios Græcis hominibus prorsus ignotos, voces ipsas traduxerit. Ad eas enim mirandæ hæ hypotheseis Platonem compulerunt. Ortum igitur esse, non ex materia & forma compositum esse Platoni significat: neque ortus initium in his aliud vllum, quam temporis intelligere possumus.

P O R R O, quod principii nomen hoc in loco temporis initium apud XIII. Platonem significet, ex iis didiceris, quæ alibi de Mundi compositione ab ipso dubitando dicta sunt. Nam in Sexto de legibus hæc eius sunt verba: Rectè siqui-
dem hoc saltem omni persuasum homini esse debet, quod hominum ortus aut
nullum omnino principium accepit, neque finem unquam est habiturus: sed &
semper erat, & omnino est, & futurus est. Aut si quando esse cœpit, principii
quædam longitudo, à quo esse cœpit, immenso iam ante nos tempore præcessit.
Idem in Epinomide, de iis omnibus, quæ in cælo sunt, hæc etiam dicit: Arbitrari
autem decet omnia quæ in cælo sunt, animantium genera hæc esse. Quod sanè
diuinum imprimis aliorum genus, ortum fuisse dicere debemus, corpus quidè
nactum pulcherrimum, animam autem beatissimam simul & præstantissimam:
è duabus tamen sortibus alteram his tribuendam esse propemodum ducere de-
bemus. Nam aut ab interitu alienum, & liberum mortalitate vnumquodque ipso-
rum esse & diuinum prorsus & necessariò, aut certè diuturnam aliquam vitam
habere, quæ cuique horum ad viuendum satis sit, & qua longiore non indigeat.
In his igitur si ut hæsitans dicit, quod è duabus conditionibus alteram oportet
arbitrari, tum in hominum ortu, tum in eorum omnium, quæ in cælo sunt, nem-
pe aut nullum prorsus ortus principium accepisse, & ob id neque finem esse habi-
tura, sed tum fuisse semper, tum semper esse futura: aut certè principii certam
esse longitudinem, ex quo procreata sint. Et inde tempus immensum præcelsis-
se, cum celestia vitam diuturnam obtineant. Quod postquam ut cōtrouersum
hic proposuit, id sine solutione missum fecit. quia ipsi in disputatione de legibus
propositum non erat, de Mundi ortus natura differere. Cum autem hoc ipsum
in Timæo iterum in disquisitionem vocauisset, semperne fuerit nullo generatus

ortus principio, an ab aliquo temporis principatu sit ortus? respondit & ortum esse Mundum, & ab aliquo principio esse generatum. Palam est igitur & cuius perspicuum, quòd de quo principio in legibus dubitauit, cum iterum de eodem dubitauisset, hoc principium Vniuersi ortum esse confirmauit. Quòd si in legibus aperte dubitauit, an temporis principium habuerint, tum coelestium, tum hominum ortus, non dubium, quin in Timæo à temporis principatu exorsum Mundum esse dicat, cum generatum esse pronuntiat. Quòd autem Plato cum Mundum temporis principium habere dixit, non malè cohærentia concluderit, vt Porphyrio videtur, paulò pòst confirmabitur.

XIIII.

QV I autem Platonici acuminis esse possit, vt cum theorema adeò euidentè, & omnibus notum sit, qui vel minimùm in naturæ inquisitione versati sint, atq; adeò Physicis, qui ipsum præcefferunt, omnibus confessum, quòd corpus omne ex subiecta materia constat & forma, etsi quid horum esset vtrunq;, inter ipsos fuerit controuersum: tamen quasi nouum aliquod nobis problema esset solutus, in eo hæsitaret Plato, & deos deasque omnes inuocaret, vt sibi ad huiusce inuentionem essent auxilio, nempe, Mundusne composita res sit ex materia & forma, an non: sed simplex & sine vlla compositione? Quare autem vt in Vniuerso quæstionè instituit? Neq; enim Vniuersi proprium est hoc problema, quatenus Vniuersum est, hoc est Mundi, an is ex materia & forma coagmentatus sit, sed cuiusuis etiam corporis, quod ortum sit, & subiectum interitui, vt huius aquæ, & huius terræ. Quòd autem hoc verum sit, testis est ipsemet Porphyrius. Nam vbi dixit ortum dici Mundum tanquam ex materia & forma compositum, longius progressus, & hæc Platonis verba exponens, cum adsumpsisset Deus quicquid erat aspectabile, neq; quietum erat, sed temerè & sine ordine mouebatur, ad verbum hæc habet: Non idem est Mundi effectio & corporis natura atque cohærentia. Neque eadem sunt corporis, & Mundi principia: sed vt Mundus generetur, corpora esse, & ea vnum esse oportet. Vt autem corpora generentur, materiam esse est necesse, & Deum & omnino id, quod gignitur. Atque aliud quidem, vt corporata fiat materia. Aliud autem, vt quæ corporata sunt, in ordinem digerantur. Hæc autem semper sunt vnum omnia & nullo tempore distincta. Verum doctrina hæc necessariò distinguit, vt immistum id esse doceat, quod gignitur. Corporis enim principia, situs. Materia autè & figura: quæ oratio progressa, docebit, vt ex quibus à Deo in naturam productis corpora constiterunt. Mundi autem sunt principia, quæ iam in naturam producta sunt corpora. Et Deus est, qui ipsa digerit in ordinem. Et paulò pòst: Quòd autem non idem sit Platoni corporis & Mundi compositio, & quòd nunc non materiam ipsam adsumit, sed quæ ex materia effecta sunt corpora, argumento erit, quòd aspectabilia dicit esse ea, quæ adsumpta sunt. Aspectabilia autem, quid aliud esse possint, quàm corpora? Rudis est autem & informis per se materia, & quæ spuria cognitione vix comprehendatur. Præterea, quod longius progressus ortum ostendit corporum, quanuis hîc Mundi coagmentationem docuerit. Verum à Mundi procreatione ad corporis ortum redit. Si hæc igitur & verè & ex Platonis sententia dicuntur à Porphyrio, quomodo non hæc prius intellexit, cum Mundum

dum ortum esse dicebat, ut ex materia & forma compositum, Mundi compositionis materiam, & formam non esse principia, sed quæ ex materia & forma iam coagmentata erant corpora, quorum coagmentatio & in ordinem distributio Mundum effecit? Quod si Mundi principia non sunt materia & forma, sanè cum Plato quæreretur, ortusne sit Mundus, & à principio esse cœperit, non inquirebat, an ex materia & forma sit compositus. Corporum enim, non Mundi is est ortus, sicuti dixit Porphyrius. Plato autem de Mundi ortu quærere proposuerat, deinceps in corporum naturam & compositionem inquisiturus. Ipse itaque Porphyrius Platonis compulsus oratione, compendiosam reprehensionem proposita in ortu hypotheseos nobis tradidit. Verùm non intellexit hæc mutuis sibi stare auxiliis, & quod aduersatur, effugere. Aut intellexit quidem: sed arbitratus est se latere posse, & hoc modo fallere Lectores. Atqui sanè mentis neminem dicturum esse puto, quod etsi non possimus contendere Mundum à Platone sic ortum dici, ut ex forma & materia sit compositus, propter ea, quæ nunc dicta sunt: ita tamen ortum esse dicamus, quia ex pluribus corporibus sit coagmentatus. Eorum est enim, qui nec oculos, nec vllum sensum habeant, in hoc inquirere, vtrum Mundus vnum sit corpus, & simplex, an ex pluribus coagmentatus. Nemo enim de hisce dubitat, quæ sensibus euidenter accipere licet. Stulti prorsus igitur, & verè sensu communi carentes, qui in has stultas hypotheseis Platonem compulerunt. Verùm cum hanc hypothesin satis reprehenderimus, ad reliqua excurienda transeamus.

TERTIA erat ortus significatio, qua in gignendo Mundus esse & stare XV. dicebatur, quam Proclus in Commentariis, quibus proposita loca enodauit, maxime amplectitur, in eo certè Opere, quod inscripsit, Observationes eorum, in quibus Platonis Timæo contradixit Aristoteles, repugnans Aristoteli, qui sempiternum Mundum esse posuit, & Platonem accusat, quod à tempore ipsum ortum esse statuatur. Diximus autem, quomodo à tempore, in Mundo intelligatur. Quod igitur attinet ad ea, quæ de Mundi perpetuitate habet Aristoteles, ea Proclus amplectitur, verùm non iure Platoni ipsum succensere tradit: quia *Ortum esse*, apud Platonem, nō significat à principio esse cœpisse, sed semper gigni. Nam quæ supra tempus collocata sunt, & æterna, ea vniuersam simul naturam suam, vim, & actionis perfectionem præsentem obtinere. Quæ autem sunt in tempore, ea non conferant simul vitam suam præsentem habere. Si quid enim, inquit, in tempore est, etiamsi in immensum tempus producat, interdum quidem est. Nam quicquid ipsius est, id in aliquo est tempore. Non enim simul constat tempus, sed gignitur in infinitum, ac nō interdum. Ad hunc igitur modum vniuersum ortum esse dicit. Non quasi sit, ut id quod semper est, sed ut id, quod per omne tempus gignitur. Semper tamen aliquando in naturam profertur secundum eam temporis partem, quæ instat. Et iterum vniuersum esse dicit, tanquam quod non sibi sit causa, cur sit, sed quod ab alio in naturam educatur. Quæ quarta est ortus significatio, nempe causæ ratione oriri. Sic igitur Proclus duabus posterioribus generati significationibus, Platonem dicit Mundum generatum esse dixisse.

XVI. VERVM, quòd omnia quæ sentiuntur, naturam & essentiam suam in gignendo habere Plato posuerit, ipse quoq; confiteor. Nam de iis, quæ sentiuntur omnibus scribit: Alterum, quod adfert opinionem per sensus rationis expertes, quod totum est opinabile, id gignitur & interit, nec vnquam verè esse potest. Verum hunc ortum non sine principio esse, sed initium habuisse ponit, quo esse cœperit, cum prius non esset. Cui Aristoteles inficiatione occurrit. Neque enim Mundum dicere in gignendo habere suum esse, conficit necessariò Platonem non dicere; hunc ortum, ab aliquo cœpisse principio. Quoniam res omnes singulæ, quæ in gignendo suam habent consistentiam, initium habuerunt, quo esse cœperint. Nam quod Mundi ortum non expertem principii esse arbitratur, ipsa Platonis verba docebunt, Sempérne fuerit, nullo generatus ortus principio, an ortus sit, ita vt ab aliquo principatu esse cœperit. Vides enim ipsi propositum esse, an nullo generatus sit ortus principio, an verò ortus sit, & ab aliquo principio esse cœperit. Quare principium inuestigat procreationis Mundi. Nam si absolute per verbum, Ortus est, significare voluisset in gignendo Mundum suum esse habere, satis erat dicere, sempérne fuerit sine ortu, an ortus sit. Imò magis consentiens erat, si dixisset, An oritur? nunc autem ait, Nullo generatus ortus principio. Et statim, An ortus ita sit, vt ab aliquo principatu esse cœperit? Vbi semper cum ortu principium coniungit. Nam quod perpetuò gignitur, ortus principium nullum habet: nunc autem Mundum ita ortum esse dicit, vt ab aliquo principio esse cœperit. Quoniam enim ipsum ortum esse, quibusdam fortasse videri poterat, significare Mundum ab opifice naturam suam obtinere, ex æternitate tamè sterile, cuiusmodi æterna esse dicit Plato, quæ ab ipso Deo suum esse acceperint: cum ab illo tamen principio non sint, sed ex æternitate consent. Hanc igitur de Mundo opinatiònè depellere volens, verbo, Ortus est, addidit. Vt ab aliquo principatu esse cœperit. Vide igitur vt vtrunq; apertè docuit, tum quòd in ortu suum esse habet Mundus, tum quòd eiusmodi ortus ab aliquo temporis principatu esse cœperit. Nam per verba, An ortus sit, vt ab aliquo principatu esse cœperit, non perpetuitatem ortus, sed terminum significauit. Deinde cum subiungit: Ortus est, quandoquidem cernitur & tangitur, & est vndiq; corporatus, omnia autem talia sensum mouent, sensusque mouentia quæ sunt, eadem in opinatiõe consistunt, quæ ortum habere gigni; diximus. perpetuitatem ortus rerum, quæ sentiuntur, significauit: quoniam in gignendo suam habent essentiam. Ait enim, quæ ortum habere gigni; diximus. Atq; hîc non temerè ortum habere & gigni coniungit: sed vt significaret iterum, quòd hoc gigni, non eorum est, quæ ex æternitate sunt, & sine principio, sed eorum, quæ à principio esse cœperunt. Ambo igitur, vt dixi, proponens, conueniens vtriq; tempus reddidit. Principio enim, quo esse cœperit, ortum esse. nam dicit: Ortus est, exorsus ab aliquo principio. continuatè autem perpetuitati ortus & mutationi verbum, *Gigni*, reddidit. Inquit enim: Quæ ortum habere gigni; diximus. Nam gigni præsentem productionem significat, quod perpetuè Mundi generationi & immutationi aptè quadrat. Verbum autem, Ortus est, præteritam confectionem significat. Quod primo principio & primæ Mundi hypostasi bellè conuenit. Quod autem Plato,

si quis alius recti verborum vsus peritus fuerit, & eorum inuentor, nihilq; temere effutuerit, quid digredi habeo necesse, vt ea confirmem, quæ clara & nota sunt omnibus? Quòd si quis Platoni obiciat, quòd citra discrimen & dælectum nominibus vtatur, vt, *Ortus est*, pro, *Gignitur*, acceperit, quid vetat nos, eandem iuris libertatem imitatos, *Gigni*, pro, *Ortum esse*, accipere? Verùm illud huic interpretationi qui conuenire possit, ab aliquo exorsus principio? Nam quod semper gignitur, ab aliquo principio gigni cœpisse non potest. Iam verò quod principium dicit, à quo Mundi ortum cœpisse prouincetur, an id solum, quod essentiae & temporis est principium? Neq; enim materiam, neq; formam, neq; vllum aliud principium in his intelligere possumus. Quam enim intelligentiam habebit, si dixerimus, quòd ortus est Mundus, hoc est, in gignendo, vt sit habet, à materia incipiens, aut à forma, aut ab aliquo reliquorum. Nam quid velit dicere Mundum semper gigni, & à materia ortum incipere, nisi rursus incipere, ad aliam significationem traducatur? Verùm hoc modo inquireret, an sit compositus: non autem, an in gignendo suum esse obtineat. Hoc autem nobis confutatum est. Porro, quod neq; efficientem causam principium hinc intelligere possumus, perspiciterum potest ex iis, quæ semper sunt, & non gignuntur. Hæc enim nullum ortus principium habere dicit. Quapropter efficietur, nihil eorum, quæ intelligentia concipiuntur, de Platonis sententia habere causam efficientem. Quod & falsum est, & aliòqui absurdum. Hoc enim modo multa principia, ac non vnum inducere erit necesse. Atq; adeò tot, quot ea erunt quæ intelligentia comprehenduntur. Vnum autem omnium esse principium in confesso est. Rursus quamobrem, si quidem in hoc inquirebat, nempe an in gignendo Mundus habet, vt *suu*, dixit, *Ortus est*, non autem, *Oritur*, seu *Gignitur*? Item quamobrem non dixit, *Vt à principio aliquo incipiat*, sed, *Cœperit*? Nam quod gignitur, semper gignendi principia continet præsentia, & quod est eiusmodi, semper incipit gigni, nunquam cœperat. Cur autem numero vnitatis & indefinitè dixit, cum plura sint eius, quod gignitur, principia, & ea certa, vt supra expositum est? Principium igitur in his intelligere nihil aliud possumus, quam principium temporis, quo esse primum & constare cœperit. Ad hunc igitur modum nobis reprehensa sit tertia significatio.

SVPEREST, vt quartam significationem excutiamus, quæ de eo est, XVII. quod ratione causæ gigni dicitur: An cum Plato Mundum ortum esse dicit, ratione causæ tantum ortum esse dicat. Cui, vt dixi, opinioni Proclus assentitur. Sic enim Vniuersum ortum, à Platone ortum dici tradit, tanquam id, quod non sit, more eius, quod semper est, neque sibi solum, vt sit, autor est & causa, sed ab alio in naturam producit. Quare ortum esse sic à Platone dici potest, quia Mundus non sibi est causa, cur sit, sed Deum naturæ suæ causam & autorem habuit. Quin & Porphyrius cum ea præcipua esse dixisset, cur à Platone Mundus ortus esse dicatur, quòd sit compositus, tandem longius progressus, ratione causæ ortum ipsum dici scribit. Cum enim illud exponit: Hanc autem principem esse causam ab hominibus sapientibus. & quæ deinceps sequuntur, hæc habet: Cæterum, si hoc præcipuum est Mundi principium, & sic gigni cœpit, vt qui

" non fortuito cœperit, neque ipse à se absolutus est, sed à Deo prodierit, & ab eius
 " substantia sit ortus, Dei porro substantia ipsa est probitas, Deus propriè ipse
 " sit principium. Atque aded cum dubitaret, vtrum semper fuerit nullo genera-
 " tus ortus principio, an ita ortus sit, vt ab aliquo principatu esse cœperit, sic intel-
 " ligere oportet, quasi dubitet, vtrum fortuito sic constiterit, vt sui effectorem nō
 " habeat, an ab alio sit ortus, & aliunde principium habeat, quo esse cœperit. Pri-
 " mum igitur mirum est mihi, quī fieri possit, vt idem Plato cum de eodē Mun-
 " do in vna & eadem doctrina inquirat, Sempérne fuerit, nullo generatus ortus
 " principio, an ita sit ortus, vt ab aliquo principatu esse cœperit, simul inquirat,
 " tum an ratione causæ ortus sit, tum, an sit compositus, tum an gignendo vt sic
 " obtineat, tum verò per alias, quas addunt ortus significationes. Verum quod
 " tam faciliè ab aliis ad alias significationes transcut, maximum argumentum
 " esse puto, quòd Platonis verbis vim faciunt, & ad sensum alienum detorqueant.
 " Nam cum omni ex parte cum Platone consentire, & ipsi secum in vno ortus si-
 " gnificato non possint, quod in vtroque loco ipsis est ex vsu, id arripiunt. Deinde,
 " si ortum esse Mundum, non principium habere significat, quo esse cœperit,
 " sed suam ex Deo hypostasim obtinere, & ipsum suæ naturæ autorem non esse,
 " Platonem certè oportuit id ipsum apertè dicere, vtrum à Deo autore constite-
 " rit Mundus, an non? vt ambiguitatē vocis generati effugeret, nec scopum suum
 " relinqueret ambiguum. Homini enim artis differendi perito maximum est vi-
 " tium in problematis, aut propositionibus vocibus vti ambiguis, sine vlla distin-
 " ctione, & vocum in differentes significationes diuisione.

XVIII.

QVOD autem ratione causæ tantum ortum fuisse intelligere non possu-
 " mus in his verbis: Sempérne fuerit nullo generalis ortus principio, an ortus sit,
 " hinc perspicitur. Nam si ortum fuisse Mundum Platoni est, suæ sententiæ effi-
 " cientem causam habere, ei autem quod est ortum esse, non ortum esse, aduer-
 " sari statuit. Ait enim: Nos enim de Vniuerso verba facturos, ortumne fuerit, an
 " verò nullo sit ortu generatum. Et iterum, Sempérne fuerit, nullo generatus or-
 " tus principio, an ortus sit, palā est quòd cū (vt in problemate dicitur) ipsum non
 " esse ortum, id significat, quod ei quod est ortum esse, opponitur, hoc est, nullam
 " causam efficientem habere, quæ in naturam ipsum produxerit. Si nos igitur or-
 " tum non esse ad efficientem causam non habere transferamus, ortum autem
 " esse ad contrarium, quod Platoni dicitur, erit eiusmodi: Nos autem de Vniuerso
 " verba facturos, an ab aliqua efficiente causa extiterit, necne? Et iterum, Sempér-
 " ne fuerit Mundus, à nulla efficiente causa procreatus, an verò ab aliqua efficien-
 " te causa, in naturam rerum sit productus. Verum non puto Platonem in eo
 " fuisse errore, vt opinionē de Opifice vsque aded ambiguum esse sit arbitratus, vt
 " non solum de Mundo, sed etiam de Vniuerso statim in principio considerandū
 " esse putarit: vtrum à Deo extiterit, an non: sed res vnaquæque à se sine autore in
 " natura constiterit. Hoc enim, inquit, de ipso est considerandum, quod initio in
 " quæstione de Vniuerso considerari debet. Nam quæ euidencia sunt, in proble-
 " matis loco non ponit. Dialecticum enim problema non esse tradit Aristoteles,
 " An dii sint colendi. Supplicio enim magis, quā verbis eos indigere, qui eiusmodi
 " propo-

proponunt. Non de omni re, inquit, & qualibet aio nos arbitrari debere esse inquirendum, ex Opificēne aliquo illa extiterit, an casu, & fortuito citra efficiētis causae adminiculum. Verus est enim & patrius sermo, qui omni hominum generi est in ore, vt scribit Aristoteles, in libello De Mundo, quod ex Deo omnia, & per Deum nobis extiterunt, & in naturam rerum producta sunt, & quod nulla est natura, quae ipsa sibi ad sese tuendam satis esse possit, nisi à Deo ipsi salus accedat, & custodia. Qui igitur fieri potest, vt quisquam sit, qui vel minimum salutaris mentis possideat, qui nihil reueritus communem de Deo notionem, in problematis loco ponat, Vtrum res singulae à Deo autore constiterint: an verò ipsae sibi cur constent, sint causa? In quibus tamen non perspicuum est, aliquando esse coeperint, necne: vt in nostra anima, & in Mundo, atq; aliis nonnullis se res habet. Par esse censet Plato ante omnia, quae de hisce inuestigantur, inquirendum esse, coeperint esse aliquando, necne. Nam quod nouerit in nostra anima, vulgò id esse controuersum apertè in Timæo scribit. Animam autem, non vt nunc posteriorē dicere tentamus, sic Deus recentiorē eam effecit. Neq; enim, quod antiquius est, iunioris imperio parere fecisset. Verum nos, qui fortunae & casus sumus participes, multa fortuito & temerè enuntiamus. Ille autem, & ortu, & virtute priorē & antiquiorē animam, quàm corpus, vt quē imperio suo corpus regere debebat, ex his scilicet atq; ad hunc modum procreauit. Quare nouit Plato multos esse, qui animam nostram corporis concrecione posteriorē esse putent. In quibus igitur controuersum est, coeperint esse aliquando necne, in his ante omnia alia problemata, dum ipsa in disputationem proponuntur, inquirendum esse vult, Sempérne fuerint, nullo generata ortus principio, an verò sui ortus principium, quo esse coeperint, aliquando habuerint, cum prius nulla essent. Quandoquidem igitur alii Mundum ex aeternitate sine vllō principio fuisse, alii initium habuisse, cum prius nihil esset, arbitrantur, meritò ante omnia quae de Mundo inquirenda sunt, hoc Plato consyderandum esse proposuit. Quod si de toto Mundo controuersum esse putat, à Deo extiterit necne, ad totum autem partem vnāquāq; refert, quantò magis id ipsum in iis, quae intelligentia comprehenduntur, suspicatus quispiam fuerit? Quare efficietur, vt Plato hoc in loco quærat, an omnino vlla res sit à Deo procreata, & an non vnaquæque res ipsa sibi, vt in natura rerum extaret, autor fuerit & causa. Hoc autem perinde est, ac si quæreret, an omnino effector sit Deus, an verò hac facultate prorsus sit destitutus. Nam qui in omnibus rebus inquisitione dignū putauit, an ex Deo constiterint, is certè inquit, & dubitat an omnino efficiendi facultate præditus sit Deus? Cum igitur nunquam tantam, tamque controuersam esse dubitationem de Dei opificio censuerit Plato, vt secundum Epicureorum Deum tollentium impietatem, in quaque re inquisitione dignum existimarit, an illa Deum autorem habeat cur extiterit, necne: Et an opifex omnino sit Deus necne, non sanè quando an ortum sit Vniuersum, an ortu careat, vt problema propositum est, per causam, ortum aut non ortum significat. Et alioqui, hōne à ratione alienū sit, Deum in quætionem Vniuersi adiutorem inuocare, vt omnium bonorum, vel minimorum fontem, dubitare autem & controuersum facere, an ex Deo

Vniuersum suam naturam acceperit? Nam ingressus disputationem de Mundo
 “ Platonis Timæus, eiusmodi verba facit: Verum ô Socrates, omnes, qui vel mini-
 “ mum sapientiæ & moderationis sunt participes, in re qualibet aggredienda, seu
 “ parua seu magna ea sit, Deum semper inuocant. Nos autem, qui de Vniuerso
 “ verba facturi sumus, ortumne sit, an ortu careat, nisi prorsus aberremus, oportet
 “ deos deâsq; omnes inuocantes, precari. primum, vt omnia grata illis dicamus:
 “ deinde, vt nobis ipsi constemus. Si igitur in re quauis, vel minima aggredienda
 Deum inuocare cuiusvis est, qui vel minimum sapientiæ sit particeps, hoc autē
 ipsum ad Deum referre, & in omnibus adiumentum eius & opem inuocare,
 eius est qui illius in res omnes imperium, & potentiam confitetur: & quod ab
 illo omnibus rebus, tum vt sint, tum vt bene sint, emanare solet: quomodo non
 ab omni ratione abhorret, etiam secundum ipsum Proclum, in sententias maxi-
 me inter se repugnantes Platonem incidere, qui Deum inuocari dicat ad insti-
 tutam de Vniuerso disputationem, an ex Deo ipsum extiterit necne, sed ipsemet
 Mundus sibi cur esset autor extiterit? perinde est enim, ac si quis diceret inuocan-
 dum esse Vniuersi autorem ad institutam de Vniuerso disputationem, autor sit
 Vniuersi necne? Non igitur cum quæritur, ortumne sit Mundus, an ortu careat,
 ratione causæ ortum, aut non ortum esse Platoni significat. Sed quā id fieri
 non possit, ad hunc modum expende. Principiū igitur, mea quidem opinione,
 “ hæc nobis sunt distinguenda, Quid est quod semper sit, neque vllum habet or-
 “ tum? Et quid, quod gignatur, nec vnquam sit? Quorum alterum intelligentia, &
 “ ratione comprehenditur, quod vnum semper, atq; idem est. Alterum, quod ad-
 “ fert opinionem per sensus rationis expertes, quod totum opinabile est. Quoniā
 igitur in diuisione sibi mutuū opponuntur, id quidem quod secundum tempus
 ortum est, ei, quod quantum ad tempus atinet, ortu caret: id autem, quod cau-
 sâ ratione ortum est, ei, quod per causam ortu caret. Plato autem ei, quod ortu
 “ caret, id quod ortum est, in diuisione opposuit. Principiū enim, inquit, hæc distin-
 “ guenda sunt: Quid est, quod semper sit, nec vllum habet ortum? Et quid, quod
 gignatur quidem semper, nusquam sit tamen? & omne id ait ortum esse, quod
 sentitur, quod autem intelligentia comprehenditur, omne id ortus esse experts,
 omnino est necesse, si quod gignitur, id intelligit Plato, quod per causam gigni-
 tur, id etiam quod non gignitur per causam, non gigni aut oriri intelligere.
 Omne autem, quod intelligentia comprehenditur, ortus experts esse dicit, omne
 sanè quod intelligentia concipitur, per causam ortu carere voluit. Nullius igi-
 tur eorum, quæ intelligentia comprehenduntur, autorem esse Deum secundum
 istos Plato censuit. Quare efficitur, vt eorum tantum quæ sentiuntur, effectores
 sit Deus. Verum ad hunc modum nō amplius vnum erit omnium principium
 sed vnumquodque eorum, quæ intelliguntur, ipsum sibi causa erit, cur constet.
 Atq; tot erunt principia, quot sunt ea, quæ intelligentia comprehenduntur. O-
 perapretium est igitur videre, in quā absurdam sententiam, ex miranda ista
 hypothesi depellunt Philosophum. Verum hæc non sentit Plato. Is enim in ea
 “ epistola, quam scripsit ad Dionysium, de omnium rerum causa, scribit: In o-
 “ mnium rege omnia sunt posita, atq; illius gratia stant omnia. Atque is autor est
 omnium

omnium, quæ cum pulchritudine & honestate coniuncta sunt. Et in Quarto „ de legibus, hæc iterum habet: Deus igitur, vt veteri sermone perhibetur, prima, „ & extrema, & media rerum omnium continens, rectam viam perficit, secun- „ dum naturam progrediens. Vbi veterem sermonem appellat vel ipsius Orphei. „ Inquit enim ille:

Constabat primus, stabique nouissimus olim

Suppiter. Hic caput, hic medium: ab Ioue cuncta creata.

Vel communem omnium hominum de Deo in omnibus notionem: vt de eo, qui rerum omnium sit auctor, & parens. Et Aristoteles vt paulò antè meminimus, in libello, quem De Mundo conscripsit, veterem quandam sermonem, & patrium omnibus hominibus esse dicit, tum ex Deo, tum per Deum orta nobis, & coagmentata esse omnia. Et quòd nulla est natura, quæ ipsa sibi ad sese tuendam satis esse possit, nisi à Deo salus ipsi accedat & custodia. Rursus idem in vndecimo lib. eius Operis, quod $\mu\tau$ & $\phi\psi\chi\theta$, inscripsit. Vbi vnum esse omnium principium vnâq; causam, necessariis rationibus confirmauit. Homerum enim sententiam amplexus, sic pronuntiavit:

Non multos regnare, bonum Rex vnus esto.

Sed quid opus est diutius hîc immorari in horum citandis testimoniis, cum hoc omnibus luce ipsa clariùs perspiciatur? Nam cum Mundi anima intelligentia comprehendatur, & rationis, compotes omnes animæ, harum tamen procreatorem Deum in Timæo produxit Plato: non igitur cum ea, quæ intelligentia comprehenduntur, nunquam orta dicit, causæ ratione non orta intelligit, sed penes tempus omnino. Quandoquidem omnium autorem Deum esse arbitrat, tum primorum, tum mediorum, tum extremorum. Quòd si quæ intelliguntur non orta esse, his autem opposita: nempe quæ sentiuntur, orta esse est confessus. Et vt ei quod intelligitur, id quod sentitur, opposuit: sic ei quod non oritur, id quod oritur, sanè quæ sentiuntur hoc in loco temporis ratione, non autem per causam orta esse dixit. Nam paululum progressus, de horum efficien- te causa disputabit.

QVOD si quis hisce repugnans dixerit, id quidem Platonem oriri dicere, XIX. quod per causam oritur, non oriri autem, non id quidem, quod per causam non oritur, sed quod in tempore non habet ortum, is sua inscitia Platonem vt viæ ac rationis diuidendi rudem & ignarum maximè damnabit. Nam in eo, quod per causam tantum nascitur, ac non ratione temporis, id comprehenditur, quod temporis ratione ortus est expertus. Quare secundum istos, cum Mundus tantum per causam ortus sit, temporis ratione ortus est expertus, eodem modo & rationis compotes animi. Nemo autem in diuidendo, id quod continet, ei opponit, quod continetur. Neque enim in diuisione, animali opponitur rationis compos. Nam nemo dixerit animatorum alia esse animantia, alia rationis esse participia. In animali enim continetur quod rationis est particeps. Neque verò rerum, quæ sunt alias esse substantias, alias corpora dicemus. Iterum enim in substantia corpus continetur. Dicimus tamen animalium alia esse terrena, alia aquatilia. Neutrum enim altero continetur. Et rursus rerum, quæ sunt, alias esse substan-

rias, alias accidentia. Non igitur ei, quod per causam oritur, id opponitur in diuisione, quod ratione temporis expers est ortus. Quoniam ut dixi, in eo quod ratione causæ tantum oriri dicitur, continetur id quod temporis ratione ortu caret. Quod autem, aut propemodum solus, aut certe primus Plato accuratam diuidendi viam ac rationem vidit, eamque laudibus euehit, dum Philosophiæ verticem appellat, & iis succenset, qui imperitorum coquorum more, non per articulos rerum sectiones instituunt. Sed quid opus est me longius orationem producere, dum quæ satis aperta sunt, ostendere contendo? Porro quod tum id quod intelligitur, tum id quod sentitur, & præterea id quod est, & id quod non est, in diuisione sibi mutuo opposuerit, ad verbum Plato ipse professus est. Principio enim, inquit, mea quidem sententia hæc distinguenda sunt: Quid est, quod semper sit, neque vllum habet ortum? Et quid, quod gignatur quidem semper, nusquam sit tamen? Quorum alterum intelligentia, & ratione comprehenditur: quod vnum semper atque idem est. alterum, quod adfert opinionem per sensus rationis expertes, quod totum opinabile est. Quare in diuisione eius, quod oritur, & eius, quod non oritur, non aberrauit Plato, cum ei quod per causam tantum, ac non item per tempus oritur, id opposuit, quod per tempus, non item per causam ortu caret. Vide igitur, ut hinc oppositionem in iis, quæ omnifariam inter se pugnant, collocauit. Ei enim quod est, ex aduerso, id opposuit, quod non est, & ipsi semper obicit nusquam. Et quoniam id quod est, non ei in diuisione opponi dicit, quod funditus non est. Nam ei, quod ad hunc modum non est, non id opponitur absolutè, quod quomocunque in rerum natura est: sed id, quod ita est, ut semper idem & eodem modo se habeat. Neque vnquam in vlla commutatione cernatur. Ut rursus id distinguat, quod ei, quod sic est, aduersatur, ei opponit, non id, quod non est, quia non sit in natura, sed id quod nusquam idem est, nec eodem modo se habet: propterea quod in perpetua commutatione conspiciatur. Quemadmodum igitur in his ea opposuit, quæ modis omnibus inter se pugnant, neque simul constare possunt: sic sanè ex consecutione, cum ei quoque, quod non ortum est, id opponit quod oritur, contradictione in diuisione opposuit, cum id quod oritur, & id, quod non oritur, simul esse non possint. Quare si id quod ortum non habet, non id intelligit, quod causæ ratione non oritur, sed quod temporis initium, quo esse cœperit, nullum habet; omnino est necesse id quod oritur, huic oppositum intelligere, hoc est, id quod à temporis initio aliquo esse cœperit. Et contrà, si quod oritur, id intelligit, quod per causam oritur, non autem id quod temporis ratione. Et id sanè, quod non ortum est, per causam non ortum dicere est necesse. hoc autem præter quam quod impium est, falsum quoque, esse comprobauimus. Vnam enim rerum omnium esse causam nusquam non philosophatus est Plato. Cum igitur hoc falsum sit, necesse est sanè id, quod semper est, & ortum nullum habet temporis ratione non ortum esse dicere. Quare quod huic opponitur ortum tempore ortum intelligit.

XX. S E D quid verbis opus est, cum demonstratione compendiosa confirmare hoc possimus, quod in his Plato nusquam oriri, aut ortum esse, in eo ortu pos-

suit,

fuit, qui ratione causæ esse statuitur, hîc enim cùm de ortu & principio secundum tempus differuisset, ubi dicit: Ortus est: quandoquidem cernitur & tangitur, & est vndiq; corporatus. Quoniam Physicos nonnullos ante se fuisse nouerat, qui Mundum ab aliquo principio ortum fuisse arbitrarentur, nec esse perpetuum, qui tamen propemodum omnes, præter vnum, efficientem eius causam ignorarent, atq; eas tantùm causas explicarent, quæ materiam suggerunt: perinde ac si rerum conformatio atque ordo temerè efficeretur: vnum autem Anaxagoram quasi de somno excitatum (vt loquitur ipse Plato) ad Vniuersum aduertisse animum, atque huic causam tribuisse efficientem. Quapropter ipse Plato cùm Mundum ortum fuisse, & ab aliquo principio esse cœpisse collegisset, statim ex consequutione de efficiente ipsius causa etiam his verbis docuit: Omne autem quod gignitur, ex aliqua causa gigni necesse est. Nullius enim rei, causa remota, reperiri origo potest. Non vt in problemate hoc proponens, sed vt id colligens, quod ea, quæ iam antè confessa essent, consequeretur. Vbi primum enim quidpiam ortum esse concessum est, statim ex euentia conficitur, huius ortus efficientem aliquam esse causam. Aut igitur natura omnino, aut arte causa est efficiens cuiusque eorum, quæ procreata sunt. Id quod cùm Physici, qui ipsum præcesserunt, collegissent, ipsos oportuit, qui semel Mundum generatum fuisse concessissent, statim ad efficientem eius causam se conuertere. Hoc enim nomine ipsis succenset Aristoteles in Secundo lib. Phys. Aufcul. *Cap. iij.* tione enim, inquit, dignum est, quod cùm tum in animantibus, tum in stirpibus nihil fortuitò aut temerè, nec esse, nec generari dicant, sed omnium quæ in his gignuntur, aut ad naturam, aut ad mentem causam referant, tum cœlum, tum ea quæ in iis, quæ adparent, diuinissima sunt, temerè orta esse dixerunt, idq; cùm in Vniuerso incommutabilis ordo visatur: nihilque sit in cœlo, quod temerè factum sit. Ob id igitur cùm Plato Mundum ortus capacem esse demonstraui- set, inde efficientem eius causam collegit. Quod si (vt sapientibus videtur) prius de efficiente causa differuisset, cùm dixit ortum esse Mundum & ab aliquo initio cœpisse, qui sit, vt iterum perinde ac si de hac nihil dixisset, adiecerit: Omne autem, quod gignitur, ex aliqua causa gigni necesse est. Nullius enim rei causa remota reperiri origo potest. Sed ad hunc quoque modum rem expendere, operæpretium est: Si ortum esse, vt ab aliquo initio esse cœperit, per causam ortum esse significabat, hoc est, efficientem causam, cur esset, obtinere. Vbi autem dixit, quod ortus est, subiicit: Omne autem, quod gignitur, ex aliqua causa gigni necesse est. Quod dicitur, esset eiusmodi: Omne autem, quod ex aliqua causa gignitur, ab aliqua causa gigni necesse est. Hoc autem perinde est, ac si quis dicat: Quod à causa oritur, id à causa oriri. quod ridiculum est. At verò & superius cum dicit: Quid est, quod semper sit, neque vllum habet ortum? & quid, quod gignatur quidem semper, nusquam tamen sit? rursus ortum, non eum, qui penes causam, sed eum, qui temporis ratione intelligitur, significare voluit: propemodum dicens, quod eorum quæ sunt, alia sunt semper, alia autem ab aliquo principio esse, & gigni cœperunt. Id quod ipse Plato iterum apertum fecit. Posteaquàm enim distinxit, quid esset id, quod semper est, neque vllum habet

ortum:& quid,quod gignitur quidem semper,nunquam tamen est,perinde fa-
 nè ac si ea,quæ aut semper sunt,aut temporis ratione gignuntur, docuisset, sta-
 tim eorum, quæ gignuntur,efficiẽtem causam adiecit,cùm dixit:Omne autem
 quod gignitur,ex aliqua causa gigni necesse est. Nullius enim rei causa remota
 reperiri origo potest. Vbiq; seorsim de ortu, & seorsim de efficiente causa dis-
 ferens:quasi Oriri,non efficientem causam ipsi significauerit. Nam aliòquin su-
 peruacaneum erat adicere: Omne autem quod gignitur, ex aliqua causa gigni
 necesse est. Nam si vbi dixit, Ortus est: Cernitur enim & tangitur, & est vndi-
 que corporatus, ortum esse non initium habere, quo esse cœperit, significaret,
 sed ab aliqua efficiente causa esse generatum, quorsum adiciebat præterea:
 Omne autem quod gignitur,ex aliqua causa gigni necesse est? Hoc enim iterũ
 perinde est ac si diceret: Omne autem quod ex efficiente causa gignitur,ab effi-
 ciente causa gignitur.quod risu excipiendum est.Non igitur ortum esse,Platoni
 causę ratione ortũ esse,sed ab aliquo temporis principatu esse cœpisse significat.

XXI.

VERVMENIMVERO de sapientibus Platonis interpretibus mirari
 nos oportet: quomodo cùm multa nouerint,& sexcentas ortus significationes
 excogitarint, ne principi Philosophorum contradicere viderentur, qui Mun-
 dum,quod ad tempus attinet,ortum esse posuit: quasi defessis,& veritatis Argu-
 mento conuicti, suorumque decretorum oblit, à Platone Mundum ortum esse
 dici consentient, quòd ab aliquo principio sit procreatus, cùm prius non esset.
 Verũ vt in conditione hæc à Philosopho dici contendunt perspicuitatis do-
 ctrinæ gratia, non quòd ita se habeat ipsa rerum natura. Is igitur, quem citau-
 mus, Platonis interpres Taurus, in Commentariis, quos in Timæum conscri-
 psit,locũ illum enarrans: ἡμᾶς δὲ τὸς περὶ τοῦ παλῶς λόγους ποιεῖσθαι τῶν μέλων-
 ῶς, εἰ γέγονεν, ἢ καὶ ἀγνοῦντες ἐστίν, Nos autem de Vniuerso verba facturos, ortũne
 sit, an ortu careat. hæc habet ad verbum: εἰ καὶ ἀγνοῦντες ἐστίν, Et si ortu careat
 Et Poëta:

— εἰ καὶ γινέσθαι ὕστερον εἶχεν.

Et si genere posterius sint. Argumentum autem, quòd Mundus ortus non sit
 Ait enim se verba facturum, quasi generatus sit, etsi ortu careat. Nam de iis,
 quæ ortu carent, perinde atque de iis, quæ oriuntur,doctrinæ gratia verba fieri
 solent. Et iterum idem paulò pòst: Quæ sunt igitur causæ propter quas, cùm
 Mundus ortum nullum habeat, ipsum ortum esse proponit? hæc sunt sanè duæ,
 quæ ambæ sunt Philosopho dignæ. Vna enim inuitat ad pietatem. Altera au-
 tem perspicuitatis gratia sumpta est. Cùm enim nouisset vulgus hominum ar-
 bitrari id solũ causam esse, quod tempore præcessisset, nec alia ratione fieri
 posse,vt quicquam causæ rationem subeat.Vnde periculum sit,ne ipsi Providen-
 tiam esse non credant.Cùm igitur Plato hanc opinionem animis hominum in-
 culcare velit Mundum regi Providentia, iis quidem certè, qui aliòquin id perspi-
 cere possint,leuiter & obicure significat Mundum, quod ad tempus attinet,or-
 tu carere.iis autem,qui hoc non capiant,aliquam dat significationem,quòd or-
 tus sit.Et precatur,vt ipsi credant,vt simul ea,quæ ad Providentiam pertinent,
 habeant persuasã.Alterã autem est causã, quod apertiora sunt ea,quæ dicuntur,

quæ

quando in ipsis versamur, ut in iis, quæ gignuntur. Sic & diagrammata, etsi non
 composita, componunt Geometrarum, perinde ac si orirentur. Et circum, quan-
 do quidem simplicior erat, definiuit Euclides, figuram planam, quæ una linea
 contineatur, ad quam omnes rectæ lineæ, à medio puncto incidentes, inter se
 sunt æquales. Globum autem explicare volens, perinde atque si quid esset eorum,
 quæ gignuntur, definiuit, Semicirculum, qui immota dimetiente eò vsque cir-
 cunductus sit, dum ad eadē puncta restitutus fuerit, vnde cœpit moueri. Quod
 si eum, qui iam esset, voluisset explicare, definiuisset, Figuram solidam, quæ una
 extremitate continetur, ad quam omnes à medio puncto incidentes rectæ lineæ
 sunt inter se pares. Mos est autem Platoni, doctrinæ gratia, quæ ortu carent, per-
 inde atque ea, quæ oriuntur, explicare. Sic in lib. de Rep. Oriri, & fieri ciuitatem
 inducit: ut in eius structura iustitiæ ortus planior esset & apertior. Theophras-
 tus autem, ubi dixit, quod forrasse ortum intelligit, perspicuitatis ergo, Sic nos,
 inquit, diagrammata & delineationes figurarum generatas consequimur. Nisi
 forte non similis est ortus in figurarum descriptionibus. Idem autem tradit Ari-
 stoteles. Nam & ille scribit, quod in figuris describendis non licet initio contra-
 ria proposita habere, in ortu autem Mundi id licet, perinde ac si quis proponat
 motum & quietem, ordinem, & ordinis perturbationem. Neque igitur omnia
 inuariata exempla postulent, sed ostendant, quod non oculis aperuissubici-
 tur, cum ortus proponitur Mundus, quam si ortu carere diceretur. Quomodo
 autem in describendis figuris contraria proposuisse licet? Nam qui fieri potest,
 ut quidquam triangulum simul stare & moueri propositum habeat? Mundus
 igitur per ipsum ortu caret. Neque verò quisquam sibi negotium exhibeat, ut
 ex atlantico, & politico probare conetur, ortum esse Mundum. Nihil enim tale,
 in testimonium proferre in aliis poterit, ut doceat in ipso Timæo ortum esse: &
 nihilominus per ipsos ortus est Mundus. Quomodo igitur ortu careat, & pro-
 pter quas causas ipsum ortum esse dicat, explicatum est. Quatenus enim ipsum
 in hypothesi & conditione ortum esse proponit, per Deum, interitus expers
 erit. Quatenus autem ipsum ortu carere nouit, sua vi & natura interitus expers
 erit, ut cætera omnia, quæ orta non sunt, ab interitu sunt aliena. Hæc igitur ille.
 Iam & Porphyrius, atque ad eò omnes, qui deinceps ipsum adhuc sequuti sunt,
 penes tempus ortum esse Mundum ex proposito & conditione à Platone dici
 asserunt, perspicuæ doctrinæ gratia. Nemo autem, cum in his reprehendis
 immoramur, futilem verbosam nobis crimosè obiciat. Nam si cui vlla
 earum, quæ adlatæ sunt, ratio probabilis esse videatur, non inanis fanè nostra est
 hæc tota reprehensio. Sin verò quod ab illis proponitur, probabilitate carere vi-
 deatur, non qui spicam metit, sed qui seminauit, omnino metendi est autor. Et
 alioqui quod alicui probabilitatis expers esse videatur, alterius animum plerun-
 que ut probabile commouit. Oportet autem ab omni molestia & negotio libe-
 ram nobis exhiberi veritatem. Si igitur ut in hypothesi & conditione penes
 tempus ortum fuisse Mundum Plato dicit, etiamsi ortu careat, propter quas-
 cunque causas id proponat, quorsum pertinet prolixarum nugarum tam lon-
 gus catalogus, in tam multis ortus significationibus enumerandis? Nam si pieta-

tis, aut doctrinæ gratia Plato principium procreationis Mundi poneret, non amplius verè diceretur in vlla prædictarum significationum, Mundum ab ipso ortum fuisse dici: hoc enim modo, tum ille pietatis scopus, tum illa doctrinæ perspicuitas euauerit. Nam fieri non potest, vt simul per aliquam illarum significationum ortus dicatur Mundus, & nactus initium, quo esse cœperit, propter pietatem, aut perspicuam doctrinæ rationem. Nam si cum ortum Mundum esse dicit, propter causam ortum esse intelligit, aut vt compositum, non autem penes tempus. Quomodo rursus pietatis, aut doctrinæ gratia, ipsum vt generatum, & ab aliquo temporis initio exortum à Platone propositum fuisse dicunt? Nam primum propositum, secundum euerit. Et aliòqui si perspicuæ doctrinæ gratia, vt volunt, penes tempus ortum esse Mundum ponit Plato, omnino hoc ipsum significauisset, hoc nempe modo: Vi & natura sua ortus expers est Mundus. Nos tamen perspicuitatis ergo ipsum, vt generatum contemplabimur. Ita sanè monuisset, vt ne quæ in proposito & conditione tantum dicuntur, verè dici quisquam acciperet. Iam verò arbitrari pietatis gratia Platonem ortus principium Mundo tribuisse, cum tamen ortu careat, vt Dei prouidentia in regendo Mundo crederetur, sanè nimis quàm stultum. est. Primum enim hoc vbique apertè docet, cum molitioni Mundi & fabricæ Deum præfecit, & causas exponit, ob quas vnumquodque Deus tale aut tale effecit. Quid igitur opus erat falso proposito ad id docendum, quod sine hoc apertè docuit? Præterea, fiet, vt ipse, per id quod proponunt, ad extremam impietatem homines inducat. Nam si hoc proposito, quòd Mundus æternus non sit, per ipsos necesse est, vt priusquam statet Mundus, neque perfectus esset Deus, neque probus. Proponit autem Plato, vt volunt, ab aliquo initio ortum fuisse Mundum, & vt id credatur, votis expetit, & precatur, cum nusquam ob quas causas id faciat, explicauerit: in impietate certè conceptiones, & opiniones eos impulit, qui ipsi credunt: cum tamen in nullo suorum Dialogorum ortu carere Mundum dicere sustinuerit: sed contrà, vbique ortum eius voce clarissima prædicet. Quanquam cum rationis compotes animas ab ipsa Dei prouidentia regi velit, apertè ipsas ortus expertes in Phædro professus est: nihil veritus, ne ob id Dei prouidentia destitutæ crederentur.

X XII.

S V P R A modum autem audax est facinus, tam temerè dictiones commutare. Nam id est an, dubitandi particulam in huius est, si, vocem connectendi, transferri vult Platonis interpres, more Poëtarum. Verum progressus etiam Aristotelis interpretem Alexandrum proferam, qui hanc coniunctionis metalepsin & translationem reprehendit. Atque adeo rem ipsam per se absurdam adparere puto. Primum enim poëticas metalepseis ad Platonis in verborum usu proprietatem traducere, est absurdissimum, idque cum raro, atque adeo prope modum semel Poëta eiusmodi coniunctionis immutatione sit usus, vt eius Commentatores adnotauerunt: aliòqui etiam si in propositis verbis locum habere vis coniunctionis metalepseos: tamen id in sequentibus verbis facere non licet. Nam quemadmodum hic cum propositum sibi scopum exponit Plato, ei quod oritur, id opposuit, quod ortus est expers, de Mundo se inquisitum professus. Ortusne sit, an verò ortu careat? Deinceps iam problema hoc exponens, sic inquit:

quit: Sempérne fuerit nullo generatus ortus principio, an ita ortus sit, vt ab ali-
quo principatu esse cœperit? Cùm igitur hic apertè se de Mundo inuestigatu-
rum esse dicat, vtrum semper fuerit, an nullo generatus principio, an verò sit or-
tus, ita, vt ab aliquo principatu esse cœperit, in dubitatione vtrunq; proponens,
non autem Mundum ortu carere consentiens, multò certè magis, etiam priùs,
cùm harum rerum inquisitionem proponebat, nempe quòd inuestigaturus es-
set, ortumne sit Vniuersum, ἢ ἡ ἀρχὴ ἀΐψυτος ἔστιν, id est, an verò ortus sit expers: illud,
an verò ortus sit expers, non pro, ἐἴ ἡ ἀρχὴ ἀΐψυτος ἔστιν, id est, etsi ortus sit expers, per
metalepsin enūtiavit, sed propriè coniunctio, ἢ, hoc est an, posita est quasi in du-
bitatione, quòd ortus est expers, ab eo, quod oritur, distinguens, vt alterum tan-
tùm in Mundo ponatur, & non ambo, vt Tauro videtur. Nam aliòqui si ortum
esse in aliqua earum significationum, quæ à Tauro exposita sunt, acciperet,
ipsum etiam non ortum esse per negationem eiusdem significationis accipere
modis omnibus esset necesse. Nam quod ponit affirmatio, id ipsum euerit nega-
tio. Cùm igitur traducunt ortum esse, ad id, quod est, per causam esse genera-
tum, necesse est etiam, vt non ortum esse, ad id transferant, quod est ratione
causæ non esse generatum. Erit igitur huiusmodi tota sententia: Nos autem de
Vniuerso verba facturos, ortumne sit ratione causæ, an verò penes causam ortus
sit expers. Idem dicetur in reliquis significationibus: vt compositumne sit, an ve-
rò non sit compositum. Et suumne esse in gignendo habeat, an verò non in gi-
gnendo obineat, vt sit. quo quid ridiculum magis dici possit? Adde, quòd in-
consideratè dictionem mutauit vir ille, qui non priùs circumspexerit, an omnino
sibi consentiens futura esset explicatio, in iis etiam, quæ deinceps Platoni dicta
sunt. In rem æquè absurdam impelluntur, qui verbum illud, ἢ ἡ ἀρχὴ ἀΐψυτος ἔστιν, id
est, an verò ortu careat, in, ἢ ἡ ἀΐψυτος ἔστιν, hoc est, an verò ortus perpetui sit
compos, transfulerunt. Nam & ii rursus ea addunt, quæ non sunt, cùm ἀΐψυτος, in
ἀΐψυτος, mutant, & imprudentes eiusmodi adiectione veritati patrocinantur:
contrariæque consiciunt iis, quæ ipsi volunt. Nam si hoc proposuisset Plato,
vtrum ortum sit Vniuersum, an verò ἀΐψυτος, hoc est, ortus sit perpetui, omni-
no necesse esset, cùm ei quod est ortum esse, ipsum ἀΐψυτος, hoc est, id quod or-
tus est perpetui, opponat, ortum esse, significare à temporis principio esse gene-
ratum, ac non esse semper. Quoniam igitur hoc problema in iis quæ sequuntur,
excutiens Plato, Mundum ortum esse pronuntiavit (inquit enim: Ortus est: quæ
doquidè cernitur & tangitur, & quæ sequuntur) palam est quòd ipsum ἀΐψυτος,
hoc est, ortus esse perpetui, Mundo conuenire negauit: idque ex iis etiam, qui-
bus dictionem eius immutare conati sunt.

PRÆTER eas autem, quas enumerauimus ortus significationes, hanc XXIII.
etiam nonnulli addiderunt. Vniuersum enim à Platone ortum dici aiunt, quia
in motione est perpetua. Vnde oriri ipsum & interire dixit: reuera autem nus-
quam esse. Nihil enim in cœlestibus corporibus in eodem vnquam manet. Ve-
rum iis occurremus paucis. Primùm enim de toto Mundo Platoni sermo insti-
tutus est, ac non solum de cœlestibus. Vniuersum autem quandiu non totum, vt
totum mouetur, neque per totum immutatur. Non igitur *Fieri*, pro *Non fieri*,

accepit Plato. Deinde in continua motione esse cœlestia ipso sensu etiam confectum est. Neque vlla alia confirmatione opus est, quàm sensu oculorum. Quomodo igitur Plato impendiò ridiculus non fuerit, qui quasi nos res arcanas, & nulli ante ipsum comprehensas, aut demonstratas docturus, deos deasq; omnes inuocandos esse profiteretur, ad hanc cœli disputationem, moueantur ne cœlestia penes locum, an immota sint? Quasi ne hoc quidem intelligere potuerit, quòd quæ sensu comprehenduntur, fidem faciunt illa certiore, quàm quæ vlla demonstratione cognoscuntur. Quis enim (qui saltem de mente & sanitate deiectus non sit) quæsierit vnquam, an ignis vrat, & an alba sit cerussa? Quare neque ad hunc modum ortum Mundum esse Plato dixit. Cùm igitur reprehensæ sint omnes ortus hypotheses, reliqua autem sit vna tantum ea, quæ omnibus consueta, & omnium trita sermone, ea nempe quæ in tempore procreationem statuit, cùmque Plato apertè ortum esse, & procreatum fuisse Mundum pronuntiet; conficitur necessariò, ipsum temporis ratione à Platone ortum dici, hoc est ab initio aliquo temporis esse cœpisse. Sic enim ratione temporis oriri, in Mundo intelligendum esse sæpe diximus.

XXIII

Q V O N I A M autem, vt firmum quiddam hoc quoque proponunt, vt persuadeant non ratione temporis ortum Mundum à Platone dici, sed vt in hypothesi & conditione tantum, in Timæo quidem animam oriri proponi, in Phædro autem apertè ortu carere pronuntiarì, operæpretium esse puto, vt & hoc quoque elegans istorum argumentum paucis dissoluamus. Cuius igitur perspicuum est, quòd rationis particeps anima, eius est substantiæ, quæ intellectu comprehenditur, & ob id substantiam nacta est, quæ ab omni corpore separari potest. Quando relationem ad corpus recipit, potentia quidem mens est. Vt autem sit & dicatur anima, ipsi ex relatione ad corpus accedit. Nam quia animatum reddit, & vitam tribuit corpori, anima nuncupatur. Vbi autem separata à corpore, aut per habitum, aut simul & à naturali vinculo disiuncta, liberè & intelligenter iam operabitur simplici apprehensione rerum naturam attingens mens iam tum reipsa, & est, & dicitur. Quare ab alio ipsi inest, vt sit anima, & ab alio, vt sit mens. Illa enim in relatione est ad corpus: hæc autem sine relatione, soluta & libera à corpore, ipsa per se constans, perinde atque idem & gubernator est, & homo: sed hoc quidem per se, illud autem habet in relatione ad nauem. His ita constitutis, si quatenus est mens, & sine vlla relatione ad corpus, animæ ortum tradit Timæus, nos confitebimur ipsum in hypothesi animam ortam esse dicere: quia in Phædro pronuntiatum sit, ipsam ortu carere. Sin autem quatenus est anima, certam ipsius cum corpore relationem in Timæo docet, per quam hoc aut illo modo, & ornat, & mouet cœlestia corpora: quid porò est amplius necesse, cur ex conditione eam in Timæo ortam fuisse dicat? Siquidem Mundo vniuerso principium quo esse cœperit, vt diximus, tribuit Plato. Quando igitur quod Mundi corporeum est, esse cœpit, tunc quoq; anima relationem ad ipsum accepit. Nam cùm animam nostram in corpore nasci dicunt, haudquaquam eius substantiæ ortum arguunt: sed respectus tantum, & comparationis cum corpore, quæ à tempore initium habuit. Quòd autem ea, quæ de animæ ortu in

Timæo dicuntur, nihil aliud tradunt, quàm cœlestium motum, & mutuam ipsorum inter ipsa relationem, quam ab anima, siquidem animata sunt, ut Platoni videtur, acceperunt, ex ipsius Timæi verbis confirmare licet. Dixit enim ibi Plato, quod cum Deus substantiam accepisset mediam inter eam, quæ indiuidua est, & semper vniuersimodi, sui que similis, & eam, quæ in corporibus diuidua gignitur, & præterea id, quod eiusdem est naturæ, & quod alterius: hæc tria cum temperauisset, tetendit, & rectam effecit lineam. Deinde, rectam hanc pro ratis rationum portionibus diuisit, & secundum longitudinem bifariam, dissecuit: mediæque accommodans mediam, quasi decussauit, & in orbem torsit. Et extrema ipsarum coniungens, duos orbis effecit: vnum exteriorem, alterum interio-rem: qui in duobus punctis se mutuò contingerent. Deinde exteriorem circulum in dexteram partem motu cieri fecit. Interiorem autem ad sinistram atque exteriorem, inquit, eiusdem naturæ conuersionem nominauit, interiorem autem alterius. Et exteriorem circulum indiuiduum reliquit, interiorem autem cum sex in partibus secuisset, septem orbis dispares effecit: qui duplo & triplo intervallo se mutuò superarent. Eorum autem trium fecit pares celeritates: sed quatuor & inter se celeritate dispares, & dissimiles trium reliquorum. Cum hæc igitur ad hunc modum de animæ ortu in Timæo à Platone dicantur, quis usque adeo est in veritatis iudicio iniquus, ut ex ipsa nuda oratione non confiteatur, cœlestium globorum tum conuersionem, tum mutuam inter ipsos relationem explicari, quam ex anima, quæ ipsis inest, accedere arbitrat? Quandoquidem & in reliquis animantibus tum motus, tum partium corporis apta distributio, & mutua inter ipsas cōparatio, ab anima, qua prædita sunt, promanat. Quæ igitur causæ in effectis suis efficiunt ænigmatum, Pythagoreorum more, ad causas Plato retulit. Quemadmodum certè nos animam sæpe siuere & esurire dicimus, nempe indigentia sensum ab anima corpori insitum, ad ipsam animam traducentes. Horum autem accuratiorem inquisitionem, cui erit gratum, ab iis, qui hæc iam interpretati sunt, & quorum nos antea meminimus, discere licebit. Nam ipsi quanuis sempiternum Mundum esse dicant, & Platonem in conditione tantum animæ ortum tradere velint: tamen in his interiorem circulum, globum eum intellexerunt, qui erroris expers est, & ἀπλῆς nominatur: interiorem autem errantium globos acceperunt, quem cum sex in locis dissecuisset, septem orbis errantium stellarum effecit. Nonnulli tamen exteriorem æquatoriæ circulum intellexerunt, interiorem verò circulum signorum, qui Zodiacus dicitur. qui cum decussatim se interfecent, in duobus punctis, in Ariete & Libra, se mutuò tangunt. Nam ἀπλῆς sphaera in eodem axe conuertitur cum æquinoctiali, & circa eius polos versatur. Errantium autem globi circa orbis signiferi polos conuertuntur. Atque horum circulorum inquit Plato exteriorem, hoc est, eum qui erroris expers est, & ἀπλῆς dicitur, in dexteram partem Deus motu cieri fecit: interiorem autem, nimirum errantium globos, ad sinistram. Vbi, Homeri more, Orientem, dextram partem appellat, sinistram autem, Occasum. Nam ille habet:

Sen dextra Eas Phæbi surgentis ad oras,

Sine sinistra petant atris ubi mergitur undis.

Verfatur enim ἀπ' αὐτοῦ ab Oriente Sole ad Occidentem: contrario autem motu cursus suos conficiunt errantes. Exteriorem autem conuersionem eiusdem naturæ nominauit, propter constantiam & eandem naturam motus non errantium. Omnes enim non vagæ stellæ equali tempore conuersionem suam perficiunt, & eundem permeant circulum, & ab iisdem punctis ortus suos, & ad eadem suos occasus efficiunt. Interiorem autem conuersionem, hoc est, planetarum, alterius, inquit, naturæ nuncupauit: nempe propter diuersitatem & varietatem conuersionis planetarum. Neque enim æquali tempore horum absoluitur conuersio: neque eadem est eiusdem. Nam non vnum & eundem orbem vnusquisque eorum permeat. Neque in iisdem punctis iidem ortus suos & occasus efficiunt. Porro, ex orbibus septem interioribus tres inter se celeritate pares esse, Solis circulum intelligens, & Luciferi, & Mercurii. Nam inter planetas ii pari cursu conuersi anno totum circulum suum emetiuntur. Reliquos autem quatuor tum inter se dispares, tum horum trium dissimiles esse dicit: nempe Saturni, Martis, Iouis, & Lunæ globos. Nam Saturni globus triginta ferme annis orbem suum conficit: Iouis autem propemodum duodecim: Atque duobus proximè Martis: Lunæ autem vno mense. Ne ex animæ igitur ortu Platoni facessant negotia, dum vi nos cogere volunt, vt credamus Platonem Mundum ortu carere arbitrari, dum ortum ipsius in conditione nobis obtrudunt. Quamquā, si hoc verum esset, cur non tandem, vt animam in aliis apertè ortus expertem esse pronuntiauit, sic & Mundum in aliquo saltem suorum operum ortu vacare dicere est ausus, sed contrā, vbique ipsum ortum esse, & generatum, & talem eius esse naturam vociferatur?

XXV. SED quoniam asserit Porphyrius Platonis demonstrationes, quæ Mundum ortum fuisse confirmant, non conficere ipsum temporis ratione fuisse generatum, vnde concludit, quod neque penes tempus ipsum ortum fuisse voluit Plato: non alienum futurum puto, si nos istud expēderimus, propositis prius in me-
 “dium Porphyrii verbis, quæ sic habent: Videamus igitur, quam significationem
 “in Mundo Plato enuntiauit, & quam interrogauit, cuique probè conueniat. Et
 “perspicuum esto, ortum à temporis initio sumpsisse, consideretūque, sempér-
 “ne fuerit, vt nunquam à tempore sit ortus: an verò ab aliquo temporis principa-
 “tu procreatus esse cœperit. Pronuntiatum sit autem, ab aliquo temporis initio
 “ortum fuisse, propter demonstrationes quas subiicit. Quæ sunt igitur illæ? Tan-
 “gitur enim, inquit, & cernitur, & est vndique corporatus. Omnia autem talia
 “sensum mouent, sensusque mouentia quæ sunt, eadem in opinatione confidunt,
 “quæ ortum habere gigni que diximus. Porro, quid his ridiculum magis? cur e-
 “nim necessariò consequitur, vt si cernitur & tangitur, & est vndique corpora-
 “tus, à temporis principio ortus fuerit? Maxima verò necessitas & omni demon-
 “stratione maior ipsa est euidencia. Nam tu quoque, ô imprimis admirande, or-
 “tum esse Mundum, quia compositus est, cum Platonem constituere dicis, & hu-
 “ius demonstrationem proferre assueueras, quia cernitur, & tangitur, & est vndi-
 “que corporatus, dic mihi, vnde rationis necessitatem firmauisti? Cur enim ne-
 cesse

esse est, ut quicquid cernitur, protinus sit & compositum? An sensum quauis
 ratione firmiorem testem omnino producis? Atqui omne, quod cernitur, com-
 positum esse & nos ipsi confitemur. Sed non ideo, quia ei, quod cernitur, conse-
 quens est compositum: Et omne, quod cernitur, ortum est secundum Plato-
 nem, ob id protinus necesse est, Platonem pro composito ortum accepisse. quo-
 niam ei, quod cernitur & tangitur, & est corporatum, id necessarium consequens
 est, quod trina dimensione extensum est. Et item, quod magnitudine finitum
 est, & quod omnino est figuratum, seu certa, seu incerta figura: & id præterea,
 quod continuum est. Non tamen propterea quisquam existimauerit Platonem
 Ortum esse, pro illo horum accepisse. Quid enim necesse est potius ortum esse,
 traducere ad compositum, quam ad finitum, coniunctum, aut figuratum, aut
 ad aliud quiduis, quod necessarium omni inest corpori? Nam æque atque compo-
 situm ei, quod sentitur, reliquorum quodque est consequens. Quod autem fieri
 non possit, ut Plato Mundum ortum esse dixerit, ut compositum, paulò antè
 docuimus. Quòd verò id quod cernitur, aut omnino quod sentitur, non solum
 compositum est, sed etiam penes tempus ortum est, & nos dicimus Platonem ex
 ipsa euidencia sibi persuasisse. Nam ex quatuor elementis Mundum vniuersum
 coagmentatum esse aperte profitetur. Atque hoc ipsum ipse Porphyrius confi-
 tetur: ut nos cum ad decimum tertium Procli Argumentum accesserimus, con-
 firmabimus. Quòd autem omnia elementa per omnes sui partes oriantur, & in-
 tereant, ex ipso sensu iis perspicuum est, qui oculorum sensu non carent. quam-
 cunque enim quis aquæ, aut ignis, aut terre, aut aëris partem acceperit, ea omni-
 no aliquo in tempore orta est, & nata principium, quo esse cœperit. Quòd si
 omnes aquæ partes in tempore ortæ fuerunt, totum autem nihil est aliud, quam
 partes vniuersæ, & tota certè aqua in aliquo tempore in natura esse cœpit: ut
 aliàs alia numero elementa sint tota. Mutua enim elementorum in se inuicem
 commutatio, quæ ob id ut Mundus permaneat, instituta est, dum id supplet,
 quod deficit, eadem numero elementa tota retinere videtur. Dum enim interit
 aqua, in aërem, si ita fors tulerit, commutatur: & rursus, cum interit aër, quod
 aquæ defecerat, suppleuit. Et in omnibus eadem est ratio. Sed quemadmodum
 nauium fabricator aliàs alium fatiscentem, & ruinosum nauis asserem commu-
 tans, tempore totam nauim immutauerit, & aliam numero ex alia totam effe-
 cerit: sic & in elementorum integritate euenit. Nam cum pars aliqua semper
 intereat, & alia in eius vicem semper suboriatur, longo tempore efficitur, ut tota
 elementorum integritas commutetur. Cum igitur neque tota elementa eadem
 numero permaneant, & id quod numero idem non manet in tempore, & esse
 cœperit, & intereat, perspicitur, quòd vnà cum partibus & ipsa penes tempus o-
 riuntur & intereunt tota elementa. Quòd si initium elementorum compositio-
 nis non nouimus, non propterea arbitrari debemus ipsa principium nullum ha-
 buisse, quo esse cœperint. Nam nunc eorum per partes ortus, & interitus, quòd
 ipsa à principio aliquo esse cœperint, abunde magnam fidem faciunt. At verò
 & quæ ex elementis coagmentata sunt omnia, in tempore & nascuntur, & oc-
 cidunt, ut stirpes, ut animantes, ut metalla, ut reliqua omnia corpora. Si igitur

omne corpus quod cernitur & tangitur, aut omnino sentitur, id aut elementum est, aut concretum ex elementis (hæc autem tempore orta esse probatum est) omne profecto corpus, quod sentitur, penes tempus oriatur necesse est. Quare cum cælum ex iisdem elementis compactum, ex Platonis opinione, corpus sit, quod cernitur & tangitur, & cælum certè penes tempus ortum erit. Nam ex iis, quæ aperta sunt, obscura plana, ac non dubia efficiuntur. Propter eandem verò causam & dissolubile erit de Platonis sententia, quantum in ipsa naturæ ratione situm est. Et aliòqui à ratione alienū omnino videbitur, si Vniuersi elementa semper temporis initium accipiant, & aliàs alia numero exoriantur, cælum autem ex iis compactum, neque principium vnquam habuerit, quo esse cœperit, neque finem sit habiturum, neque interim commutationem vllam substantiæ suæ sustineat. Ex hac igitur rationis necessitate ei, quod cernitur, id quod tempore ortum est, consequens esse dixit Plato. Et ob id Mundum, quia cernatur, ortum esse conclusit. Poruisset autem & inductione id ipsum rursum confecisse Plato. Nam si hoc, quod sentitur, vt animal, aut aqua, aut ignis tempore ortum est, & iterum aliud atque aliud efficitur, & omnes elementorum partes sunt eiusmodi, & ipsamet tota, conficitur sanè, vt omne quod cernitur, ortum sit: cernitur autem & Mundus, ipse igitur quoque est ortus. Et aliòqui si probauimus, quòd nullam earum, quæ in ortu excogitatæ sunt significationes, Plato adsumpsit (ortum enim dicit eum qui secundum tēpus intelligitur, & id omne quod non ortum est: hoc est, quod tempore generatum non est, intelligentiam cum ratione comprehendi definiuit) omnino est consequens, per conuersionem cum oppositione, vt id omne quod intelligentia non comprehenditur, ortum habeat, secundum tempus. Id autem omne quod non intelligentia comprehenditur, sentitur & tangitur. Omne igitur quod sentitur & tangitur, tempore generatur. Quæ igitur primam hypothesin consequuntur, ea Plato confessus est. Cum enim omne quod non tempore ortum est, intelligentia comprehendit dixerit, ex consequutione efficitur, vt omne quod non intelligitur, sentitur, tempore oriri dixerit. Aut igitur priora quis refellat, nempe quòd eum quod semper est, non ortum in tempore sustulit, sed alium aliquem. Id quod nos pluribus confirmauimus. Aut cum illa refelli non possint, si quod secundum tempus ortu caret intelligentia comprehendit dicit, modis omnibus consequens erit, vt id omne quod non intelligitur, sed sentitur, tempore oriatur. Necessariò igitur & non sine conclusionis lege, ex eo quòd sentiatur Mundus, ipsum temporis principium habere Plato conclusit.

XXVI. P O R R O, quòd, cum Plato id quod semper est, ortum nō habere dixit, nullum alium ortum intelligit, quàm penes tempus, cum abunde prius ostensum est: tum hinc etiam didiceris. Cuius perspicuum esse puto, quòd Plato id semper esse intelligit, quod omni ex parte immutabile est: quia semper in iisdem sit, & eodem modo se habeat. Nam quod in commutatione & variatione cernitur, nusquam esse dicit. Id enim quod mutatur, neque illud est amplius, ex quo immutatum est: neque illud rursus adhuc, ad quod commigrat. Si quid igitur in perpetua commutatione esse cernitur, id verè nunquam erit, sed semper oritur.

Iam quod Platoni, id quod semper est, hoc ipsum significet, ipsemet aperte ipsum definiens pronuntiandum, & in iisdem, & eodem modo se habet, hoc quoque perspicuum ex eo, quod id, quod oritur, nusquam verè esse dicit. Quid enim, ait, quod oritur quidem, nusquam tamen est? Si igitur id quod gignitur, hoc est, quod in mutatione est, nunquam verè est, profectò quod semper est, id omnifariam est incommutabile. Interpretatio igitur eius, quod semper est, est id, quod sequitur. Neque vllum habet ortum: vt & eius, quod gignitur, expositio in eo est, quod dicit, nec vnquam sit. Cùm res igitur ita se habeat, inquirendum est qualem ortum ab eo, quod semper est, remouet Plato. Ego cum assero remoueri, qui tempore intelligitur. Nam quod in re quauis temporis principii expers est, id omnifariam est incommutabile. Et contrà, quod temporis principium habuit in quauis earum rerum, quæ penes ipsum cernuntur, id non est prorsus incommutabile: in quo enim principium habuit, in eo mutatum est ex eo, quod non erat ad id, vt esset. Quare quod ad tempus attinet, id principii expers esse oportet, quod modis omnibus est incommutabile. Omnis enim mutatio in tempore perficitur, & à tempore initium sumit. Quare quod temporis principio caret, id omni mutatione caret. Hæc profectò inter se reciprocantur, vt si quid prorsus est incommutabile, idem omni principio temporis superius sit: & vicissim, si quid temporis initii expers est, id modis omnibus sit immutabile. Meritò igitur id quod semper est, hoc est, quod omni ex parte est immutabile, secundum tempus ortum nullum habere dicit. Quod si quis illud, Neq; vllum habet ortum, pro, Neque compositionem habet vllam, intelligat: is respondeat, qua ratione efficitur, vt is qui interroget, quid sit id quod semper sit, hoc est, id quod est in iisdem, & eodem modo se habet, simplex esse, & compositionis expers, non tamen quicquid simplex est, & sine compositione, semper sub iisdem erit, & eodem modo se habebit. Simplicia enim sunt prima corporum elementa, Materia, & Forma. Neque enim in infinitum progreditur compositorum dissolutio: sed inter dissoluendum & retexendum, ad simplicia tandem peruenire est necesse. Neque verò quisquam dixerit simplicia hæc, in eorum esse numero, quæ semper sub iisdem sunt, & eodem modo se habent. Nam formæ, quæ sunt in Materia, in id etiam dissoluuntur, quod nullum est: & ex eo quod non est rursus in naturam producantur, vt paulò pòst docebimus. Materia autem alias alio tempore formas recipit, & eadem expellit. Non igitur in iis sunt, quæ semper sunt eadem, & eodem modo se habent, Materia & Forma: cùm tamen simplicia sint. Quod si sempiternæ essent formæ materiatae, quod fieri non potest: tamen hoc ipso quod aliæ in alio subiecto visuntur, vt Materia alio tempore alias formas excipit, non id habebunt, vt semper sint sub iisdem & eodem modo se habeant: quemadmodum neque anima nostra. At verò & colores simplices sunt illi quidem, non tamen semper sub iisdem sunt, nec eodem modo se habent. Si igitur vt idem valens, & idem significans Plato adsumpsit, id, quod semper est, & quod ortum nullum habet. Nam si quid prorsus ortus expers est, id semper sit compositum, & non idem pollet, id quod simplex est, seu compositionis expers, cum eo, quod semper est: neque enim quicquid simplex est, id sta-

tim semper esse necesse est: neque omnino rei simplici consequens est, ut semper sit: neque cum ipsa reciprocatur: quemadmodum cum ea re, quæ ortus est expers, reciprocatur ea, quæ semper est, non sanè à Platone dictum est, Ortum autem nullum habet, pro, Compositionem autem nullam habet. Quod autem neque ortum secundum causam designet, prius abunde docuimus: quandoquidè non solum rerum quæ sentiuntur, sed earum etiam omnium, quæ intelliguntur, primam causam dicit esse Plato: Vna est enim rerum omnium causa, & principium vnum. Si igitur quod semper est, ratione causæ ortum nullum habeat, & omnia quæ intelligentia comprehenduntur, ab ortu & procreatione sunt aliena, semper esse dicit, non omnium erit prima causa, neque vnum rerum erit principium, sed plura sint oportet. Id quod absurdè dicitur. Neque igitur ratione causæ ortum à rebus remouet. Iam quod cum dicit, neque ortum habet vllum, non significat in ipso gignendo suum esse habere, palam est ex eo, quod non dixit, Gignitur, sed, Neque ortum habet vllum. Nam quæ in perpetuitate ortus & mutationis sunt, ea gigni & oriri dicit, non ortum habere. Quid enim, inquit, quod gignitur quidem, non vnquam tamen sit? Et aliòqui si quid à tempore esse cœpit, id non prorsus in gignendo & in perpetua commutatione suum esse habet: ut artificialis globi, aut artificialis circuli centrum. Hoc enim principium quidem quo esse cœpit, certè habuit, quandiu tamen centrum fuerit omnino immutabile, & immobile est, quatenus est huiusmodi. Rursus trianguli scientia, quod tres habeat angulos duobus rectis pares, principium quidem habuit, quo in hoc animo esse cœperit. Ut verbi causa, in Platonis animo, dum ipsi nulla interueniet obliuio, semper eodem modo se habet, in nulla commutationis formæ euarians, & ipsum particulare triangulum, ut ligneum, aut in abaco descriptum, cum tribus angulis, qui sint duobus rectis pares, principium quidem tale, quo esse cœperit, aliquando habuit: quandiu tamen erit, neque quia triangulum est commutabitur: neque quia tres angulos duobus rectis pares habet. Quare non in gignendo triangulum habet ut sit, aut ut in ipso tres anguli cernantur duobus rectis pares. Atque in aliis compluribus idem comprobare licet. Non igitur quicquid ab aliquo principio esse cœpit, id protinus in continuo ortu & mutatione suam naturam & essentiam nactum est. Si quid tamen semel temporis principio caret, id omni mutatione superius est, ut nuper docuimus. Cum hæc ita se habeant, si quando Plato quod semper est, ortum nullum habere dixit, omnem ipsius alterationem & commutationem tollere instituit, à quo remouet ortum, & fieri potest, ut res aliqua in gignendo suum esse non habeat, neque in continua sit mutatione: à principio tamen aliquo esse cœperit, & finem sit habitura: & ideo immutationis expers non sit. Quæ autem est eiusmodi, non in eis est, quæ semper sunt: neque in iis, quæ semper sub iisdem sunt, & eodem modo se habent, efficitur profectò, ut talem ortum, hoc est, in gignendo suum esse possidere, ab iis, quæ semper sunt, remouerit Plato. Si igitur cum id quod semper est, ortum nullum habere diceret Plato, nullam ab ipso reliquarum ortus significationum remouit: superest certè, ut ab ipso ortum, qui secundum tempus intelligitur, remoueat: quod docere nobis erat propositum. Nam ut ex abundanti proba

probatione omnem mutationis cogitationem à sempiternis remoueret, temporis initium ab ipsis remouit. Omnem enim commutationem in tempore fieri videmus, & ab aliquo tempore incipere. Quod igitur extra temporis principium positum est, id quoque extra omne tempus est positum. Quod autem est extra omne tempus, id omni immutatione caret. Omnis enim immutatio in tempore conficitur. Si igitur id quod semper est, & mente concipitur, & æternum est, ortum nullum habet, quod autem sentitur, nec vnquam est, nec sempiternum id in ortu positum est. Hæc autem inter se opponuntur: nempe, ei quod sentitur, id quod intelligitur: & sempiterno id, quod non est perpetuum: & ei quod semper est, id quod nusquam est: & ei quod ortu certo gignitur, id quod ortus eiusdem expers est. Quod autem intelligitur & perpetuum est, id ortum ratione temporis nullum habet. Sanè id quod sentitur & perpetuum non est, in tempore ortum habet: nam contrariis contraria conueniunt, quatenus horum vnumquodque est tale, vt in locis ostensum est: vt si nigro conuenit visum cogere, albo conuenit vt ipsum diffundat. Et si domini est, imperare, serui erit, imperio parère: si habitui videndi conuenit videre, priuationi hoc est, cæcitate, conuenit non videre: si denique ad id quod est bene valere, pertinet naturæ functiones expedire, & citra impedimentum exequi, ei quod est malè valere, eandem naturæ functiones non expedire exequi conueniet. Dixi autem quatenus vnumquodque horum tale est, vt ea accipiamus, quatenus inter se contraria sunt. Contraria enim sunt, vt ea quæ inter se conferuntur, & sub eandem rationem cadunt, dominus & seruus: tamen horum vnumquodque & spirat, & viuit, & sentit: non quia seruus, neque quia dominus, sed quia homines sunt. Domino autem quia dominus est, competit imperare, & seruo itidem imperio parère, quatenus est talis. Sic & albo & nigro competit, vt qualitates sint, & colores, non tamen vt contraria sunt: quia autem sunt contraria, illis competit dissipare, & cogere. Sic quoque si patri amare competit, filio conuenit amari: non enim aduersa sunt pater, & filius, sed eorum, quæ cum in aliquo conferuntur. Quare non aduersa ipsis conuenient, sed ea quæ inter se conferuntur: contraria sunt quidem, vt aduersa, Amare, & Odire: vt ea autem quæ inter se conferuntur, Amare & Amari. Quare si patri conuenit amare, filio amari conuenit. Quare in reliquis par est ratio. Sic igitur, si ei quod immutabile est, & semper in eodem statu, & eodem modo se habet, & intellectu comprehenditur, id opponitur quod commutabile est, nec vnquam eodem modo se habet, & quod sentitur. Quod autem incommutabile est, quatenus est incommutabile, temporis principio caret. Et id sanè quod commutabile est, temporis principii expers esse non poterit, quatenus est eiusmodi.

QVONIAM igitur nostra satis comprobauit oratio, quod penes tempus XXVII
Mundum ortum fuisse voluit Plàto, hoc est, principium aliquod habuisse, quo esse cœperit, cum nullus esset, antequam fuisset procreatus, iam tempus esse videtur, vt deinceps Philosophorum super hac re testimonia proferamus. Plutarchum autem & Atticum prætermittam, vt quos apud omnes satis in confesso est aperte pronuntiare Platonem in ea fuisse sententia, vt Mundum in aliquo

tempore procreatum fuisse existimasset: atque adeò iis contradixerit, qui contrà sentiunt. Iam verò & qui nostra ætate verbi fuerunt interpretes, proluxa horum fragmenta in suis scriptis produxerunt: in quorum numero est Cæsariensis Ecclesiæ præfectus Eusebius. Vnde hos ego in præsentī missos facio. Verum Platonis auditorem huic nostræ orationi testem adhibebo. Quis enim Aristotele certioris fidei testis in Platonis sententia explicanda adhiberi possit? qui totos viginti annos Platoni operam dedisse traditur, qui que viribus ingenii, & acuminē omnes quotquot ante ipsum apud Græcos vixerunt, longè superauit, & apud Platonem ob ingenii vim in tanta admiratione fuit, ut ab ipso diatribæ & scholæ suæ mens appellaretur. In huius autem verbis proferendis vnâ etiā Alexandri Aphrodisiensis commentationes producam: tum ut hoc autōre, Aristotelis sententiam planam faciam, quia rotunda est natura huius viri eloquutio: tum ut simul alterum testem in nostra confirmanda sententia adhibeam.

Aristotelis è Primo lib. De celo.

“ His ita constitutis deinceps dicamus expér̃sne procreationis, sit Mundus, an
 “ generatus. Adhęc, alienúsne sit ab interitu, an verò interitui obnoxius: si prius
 “ men aliorum opiniones fuerimus persequuti. Et paulò post: Omnes itaq; Mun-
 “ dum procreatum esse aiunt: sed alii ita procreatum esse dicunt, ut sit sempiter-
 “ nus: alii autem, ut sit subiectus interitui, perinde, ut quoduis aliud eorum, quæ
 “ natura constant; alii autem permutatim, interdum quidem hoc modo, inter-
 “ dum autem alio modo se habere dicunt, ut intereat: idque semper ita continua-
 “ ri, ut Empedocles Agrigentinus tradit, & Heraclitus Ephesius.

Alexandri Aphrodisiensis ex iis Commentariis, quæ in prædicta conscripsit.

“ In eo igitur, quòd ortus sit Mundus, omnes dicit inter se consentire, tum diu-
 “ narum, tum naturæ rerum interpretes: in iis autem, quæ consequuntur, inter se
 “ dissentire. Alios enim eorum, qui Mundum ortum esse dicunt, sempiternum
 “ ipsum asserere. Orpheus enim, & Hesiodus, & complures Theologi in hac fue-
 “ runt opinione, & post hos Plato. nonnulli autem eorum, qui ortum esse dicunt,
 “ ipsum etiam caducum esse pronuntiant, perinde atque vnumquodque aliorum.
 “ Omnia enim, quæ oriuntur, etiam interire cernuntur. Alii autem permutata
 “ quadam vicissitudine ipsum nasci dicunt, & interire: & per quasdam periodos
 “ rursus procreari, & iterum interire: idq; esse perpetuum, & semper continuari,
 “ ut Empedocles, & Heraclitus voluerunt. huius autem opinionis etiam Stoicos
 “ fuisse dicit. Et paulò post: Qui autem ortum esse dicunt, ipsum quoque interire
 “ asserunt, perinde atque aliud quoduis, quod natura constet, & coagmentatum
 “ sit. huiusmodi fuit Democritus. Nam quemadmodum vnumquodq; aliud per
 “ ipsum oritur, & interit: sic sanè & ex Mundis infinitis vnusquisque naturæ eius-
 “ dem est paruceps.

Aristotelis: quæ deinceps sequuntur, ea, quæ proposita sunt.

“ Mundum igitur procreatum esse & nihilominus esse sempiternum affirmat-
 “ re, eorum est, quæ fieri non possunt. Ea namque demum constituenda, & iure
 conced

concedenda sunt, quæ in multis aut in omnibus esse videmus. In hoc autem cō-
trā euenire cernimus. Nam omnia quæ oriuntur, eadem etiam adparet interire. »

Alexandri expositio.

Vbi eorum de Mundi ortu opiniones proposuit, qui ipsum præcesserunt, hîc »
inquirens, quid ipsis rectè, aut secus dictum sit, primum aduersus eos disputat, »
qui ortum quidem ipsum dicunt, cæterum interitus esse expertem. In quibus, vt »
dixi, erant tum Theologi, tum Plato : quorum opinionem primo loco propo- »
suit. Nam quòd Plato huius fuerit sententiæ, ac non, vt nonnulli Platonis secta- »
tores scribunt, cum ortu per se careat Mundus, eum ideo ortum dixerit, quia in »
ortu & procreatione suum esse obtineat, ex iis, quæ à Platone in Timæo scripta »
sunt, quibus intelligere facile possit. Nam quod ad eum modum ortum est, vt »
isti volunt, Mundum ab ipso Platone dici, id oritur simul & interit, ortum autè »
nusquam est. Distinguens autem Plato ea, quæ sunt, scribit: Quid est, quod sem- »
per sit, neque vllum habet ortum: & quod gignatur, nec vnquam sit? In Mundo »
autem non dicit, Gignitur, aut, Oritur: sed, Ortus est. Et initio consyderandum »
proponit, non an gignatur, sed ortusne sit, an non generatus. Scribit enim: Nos »
autem de Vniuerso verba facturos, ortusne sit, an verò nunquam generatum. »
Non enim proponit inquirendum, an oriatur, & gignatur: sed an ortus sit Mun- »
dus, an non generatus. Sunt enim qui particulam *An*, in *Si*, commutare conan- »
tur, vt legant, ortusne sit, et si ortum non sit. Nam præterquam quod ineptum »
est ea commutare, quæ non sic se habent, eiusmodi præterea est, quod dicunt, »
vt intelligentia comprehendere non possit: neque vilo pacto iis consentiens est, »
quæ ab ipsis dicuntur. Nam paululum progressus, cum idem hoc problema re- »
petit, de Mundo dicit: semperne fuerit nullo generatus ortu, an verò ita genera- »
tus, vt ab aliquo temporis principatu esse cœperit. Illud enim: Vt ab aliquo tem- »
poris principatu esse cœperit, loci nihil ampliùs relinquet iis, qui in, *Etsi ortum »
non sit*, transmutant: cum autem proposuerit hoc inquirere, deinceps ipsum or- »
tum esse docet. Vnde perspicuum est, quòd ita ortum docet, vt ab aliquo tem- »
poris initio esse cœperit: hoc enim erat propositum. Initium enim illud aliud es- »
se non possit, quàm temporis. Nam si id quod gignitur, adhuc nondum ortum »
est, quod ortum est, palam est, quòd non ampliùs gignitur. Atqui ortum Mun- »
dum esse dicit. Non igitur gignitur, secundum Platonem. Nam qui iam ortus »
est, vt aliquando gigni & procreari cœperit, finem iam sui ortus & procreatio- »
nis est assequutus. Nam si Mundum sic ortum esse dixisset, vt in gignendo suum »
habuerit esse, oportuit ipsum ita accipere Mundum esse caducum. Nam cum »
eo, quod ita gignitur, tanquam consors, venit in societatem illud, vt gignatur & »
intereat. Cum autem ipsum ortum esse dicat, non ampliùs ipsum interitus ex- »
pertem esse concedit. Quis fieri enim potest, vt eum ab ipso sine interitu dici cō- »
tendant? Nam si sic dicant, quòd in intereundo esse non habeat, fortasse qui ad »
hunc modum Mundum sine interitu esse dicat, vt in intereundo suum esse habere ne- »
get, nã ille Mundum non oriri ampliùs dixerit, huiusmodi ortus enim omnino »
cum tali interitu coniunctus est. Quòd si penes tempus interitu carere dicat, »

“ perspicuum est, quòd Ortus vocabulo, temporis ratione vsus est. Nam ei quod
 “ illo modo interitu caret, quod eodem modo ortum est, opponi est necesse. Præ-
 “ terea, cum vellet id tollere, quod cum eo, quod ortum est, coniunctum esse vide-
 “ tur, nempe ut interitum maneat, ipsum interitu carere dicit. Quòd si penes tem-
 “ pus ipsum sine interitu esse dicit, hoc certè accipere debet, quod ortum conse-
 “ quitur. At verò interire non id ortum consequitur, quod in ortu & procreatio-
 “ ne suum esse habet: sed id potius, quod à temporis initio ortum fuit. Palam est
 “ igitur, quòd secundum ipsum ortus est hic Mundus. Iam verò quòd causam ali-
 “ quam inuestiget æternitatis Mundi, id quod facit Plato, consentientis est, à tem-
 “ poris principio Mundum ortum fuisse. Nam si ortu careret, in se causam conti-
 “ neret, & principium suæ æternitatis. Siquidem ab ipso confessum est, id quod or-
 “ tu caret, sua ipsius vi, & natura esse sempiternum, nec posse interire. Hic autem
 “ quasi sua ipsius natura Mundus ab interitu vindicari non possit, ad Dei volunta-
 “ tem & consilium eius æternitatem refert. Iam quod de Mundo sæpe verbum,
 “ Est, enuntiet, argumento est, quòd non sic ortum fuisse dicit, quod in gignendo
 “ suum esse habeat. Nam si priusquam ortus esset, non erat (Est autem genus eius,
 “ quod est ortum esse ipsi) de eo quod in procreando esse habet, non enuntiat.
 “ At verò neq; illud sententiæ & opinioni Platonis consentiens dicitur, quod per-
 “ spicuitatis gratia eius ortum & procreationem statuerit, quasi verò per fictam
 “ illam procreationem melius, quæ sit eius natura intelligamus. Neque enim sta-
 “ tim in principio quasi primaria ratione in hanc rem inquisiturus, hoc proble-
 “ ma proposuisset, neque prætermisisset cuius gratia ipsum ortum fuisse diceret,
 “ quanuis ortu careat: sed perinde atque in libris de repub. quia ad iustitiæ disputa-
 “ tionem pertinebat, de ciuitatis & reipub. compositione dicere, de iis disputaturus
 “ prædixit cuius gratia id faceret, & in Mundo planè eadem fecisset.

Aristotelis, ex eodem libro, paulo post ea, quæ prolata sunt.

“ Quod autem adiumentum nonnulli eorum, qui Mundum quidem nunquā
 “ deletum iri censent, natum tamen esse asserunt, adferre sibi conantur, neutiquā
 “ est verum. Nam si de Mundi ortu perinde dixisse dicunt, atq; Geometræ solent,
 “ qui delineationes figurarum describunt. Non enim quasi vnquam natus sit, se-
 “ ita loquitur: sed doctrinæ gratia, quòd magis ea intelligamus, quæ ut diagrammata
 “ gigni cernimus. Verum res, ut nos dicimus, non eodem modo se habet. Nam in
 “ diagrammatum seu delineationum effectione, omnibus positis idem euenit ef-
 “ fectus: in horum autem demonstrationibus non idem, sed id, quod fieri nequit. Nam
 “ ea, quæ prius & posterius sumuntur, subcontraria sunt. Ex inordinatis enim or-
 “ dinata facta fuisse dicunt. Ut autem quid ordinatum simul sit, & inordinatum
 “ fieri nullo modo potest. Sed procreationem esse, quæ separet, & tempus est ne-
 “ cessè: in diagrammatis autem nihil est tempore seiunctum.

Alexandri interpretatio.

“ Hoc aduersus nonnullos Platonis sectatores dicere videtur, quasi illi quoque
 “ perspiciant, quid incommodi consequatur ex eo, quòd Mundus quidem ortus
 “ esse dicatur, manere tamen incorruptus, & ideo subsidium aliquod illi dicto præ-
 “ ferre.

rent: quod tum à Platone, tum ab ipsis dicitur. Negant enim Platonem sic Mundum ortum esse dicere, ut ab aliquo temporis principatu esse coeperit, cum antea non esset, sed eorum, qui discunt, doctrinae gratia, & ut ostendatur eius natura & essentia. Nam Platonem quasi Mundi essentiam retexere dicunt: atque docere, si ortus fuisset, quomodo fuisset procreatus, ut in diagrammaticis Mathematici solent. Nam in illis, exempli gratia, cum cubum ex quadratis sex coagmentatum esse dicunt, retexentes atque quomodo constet, ex illis demonstrantes, non quasi vnquam factus sit, aut compositus cubus, ita dicunt: sed quod ipsi ex his sua sit natura, ortus & procreationis hypothesei docent. Quod si factus fuisset ex iis, ad hunc modum fuisset procreatus. Ad eundem modum & in Mundo dici assueverant. Non enim quod ortus sit, sed quod ex iis ipsi sua sit natura. Quod si ortus fuisset ex iis, ita ut volunt, fuisset ortus. Negat igitur Aristoteles probare ipsos Platonis dictum interpretari: neque iis, qui ista dicunt, subterfugium futurarum absurditatis hoc exemplo succedere: non enim similiter se rem habere posse. Nam Mathematicus, qui cubum ex quadratis sex constare dicit, & ex iis ortum habere, ex quibus ipsum factum fuisse dicit: aut triangulum ex tribus rectis constare, ea sumit, quae vnà cum eo, quod ex ipsis procreatum dicit, simul constant, atque adeo sunt in ipso: non autem cum prius essent separata, postea concreta coaluerunt, atque hoc aperte docet dissolutio. Nam in ea, quae insunt elementa, fit dissolutio, non autem in ea, quae segregata sunt: neque in ea, quae mutatione vlla indigeant, ut ex ipsis quid componatur. Dicunt enim, quomodo ex iis, quae ipsi insunt, factus fuisset, si quidem esset factus? Nam cum omnia, quae simul insunt, adsumit Mathematicus, alia ex aliis, quae ipsis insunt, conflata esse ostendere conatur. Neque enim cubus quadrata auferendi vim habet, cum ex illorum quadrata ipsa esse oportet. Simul constant igitur, & in ipso insunt, ut diximus. Nam qui ad hypothesein, non ad veritatem ortum alicuius adsumit, ex eiusmodi adsumit, quae id, quod ex ipsis factum esse dicitur, perimere non solet. Hic autem nonnulla adsumimus, ad alicuius procreationem, quae dum immutata permaneant & retineantur, ex se aliquid perficere non possunt, sed per ipsorum immutationem gignitur id, quod ex ipsis constare dicitur. Tunc autem verè ortum est, neque amplius ad hypothesein ortus eiusmodi adsumitur. Talis est enim eorum, quae verè gignuntur, procreatio: atque ita gignuntur ea, quae natura gignuntur. Neque enim Mathematicus ad hypothesein amplius gigni sumeret, si ex eiusmodi ipsa gigni proponeret, quae necesse esset, aut penes qualitatem, aut penes ordinem commutata, ipsa ex sese nonnulla efficere: Nam quae per hypothesein gigni ostenduntur, non in hypothesei ea habent proposita, ex quibus orta sunt: sed cum illa consent, & in iis insint, quae ex ipsis composita esse docentur, solam oratione compositionem in hypothesei adiunctam habent: talium enim, & per ea, quae sunt eiusmodi, est dissolutio. In iis autem quae verè gignuntur, non ita se res habet: neque enim simul menstruus est sanguis & foetus: neque simul lateres, aut lapides, temerè, & nullo ordine iacentes, & quae ex ipsis excitatur domus. Ex eiusmodi autem etiam Mundum gignunt. Nam qui Mundum ex com-

"mutatione turbati ordinis corporum, in motum eleganti ordine incedentem
 "gignit, ex eo Mundum natum esse dicit. quod si sit, Mundus esse nullo modo
 "potest. Ordini enim contraria est perturbatio. Atque perturbationem adimi ne-
 "cesse est, si ordo est futurus. Mutatione igitur, & procreatione vera est opus, si
 "quis perturbationem omnino esse ponat. Nam perturbationē, seu inordinatū,
 "in ordinem adduci, per procreationem & commutationem est necesse. Non ita
 "tamen se res habet in diagrammatīs. Sed cum insunt ea, ex quibus proponunt
 "esse procreationem diagrammatum, nihil mouentes eorum, quæ sunt in ipsis,
 "ortum ipsorum docent. Quod igitur ipsi non sanè dicant, neque ut volunt, per-
 "inde atque Mathematici dissolutione vtantur, sed ortum designent eorum, ex
 "quibus Mundum generatum esse dicunt, argumento est, quod fieri non potest,
 "ut hæc sint constante Mundo, sed tempore ea oportet præcedere, ut in omni-
 "bus, quæ gignuntur. Nam quæ mutuo se perimunt, simul in eodem esse nulla
 "hypothesi possunt. Quare Mathematici quidem probabilia dicunt, cum se non
 "ortum dicere aiunt diagrammatum, sed perspicuitatis tantum, & doctrinæ gra-
 "tia, uti hypothesi. Neque enim ex contrariis nec omnino ex separatis ipsis est or-
 "tus. Quare vna sunt cum iis, quæ tunc gigni, & generata esse dicuntur, etiam ea,
 "ex quibus procreata sunt, & quibus constant. Quapropter fieri non posse dicunt
 "ut ortus sit figurarum: non item tamen eiusmodi esse, quod fieri non possit, si in
 "ipsis per hypothesin ortum adsumant. Quod autem ab his dicitur, qui Mundū
 "procreant, etiam cum per hypothesin dicitur, eiusmodi est, quod fieri non pos-
 "sit. Fieri enim non potest, ut earundem rerum ordo sit simul & perturbatio.
 "Quare, secundum ipsos, Mundi inordinatam confusionem præcessisse oportuit,
 "si vnquam fuit: nam cum ipsa erat, Mundus esse non poterat. Quare per pro-
 "creationem reuera ipsis Mundus habuit, ut esset in natura, & à principio tempo-
 "ris, & aliqua immutatione atque interitu. Neque enim in Mundo inesse, neque
 "cum ipso simul constare ea possunt, ex quibus ipsum generatum esse dicunt.
 "Effet enim hoc modo vera analysi, atque dissolutio. In iis enim est dissolutio,
 "quæ simul stare possunt. Verum cum Mundo ea simul esse non possunt, quæ
 "eius ortum præcedunt, & in gignendo mutantur. Quare si neque in Mundo est
 "corporum structura inordinata, ex qua Mundum procreauit, neque cum eo stare
 "potest, sed necessariò præcedit, & per ipsius immutationem Mundi est procrea-
 "tio. Verum hoc modo etiam in Mathematicis vera esset, quæ dicitur procreatio,
 "non autem dissolutio aut analysi: quæ in Mathematicis est propria. Nam qui
 "ex iis rei alicuius ortum esse proponit, quæ si non mutantur, quod ex ipsis effici
 "proponitur, effici nullo modo potest, is procreationem non verbo tenus, sed ve-
 "ram atque germanam adsumit.

Aristotelis, ex eodem.

"Sunt enim nonnulli, qui fieri posse putant, ut & quod natum non est, intereat
 "& quod natum est, incorruptum permaneat, quemadmodum habetur in Ti-
 "mæo. Illic enim dicit natum quidem esse cælum, in posterum tamen tempus
 "perpetuò esse futurum,

Alexandri

Alexandri expositio.

Non quòd ambo ibi scripta sint, nempe tum quidpiam quod natum non sit, esse interiturum, tum quidpiam quod natum sit, sempiternum esse futurum. Horum enim alterum tantum ibi scriptum est, veluti ipse subiicit: Mundum quidem natum fuisse, esse tamen sempiternum, sed hoc ideo dicit Aristoteles, quòd cum hoc dicatur, illud etiam sit consequens. Nam eiusdem est mentis, & aliquid quod natum sit, non interiturum esse dicere: & quod natum non sit, interire. Et aliòqui consequens est, ut qui dicit Mundum quidem natum esse, nunquam tamen interiturum, idem confiteatur, aliquid, quod natum non sit, occidere. Nam inordinatio, ex qua, de illorum sententia natus est Mundus, cum ea nata non sit, in ordinem & ornatum, hoc est, Mundum commutata, interiit. Nam quòd alterum tantum in Timæo dictum sit, ipse significauit, cum subiicit, quidnam sit illud, quod dictum ibi est. Ibi enim dicit natum quidem esse cœlum, in tempus tamen posterum futurum esse perpetuò.

Aristotelis, ex octauo Physicæ auscultationis lib. cap. i.

At verò in tempore omnes præter vnum inter se consentientes esse videntur. Non natum enim esse omnes dicunt. Et per hoc Democritus conficit, quòd fieri non potest, ut omnia nata fuerint, cum tempus nunquam sit natum. Solus autem Plato ipsum ortum esse asseuerat. Vnà enim cum cœlo ortum fuisse, cœlum verò natum fuisse adfirmat. Hæc igitur Aristoteles: & qui eius sententiam, atque intellectum omnium maximè inuestigauit in Commentariis suis Alexander. Et prius in iis verbis Tauri Platonici, quæ ex eius in Timæum Commentariis protulimus, palam factum est, quòd permulti alii Philosophi hanc de Platone opinionem habuerunt. Non alienum autem est fortasse futurum, si eadem iterum in medium proferamus. Ad hunc enim modum loquitur Taurus: Cum in quæstionem vocetur, an non, secundum Platonem, ortus sit Mundus, varios se in hac sententia Philosophi exhibuerunt. Aristoteles enim scribit, Timæum dicere Mundum esse ortum: quòd Timæus procreatū esse profiteatur. Nam eius cir cūfertur opus, De Vniuersitate, quasi procreata sit. Et Theophrastus quoque in libro de Physicorum opinionibus, tradit Mundum ex Platonis opinione esse ortum, & hoc proposito eidem obistere instituit. Verum inferit, quòd forsitan perspicuitatis ergò ortum esse ponit. Et alii item nonnulli sic se affectos exhibuerunt, quasi secundum Platonem Mundus generatus fuerit: alii autem, quasi nunquam fuerit ortus. Hinc igitur quoque didicimus, quòd præter permultos alios Philosophos Theophrastus quoque hæc de Platone pronuntiavit. Quanquam Theophrastus excusare, ut inquit, conatus est, cum perspicuitatis ergò ipsum Plato natum esse posuerit. Verum deinde idem Taurus Theophrastum iterum produxit eandem hanc hypothesin euertentem: paulò post enim ea, quæ producta sunt, hæc dicit: Mos est enim Platoni, doctrinæ gratia, nascentia tradere. Et in rep. nascentem inducit ciuitatem, ut in eius ortu ac structura, ortus iustitiæ apertior euadat. Id quod cōfirmat Theophrastus, cum dicit forsitan Platonem, perspicuitatis gratiā, Mundum natum esse dixisse, ut diagrammata quasi nata, & generata consequimur. Verum fortasse, inquit,

“ res non similiter se habet in diagrammatis. Idem autem cum Aristotele dicit,
 “ Nam ille scribit, quòd in diagrammatis, seu figurarum designationibus licet in
 “ principio contraria proponere: in Mundi autem ortu, non item: vt si quis simul
 “ motum proponat & quietem, ordinem & inordinationem. Quòd igitur Plato
 Mundum principio non vacare velit, sed illi tribuat principium, quo esse cœpe-
 rit, satis, opinor, oratio nostra comprobauit, atque Philosophorum de Platonis
 opinione testimonia, iis præsertim, qui non ambitiosè contendunt, quique sua li-
 bidine non ducant posteriorem esse veritatem. quæ autem Proclus in eo Opere,
 quod sæpe commemorauimus, pro Timæo contra Platonem iterum ex Porphy-
 rio transcribens, statuit, dum docere conatur, quòd Plato Mundi ortù sine prin-
 cipio fuisse arbitrabatur: tum quòd Mundi exemplum sempiternum esse dicit:
 tum quòd causam, cur stet Mundus, in Dei probitate ait esse sitam. Probus
 enim erat, inquit Platon. In probum autem nunquam vlla de re, vlla cadit inui-
 dia. Ex quibus conficit Proclus, quòd si Mundi exemplum sempiternum est,
 Mundum quoque exempli illius imaginem semper esse est necesse. Et quòd si
 semper Deus vacat inuidia, quoniam semper est probus, semper erit & probus,
 aut nisi semper sit Mundus, facultate huius erit opifex: & ideo imperfectus, &
 temporis indigens. Hæc inquam & eiusmodi, vt iam satis in superioribus disqui-
 sita, in præsentī missa facio. Perspicuum est enim, quòd hisce confutatis, confici-
 tur, Platonem nunquam in ea fuisse sententia, vt ex his Mundum sempiternum
 esse putaret.

XXVIII.

N V N C secundum ea, quæ initio propositi capitis, facturos nos esse reco-
 pimus, consequens sit, iis quæ iam diximus, vt inquiramus deinceps, num Plato
 sibi ipse repugnantia loqui deprehenditur. Nam si ex eius sententia necessariò
 interit quicquid natum est, huic autem per conuersionem cum oppositione
 consequens est, vt quicquid non interit, id neque natum sit, quod fieri potest, vt
 idem simul & sempiternum, & natum Mundum esse statuatur. Huic autem dubi-
 tationi paucis sic occurritur: Nam si quod ratione temporis non natum est,
 natura interire non potest, efficitur, vt si natura non est expers interitus, id penes
 tempus ortu non careat. Mundum autem non natura interitus expertem esse
 Plato proposuit, imò contrà, natura caducum esse adfirmat. Omne enim colli-
 “ gatū solui potest: ideo autem solui potest, quia natura est dissolubile. Quo-
 “ niam enim, inquit, orti estis, immortales vos quidem esse, & indissolubiles non
 “ potestis. Neutiquam tamen dissoluemini: nec vos vlla mortis fata periment,
 “ nec fraus violenior, quàm consilium meum, quod maius est vinculum ad per-
 “ petuitatem vestram, quàm illa, quibus estis tum, cum gignebamini, colligati.
 “ Quare si caducus & dissolubilis Mundus est per Platonem, ipsi tamen inest, vt
 “ sit indissolubilis voluntate & consilio Dei opificis (Indissolubilia enim, inquit,
 “ non natura, sed me ita volente) certè ratione temporis natus esse debet. Plato-
 nem igitur in omnibus maximè sibi consentire probatum est. Nam si Mundum
 natura immortalem, atque indissolubilem arbitratus fuisset à Deo procreatum
 fuisse, qualia ea esse dicit, quæ mente & intelligentia comprehenduntur, conse-
 quens erat, vt etiam penes tempus non natum ipsum fuisse proponeret. Verum
 si natu-

si natura solui potest, nihil autem, quod (quantum attinet ad tempus) natura procreationis expers est, solui potest: efficitur certe, vt penes tempus Mundus non sit procreationis expers. Ob id enim ipsum, inquit Plato, quia ortus est Mundus, dissolubilis est. Quare ea conclusit, quæ ipsius principiis sunt consentientia. Illud autem, Immortales vos quidem esse & dissolubiles non potestis, non id significat, quod nonnulli fabulantur, nempe, non estis simplices, sed cogitatione in ea vos dissoluere licet, ex quibus estis compositi, atque hac ratione mortales estis. Verum quod significet, vos naturæ estis, quæ sit mortis & dissolutionis capax, patet ex opposito, quod sequitur: Neutiquam tamen dissoluemini, nec vos vlla mortis fata periment, nec fraus violentior, quam consilium meum: quod maius est vinculum ad perpetuitatem vestram, quam illa quibus estis, tum cum gignebamini, colligati. Quare si dissolutionem ac mortem eam intelligit, quæ cogitatione concipitur, atque per hanc mortales ipsos esse dicit, illud certe, Neutiquam tamen dissoluemini, nec vos vlla mortis fata periment, illos hæc cogitatione non subituros esse significat. Nam quod ponit adfirmatio, id ipsum necessarium euertit negatio. Solutionem autem atque mortem, quam ipsis à natura sua inesse dixit, eandem Dei consilio ipsis non euenturam esse pronuntiavit. Quare si à natura habeant, vt cogitatione mortales sint, ac dissolubiles, & ex Dei certe consilio ac voluntate, cogitatione immortales erunt, & indissolubiles. Tota igitur eiusmodi erit sententia: Nō futuri estis cogitatione indissolubiles, neque immortales, neque vnquam moriemini. Idē igitur & cogitatione erit dissolubile, & eadem cogitatione non dissolubile, atque simul vera erit contradictio. Quare cum hoc & itapidū sit, & eiusmodi, vt cogitatione comprehendī nō possit, dicere idem cogitatione dissolui in simplicia, & cogitatione non dissolui, certē mortalia & dissolubilia, non cogitatione, sed natura, cœlestia esse dicit. Verum quoniam, etsi talem naturam sunt sortita: tamen Platoni in perpetuum permanens esse videntur, vt neque moriantur, neque dissoluantur, non naturali vinculo, sed Dei voluntate sustentata. ob id dicit, prorsus indissolubilia & immortalia neutiquam esse posse, sed & mori & dissolui, quantum in ipsorum natura situm est: quia eiusmodi sit corporata natura, & quia quicquid natum est, dissolubile est & mortale. propter creatoris autem consilium, ac voluntatem, quæ omni naturali vinculo est superior, ipsa immortalitatem atque perpetuitatem sunt consequuta, quam edificator atque opifex Mundi Deus ipsis prospexit, & benignè contulit. Quemadmodum enim si quis domum, aut nauim continenter instaurans, & laboranteis atque labefactas partes emendans, quam diutissimè integram hanc contineat: sic Deum Plato dicit instauratitiam ac rediuuam immortalitatem Mundo conciliari. Audi igitur cuiusmodi de hoc iterum in Politico philosophatus est, ad hunc enim modum loquitur: Hoc enim Vniuersum interdum dirigit Deus, dum facit, vt eodem motu progrediatur, atque ipsum versat. Interdum autem dimittit, quando conuersiones modum temporis sibi conuenientem compluerunt. Mundus autem in contrarias partes vtrò circunducitur, vt qui vitam & intelligentiam nactus sit ab eo, qui ipsum ab initio construxit. Porro ipsi retrorsum ire ob id necessarium insitum fuit, quod tale quidem semper in iisdem

esse, & eodem modo se habere, atq; idem permanere, omnium maximè diuinis naturis solis conuenit. Corporis autem natura non huius est ordinis. Quòd igitur cælum, seu Mundum nuncupauimus, permulta atque beata munera à procreatore suscepit, corporis tamen factus est Mundus particeps: vnde fieri non potest, vt ipse in omne tempus sit mutationis expers. Ad hunc igitur modum in his Plato, consentiens iis, quæ ex Timæo produximus, naturam immutabilem, & quæ semper in iisdem & eodem modo se habeat, soli diuinæ, & quæ mente tantum comprehendatur, substantiæ tribuit. Nullam autem corporatam naturam compotem dicit huius esse ordinis: vnde vt Mundi corporata natura, proprius expers sit mutationis, fieri non posse pronuntiauit. Verum quando conuenientem temporis modum conuersiones fuerint consequutæ, tum regressiones & mutationes Vniuersum subire. Et hoc iterum ex sacris literis colligens, vt pulchrè è nostris nonnulli adnotauerunt. Nam cælum Deum versare, & rursum remittere, vbi conuenientem temporis modum conuersiones iam sint assumptæ, quid est aliud, quàm cælos, tanquam pallium, immutari? Verum quoniam Plato cum illud audiuiisset: Mortem enim Deus non creauit, & item illud: Codi-
psal. 102. dit vt essent omnia. arbitratus est Vniuersum immortale permanfurum. Audi
8 ap. cap. 1. quomodo iterum in eodem Politico non natura Mundo inesse immortalitatē, sed ab opifice accitam venire, pronuntiauit. Ex hisce igitur omnibus Mundum affirmare decet, neque ipsum se semper conuertere, neque totum à Deo versari geminis, iisque contrariis conuersionibus: neque rursus deos aliquos duos contraria inter se sentientes ipsum versare, sed, quod nuper diximus, id solum superest, partim quidem ab alia quadam vi diuina gubernari, dum vitam extrinsecus venientem adscitiam ab Opifice accipit immortalitatem: partim verò, cum dimissus fuerit, per seipsum progredi, cum suæ potestati eo tempore relictus est, vt retrorsum progrediatum multis conuersionum millibus. His igitur clarè docet, quòd cum immortalitatem à natura cœlesti corpus non haberet, propter fluxum, ac fugientem naturam rei cuiusuis corporatæ, vitam extrinsecus quæsitam habet: atq; ipsi instauratiua ab Opifice accedit immortalitas. Quare si Plato Mundum animantem esse putat, cuius autem animanti, ab ea vitæ, quam habet, forma & specie tributa est natura & essentia: & cælum sanè naturam & essentiam suam habebit à forma suæ vitæ. Hanc verò vitam iterum, atque iterum cælum sibi adquirere dicit, & instauratiua ac rediuiuam immortalitatem ab Opifice obtinere. Non igitur indissolubilem & immortalem cœli substantiam esse arbitrabatur, quare neq; sine principio naturam eius esse constituit. Quicquid enim principio caret, necessariò expers est interitus, per naturam. Et quicquid natura interire potest, natum sit necesse est.

XXIX. QVOD si in alijs Plato Mundum per se sibi satis esse dicit, nec rei vllius indigere, nulli morbo, nulli senectuti esse obnoxium: non ideo tamen eiusmodi esse dicit, vt ad perpetuitatem ipse sibi sit satis: verum eius esse modi, vt ab vllorum, quæ extrinsecus incurrere possunt, & corrumpendi vim habent, nihil tale, quale nostra corpora, ipse perpetiatur. Neque enim extra Mundum corpus est vllum, à quo tale quid perpetiatur, quale hæc singula ab ambiente nos

aëre perpeti videmus: neque vt nostra corpora & rerum singularum vnaquæque ab ambiente discutiuntur, & dissipantur, & supplementum eius, quod de-
cedit, per ea, quæ extrinsecus subeunt, recipiunt: sic & cælum. Extrinsecus enim
nihil est, neque quod dissipaturum seu discussurum sit, neque nutriturum. Ipse
enim, inquit Plato, ex interitu suo sibi suppeditat alimentum: nam vnus interitus,
alteri fit alimentum. Aëris enim, verbi gratia, interitus, aut aquæ, aut ignis fit
procreatio. Atque in reliquis eodem modo se res habet. Hac igitur ratione nul-
lius externi indigere dictus est. Atque ita nullo morbo, nullo affligi senio, quod
extrinsecus nihil incurrat, à quo malè efficiatur: non tamen quod natura tum
immortalis sit, tum per se satis instructus, vt sese sustentare possit. Soli enim ei
naturæ, quæ mente comprehenditur, hoc inesse dicit, vt semper in iisdem, & eo-
dem modo se habeat: corporatam autem naturam non huius esse ordinis, sed
de eorum esse numero, quæ nascuntur & intereunt, nunquam autem verè sint.
Qui fieri igitur potest, vt corporatam naturam, & sibi satis esse, & nullius indi-
gere dicat, nisi ad eum, quem diximus modum? Vt autem intelligatur, quòd
propter huiusmodi cogitationem, hæc de Mundo protulit, nihil æquè condu-
cet, quàm ipsa Philosophi verba exaudire. Hæc enim habet in Timæo: Itaque „
& ob eam causam, & ab iis rebus numero quatuor, Mundi est corpus effectum, „
ea constructum proportionem, qua dixi. Ex quo ipse se concordiam quadam amici- „
tia, & charitate complectitur: atque ita aptè cohæret, vt dissolui nullo modo „
queat, nisi ab eodem, à quo est colligatus. Earum autem quatuor rerum, quas „
suprà dixi, sic in omni Mundo partes collocatæ sunt, vt nulla pars, aut facultas „
huiusce generis excederet extrà, atque in hoc vniuerso inessent genera illa vni- „
uersa. Id ob eas causas: primum, vt Mundus animans possit ex perfectis partibus „
esse perfectus. Deinde, vt vnus esset, nulla parte, vnde alter gigneretur, relicta. „
Postremò, ne quis morbus eum possit, aut senectus affligere. Omnis enim co- „
agmentatio corporis, vel calore, vel frigore, vel aliqua impulsione vehementi „
labefactatur, & frangitur, & ad morbos, senectutemque compellitur. Hanc igi- „
tur habuit rationem effector Mundi, molitorque Deus, vt vnum opus totum „
atque perfectum ex omnibus totis atque perfectis absolueret, quod omni mor- „
bo senectute careret. In his tres causas Plato proposuit, cur effector Mundi ex- „
tra Mundum elementum nullum relictum esse voluerit, neque verò partem
eorum, neque facultatem. Partem siquidem, pro corpore posuit, vt partem ignis
aliquam, aut aquæ, aut aliorum. Corporum enim partes & ipsæ sunt corpora: fa-
cultatem autem eas qualitates intelligit, quæ formam ac speciem elementorum
procreant: calorem dico & frigus, humiditatem, siccitatem: gravitatem præ-
terea ac leuitatem, & similes. Causam igitur vnam dicit, vt perfectus sit Mun-
dus totus ex totis, perfectus ex perfectis elementis procreatus. Alterum, vt vni-
cus sit Mundus, ac non vt tum Democritum nonnullis aliis visum est, com-
plures, atque adeò infiniti sint Mundi. Nam si de Platonis sententia Mundus est
animans, ex quatuor coagmentatus elementis, extra Mundum autem elementi
nulla relicta pars est, sanè vt Mundus sit, aliter fieri nequit: cum quæ Mundi effi-
ciendi elementa vni habent, in hoc vno omnia sint comprehensa. Tertiã de-

niq; vt nullo morbo seniove affligatur: quia nihil extrâ sit relictum, à quo quicquam perpetiatur. Nam quemadmodum cum ab ambiente nos aëre, prætermodum refrigerantur, impenſius aut incaleſcunt noſtra corpora, aut humectantur, aut reliquas affectiones perpetiuntur, à ſuo moderato temperamento depelluntur ac dimouentur, & ob id affliguntur ſenio & tabe cõficiuntur: eodem inquit, modo, ſi extra cœlum partes nonnullæ, aut facultates elementorum fuiſſent relictæ, illæ extrinſecus cœlo occuſantes, ſuis ad agendum viribus eoſdem in ipſum affectus inuexiſſent; quos ab ambiente noſtris accidit inuehi corporibus. Vt igitur ab hiſce perpeſſionibus liberum eſſet Vniuerſum, intra ipſum, inquit, vniuerſam elementorum naturam concludit ædificator. Quanquam niſi ad ſenectutem & diſſolutionem ſubeundam natum eſſet cœlum, nullo modo, vel ſi vniuerſa elementorum natura extrinſecus incumbens ipſi occuſaret, ab his quicquam perpetiatur tale, quod eius natura admittere non poſſit. Quid enim, quæ in Mundo ſunt rationis compotes ſubſtantiæ, à corporum agente facultate perpeti poſſint? Non igitur cœlum ſenio & morbo vacare ponit, quia ſi incommutabile, aut propter natiuam eius immortalitatem. Contrarium enim, quod dixi, ex iis, quæ nunc producta ſunt, oſtenditur: nempe, quod cum natura mortalis & diſſolubilis ſit Mundus, quia natus eſt: & hoc quia corpus: & velut Plato, ipſum in æternum permanere, ne quam affectionem ſuſtineat, quæ ipſum interimere poſſit, nihil extra ipſum reliquit procreator, quod ipſius diſſoluendi vim haberet naturalem. Cæterum, quod natura eſt indiſſolubile, à nullo vnquâmodo vllò diſſolui poteſt. In Mundi igitur anima, ædificator Mundi apud Platonem Deus, tale nihil eſt veritus: ſed hanc à medio quoquoque ſuſ ad extremum cœlum, cum explicauiffet, nihil tale eſt ſuſpicatus: ne quando propter conuolutionem cum iis, quæ calfaciunt, & refrigerant, immutationem vllam, aut variationem ſubiret. Naturæ enim eius erat, quæ intelligentiâ tantum comprehenditur, & quæ ſemper eſt in iſdem, & eodem modo ſe habet. Sed quid de Mundi anima loquor? Neque enim cum noſtras animas corporibus alligauit, & quod caducum eſt, immortalitati attexuit, quicquam eorum, quæ corrumpendi vim habent, ipſas pati timuit, vt quas immortalis naturæ eſſe proſitetur. Fieri igitur nō poteſt, vt quod natura eſt immortale, ab elementis quicquam perpetiatur. Ea enim ſola à ſe mutuò affici nata ſunt, quæ eandem inter ſe materiam participat, & ſimilium affectionum naturam ſunt conſequuta. Quare ſi cœlum non ſimilis, aut eiufdem eſſet naturæ cum elementis, aut potiùs ſi non ex ipſis coagmentatum eſſet, ſecundum Platonem, etſi vniuerſa elementorum natura extrinſecus in ipſum incurreret, nihil ab ipſis afficeretur. Nunc autem cum natum ſit, ab ipſis affici, ex quibus ipſum iunctum eſt & coagmentatum, ne quid afficiatur extra ipſum, Plato effectorem nihil relictum eſſe voluiſſe dicit. Verum etſi nihil extrinſecus, à quo quicquam Mundo poſſit accideret: tamen quoniam nouit Plato corpus omne ſinitis gubernari viribus, & nullum eſſe, quod infinitarum participes, vt Platonis diſcipulus Ariſtoteles in fine octauo libri Phyſicæ, comprobauit. Quicquid autem infinitis præditum non eſt viribus, in infinitum ſuſficere, aut perdurare nullo modo poteſt. Et ob id tum cœlum, tum Mundum

vniuersum, cum corpus sit, & viribus præditum finitis, ipsum sibi ad perpetuitatem sufficere nullo modo potest, nec si nihil quidē sit, quod extrinsecus ipsum aut frangere, aut labefactare queat. Finitam enim facultatem ob id ipsum, quod finita sit, aliquando defatigatam deficere, atque euanescere, est necesse. Ipsi tamen videtur indissolubilis permanere Mundus. Et ideo ipsum procreatorem ei adhibet, qui vitam ipsius atque immortalitatem instauret, ut hoc modo in perpetuum permanere possit. Nam si natura incommutabilem, atque immortalem esse Plato ipsum est arbitratus (cuiusmodi earum rerum, quæ mente concipiuntur, naturam esse dicit) cur amplius immortalitatem eius instauratitiam esse dicit? hæc enim inter se coherrentia non sunt. Aut cur extra ipsum nihil relinquit, ne affectus ab eo senio tabeue conficiatur? Et cui inesse dicitur, ut nullius indigeat, non tamen propter naturæ eius perfectionem, quæ ipsa sibi satis esse possit, sed propterea quod nullius externi indigeat: quia ipse quod deest, adiectione supplet, & instaurat. Audi enim cuiusmodi sunt, quæ de eo in Timæo dicit: Omni autem, inquit, læuitate Mundi figuram totam circundedit, multis de causis. Neque enim oculis egebat: quia nihil extrâ, quod cerni posset, relictum erat. Nec auribus: quia nec quod audiretur quidem: neque erant anima circumfusa extrema Mundi, ut respirationem requireret. Nec verò desiderabat aut alimenta corporis, aut detractionem confecti & consumpti cibi: neque enim vlla decessio fieri poterat, neque accessio. Neque verò erat vnde ipsa se ipse consumptione & senio aleretur: cum ipse per se, & à se & pateretur & faceret omnia. Sic enim ratus est ille, qui ista iunxit & condidit: ipsum se contentum esse Mundum, neque egere altero, melius esse futurum ac præstantius. Itaque cum ipsum altero non egeret, non intelligit natura nullo indigere, sed quod nullo egeat eorum, quæ extrâ sunt. Neque enim more nostrorum corporum, eius quod deest, complementum extrinsecus accipit Mundus vniuersus. Sed ipse per se, & à se & patitur, & facit omnia: ita nimirum, ut pars vna faciat, & pars altera patiatur. Et partis vnius interitus, alterius partis pabulum efficitur atque accretio. Porro cuius partes interitui & commutationibus obnoxie sunt, ipsum totum iisdem subiectum esse oportet. Siquidem totum nihil est aliud, quam partes vniuersæ, vnde eo indiget, qui ipsum instauret atque retexat. Non igitur eiusmodi est Mundus, ut, aut pati non possit, aut nullius indigeat. Verum eorum quidem quæ extrâ sunt, nihil indiget, neque ab iisdem affici potest, quia extrâ nihil sit relictum. Ipse tamen & patitur & occidit à se. Quod autem est huiusmodi, id neque perfectionis expertus est, neque immortale. Nihil enim, quod natura immortale sit (cuiusmodi sunt naturæ, quæ vi sua rationis sunt compotes) nec per partes quidem quicquam perperci, aut interire natura potest: quoniam id totum & indiuiduæ & simplicis est naturæ: siquidem quicquam est omnino, quod natura sua sit immortale. Quare si natura immortalis Mundus non sit, sed acquisititiam & rediuiam immortalitatem extrinsecus accepit, natura certe omnino mortalis est, & caducus. Quod si natura, secundum Platonem, mortalis est, non temerè principium ipsi tribuit, quo esse cœperit. Quare efficitur, ut hoc pacto Plato nihil sibi repugnans, proposuerit, cum & natum Mundum esse dicit, & natura mortalem, im-

mortalitatem autem aduentitiam ipsi præter naturam, ab opifice & ædificatore Deo accedere. Porro, quòd Proclus hæc non ignorarit, sed & ipse accuratè nouerit, quòd Mundus, quantum in ipsius natura situm est, non habet, vt sit perpetuò: quia omnis corporata natura, à finita facultate sustentatur: quòd autem perpetuò sit futurus, id externum & aduentitium extrinsecus adipiscatur. Nunc verò sponte nos fraudulenta conclusione fallit, dum Mundum non interire, à Platone dici absolute sumit: neque distinguit, quomodo id à Platone sit dictum: atq; hinc conficit, quòd Mundum penes tempus ortu carere arbitratur: quòd hæc, inquam, nouerit Proclus, nobis erit perspicuum, si ex multis ipsius verbis pauca hîc proposuerimus, quibus id solùm semper esse profitetur, quod mente & intelligentia tantum comprehenditur: id autem omne, quod sentitur, nasci & interire, verè autem nunquam esse. Pro Platone enim defensionem scribens Proclus, præter alia complura, hæc etiam addidit.

*Procli ex eo Opere, quod inscribitur, Observationes eorum,
in quibus Platonis Timæo contradixit Aristoteles.*

“ Hoc igitur vnum sumendum nobis est, an etiam cœleste corpus natum
 “ esse dicendum sit, & eodem modo Mundum vniuersum. Quomodo autem no-
 “ necesse sit, atque ex quibúsnam causis ipse nobis subiecit, ad hunc modum dica-
 “ mus: Nullum enim, inquit, finitum corpus, viribus infinitis præditum esse potest.
 “ Atque hoc in Octauo Phys. Aufc. lib. confirmauit. Si igitur finitus est Mundus,
 “ id quod & ipse probauit, ipse viribus infinitis præditus esse non potest. Atque
 “ quòd æternitas, seu æuum, sit infinita facultas, in superioribus demonstraui-
 “ mus. Mundus igitur sempiternus non est, qui viribus præditus non sit infinitis. Quòd
 “ si æternus non est (nam quod huiusmodi est, id æui & æternitatis est particeps
 “ quod autem æui est particeps, id infinitæ compos est facultatis) Mundum non
 “ semper esse est necesse. Nam semper esse & ipse æui proprium esse dicit, cum ab
 “ eo, quod semper sit, αἰσῶς, hoc est æuum, Græcis appellationem inuenisse vellet.
 “ Vbi ad hunc modum Proclus confirmauit, quòd secundum Aristotelis decreta,
 “ Mundus in eorum numero esse non potest, quæ semper sunt: deinceps ostendit,
 “ vt semper gignatur, ipsi aliunde, ac non ex sua ipsius natura, conuenire. Sic
 “ enim ait: Neq; enim quod in eo verum est, quod semper est, id protinus in eo etiam
 “ est verum, quod semper gignitur: nempe vt hoc ipso, quòd semper gignatur, vi-
 “ res habeat infinitas, vt illud eandem habet, ideo quia semper sit: verum id ei con-
 “ uenit, quod hoc efficit, & cuius ope hoc gignitur semper, acquirens sibi vt sem-
 “ per sit, propter illud, quod verè semper est, cum hoc, quantum in sua ipsius natu-
 “ ra est positum, id non habeat, vt sit semper. Vnde fit, vt eius quod gignitur de-
 “ nitio, Mundo adaptari possit. Et paulò post: Quicquid igitur nascitur, id ipsum
 “ per se omnino etiam interit. Vincit autem ab eo, quod est, cum in eo maneat
 “ vt gignatur, id totum esse dicitur, quod gignitur. Et propterea quòd ita est, non
 “ interit id, quod ex eo sibi conciliauit, quod verè est. Cum igitur ipsum per se de-
 “ finitionem eorum quæ gignuntur accipiat, ipsum interire dixit, vt quod sua
 “ ipsius natura sit eiusmodi. Idem in iis, quæ deinceps sequuntur. Quoniam Vni-
 uersum

uersum est finitum. Quod autem finitum est, viribus non est præditum infinitis: ut ipse probauit. Quod verò infinito motu mouet, id viribus mouet infinitis: nempe illud immobile, quod infinitæ motionis Vniuerso causam adfert, ipsum viribus præditum est infinitis. Quare si ratione ab illo Vniuersum seiunxeris, non mouebitur in infinitum, cum virium compos non sit infinitarum: sed mouendi finem habebit. Sin iterum ipsum cum illo coniunxeris, illius ope mouebitur, & impelletur in infinitum. Neq; verò absoni quicquam erit, si quæ connexa sunt, cogitatione separemus, ut perspiciamus quidnam vni ab altero cōueniat: & perspicientes intelligamus, quidnam à sua ipsius natura habeat deterius, quid item à societate & coniunctione cum præstantiore. Et haud ita multò pòst: Omnino enim, quoniam his etiam conuenit, quæ hîc visuntur in terris, ut partim intereant propter virium infirmitatem & imbecillitatem, partim conseruentur, propter vires, multò magis his, quæ non intereunt, conueniet perpetuitas, atque immortalitas, propter vires, cæque infinitas. occidit enim vis omnis finita. Cum igitur, ut ipsi etiam Proclo videtur, Mundum, quia viribus præditus non est infinitis, non esse semper necesse sit: verum ut semper sit, vel veriùs, ut semper gignatur, aduentitium habeat ab eo quod semper est: cum quantum est in ipso, non habeat ut semper sit, sed nascatur & intereat: & ob id si quis ab ipso seiungat, id quod ipsi causa est, ut gignatur & semper moueatur, quia virium compos non est infinitarum, mouendi finem habebit, & ideo etiam esse desinet, quia vis omnis finita intereat: cum hæc, inquam, Platonis decreta Proclus etiam sit confessus, certè Mundum natura caducum esse profiteretur: immortalitatem autem ipsi supra naturam conuenire, quæ à vi quadam præstantiore ipsi suppeditetur. Quare si natura caducum esse Mundum Proclus in hoc argumento probauit, & ob id necessariò esse natum, perspicuum est, quod Philosophus hoc in loco sponte, nos fraudulenta conclusione fallit: tum modum, quo Plato Mundum interitus expertè esse dicit, prætermittens. Nam si quid cuipiâ supra ipsius naturam conuenit, non protinus id à propria natura ipsum transmutat, aut dimouet, ut eiusdem generis ac naturæ sit cum eo, à quo eiusmodi natura ipsi cōuenit. Nam qui supra montium vertices diffusus est æther, etsi vnà cum cœlesti corpore torqueatur in orbem, & supra suam ipsius naturam hoc motu impellatur, ut Aristoteli placet: nihilominus ipse in eorum corporum est numero, quæ recto motu cientur: neque motum habebit, qui characterem præferat propriæ ipsius substantiæ, ut propterea ipse eiusdem formæ atq; naturæ esse dicatur cum cœlesti corpore. At verò neque instinctu diuino percitas animas, quæ supra suâ ipsarum naturam cognoscunt, quæ sunt, quæ fuerint, quæ mox ventura trahuntur, substantiam à reliquis diuersam induisse dicemus propter eam diuinandum, qua diuinitus sunt imbutæ. Iam verò ut nonnulli eorum qui apud Græcos, ut illi asseuerauerunt, Deo pleni, ut autem ipse asseruauerim, à prauis occupati demonibus, gladiis, ut sermone multorum fertur, sua ipsorum corpora dissecantes, & per medium ignem incedentes, nihil eorum, quæ tum ab igni, tum à gladiis corpora solent, ipsi, ut aiunt, perpessi sunt. Neque verò alterius ob id naturæ, aut substantiæ ipsorum corpora fuisse dixerint, quàm reliquorum: neque impa-

tribilia propterea, & eiusmodi fuisse, vt labefactari & interire nullo modo possent. Ad eundem planè modum, si hæc Vniuersitas à vi quadam superiore, opinionione Platonis, habet vt sit indissolubilis, non protinus ob id naturæ eorum erit, quæ & semper sunt, & nullo modo possunt interire. Verùm quoniam sua natura interire potest, nata etiam erit necessariò. Porro, quæ in decimotertio capilibri, quem citauimus, scribit Proclus, contra Aristotelem, quòd Platoni succenscat, quasi ille Mundum naturâ quidem occidere posse voluerit, Dei tamen consilio atque voluntate nunquam futurum, vt intereat: quæ, inquam, ibi Proclus scribit, volens nobis persuadere, non solum Dei consilio Mundum id habere, vt nunquam intereat, sed sua etiam ipsius natura, quòd ea præterquam quòd nihil necessariò conficiant, ipsum etiam & sibi & Platoni, & verò veritati repugnare conuincant, hîc docere superfedeo, ne superuacanea verborum turba orationem meam videar onerare. Nulla est enim oratio, quæ conuincere possit, quin omnino corpus viribus præditum sit finitum: Et, quin quicquid finitarum est virium, interire sit necesse, ac non sufficere in perpetuum atque perdurare. Cùm igitur virium eiusmodi sit Mundus, hunc modis omnibus est necesse naturæ esse interitus capacis, quantum ad propriæ eius naturæ vires attinere potest. Quare & naturus est necessariò. Siquidem quicquid interit, id natum esse est necesse. Fieri igitur potest, vt Mundus etiam si penes tempus natus sit, & ideo dissolubilis, & mortalıs, ab aliqua tamen, quam pro eius natura superiore facultate, aduentitiam atque rediuiam obtineat immortalitatem. Neque ob id, quia non sit interiturus, natum nunquam fuisse conficietur, quoniam non per suæ naturæ, ac substantiæ rationem habet, vt sit sempiternus, & vt non intereat.

PROCLI DIADOCHI

Argumentum septimum.

SI Vniuersi anima ortu caret, & interitu, Mundus quoque ortu & interitu vacare debet. Nam eius, vt cuiusvis animæ, ratio in eo est posita, quod est, ipsum motu ciere. Quicquid autem seipsum impellit & mouet, id fons & principium est mouendi. Quare si Vniuersi anima sempiterna est, ipsum Vniuersum semper esse est necesse, vt quod ab ipsa motu cietur. Nam vt Vniuersum aut prius aut posterius animæ motu agitatam non fuerit, fieri nullo modo potest, cùm ipsa semper sit mouendi principium, neque possit mouendi initium non tribuere, quæ secundum suam essentiam ipsa à se mouetur. Et ob id ipsum mouendi est principium. At verò & ortus & interitus ob id ipsum expers est anima, quia ipsa à se mouetur. Est igitur Vniuersum tum ab ortu, tum ab interitu alienum. Hinc porro perspicuum est, quòd omnis anima primum corpus sempiternum ingressa est, & id semper mouet. Quòd si caducis insit corporibus, illa eorum beneficio motu ciet, quæ ab ipsa perpetuò mouentur.

Capita solutionis septimi Argumenti.

- I. *Expositio aggressionis septimi epicheirematıs.*
- II. *Quòd non ab ipsa re sumptum sit propositum epicherema, sed ex Platónica hypothesis, quæ nulla nititur demonstratione.*

Quid sit

DE MVNDI AETERNITATE. III

Quod si anima in eo suam essentiam nata esset, quod mouendi sit principium, ut sine III.
corpore natura eius consistat, fieri non possit.

Quod si ab omni corpore anima naturam ac substantiam separari posse concessum est, II.
fieri non potest, ut ipsa in eo vim ac naturam suam obtineat, quod mouendi sit principium.
Et quod ipse quoque Proclus nouit, quod in alio suam essentiam ac naturam habet anima,
& in alio mouendi est principium.

Quod fieri non potest, ut perpetua sint animi actiones, illa quibus corpus impellit: & V.
ob id neque hic corpus perpetuo motu ciere potest: neque sempiternum corpus ullum ab
ipsa semper contineri.

Quod nullus corporis motus, nec ulla mutatio ortu caret aut interitu. Unde neque cor VI.
pus ullum ab anima motu perpetuo agitur, etsi nata non sit anima, ut Platoni videtur.

Quod eius motus, qui redit in orbem, principium esse non dicit Plato, id quod ipsum à VII.
se mouetur. Ubi docetur, quod nulla animans, quae sub Luna uiuat, natura corpus in or-
bem impellit. Et quod non sine arbitrii libertate, sed animarum sponte & voluntate ani-
matorum corporum in loco perficitur motus.

Quod etiam si ex opinione Platonis anima nunquam nata fuisse concedatur, & cuius- VIII.
ui motus principium, nullo modo necesse est, ut si est anima, una cum ea sit & corpus
sempiternum.

Quod etsi quatenus uitam anima impertitur corpori, mouendi principium à Platone IX.
esse diceretur, ne sic quidem efficeretur, ut qui animam non natam esse dicit, is Nun-
dum etiam ortus expertem esse constituat. Ubi docetur, quod ex habitu corporum uita
quies est, ac non motus.

Quod non rationis compos anima, sed rationis expers, uita cuiusuis corporalis, & mo- X.
tionis est causa, rationis autem compos componit tantum & moderatur affectionum ra-
tionis carentes motus. Unde efficitur, ut non sit necesse, ut si est causa & principium hu-
iusmodi motus, eius nempe, qui rationi est consentaneus, protinus sit & id quod moueatur.

Quod si anima esse ponatur, non statim id corpus esse ponitur, quod ab ipsa moueatur. XI.
Sed si ipsa tollatur, una etiam tollitur animatum corpus, quia est animatum, cum secun-
dum Logicae praeceptum secundum ea, quae Platoni videntur.

Quod etsi ipsa sua essentia, non voluntaria uita, & motionis corporibus causa esset XII.
anima, non propterea tamen necessario efficeretur, ut si anima esset, protinus esset & cor-
pus, quod ab ipsa mouetur.

Quod etiam in ipso Phaedro, quemadmodum & in Timaeo, tum uita, tum motus finem XIII.
omne corpus Plato palam habere tradit: nihil autem quod intereat, ortu carere.


Quod fabula sit, cui nulla est habenda fides, ea quae de sempiterno corpore à Graecis tra- XIV.
ditur hypothesis, quod lucidum dicunt, & quod primum rationis compositos animas subire
aiunt: & ipsum mouere, & eius ope corpora caduca impellere. Et ibidem quod fieri non
potest ut sempiternum corpus penes locum immobile manens, ut quadam naturae cor-
pus moueat quod interit, ut magnes ferrum mouere solet.

Quod fieri nequit, ut quod uersatur in orbem sempiternum corpus, ad rectam lineam XV.
caducum moueat.

Quod si, cum illud recta moueatur, caduca corpora mouet, aut secundum naturam recta XVI.
mouetur, aut contra naturam: verum utroque modo non sempiternum erit, sed natum interire.

- XVII. *Quòd quomodocunque statuitur moueri illud, quod ab ipsis fingitur sempiternum corpus, non poterit mouere caducum, nec si intra ipsum sit nec si extra, neque in toto neque in parte. Vbi etiam ostenditur, nullum corpus per corpus aliud penetrare ac permeare posse: nec si ex cœlestibus, nec si ex iis sit, quæ sunt infra Lunam: neque alia in aliis esse posse.*
- XVIII. *Quòd fieri non potest, ut corpus illud, quod ex æternitate, ab anima contentum esse dicunt, aliud sit ab iis, quæ aut recta feruntur, aut versantur in orbem.*
- XIX. *Quòd neque ex iis corporibus esse potest, quæ recto motu ciuntur, siquidem est sempiternum.*
- XX. *Quòd neque ex iis, quæ versantur in orbem, hoc est, ex cœlestibus, ipsum esse potest.*
- XXI. *Quòd neque misceri corpus illud potest ex iis, quæ recta mouentur, & iis quæ versantur in orbem, neque natura per circunvolutiones clauiculatim moueri: ut nonnulli dicunt. Et quòd nullum est omnino corpus, quòd natura conuolutionis motu in modum clauiculorum moueatur.*

S E P T I M I A R G V M E N T I
P R O C L I S O L U T I O.

- I.  V'M Plato animam, nec vnquam natam, nec caducã esse in Phædro pronuntiet, & essentiam eius ita finiat, ut id sit, quod ipsum à se mouetur, idque principium mouendi esse statuat, hinc iterum Philosophus conficere conatur, quòd si hæc ita se habent, Mundum nec natum, nec caducum esse oportet: aut si ortu & interitu non caret Mundus, neque Vniuersi animam ortus & interitus esse ex parte: quasi necessariò stent simul, & simul intereant anima, & corpus, quod ab ipsa motu ciatur. Quoniam enim, inquit, ipso suo esse, & non delectu, aut arbitrio ipsa se mouet anima, & mouendi est principium: & præterea sempiterna est & immortalis, oportet Vniuersum quoque semper ab ipsa moueri: aut si non semper Vniuersum ab ipsa moueretur, quia Mundus non esset sempiternus, neque ipsa esset sempiterna. Nam ipsa sua essentia mouendi est principium. Quare si non semper mouendi est principium, corpus sit, quod ab ipsa semper impellatur, necesse est. quare hinc, inquit, efficitur, ut cum per Platonem ortu anima careat, & interitu, Mundum neque ortum, neque caducum esse per eundem necesse sit. Deinde, quoniam animæ nostræ, secundum Platonem, ipsæ à se mouentur: & de iis in Phædro Plato maxime verba facit, tum quòd ipsæ à se mouentur, tum quòd id, quod ipsum se mouet, mouendi est principium: nata autem euidenter & caduca sunt, quæ ab ipsa mouentur corpora, hoc est nostra, à rebus sumptam reprehensionem Proclus volens effugere, non linum lino, iuxta parcemiam, sed fabulam fabulæ concessit. Quoniam enim secundum ipsum, animam rationis compotem & sempiternam perpetuò corpus aliquod promouere oportet: omnem animam dicit primū sempiternum corpus ingressam fuisse, & ipsum semper mouere, etiam si in caducis insit corporibus: per sempiternum autem illud etiam caduca mouere. Propositi igitur syllogismi, vel potius paralogismi, seu captionis ratio est huiusmodi.
- II. A T Q V E cuius apertum esse puto, quòd non ab ipsa re ducta est proposita argu-

ta argumentatio, neque hic aeternitatis Mundi ab iis petitur probatio, quæ communi consensu recepta sunt: sed ab iis tantum, quæ Platoni probantur: vnde, opinor, oportuit nos non admodum assentiri Platonis nulla fultis demonstratione decretis. Nam cum ambo sint amici, ut inquit Platonis discipulus, tamen veritatem pluris facere, pium est & sanctum. Quanquam si reuera Platonis de anima opinionibus consequens esset, Mundum neq; natum, neq; caducum esse, non decebat tamen longam huiusce rei orationem habere, priusquam euidentibus ac necessariis probationibus antecedentia confirmata fuissent. Nunquam enim eundem statuerim naturam ac finitionem animæ in eo esse, quod ipsum à se mouetur. Et nisi propositum mihi scopum excederem, propositis in medium iis, quæ a Proclo in Commentariis in Phædrum dicuntur, ut defendat ipsum à se moueri, naturam esse ac finitionem animæ euidenter, ut opinor, ostenderem nihil firmum aut necessarium eius rationem habere: verum hæc in præsentia missa sunt. Platonis igitur decretum recipientes, quod animæ vim ac naturam in eo esse statuit, quod ipsa à se moueatur, & id, quod à se moueatur, mouendi esse principium: videamus, an ex hisce neceffe sit, ut cum Plato animam neq; natam neq; caducam esse dicat, Mundum quoq; neq; natum, neq; caducum esse constituat. Et quoniam tota captionis coagmentatio ex eo habuit initium, quod Plato id, quod ipsum à se mouetur, mouendi principium esse dicat, hoc ipsum quale sit, considerandum nobis est: & an huic hypothefi necessariò consequens sit, Mundum æternitas. Nam si probatum fuerit nihil esse neceffe, cur priori posterius sit consequens, nihil certe verabit, quominus animam quidem ortu carere, & id, quod ipsum se mouet, mouendi principium esse proposuerit Plato, Mundum tamen præcreatum esse voluerit.

A N I M A igitur mouendi esse principium, aut idem est, quod eius vis I I I. ac natura, ut scilicet in hoc ipso anima suam naçta sit essentiam, quod motionis sit principium, aut certe in alio ipsius vis est ac natura, seu ea sit id, quod ipsum se mouet, seu quiduis aliud, in alio autem ipsa habet, ut mouendi sit principium: perinde atq; ædificatori in alio est, ut sit in natura, & in alio, ut principium sit & causa ædificationis: & præceptor in alio est, ut sit, & in alio, ut discipulum promoueat. Si igitur in anima idem est animam esse, & mouendi esse principium, & ob id, ubi primum est anima, id corpus esse protinus est neceffe, quod ab ipsa moueatur & cuius mouendi ipsa sit principium (principium enim, alicuius est principium) quandoquidem neque ipsum, quod ab anima corpus impellitur, quatenus ab anima mouetur, sine impellente anima esse possit. Quicquid enim motu ciatur, id à mouente aliquo impellitur: ut in iis probauit Aristoteles, quæ de motu composuit. Simul certè tum anima, tum quod ab anima mouetur corpus, quatenus ab ipsa motu ciatur, aut stant, aut cadunt. Non igitur fieri potest, ut sit anima sine corpore, quod ab ipsa moueatur. Nam si huius mouendi ipsa est principium, quod autem mouendi est principium, id animæ est essentia, animæ porro essentia, dum actu permanet, id ipsum est, quod est, non autem dum facultate est: actu igitur ac non potestate mouendi principium est anima: actu autem motionis ut sit principium, sine eo, quod ab ea moueatur corpore, fieri non po-

test. Anima igitur sine corpore, quod impellat, esse nullo modo potest. Quare efficitur, ut animę essentiam in habitudine ad corpus positam esse eueniat. Nam si quis citra corpus ipsam per se animam constare posse dicat, cum sit mouendi principium, perspicuum est, quod animam quidem actu constare concedet, facultate autem ipsam ponit mouendi esse principium. Quod si hoc verum est, ab alio anima suam vim & essentiam obtinebit, ab alio autem, ut mouendi sit principium. Nam si idem esset animę essentia, & motionis esse principium, si vnum actu esset, alterum quoq; actu esset necessarió. Sin autem non in hoc animę vis est & natura, ut mouendi sit principium, nihil erit necesse, cur si animam sempiternam quis esse dicat, Mundum protinus sempiternum esse constituat. Quare conficitur, ut si in hoc anima habet essentiam, quod mouendi sit principium, nunquam ipsa per se sine eo, quod ab ipsa impellatur, corpore constare possit. Quęadmodum enim annexa materię corporum vita, sine corpore esse non potest, ob id quia in eo suam habet naturam, quod vita sit corporis: & omnino rationis expers anima, quę & ipsa à se mouetur, & mouendi est principium, secundum Platonis sententiam (id quod & Proclus in suis in Phædrum Commentariis confitetur) sine corpore consistere nullo modo potest: propterea quod in eo suam vim habet, ac naturam, quod corpori vitam & motum impertitur. Hic sanè nec anima Mundi, si quidem in eo suam consequuta est essentiam, quod corporis mouendi sit principium, sine corpore stare villo modo potest, nec vllam exercere functionem, quę à corpore separari queat. Nam si substantia sine corpore nequit consistere, multò minùs functiones eius citra corpus constare possint. Hoc enim scitè ab Aristotele in lib. de anima confirmatum est. Et in hoc omnes cōsentiunt, quod sine substantia sit aliqua, quę à corpore separari possit, actionem quoq; omnino à corpore separabilem habebit (Nam alióqui separata substantia frustra erit omni functione viduata) siue actio sit à corpore separabilis omnino, & substantia, à qua functio eiusmodi emanat, poterit à corpore separari. Neq; enim actio substantia potior esse potest: potior autem sit, si quidem à corpore sit separabilis, cum ab eo substantia nequeat separari. Potiora autem est ea, quę à corporibus separabilem habent naturam, iis, quę ab iisdem separari nequeunt, apud omnes in confesso est. Si igitur causa est substantia, actio autem id, quod oritur de causa, fieri verò nequit, ut effectus causa sit potior, & eo quod in naturam producit id, quod producit, fieri profectò nequit, ut si functio à corpore separari potest, non etiam substantia ab eodem separetur. Omnino igitur est necesse, ut si animę essentia à corpore seiungi non potest, nulla quoq; animę functio ab eodem separetur. Quod apertè falsum est.

IIII. VIDENTVR enim cum adhuc in corpore sunt animę, vbi primum à corporis contagione, & ab eius affectionum consensu liberatę fuerint, à corporis commercio liberas & separabiles functiones exercere. Quam enim corporis particulam, aut quomodo mens cōtinebit, vel fingere, aut comminisci est difficile. Est igitur omnino necesse, ut animę substantia, à qua huiusmodi manat actio, ab omni corporis contagione, & societate sit libera, neque cum corpore vllam habeat relationem, ut tum Platoni, tum præstantissimis quibusque Philo-

sophorum est visum. Huic enim immortalitatem eius collegit Plotinus, cum ex eius functionibus separabilibus substantiam quoque docuit necessariò separari, & Deo esse immortalem. Quòd si ab omni corpore separabilis est animi substantia, neque ex relatione ad ipsum pendet, non sanè in eo suam habuit substantiam, vt mouendi esset principium. Hoc enim nihil est aliud, quàm animam in comparatione cum corpore vim suam & naturam habere: quemadmodum docuimus. Nam aliòqui absurdum esset, corpus ipsum, quatenus est corpus, in nulla comparatione cum anima suam essentiam obtinere (siquidem animatis corporibus inest ab alio, vt sint corpora, & ab alio, vt sint animata. Neque ad id, vt corpora sint, villo modo comparatione cum anima indigent) incorpoream autè animam & intelligentem & immortalè dicere sine corpore non posse consistere, siquidem in eo ipso habet, vt sit, quod motionis sit principium: hoc enim nihil est aliud, quàm intelligentem animæ substantiam corporibus facere deteriorem. Quòd autem ipse etiam Proclus nouerit, quòd ipsi animæ in alio sua est natura & substantia, & in alio, vt mouendi sit principium: & quòd seu contempletur, seu corpori vitam impertiatur, seu quo alio motu ipsum impellat, hæc omnia animæ sunt functiones, & non eius substantia, ex permultis aliis scriptis eius certa fide confirmare liceret. Satis autem erit, ex eius in Phædrum Commentariis vel locum vnum producere. Propositum enim Platonis de anima sermonem exponens, hæc habet ad verbum: Scire nos decet, quòd in Phædone, tum per reminiscentiam animam immortalem esse confirmauit, tum per similitudinem, quam ipsa cum diuinis habet, tum quòd ab iis vitam suppetitur. Hæc autem omnia animæ sunt functiones. Quare in Phædone ab animæ functionibus producebatur demonstratio: hinc autem ab ipsa animæ substantia probationem instituit. Quantò igitur substantia animæ actione est potior & perfectior, tantò quæ hinc immortalitatis animæ producitur demonstratio, ea potior est, & accuratior, quæ est explicata in Phædone: ab animæ enim essentia eius docetur immortalitas, hoc est, ab eo, quòd ipsa se mouet. Cum igitur alius, hoc est, corporibus vitam impertiri, ex qua omnis actio, & omnis motus animatis suppetit corporibus, animæ functionem ac non substantiam dicat esse Proclus: substantiam autem in eo esse, quod ipsa à se mouetur, non sanè idem est animæ substantia, & ipsam causam & principium esse mouendi. Quòd autem ipsa se moueat, de Platonis sententia, animæ est substantia. Quòd verò sit motionis principium, vis quædam est animæ, à qua vitam impertiendi corporibus, & eadem motu ciendi functio manat. Ex dictis itaque demonstratum est, quod fieri non potest, vt in hoc animæ sua natura sit & essentia, quòd mouendi sit principium. Quare ei, qui ortu & interitu animæ substantiam carere dicit, non est necesse, vt Mundum quoque nec vnquam natum, nec caducum esse constituat.

SIN verò animæ aliunde sua est natura, ac substantia, & aliunde, vt mouendi sit principium, actio omnino aut vis est animæ, qua motionis est principium, vt præceptor, cum promouendi discipuli sit principium, non quia homo est, huiusmodi motus est principium. Nam hoc pacto fieret, vt omnis homo, vbi pri-

mum esset homo, idem esset & præceptor. Verum hoc ei per vim aliquam competit, aut actionē, quæ in eius sit substantia. Cum hoc igitur ita se habeat, ut confirmatum sit, vim esse animæ, aut actionem, qua mouendi efficitur principium, si quisquam est, qui docere possit omnem animæ vim seu facultatem comitem statim habere actionem, aut saltem animæ functiones omnes esse sempiternas, nos confitebimur, quod quatenus anima est mouendi principium, æternas ipsa functiones exercet, hoc est, corpus aliquod motu ciet sempiterno. Verū si æternæ non sunt animæ functiones, neq; ea, quibus cognoscit, neq; ea, quibus agit, sed ex ignorantia in cognitionem mutatur, & vicissim ex cognitione in ignorantiam, atq; obliuionem, & itidem ex vitio in virtutem, & rursus ex virtute migrat in vitium, quid amplius necesse esse videbitur, cur animæ vis qua impellit corpora, sempiternas edat functiones? facultate igitur interdum mouendi erit principium, & non actu: quemadmodum & facultate interdum sciens est quis, & non actu: aliōqui cuius est perspicuum, quod actiones animæ, quibus ipsa ad se conuertitur, & quæ præterea maioris adhuc sunt intelligentiæ, quæ quæ nos ad Deum subuehant, longè, vel potius infinitò eas antecellunt, quas ipsa exercere cum corpore: & tantò fortasse, quantò anima est corpore præstantior: atq; adeò (ut melius dicam) quantò ea, quæ mente tantum concipiuntur, & mens, ne dicam Deus, ipsi naturæ corporum antecellunt. Siquidem intelligentes animæ functiones animam Deo conciliant, & quasi coniungunt, reliquæ autem corporibus. Si igitur potiores animæ functiones, hoc est, intelligentes, & quæ nos ad diuina subuehant, sempiternæ non sunt, multò sanè minus deteriores, & quæ nos ad inferiora detrudunt, æternæ sint futuræ. Nam si meliori melius adesse oportet, ac non contrà, melius deteriori, sempiternum autem caduco melius est patet quod si intelligentibus functionibus æternitas non insit, multò minus animæ functionibus, quæ corpus impellunt, cum hæ, quàm illæ, sint deteriores, inerit, ut sint sempiternæ. Nam aliōqui intelligentes animæ functiones secundum ipsius animæ functionem esse, apud omnes in confesso est: siquidem mens est, & intelligens. Quæ autem motu ciet corpora facultates, eæ & præ naturam rationi insunt, & essentialē eius perfectionem non complent. Neque enim ex eo, quod ratio ac mens impulsu agit corpora, proprietatis suæ essentialis characterem obtinet. Naturæ enim potius atq; ratione carētis facultatis, hoc est proprium, non rationis compotis, & intelligentis essentiæ. Quare si rationis compotes, & quæ animam nostram perficiunt functiones, sempiternæ non sunt, multò sanè minus, quæ cum corpore cohærent, & quasi contra naturam sunt, atque alienæ, possunt esse sempiternæ. Quare si quæ ad corpus exercentur functiones, æternæ non sunt, neque corpus sempiternum ab anima contineri potest.

VI. LICET autem & ad hunc modum in re proposita argumentari: Quæ in corpore efficiuntur motiones omnes, aut, ut omnino dicam, mutationes generæ sunt quatuor: in substantia quidem ortus & interitus: in quantitate accretio & decretio: in qualitate immutatio: in loco migratio, seu loci permutatio: atq; huius una per rectā lineam efficitur, ut elementorū (horum enim alia infernè sum,

sum, alia supernè deorsum nituntur, altera in orbem est conuersio, qualis est orbium cœlestium. Si igitur motus corporum principium, & causa, est anima, & ob id sine delectu & voluntate, sed ipsa essentia perpetuò mouet corpora, vt Proclo videtur, omnino per vnum aliquem horum motuum, aut per omnes, aut per plures anima perpetuò corpus impellat est necesse. Quare si quod mouet, perpetuò mouet, & id quod mouetur, perpetuò moueri debet, & motum oportet esse perpetuum, qui neq; principium, neque finem obtineat. Videndum est igitur, an vllus sempiternus sit motus ex iis, quos adnumerauimus. Nam si nullus sit æternus, neq; corpus, quod mouetur, perpetuò motu ciebatur: neque quæ impellit anima, perpetuò agitat. Porro quòd neque ortus, neque interitus vllus exors sit principii, aut finis, cuius est perspicuum. Nam id quod gignitur, in finem & terminum aliquem, nempe in formam ac speciem, desinit: vt domus procreatio, initium habet à iactis fundamentis, finem autem domus, formam. Sic & in iis, quæ natura gignuntur, ortus initium feminis est mutatio: finis autem naturalis est formæ perfectio, verbi causa, humanæ. Eodem modo & id quod corrumpitur, in finem aliquem, nempe in priuationem, & id quod non est, desinit: & vt paucis dicam, si procreatio via est ab eo, quod nō est, ad id quod est, interitus autem via est ab eo, quod est, ad id quod non est, fieri non potest, vt ortus & interitus principio careant & fine, cū terminos habeant id quod est, & id quod non est. At verò neq; in qualitate immutari quidpiam perpetuò potest (Est enim in rebus status ac finis) neq; vt Heraclitus censebat, in motu sunt omnia. Nam & immutatio, cū motus sit, à duabus formis continetur, ac circumscribitur, tum ea, ex qua, tum ea, ad quam fit progressio: vt dealbatio via est à nigro ad candidum, ad quod cū peruenit, id quod immutabatur, & dealbatum est, in eo deinceps conuiescit. Iam verò sensus actu cū immutatio quædam sit sensuum, quòd tum oriri, tum interire natus sit, palàm est: neq; enim videmus, neq; audimus, neq; vllò alio sensu sentimus continenter: quandoquidem somnus nihil est aliud, quàm quies sensuum. Eadem in accretione & decretione dicimus. Neque enim in immensum augescunt corpora: sed tum quiescunt, cum ad naturæ modum peruenerunt. Quare etiam diminutio, quæ accretioni aduersatur, terminum habet & finem. Superest igitur, vt in loci mutationibus rem expendamus, an in iis vlla sit perpetua. Quòd igitur, quæ rectis mouentur lineis, & initium habent & finem mouendi, & vtraq; ex parte, hoc est, tum ante principium, tum post finem à quiete continentur, abunde Aristoteli probatum est. Nam si motus est in magnitudine, magnitudo autem infinita non est, neque motus certè, qui ad rectam lineam cictur, infinitus esse potest. Sed neq; regredi perpetuò sine interiecta quiete possunt, quæ rectis lineis mouentur: vt si quod supernè deorsum depellitur, regrediatur, & iterum infernè sursum nitatur, inter contrarios motus omnino erit interiecta quies. Nam & hoc Aristoteles necessaria ratione probauit. Porro de conuersione in orbem, qua cœlestia versantur corpora, quòd nec ipsa sempiterna sit, plenius tum adiutore Deo demonstrabitur, cū Aristoteli in Mundi æternitate contradicemus: nam ad hoc nobis pluribus verbis erit opus. Quòd si in primo argumento abunde nobis ostensum est,

quòd fieri nō potest, vt ortus Mundi sit sempiternus (vt & accuratiùs priuatiu docebitur, vbi omnium dubitationum molestias sustulerimus) perspicuum est, quòd neque motus in orbem, quæ conuersio dicitur, sempiternus esse potest. Quare cū nullus corporis motus sit sempiternus, nec corpus sit, quod perpetuò moueatur, neque anima perpetuum corpus impellat, fieri certè potest, vt Mundi anima, de sententia Platonis, sit sempiterna, Mundus tamen non sit sempiternus.

VII. NEQVE verò de ea, quæ in orbem sit conuersione, sermo nos admodum vrget in præsentia. Nam Plato in Phædro de animis nostris faciens, & horum immortalitatem volens docere, animæ naturam id esse definiuit, quod ipsum à se mouetur: quod autem ipsum se mouet, motus corporum esse principium. Caterum, cuius est perspicuum, quòd nullum in nobis corpus adparet, quod versetur in orbem. Omnis enim animans totum ex toto locum commutat. Nullum autem corpus quod versetur in orbem, ex toto in totum locum alium commigrat, sed omnia circa sua centra, quæ immota manent, conuersantur. Nullum igitur animal corpus habet vllum, quod circulari conuersione impellatur. Quare, cū Plato id quod seipsum mouet, mouendi principium esse dixit, non conuersionis principium esse voluit. Nam omnis animæ naturam, ac finitionem in eo esse voluit, quod à se mouetur. Non omnis autem anima corpus impellit, quod vertatur in orbem. Nihil enim eorum, quæ infra Lunam continentur, hac conuersione ciatur. Non igitur conuersionis principium id Plato esse dixit, quod ipsum à se mouetur. Et aliòqui Proclus sine delectu & arbitrio, sed ipsa sua essentia animam mouendi principium & causam esse dicit. Motus autem in loco non ipsa sola essentia, & sine electione adpareret animæ corpora mouere, sed ex appetitu & arbitrio. Nam si ipsa essentia sua anima in loco corpora ciceret, continuata certè, & perennis esset motio: neq; vnquam animantium corpora in eo.lem loco consisterent. Siquidem perpetuò promouendi vim habet anima, & naturæ delectionis experte facultate moueret. Nunc autem omni qui ad rectam lineam instituitur motus, & à quiete incipit, & in quietem definit. Non igitur sine libertate, & ipso suo esse anima ad rectam lineam motu ciet corpora. Quòd si rectus motus, qui in loco fit, ex appetitu animæ, & arbitrio manat, & non ab ipsa substantia sine voluntate, consequens sit vt si vlla conuersio ab anima fiat, eadem animæ voluntate & arbitrio perficiatur. Quoniam & conuersio ex iis est motibus, qui in loco fiunt. Quis autem à ratione abhorret non videt, vt singularum animarum vnaquæque voluntate, & arbitrio subiectū sibi corpus in loco moueat: sola autem vniuersi anima naturæ ratione carentes in modum sine electione principium sit & causa motus Mundi? Quòd si ex arbitrio animæ perficitur motus in loco, Proclus autem non ex arbitrio & voluntate, sed ipsa substantia à se moueri, & motionis principium animam esse dicit, non sanè eius motus, qui fit in loco, Plato animam principium esse voluit. Quare circularis conuersio motus est in loco, & ex iis certè, quæ ab ipso Proclo dicuntur, confirmatum nobis est, quòd non conuersionis principium Plato id esse voluit, quod ipsum à se mouetur, & reliquis autem motibus nullum esse perpetuum

apud omnes in confesso est. Non igitur perpetui motus principium id esse dixit Plato, quod ipsum se mouet. Quare nec si Vniuersi animæ conueniat animarū nostrarum definitio, statim ob id erit necesse, vt si à Platone anima nunquam nata & incorrupta manere dicatur, Mundus etiam, qui ab ipsa motu cietur, ortu careat & interitu.

AT VERO etiam si omnis motus, & eius etiam, qui fit in loco, principium id esse posuerimus, quod à se mouetur, ne sic quidē vlla adparebit necessitas, cur vnā cum anima id etiam sit corpus, quod ab ipsa mouetur. Animam enim, quæ motionis est principium, non natam esse dicit Plato. Nam principium ortu carere, non rectē mihi sanē dicere videtur: quandoquidem ratione carentes animæ, motionis carentium ratione corporum sunt principium (nam & ipsæ, iuxta Platonem, à se mouentur: & ob id vnaquæque mouendi est principium) non tamen ortus sunt expertes, & eius motus, qui in lapide fit deorsum secundum naturam, principium est & causa ea, quæ in ipso lapide insidet natura: & ea, quæ in igne est insita, eius motus est causa, qui sursum efficitur. Neque verò vllus affirmare auit, quod quæ in singulis corporibus natura inest, ea ortus sit experts: tamen, etiam si secundum Platonem concessum sit animam ortu carere, & mouendi esse principium, nullo modo adparet esse necesse, cur vnā cū anima ea sint, quorum ipsa est principium: quoniam non in eo suam substantiam habet anima, vt mouendi corporis sit principium, vt probatum est. Nam & ædificator eius motus, qui in ædificanda domo insumitur, causa est & principium: & præceptor iudem eius motus, quo promouetur discipulus in discendo: non tamen vbi primum est, aut ædificator, aut præceptor, statim est quod ædificetur, aut qui doceatur: quia non in eo naturam suam & substantiam obtinuerunt præceptor & ædificator, quod mouendi sint principium. Iam verò & Deus princeps est, & primaria causa atque principium omnium, tum quæ sunt, tum quæ futura sunt: non tamen vnā cum Deo omnia in natura constituerunt. Siquidem in Vniuerso sunt, tum quæ ortus, tum quæ interitus sunt capacia. Atque aded, quod maius est, omnino est necesse, vt ipsius motionis, eorum quæ nascuntur & intereunt, sit principium & causa. Nam ab anima animantium perficitur motus. Quapropter si eius quod nascitur & interit, corporis mouendi principium est anima, anima autem, ex Platonis sententia, nata non est, corpus autem hoc ortu non caret, efficitur certē, vt non necessariò, vbi primum est principium & causa mouendi corporis, corpus id sit, quod moueatur. Nam etsi concessum fuerit, non sine medio aliquo corpore caducum corpus ab anima moueri, sed per medium sempiternum, vt ait Proclus, omnino est necesse, vt ipsi ponant, aut animam ipsam caduci corporis mouendi esse principium, aut sempiternum illud corpus, aut vt vtrunq. Verum quodcunq; ex hisce esse posuerint, necessariò confitebuntur, principium & causam caduci corporis mouendi secundum ipsos esse sempiternum: ipsum autem quod mouetur corpus, ortum esse & caducū. Nullo igitur modo est necesse, vt si cuiusq; principium ortum non sit, ipsum quoque, cuius est principium, ortu careat.

V E R V M si quia viua reddit corpora, ob id animam mouendi princi- I X.

pium à Platone dici contenderint, vnde sine libertate & delectu hoc ipso solo quòd præsens sit, corpori vitam impertiatur, & ob id omnino oportere velint esse, quòd perpetuò ab ipsa vitam accipiat: primùm quidem inquisitione digni puto, quæ nam ea tandem vita sit, quam anima tribuit corporibus. Deinde, an fieri possit, vt vita eiusmodi sempiterna sit. Modis certè omnibus est necesse, v quo viuētia corpora ab his differunt, quæ vita destituta sunt, id vita sit ea, quam anima impertit corporibus. Porro, quæ viuunt corpora, ab iis differunt, quæ non viuunt, quòd sentiant, alantur, augeantur, similia sibi procreent, cieantur appetitu, & voluntario animæ motu progrediantur. Quare omnis corporum vita his continetur. Horum autem vnunquodq; aut facultate in viuis cernitur corporibus, aut actu: Facultate autem ea dico, quæ penes habitum spectatur. Quæ autem nulla harum animæ functionum sempiterna sit, nempe nec sensus, nec progressio, nec accretio, nec imminutio, nec aliud quicquam eorum, quæ adnumerauimus, ex ipsa euidētia paulò antè nobis demonstratum est. Quapropter non ipsa substantia sua eius vitæ, quæ actu corporibus inest, anima principium est, & causa. Quòd si eius vitæ, quæ per habitum inest, principium & causam æternitate animam esse dicit, & hanc vbi primùm inest, vitam tribuere corporibus, primùm quidem nullus habitus, nullaque omnino vis est motio. Nam actu sensus, & accretio motus est, palam est, quòd horum vtrunq; in habitu omnino in facultate quies erit, sensus & accretionis. Non enim ex motu in motum mutatio fit in iis, quæ ad rectam mouentur lineam, sed ex quiete ad motum, quemadmodum ex motu in quietem. Et in reliquis eadem est ratio. Non igitur vita, quæ facultate inest corporibus, motus, sed quies potius est dicenda. Quare cùm motus principium id esse dicit Plato, quòd ipsum se mouet, non corporum vitam, quæ viribus & facultate inest, motum esse dicit. Non igitur necesse habebit Plato, quia id quòd per se mouetur, motus esse principium, & id ipsum ortus & interitus expers esse dicat. Mundum etiam non natum esse credere, & incorruptum permanere: siquidem neque corporum vita, quæ iisdem per habitum inest, motus est: neque qui actu vitales ipsorum functiones edunt, motus sunt sempiterni. Vnde efficitur, vt quatenus interdum corpus mouetur anima potest, motionis principium eam esse dicat, & non quatenus perpetuò mouet. Nam aliter Platonis hypothesis naturæ rerum consentiens esse non potest, vt euidēti probatione docuimus. Quare si Platonem decet ea concludere quæ non perperam cohæreant, semper facultate motus principium id esse dicat, quòd per se mouetur actu autem non semper.

- X. S I N quisquam sit, qui eam corporum vitam, quæ per habitum inest, motum aut esse, aut dici concesserit, vt Proclo videtur, licet orationē alitiùs à capite arcessentes, omnino dicere animam cōpotem rationis nullo prorsus modo eiusmodi corporū vitæ, neq; eius quæ habitu, neq; eius, quæ actu inest, corporibus esse causam videri. Nam si aut sensus aut motus, aut vlla deniq; alia ex iis viribus aut functionibus vitæ inferuentibus quæ in corporibus conspiciuntur, & quarum ratione corpora viuere dicuntur, ipsis corporibus ab ipsa rationis particeps anima sufficeretur, nihil viueret, quòd non rationis compotis substantiæ esset particeps.

Nunc verò rationis expertes animantes, cum anima careant rationis particeps, omnium vitæ functionum, quas diximus, adparet esse particeps: atque adeo per multæ viuidiùs sentiunt & accuratiùs, ac reliquis fruuntur animæ facultatibus. Perspicuū est igitur, quod non à rationis participis animæ substantia vita huiusmodi impartitur corporibus. Id autem vnum ab anima vrente ratione iis accedit, quæ ipsam participant, quod ipsa ratione carentis vitæ modum temperat, & eidem moderatur. Atque hæc rationis est vita, facultatum animæ ratione carentis in perturbationibus positarum motus, pro rationis præscripto ad modum & temperiem reuocatus. Et quemadmodum in bigis, quas Plato animæ nostræ imaginem referre voluit, cur omnino corpus moueatur, ad equos causa est referenda: verum cur ex arte, & decore motus progrediatur, præfecto aurigæ causam tribuimus. Sic planè & in nobis cur omnino nostra viuant corpora, in rationis experte anima causa collocanda est. Cur autem ordine & modo decenti vires perturbationum incendiant, causa est ratio. Quod si in singulis animantibus non sine interiecto medio rationis particeps anima coniuncta est corpori, sed quasi vinculo ratione carentis animæ est opus, cuius ope corpus effectum viuum ad rationis participem animum excipiendum idoneum efficitur, prorsus certè est necesse, ut si cœlesti corpori vlla rationis compos præfecta est anima, multò magis nec ipsa eidem sine medio adiuncta sit, sed rationis experte facultate vtatur, cuius adminiculo à rationis particeps anima cœlo accedat illustratio. Neque enim possunt corpora, quæ ipsa per se vitæ & sensus sunt experta, nullo interiecto medio, ab anima rationis particeps collustrari. Perinde atque neque oculus noster sine translucido interiecto corpore Solis radios excipere potest. Atque ea nunc dicimus, quæ ipsi Sapientes Græci sentiunt. Cum igitur rationis expertis anima, vitæ causa sit corporibus, palam, quod etiamsi id quod à se mouetur, hoc est rationis particeps anima, mouendi esset principium, non omnis tamen motus est principium, sed eius tantum, qui ordine fit, & rationis modo. Nam in corporibus anima carentibus, motus, qui ipsis inest, principium est natura. Natura enim, ut Aristoteli placet, motus est, & quietis principium. Quæ enim in igne natura inest, ea principium est & causa, cur ignis sursum euehatur: & quæ aquæ inest, iidem cur aqua deorsum fluat. Atque cuius est perspicuum, quod non à rationis particeps anima, ea mouentur, quæ animata non sunt: si quidem nec ab ea impelluntur animantes illæ, quæ ratione non vtuntur. Quemadmodum igitur principium & causa, cur currus arte & temperamento certo feratur, est in auriga: & cur nauis, iidem in nauclero. Cur autem omnino & absolute horum utrunque quomodocunque agitur, neuter est causa: neque cum primum est auriga, aut gubernator, protinus nauim & currum esse oportet. Potest enim per habitum esse tum auriga, tum gubernator: cum tamen neque nauis sit, neque currus. Ad hunc planè modum cum anima rationis compos, motionis sit principium, non cuiusuis, sed eius, quæ rationi sit consentiens, nullo modo erit necesse, ut vnà cum particeps rationis anima, protinus sit corpus illud, quod ab ea impellatur.

C O N T R A R I O enim modo adfectum est necessarium. Nam si XI.

anima tollatur, ea etiam animata corpora, quæ ab eadem impelluntur, simul tollantur oportet. Quoniam si animata sunt corpora, animam quoque esse est necesse. Non tamen si est anima, omnino consequens est, ut sit animatum. Nam cum animum immortalem esse persuasum sit, animata tum nasci, tum interire cernuntur. Sic enim & Plato in Phædro, non vnâ cum anima necessariò cælum esse pronuntiavit. Sed si ipsa tollatur, protinus ordinis rationem, quam Mundo anima suggerit, in confusionem deduci. Ad verbum autem in eo, quem citauimus in Dialogo, hæc habet: Ita sit, ut motus principium ex eo sit, quod ipsum à se mouetur. Id autem nec nasci potest, nec mori, vel cõcìdat omne cælum, omnisque natura consistat necesse est: nec vim vllam nanciscatur, qua primo impulsu moueatur. Ad id enim animum aduertere decet, quod cum nec nasci nec mori posse dixit, quod ipsum à se mouetur, non ea, quæ ortum eius sequuntur, quod se mouetur, sed ea intulit, quæ eius interitui sunt consequentia. Eueniet enim, inquit, ut cõcìdat omne cælum, omnisque natura consistat, nec vim vllam nanciscatur: qua primo impulsu moueatur. Hoc enim non eius ortum consequetur, quod ipsum se mouet. Nam si quod à se mouetur, nascatur, rursus iis mouendi principium tribuit, quæ mouentur, ut cuius primo impulsu moueantur. Verùm si id quod ipsum se mouet, moriatur, mortuo principio nihil quicquam habebunt, cuius vi consistent ea, quæ ab ipso in naturam producantur. Atque hoc non solum ex Platónico pronuntiato, verùm etiam ex rationis consecutione, atque adeò ex ipsa rerum natura palam est & perspicuum. Nam cum, ut dictum est, persuasum sit, animum esse immortalem, nostra corpora immortalia esse non est necesse. Quare non necessariò vnâ cum animo id corpus erit, quod à se mouetur. Quare si necessariò, quando est animatum corpus, consequens est, ut sit anima, ex Logice artis legibus, per conuersionem cum oppositione: non anima est, necessariò est & corpus, sed si anima non est, corpus animatum esse non est necesse. Nullo igitur modo est necesse, ut qui animum non natum esse dicit, Mundum quoque propterea non natum esse dicat.

XII. C A E T E R V M, quoniam Proclus, quasi hinc rationi suæ vim necessariam adsciscere velit, animam dicit ipsa sua substantia sine libertate causam esse & principium vitæ & motus corporum, agedum, & nos hoc expendamus, nõsque hoc concedamus, quanuis id Plato non concederet, animas rationis participes ipsa essentia, sine arbitrio causam & principium esse vitæ & motus corporum: ipsa autem essentia dico, non quòd animæ in eo vim, & substantiam suam obtineant, quòd mouendi sint principia. Hæc enim iam reprehensa est hypothesis. Nunc autem nobis est positum animam in alio suam habere substantiam, in alio, ut motus sit principium. Sed quemadmodum sol sine electione statim ubi comparuit, suo lumine collustrat, & ignis cum primum præsens est, calfacit: siquidem ea sint præstò, quæ calseri, & lumine collustrari possint. Neque enim hoc essentiam nactus est ignis, quòd calefaciat, neque sol, quòd illuminet. Verum cum præstò sunt quæ excipiant, sine arbitrio & delectione, & calefacit ignis, sol illustrat. Ad hunc igitur modum positum sit, quòd quibus anima rationis particeps accesserit, iisdem substantia sua, nulla sua voluntate vitam inuehitur.

motum. Cùm autem hoc ita se habeat, cur tandem est necesse, vt si ortu caret anima, ortu careat & corpus illud, quod ab ipsa mouetur? Nam lumen simul ac præsens est, vim habet eius mouendi, quod facultate est perlucidum. Et non omnino si lumen est, id omne illuminatur, quod est facultate translucidum, sed id tantùm, vt adparet, quod in natura est. Neq; verò id omne, sed id modò, quod ad illuminans relatione certa adfectum est. Nam quando sol est supra terrā, totus terræ subiectus aër, & aqua itidem terræ obiectu obscurata, quia ad id, quod vim habet illuminandi, non bene adfecta sunt, à lumine nullo modo immutantur: neque quod in ipsis est facultate translucidum, in actum deducitur. Atque adeò colores omnes, sua substantia, sine arbitrio conspectus mouendi viribus sunt præditi, & soni aurium sensus: & reliqua deniq; quæ sub sensum cadunt, singula sensus alicuius mouendi vim habent: non tamen vbi primùm est color, protinus conspectum ab ipso moueri est necesse. Neque statim vbi est sonus, aurium sensum aliquem ab ipso sono cieri oportet. Atque in reliquis idem est iudicandum. Nam qui in profundo, aut subter terram delitescunt colores, quique in tenebris iacent, natura quidem conspectus mouendi viribus valent. Atq; ipsa sua substantia non voluntate, sensus mouent oculorum: nullus tamen ab ipsis conspectus mouetur. Nam non in eo colores habent, vt sint, quòd conspectus mouendi facultate sint præditi: verùm constant quidem, & in eo sunt, quia sunt colores. Vnde etsi nunquam visi fuerint, nihilominus sunt colores. Accidit autem ipsis, vt sua vi conspectum tum moueant, cùm ipsis occurrat, & erga eos ita est adfectus, vt erga id, quod agit, adfici solet. Quemadmodum igitur id, quod agit, priusquam præstò sit, quod patiat, facultate agens est (facultate dico, quæ per habitum insit) sic colores, si visus non adsit, facultate eadem conspectum mouere possunt. Iudè & soni cùm sine electione aurium sensum mouere possint, si in deserto fuerint excitati, vbi præstò nihil sit quod facultatis sentiendi sit particeps, potestate tantùm auditum mouere dicuntur. Sic quod appetitum mouet, ipso suo esse appetitus mouendi vim habet: vt verbi gratia, formæ decor, amatoris mouendi facultate præditus est, non tamen vbi primùm est, quod moueat appetitum, necessariò ab eo mouetur cupiditas: sed tum demum, cùm in ipsam incubuerit, & adfectionem erga ipsum receperit. Quare cùm non omnino vnà cum eo omni, quod alicuius mouendi facultate est præditum, etiamsi sine electione, & ipso esse moueat, id necessariò sit, quod ab ipso natum est moueri, perperam sanè Proclus id arripit, quod nec natum, nec caducum id sit, quod ipsum à se mouetur, quòdque corporum motus id sit principium, & quòd deniq; ipsa substantia, ac non voluntate vim habeat corpora mouendi, his consequens esse dixit, Mundum non esse natum, & incorruptum manere: quasi verò vnà cum mouente causa sit necessariò, quod ab ea natum est moueri. Quod verum non esse, ex ipsis rebus demonstrauimus.

I A M ipsemet Plato in Phædro ei soli, quod à se mouetur, consequens esse XIII. dixit, vt nec natum sit, nec possit interire: quod autem aliunde mouetur, id & viuendi, & mouendi finem habere pronuntiauit. Verba autem eius sic habent: Anima omnis immortalis est. Nam quod semper mouetur, æternum est. Quod "

“ autem motum adfert alicui, quôdque ipsum agitur aliunde, quando finem habet
 “ motus, viuendi finem habeat necesse est. Solum igitur quod sese mouet, quia
 “ nunquam deseritur a se, nunquam ne moueri quidem desinet. Quinetiam cetera
 “ ris quæ mouentur, hic fons, hoc principium est mouendi. Cum igitur id solum,
 quod sese mouet, quia ipsum a se nunquam deseri possit, moueri nunquam desi-
 nat, & propterea sit sempiternum: contra autem, omne quod agitur aliunde, &
 motus & vitæ finem habeat, & nullum corpus a se ipsum moueatur, vt & An-
 storeles probauit, & Plato antè pronuntiauit: verum corpus omne ab alio mo-
 ueatur, cœlum autem & Mundus sit corpus, quod non ipsum a se impellitur, sed
 ab anima, quæ ipsa se mouet, agitur, & quod, dum ab ea mouetur, moueat ce-
 tera, efficitur, vt secundum Platonem, Mundus & mouendi & viuendi finem ha-
 beat. Atque hæc cum iis sunt consentientia, quæ scripta sunt in Timæo: Quoniam
 “ orti estis, & immortales vos quidem omnino esse & indissolubiles non potestis.
 Quod autem vitæ finem habet, eiusmodi esse non potest, vt non oriatur. Nil
 enim quod interire potest, nascendi necessitatem effugere possit, etsi vi quadam
 maiore, quam eius sit natura, ita contineatur, vt nunquam intereat. Neque vero
 id quod ortum non est, interire vnquam potest. Nam si quid, quod interire pos-
 sit, non nasceretur, aliquid quoque quod natum non sit, necessariò interitui subia-
 ceret, quod fieri non potest. De Platonis igitur sententiâ, cœlum ortu non careo,
 quod vi ac natura sua interitus expers non est. Atque ideo interitui non careo,
 quod cum mouendi finem habeat, viuendi quoque finem habet: vitæ autem &
 motus ideo finem habet, quia sese non mouet: sed aliunde, nempe ab anima,
 motum habet, & aliis, nempe iis quæ intra se continet, motum adfert. Vnde
 & immortale & indissolubile permaneat, rediuuam & instauratitiam immor-
 talitatem ipsi accedere dicit: quia vi ac naturâ sua immortalitatem non habet,
 vt plenius in Sexto confirmauimus.

XIII. V E R V M quoniam quod initio dicebam, ex eo quod anima sese mo-
 ueat, Proclus effici dixit, vt vnâ cum ea id corpus sit sempiternum, quod ab ea
 mouetur: ab ipsis autem rebus cum firma virgeretur reprehensione, quod om-
 nia nasci & interire adpareat, quæ ab animabus aguntur corpora, cum a
 confectis ea essent confirmanda, quæ ignota sunt: hoc est, cum ex eo, quod om-
 nia, quæ animarum vi aguntur corpora, & nasci & interire perspiciatur, con-
 cludendum esset, quod neque Mundi corpus ortu & interitu carere possit, ipse
 demonstrationis naturam deprauans, ex incertis incerta concludit. Nam vbi
 ne vlla probatione sumpsit, necesse esse, vt vbi est anima, necessariò sit & cor-
 pus, quod ab ea mouetur (id quod neque ex ipsa euidencia, neque ex ratione si-
 certa credi potest) hinc apertum esse dicit, quod omnis anima æternum cor-
 primum est ingressa, quod perpetuò mouet, quôdque si caducis in sit corporibus
 per medium illud perpetuum eadem illa caduca etiam impellit: cuius autem
 opinio, est apertum, quod si reprehensum fuerit antedicens, vnâ euersum
 & consequens. Nam si necessaria ratione probauimus, nullo modo esse necesse
 vt si est anima, sit & corpus, quod ab ipsa moueatur, palam est, quod nulla est
 ratio, quæ conuincat animas primum corpus perpetuum esse ingressas. Verum

non perperam, vt puto, fecerimus, si ipsam hanc hypothefin, per se excufferimus: an ex vlla neceffaria naturæ confequutione pendeat, vt neceffe fit fempiternum aliquod corpus animabus effe alligatum, quod vnâ cum ipfarum natura, & effentia protrahatur. Atque hoc primum ingreffas effe animas, & eius ope caduca mouere corpus corpora. Noſtrę autem inquisitionis euſmodi eſto principium: Corporum in loco duplex eſt motus: vnus, quo verſantur in orbem: alter, quo per lineam rectam feruntur. Nam miſtus, quem conuolutum, ſeu clauicularem Latini, Græci helicoidem appellant, non naturalis eſt: nullum eſt enim corpus, quod naturâ hoc conuolutionis motu agatur, vt in progreſſu, quamlibet euident, confirmabitur. Quæ igitur ad rectam lineam mouentur corpora, præterquam quod ab ipſa euidentia & naſci & interire perſpectum eſt, Græci omnes Sapientes etiam prodiderunt. Nullum enim omnino licet corpus cernere recto motu impulſum, quod naſcendi & moriendi legibus ſubiectum non ſit. Si quod eſt igitur corpus, quod nec naſcatur, nec intereat, aut prorſus erit immobile, aut certè ſi quis erit eius motus, vertetur in orbem. Hoc enim nobis interim eſto controuerſum, an quæ cir culo mouentur corpora, non nata ſint, nec caduca. Cum hæc igitur ita ſe habeant, ſi corpus eſt aliud, vt volunt, fempiternum, in quod primum anima ingreſſa ſit, & cuius ope caduca moueat corpora, ipſum certè loci permutatione impulſum, caducum corpus motu ciet: vt mulus motu impulſus plauſtrum agit. Et manus dum ipſa motu cietur, aliud quidpiam mouet: aut ſane immobile in loco ipſum permanens, vi ac facultate naturali caduca mouet corpora: quemadmodum magnes lapis in loco conquieſcens ferrum mouet, & ſuccinum paleas. Si igitur immobile manens, viribus naturæ mouet, non interdum quidem mouet, & interdum non, ſed ſemper mouebit, dum erit præſens. Et ad illud, quod ab ipſo cietur, corpus bene erit adfectum: euſmodi enim cernuntur, quæ corporibus inſunt naturę facultates efficientes. Nam magnes ſemper adiacens ſibi ferrum proliciet, dum naturalis ipſius facultas debilitata & ſuaſta non erit, ſed integra permanebit, & ſuccinum itidem paleas, & calidum, humoris trahendi viribus ſemper erit præditum, & frigidum vicina ſemper mouebuntur. Nam vt mouet mouens, ſic quod mouetur, moueri eſt neceſſe. Verum caduca corpora motu non aguntur perpetuo, ſed interdum ſunt in motu, interdum in quiete. Ex quibus perſpicuum efficitur, quod neq; illud perpetuo mouet. Quare neque facultate mouet naturali. Nam aliôqui anima per illud corpus non ampliùs moueret, ſi viribus naturalibus ipſum permanens immobile caduca moueret corpora, ſed ſua vi illud cauſa effet primaria motus caducorum corporum: peinde atque magnes lapis primaria ratione cauſa eſt cur ferrum proliciat: neq; priùs ab anima impulſus mouetur. Quod ſi non naturæ viribus mouet, ſuperest, vt ipſum, dum ab anima in loco impellitur, caducū corpus impellat, perinde atq; mulus cum ab anima impellitur, plauſtrum ducit, aut aliud quidpiam: ſinautem motu impulſum mouet, aut dum ad rectam lineam ab anima mouetur, aut dum torquetur in orbem, alia mouet. Verum, vt in orbem corpus illud verſetur, & ita caducum agat, fieri non poteſt. Nam ſi

ideo mouet, quia ipsum impellatur, pulsu certè atq; vi mouet. Quod autem vertitur in orbem, id ita mouetur, vt circa medium punctum, quod centrum appellatur, immotum permaneat. Quo fit, vt totum ex toto loco non migret. Qui si igitur potest, vt motu suo ad rectam lineam corpus caducum à loco in locum totum per se totum traducat? Quod enim motu suo aliud mouet, & ab vno loco in alium traducit, quia ipsum ex loco in locum migret, illud aliud secum trahit. Equi enim locum ipsi mutant, vt currum & aurigam vnà secum transferant. At verò & quo motus genere mouetur illud quod mouet, eodem id quod mouetur, cieri oportet. Cælum enim cum motu suo subiectum ætherem secum rapiat, eundem torquet in orbem. Nam motum eum, qui in commutatione & procreatione cernitur, viribus magis & cœlestium corporum certa habitudine, quàm absolute nuda vertigine, atq; conuersione suppeditat. Quia enim sol nonnullis propinquat, ideo ea calfacit, & ab iisdem rursus abcedens, ea refrigerat. Nunc autem de eo motu tantum nobis est sermo, qui in loco perficitur. Ventus igitur ad rectam impulsus, eadem agit & nauem, & mulus item currum. Motus enim species eadem retinetur, etsi modus sit differens. Motus autem modum dico, vt quod mulus cruribus ingreditur, currus autem rotis illabatur.

XV. N E Q V E verò, vt quispiam fortasse existimauerit, rotarum motus ab eo specie differens est, qui cruribus initur. Aduolutio enim est, rotarum est motus, non circularis conuersio. Iam aduolutio rectus motus est quodammodo: vt quis rotundum lapidem ad decliue quidpiam deuolui intelligat. Figura enim vrietatis motus causa est, non species mouendi differens. Nam si quis rotarum figuram immutet, modus vnà variabitur recti progressus. Id quod & ea magnitudo indicat, in qua fit aduolutio, quæ in rectum extensa est. Quare recta linea mouentur ea, quæ aduoluuntur: & volutio ideo rectus est motus, vt à quo sol motionis modo differens est. Quemadmodum quæ cruribus ingrediuntur, modo tantum ab iis differunt, quæ serpunt & trahuntur. Eorum autem quæ natura versantur in orbem, nihil aduoluitur. Hinc efficitur, vt, si caducum corpus recta linea mouetur, motu autem corporis quod nec nascitur, nec interit caducum, vt aiunt, impellitur, fieri non possit, vt dum in orbem sempiternum ipsum mouetur, corpus caducum ad rectam impellat. Non enim totum locum commutat id, quod versatur in orbem. Et quoniam non solum per se totum mouetur fluxum corpus, sed etiam per partes, vt cum manum solam quis mouet, aut digitum solum, aut pedem, aut caput, dicant isti Sapientes, quis tandem motionis partis modus est? Nam si dum in orbem versatur sempiternum corpus, totum caducum corpus, secum suo motu impellit, quæ partis motus erit ratio? Neque enim ex eadem causa pars mouetur, & totum. Pars autem, atq; adeò necessarium esse videtur, vt quemadmodum totius conuersio, totum impellit, sic & cum sempiterni illius pars aliqua mouetur, ea caduci partem aliquam impellat. Verum fieri non potest, vt pars vlla eorum, quæ vertuntur in orbem, per se sine toto moueatur. Vnde igitur caduci corporis partes mouebuntur? Neque enim totius motu caduci pars impelli potest. Nam si totius sempiterni motu veluti totum cietur corpus caducum, ipsum autem sibi continuatum est, omnino est necesse,

cessu, vnâ cum illius æterni motu trusum totum per se totum moueri. Quâ fiat igitur, vt caduci corporis pars impellatur, dum totum manet immotum, explicare non poterunt. Quare si vt totum toto, sic partem parte moueri oportet, & pars à parte cieri non potest (quoniam eorum quæ circumaguntur, pars aliqua conuiescente toto, in orbem moueri non potest) neq; certè totius conuersio caducum totum impellit. Quare fieri non potest, vt dum in orbem versatur illud sempiternum, recta linea corpus agat caducum.

SVPEREST igitur, vt si omnino est illud corpus recta linea, ipsum quoque moueatur. Quod si recto motu mouetur, aut natura ipsi rectus inest motus, aut non natura. Si natura igitur ipsi motus rectus inest, quoniam nullum corpus, quod motu recto impellatur, ortus expers est, & interitus, nec illud quidem ortu carebit & interitu. Sin autem non natura recto cietur motu, aut supra suam naturam ita impellitur, aut vi, & cōtra naturam. At vt supra naturam, fieri non potest. Nam quæ supra naturam aliquibus insunt, ea insunt aliis naturæ præstantioribus: vt conuersio in circulum, cum supra naturam æthereo insit corpori, natura præstantiori, nempe cœlesti, competit. Ob id enim supra naturam, quæ huiusmodi sunt, nonnullis inesse dicuntur, quia potioribus quibusdam naturis competunt à natura. Et ideo diuino instinctu concitos animos, & futurarum rerum anticipatam cognitionem excipientes, aut in aliorū quorundam arcanorum cōtemplatione versantes, supra naturam functiones obire dicimus: quia præstantioris cuiusdem naturæ, quàm pro hominum conditione sunt eiusmodi functiones. Quare si rectus motus naturæ caducis corporibus inest, supra naturam simul illi inesse corpori non potest, in quod animâ primū ingressam esse dicunt. siquidē illud hoc caduco est præstātius. æternum enim caduco nobilius esse concedunt: illud autem sempiternum esse contendunt. Quare si neque natura, neque supra naturā, modis omnibus est necesse, vt vi & contra naturam recto moueatur motu. Corporis autem nihil quod vi & contra naturam moueatur, ortus & interitus expers esse potest. Nam quæcunque ad rectam lineam impelluntur corpora, nempe particularia, vt hic ignis, hæc aqua, & quodq; reliquorum, & quæcunque præterea cietur contra naturam, vt rursus particularia (ignis siquidem vi & contra naturam deorsum depellitur, & gleba, aut aqua sursum eicitur) & vt vno verbo dicam, omnia, quæ motum contra naturam admittunt, nasci cernuntur & interire: neque quicquam est eiusmodi, quod nascendi & intereundi legibus subiectum non sit. Vnde efficitur, vt neque corpus, quod contra naturam moueatur, ortus & interitus expers esse possit. Ipsa enim via ad id quod est contra naturam, principium & causam interitus adfert corporibus. Huc adde, quod eius motus, qui contra naturam est, aliqua causa sit oportet. Quare si aliud corpus rursus inuestigabūt ortus expers, quod ipsum moueat, in illo rursus eodē modo hæsitabimus. Atq; in immensum progredietur oratio: aut necessariò confitebuntur, animâ nullius mediū corporis ope caducū corpus subisse, sed ipsum proximè mouere: nullius autē corporis ope dico, quod sempiternū corpus nullū sit mediū. Nam inter compotē rationis animā, & corpus mediam esse tum naturā, tum expertes rationis vires nos quoq; cōstitemur.

XVI

XVII,

ET aliòqui, si corpus illud ortus expers & interitus, quia, vt proficitur hypothesi, ab anima mouetur (seu ad rectam lineam, seu in orbem quis dicere velit) caduca mouet corpora: & corpus omne quod suo motu corpus aliud mouet, contactu illud impellit, efficitur, vt sempiternum illud caducum ita moueat, vt ipsum contingat. Est igitur omnino necesse, vt sempiternum aut extrinsecus, aut intrinsecus caducum contingat. Verum si ita mouet, vt extrinsecus ipsum tangat, motus causa extrinsecus comparebit. Iam nihil sentimus, quod moueat extrinsecus. Sed contrà, neruos, qui mouendi viribus sunt præditi, intra corpus delitescere in confesso est. Neque verò extrinsecus vndique corpori nostro coniunctus esset aer, siquidem vllum esset aliud corpus, quod extrinsecus caducum corpus contingens, ipsum moueret. Atque adeò si corpus aliquod nobis omni ex parte continuatum esset extrinsecus (hoc enim ita fieri accideret, ac si qui totus innataret submersus aquis) sciunctum illud esset à nobis, neque inesset imperfecto, non contingens nos extrinsecus. Fieri enim non potest, vt simul aqua nos omni ex parte contingat, & aliud præterea corpus. Nam per corpus permearet corpus. Quod fieri non posse in confesso est: & nos necessaria ratione paulò post confirmabimus. Oportet igitur, vt natantes ab anima nullo modo moueamur: & non ab illo corpore, quod nos extrinsecus contingit & mouet. Hanc igitur hypothesin, vt facilem ad refutandum, prætermittamus. Iam si intrinsecus sempiternum illud natum & caducum corpus, tangit, omnino est necesse, vt aut totum illud sempiternum per totum caducum permearet, aut per partes tantum se ipsi mutuo contingant, vel potius per extremitates partium simul coniunctorum: quomodo omnia corpora sese contingentia se mutuo tangere naturâ solent. Porro, totum per totum permeare non potest. Corpus enim per corpus permeare non posse persuadent naturæ Interpretes. Nam aliòqui fieret, vt cyathus totum caperet mare. Si enim duo pares cyathi se mutuo ita netrarent, vt ambo eodem loco caperentur, quid vetaret etiam tres, atque ad infinitos in eodem contineri? Nam cum minus maioris sit mensura, quia quid terminatum est, à quouis finito & terminato metiri possumus: efficitur totum mare in cyathum intrare possit. Vnde concludimus, quòd si hoc absurdum est, & eiusmodi, quod fieri nequeat, corpus in corpus penetrare non possit. Neque verò corpus magis in hoc intrare nequit, quàm in aliud: sed nullum omnino in aliud intrare, & illo capi & contineri potest. Siquidem neque celestia corpora sese mutuo penetrare conspiciuntur, sed tantum se mutuo contingunt. Vnde fit, vt astra se mutuo obscurent, quasi non solum corpora in se mutuo penetrare non possint, sed nec lumen superiorum corporum, per subiectas stellas permeare possit: quia perlucida non sint astrorum corpora. Nam si in sese mutuo intrare corpora possent, nunquam sese mutuo obscurarent: quia tum ipsum lumen, quod ipsis inest profundum totum occuparet. Quare si fieri nequit, vt lumen ipsa permeet, multò minus fieri potest, vt ipsorum corpora mutuo sese permeent ac penetrent. Nam cum persuasum sit dimidiū lunæ orbem perpetuo solis splendore illustrari, quod in dimidiato eius orbe incumbit lumen, non valet ita fundum eius permeare, vt alteram partem dimidiam collustraret. Cum

enim quādo (exempli gratia) quinta aut septima Luna est eius pars, ea quę ad Solem spectat, illuminata sit, vt, inquam, radii solis incumbunt, & id translucidum totum colluceat, quod partem illuminatam contingit, reliquam tamen corporis partem illustrare non potest. Quasi quod in parte eius insidet lumen, profundum ipsius penetrare non possit. Quare si quod celerrimum est, & maximē permeabile lumen, per Altrorum corpora permeare non potest, multo magis per suum esse debet, quod neque ipsorum corpora sese mutuo penetrare possunt. Nam si ipsorum corpora in sese mutuo intrare nata essent, quod in ipsis lumen inest, corpora penetrare posset: siquidem in ipsis subiectis lumen inest. Et vbi est subiectum, ibidem & illud lumen adesse necesse est. Quare si lumen in ipsa ingredi non potest, multo minus corpora poterunt. In omnibus enim prædicta valebit ratio. Alioquin enim possit in minima mole, & quod aiunt, in milii grano cœlestium corporum moles contracta contineri. Quare si fieri non potest, vt minor magnitudo, vt Solis moles, totius cœli sit capax, sanē cœlestia corpora se mutuo penetrare non possunt. Minimē igitur omnium per vllum corpus, quod sit infra Lunam, cœlestia permeare possint. Quoniam nullum corpus quod sit infra Lunam, alterius corporis est capax: idque eo minus, quā cœlestia, quāto hæc, quā illa crassiora sunt, & terrena magis. Vnde efficitur, vt neque sempiternum illud totum per caducum totum penetrare possit. Ambo igitur frustatim comminui, & se mutuo incidere oportet, cum in se mutuo continentur: vt in iis humida fieri cernimus, quæ inter se commiscuntur. Quare neutrum erit ipsum sibi continuum, nec sempiternum illud, nec caducum. Cum hoc igitur falsum sit, & dictu absurdum. Est enim ipsum sibi continuatum totum caducum corpus. Siquidem secundum Hippocratem, conspiratio vna & confluxus est vnus, omniūque ita inter se sunt adfecta, vt alia aliorum adfectiones mutuo sentiant. Non igitur in toto caduco sic inesse corpus incorruptum illud potest, vt ambo a se mutuo frustatim comminuantur, vt humida corpora, quæ inter se confunduntur & commiscuntur. Esto tamen, si cui ita libet, vt totum corpus caducum permeare totum sempiternum possit: quod tamen fieri non posse probatum est. Necesse est igitur, vt caduci corporis conformationem & figuram æternum illud suscipiat: vt quæ in vase sunt humida corpora, receptaculorum suorum figuram excipiunt. Quare eandem cum caduco conformationem instrumentorum æternum habebit. Adquid igitur tum iis, quæ ad procreandos liberos destinatae sunt, tum reliquis partibus æternum vtiatur? Atqui à propria & naturali figura hoc modo exciderit. Verum tam obtusam hypothesin hanc esse puto, vt nihil sit obtusius. Nam quod ortu caret & interitu, commutationis contra naturam capax nullo modo esse potest. Qui sempiternum igitur illud esse possit, quod à naturali figura desciscit, & in eam transit, quę est contra naturam? Quare vt accendere possit, corpus corpore capi, fieri tamen non posse probatum est, vt corpus illud, quod proponunt, sempiternum totum in toto sit caduco. Sin autem totum illud sempiternum in totum caducum ingressum non est, sed in aliqua eius parte sedem habet, primū dicant, in quānam illa? Neque enim facile quis qui id fiat, animo fingere poterit. Esto igitur vt in particula aliqua, vt verbi

gratia, in cerebro collocatum sit æternum corpus. Quomodo igitur in ipso erit? An ita ut incumbens ipsum tangat, an verò per totum permearit? Eadem enim in parte controuersa erunt, quæ in toto dubitauimus. Quis sit autem, ut reliquis partibus per se motum adferat? Nam totum cum quiescat, partes impellit, ut dictum est. Quis sit igitur, ut cum sit in cerebro, agitet digitum pedis? Aut enim totum pulsus partis impellet propter continuitatem, neque partis proprius erit motus: aut partem illam tantum mouebit, quam contingit: atque si totum non mouebitur, neque partium vlla pelletur.

XVIII,

H I S adde, omnino esse necesse corpus illud aut ex eorum esse substantia, quæ recto motu feruntur, aut eorum, quæ versantur in orbem, aut certè ex aliqua ab hisce diuersa. Iam si ex aliqua diuersa esset, alia quædam sexta corporis natura, præter quintam nobis comparuisset. Præterea, si corpora omnia, quæ rationis participes animas ex æternitate continent, eiusdem sunt inter se substantiæ, ostendant quòdnam sit ipsorum integrum & totum. Vnumquodque enim singulorum, & simplicium corporum ex aliquo toto reuulsum est: ut hæc gleba ex terra, hæc aqua ex aqua tota. Verum corporis aliam integritatem, præter nota nobis quatuor elementa, & cœleste corpus, nullam ostendere possunt. Sin autem non eiusdem substantiæ inter se sunt, plures corporum naturas in Vniuerso fabulosè inesse statuent. Quæ sunt igitur horum differentiæ? Quanquam si omne corpus naturale sensu diiudicatur, aut omni, aut aliquibus, aut certè minimùm vno tactu. Et certè cœlum, quod ortu carere volunt, cerni, ut inquit Platon, & tangi potest. Cum igitur corpus omne sensu discernatur, nullo autem sensu corpora illa comprehendamus, quo tandem naturæ ipsorum vim ac proprietatem, aut quid inter ipsa ac reliqua intersit, iudicare possunt? Nam si mens est, quæ substantiæ corporum iudicandæ vim habet, non tamen sine adminiculo sensus. Vnde in libris De demonstratione docuit Aristoteles, quòd si sensus deficiat, scientiæ deficere est necesse. Et ideo qui à natiuitate audiendi sensu est destitutus, is ea scientia est priuatus, quæ in harmoniarum ratione consistit. Eodem modo & ab ipso ortu oculorum sensu priuatus, à colorum scientia excidisse dicitur. Ex quibus efficitur, ut si nullo vnquam sensu corpora illa comprehensa sunt, quæ separata non sunt, sed, ut asserunt, in caducis corporibus conclusa, & implexa sunt, & eadem contingunt, nullo modo scientia comprehendantur. Vnde igitur ostendere quisquam possit, quòd alia quæpiam sit corporum natura præter ea, quæ nobis nota sunt, siquidem sensu nunquam illa perceperunt? Neque verò scientia, siquidem neque sensu, non enim sine sensu corporum paratur scientia. Non igitur alterius naturæ esse possunt illa corpora, quam cuius sunt hæc nota nobis quatuor, & cœleste corpus.

XIX.

Q V O D si non alius sunt naturæ, aut eiusdem planè sunt cum quatuor elementis, aut cum cœlestibus. Verum si aut ex vno sunt de quatuor, aut ex his composita, necessariò caduca sunt, & fluxa. Omne enim corpus, quod ab integris quatuor elementis reuulsum est, caducum est, & occidit omnino, seu simplex, seu concretum illud sit. Nihil enim è singulis est sempiternum. Quare & illa orta erunt necessariò, & occident. Non igitur accidere potest, ut ipsa perpetuo

tuo animos contineant. Quapropter efficitur, vt si sempiterna sunt illa corpora, naturæ elementorum esse haudquaquam possint.

SI N eiuſdem sunt substantiæ & naturæ cum cœlestibus, nec sic quidem **XX.** sempiterna erunt, sed caduca: quia à suis integris ipsa sint reuulsa. Quandoquidem integra elementa Græci autores sempiterna esse constituunt: quauis ab his reuulsæ partes ortum & interitum experiantur tempore. Quare etiam si cœlum esset sempiternum, tamen ab eo separatæ partes sempiternæ non sint. Et alioqui, si eiuſdem substantiæ cum cœlestibus illa essent corpora, in orbem & ipsa versarentur. Eiuſmodi enim omnia sunt corpora cœlestia. Quod si verum est, naturâ necessariò globosa erunt. Fieri enim non potest, vt quæ rotunda & globosa non sunt naturâ, versentur in orbem: rotunda autem si sunt, cum sunt in caducis conclusa corporibus, aut figuram naturalem omnino retinent, aut non retinent. Si non retinent, in figuram contra naturam omnino commigrât. Qui fieri igitur potest, vt amplius sint perpetua? Nullum enim eorum corporû, quæ sempiterna esse putantur, hoc est, cœlestium, quandiu constant, à natura san datam figuram abiciunt. Si verò formam ac figuram retinent (quoniam probatum est fieri non posse) vt corpus aliud corpus permeet, omnino est necesse, vt inanis quædam regio ac sedes rotunda fingatur, quæ sempiternum illud corpus excipiat. Verum nulla est in nobis sedes caduco corpore inanis, quæ locum occupet globosum. At verò neq; vllò modo vlla est in nobis solido corpore vacua sedes, vt carnibus, verbi gratia, aut ossibus, aut sanguine, quæ non aëre prorsus, aut spiritu impleta sit. Quare sit, vt rursus corpus in corpus penetrare sit necesse. Atque de circulari conuersione eadem est ratio. Nam si ex iis corporibus, quæ versantur in orbem, illa sunt, continentem omnino nec interruptam conuersionem retinebunt. Omnia enim, quæ aguntur in orbem, sunt eiuſmodi. Doceant igitur, an vlla sit in nobis circularis conuersionis. Omnis enim animantibus conueniens motus, qui sensu quidem percipiatur, ad rectam lineam perficitur, vt cordis & arteriarum. Contractio enim & diductio, quæ systole & diastole dicuntur, recti sunt motus. Et spiritus animalis, cum per neruos suos, qui ad rectam sunt perforati, inuehitur, & ipse recto fluit motu. Vnde igitur docere possint in nobis corpus esse vllum, quod versetur in orbem? Iam si cum in caduco est corpore, sempiternum illud circularis conuersionis finem facit, omnino à naturali statu deficit. Qui fieri igitur potest, vt sempiternum sit? Nam quod finem habet motus, viuendi quoq; finem habeat necesse est, vt in Phædro Platonem pronuntiare audiuimus. Quare si naturalis motus finē fecit, lucidum illud, vbi ingressum est in caducum, omnino & viuere & esse desit. Præterea, si quæcunq; in orbem versantur, & per se tota, & per partes continuata sunt & continua, & nunquam intermittente motu circumaguntur, non tale est autem corpus istud, quod ab illis fingitur, siquidem finem facit conuersionis, non sanè ex us est corporibus, quæ versantur in orbem. quare neq; sempiternum. Præterea autem, quæ dicta sunt, illud obseruare est operæpretium. Cuiq; corpori suum aliquem locum natura destinauit. Terram enim in Vniuersi medio collocauit: huc autem circumfusam aquam esse voluit: post quam, aëri proxima tributa est

sedes. Postremò, aërem excipit ignis. Atque demum supra hæc omnia corpus illud est collocatum, quod versatur in orbem, hoc est cœlum, quod circumflexu suo omnia circumdat. Idem est autem naturâ locus partibus, qui est & toti. Nam vt totius terræ, ita & glebæ sedes naturalis est Mundi centrum. Et qui totius cœli proprius est locus, idem est naturâ & partis. Atque in reliquis eodem modo sedes habet. Quare si substantiæ est eorum corporum, quæ versantur in orbem, hoc est celestium, illud, vt volunt, sempiternum corpus, quod omnem animi primùm subiisse dicit Proclus, necessariò sedes ipsi naturalis erit, quæ toti est corpori cœlesti, hoc est, Vniuersi ambitus. Cùm igitur in iis nunc versetur locus, quæ terræ vicina sunt, & ibi caduco corpori moderetur æternum illud corpus, quod ad caducum respectum & adfectionem accepit contra naturam, nunc terræ vicinis locis contra naturam degere est necesse. Vtrum igitur aliquando redibunt illa corpora ad suum totum, & naturalem sedem recipient, an non. Nam si suo toti nunquam restituentur, neq; vnquam naturalem consequentur sedem, in loco contra naturam infinito tempore erunt. At verò fieri non potest, vt quidpiam immenso sit tempore in statu, qui sit contra naturam. Potius est enim & melius, non esse, quàm in eo esse statu, qui naturæ repugnet. Situm igitur illum aliquando nanciscuntur, & eandem sedem cum cœlestibus retinebunt. Quare prius, quàm huc animus cômigraret, & cum caduco corpore adfectionem recepisset, prorsus erat sempiternum illud corpus: & vt absoluto sermone dicam, si pro sua vita animæ varium exitum fortuantur: & vt quæ prævixerunt, in loca subterranea demittuntur: sic quæ purgationem nactæ sunt, terrenis locis aufugiunt. Nonnulli itaq; eorum, qui apud illos se Theologos esse profitentur, eum circulum, quem lacteum dicunt, animarum ratione præditarum sortem, & sedem esse pronuntiauerunt. Quare si Græcis Autoribus ita esse videtur, & sempiternum quoddam corpus primùm animus intrauit, & hoc ipsum perpetuò continet, omnino est necesse, vt huc cômigrans, quando mortuus corpus subiturus est, supernè cœlitus ad terram vsq; recto motu deferatur sempiternum illud. Ipsa siquidem anima, cùm corpore vacet, & loco & motu libera. Nullum autem corpus, etiamsi immortale sit, locum sine motu commutare potest. Porro, motus qui supernè fit deorsum, rectus est. Vnde fit, vt etiam sine consuetudine crassi huius corporis per se recto motu ipsum illud moueatur. Nihil autem, quod ad rectam lineam moueatur, sempiternum est, vt supra docuimus.

XXI. HANC autem rationem nonnulli sanequàm stolidè dissoluere conantur. Aiuut enim, ipsum supernè deorsum contorto conuolutionis motu cieri. Quod quantum fieri potest, tum ab eorum, quæ versantur in orbem, tum ab elementorum substantia eximunt. Quòd si hoc ita se habet (Quoniam secundum ipsos, quæ in orbem versantur corpora, sempiterna sunt, caduca autem ea, quæ recto impelluntur motu. Conuolutionis autem motus mistus est ex recto & circulari) omnino est necesse vt, si quidem hoc illi naturâ inest corpori, vt conuolutione clauiculatim impellatur, ipsum ex sempiterno & caduco corpore compositum. Nam motum illum clauiculatim intortum ex linea recta, & circu-

lo compositum esse in confesso est. Verum si ita res se habet, cum in medio sit amborum, neque sempiternum, neque caducum erit. Quod perinde est, ac si diceremus, neque caducum esse, neque non caducum: neque sempiternum, neque non sempiternum. Et simul in eodem vera erit contradictio: Aut pars eius vna fluxa erit, & caduca, altera expers interitus. Atque hoc modo iterum totum non erit sempiternum: siquidem compositi pars vna erit corrupta, quæ totius continuatatem dissoluerit. Verum hæc meræ sunt nugæ, & cogitationis fabulosum figmentum. Nullum est enim corpus, quod naturâ clauiculatim conuolutionis motu feratur. Nam quæ infra Lunam sunt, omnia grauiora sunt, aut leuiora. Quorum quæ sunt grauiora, supernè deorsum, quæ autem sunt leuiora, infernè sursum feruntur. Cælestia autem omnia, tum per se tota, tum per partes (partes autem dico, vt Solem, vt Lunam, vt reliqua huiusmodi) in absolutissimum orbem aguntur. Quod igitur præter hæc corpus ostendere possint, quod naturâ conuolutione torqueatur? Nam etsi aut Solis aut alicuius alius planetæ cursus vertiginem clauiculatim intortam describere dicatur, cuius tamen est perspicuum, qui in his sit versatus, quod nostra cogitatio & intelligentia differentes corporum cælestium motus componens, figuram eiusmodi confingit. Nam cum geminus sit motus errantium stellarum, & omnes vnâ cum eo orbe, qui aplanes dicitur, simul circumuoluantur, qui versatur secundum Aequatorem, & quæque suo motu circumferatur secundum eum obliquum circulum, qui Signifer dicitur, ambobus motus nostra cogitatio componens, hoc est diurnam Solis cum Vniuerso conuersionem, & eiudem præterea paulatim ad Septentriones, aut ad Austrum ab Aequatore recessum obliquum, statim in phantasia conuolutionem committitur: cum tamen è cælestibus corporibus vnumquodque absolutissimum orbem suo cursu conficiat. Et quauis infra Lunam corpus sit aliquod, quod aut propter magnitudinis figuram, in qua impellitur, conuolutionis motu feratur, vt inscalis efficitur, quæ cochlides, id est, tortiles, & clauiculatæ dicuntur, aut etiam aliqui proprio momento ita moueatur, nemo tamen hunc corporum motum naturalem esse ausit dicere. Nam buccina seu murices, & purpuræ, & si quid est aliud eius generis, non momento corporis naturali clauiculato eiusmodi motu cident, sed animæ viribus propter figuram testæ, qua continentur. Quæmadmodum enim si in globo incedat formica, non propterea ipsam naturâ in orbem versari dicemus. Neque verò animalium motum ad latera, naturalem esse corporum motum intelligimus (Natura enim grauiora deorsum deducit) sed figura aut animæ impetus, eiusmodi motus est causa. Ad hunc igitur modum, si figura magnitudinis, in qua sit motus, aut animæ impetus, cur clauiculatum torto motu conuolutionis impellantur, nonnullis est causa, consequens est, vt non naturalem corporum dicamus esse eiusmodi motum. Quare nullum est corpus, quod naturâ conuolutionis motu feratur. Neque igitur fieri potest, vt cum corpus illud supernè deorsum demittitur, huiusmodi vertigine naturâ feratur. Sexcenta eiusmodi alia ad fabulosum corpus istud euertendum proferre possum: verum cum ea satis sint, quæ adhuc dicta sunt, & necessariò confirmatum sit fieri non posse, vt sempiternum corpus vllum animam sustentet & con-

tineat (siquidem illud neq; ex iis esse potest, quæ recto motu feruntur, neque ex iis, quæ versantur in orbem, neq; ex hisce compositum, nec deniq; diuersæ ab his naturæ) neque verò Plato vsquam huiusmodi corporum opinionem explicari, nullo certè modo est necesse, vt etsi Mundi anima secundum Platonem ortu careat & interitu, ob id protinus Mundus procreatus nunquam sit, & incorruptus permaneat: quoniam animos nostros nunquam natos esse, & interitus experiri esse censet: cum tamen quæ ab ipsis cientur corpora, & esse cœperint, & finem habeant.

PROCLI DIADOCHI

Argumentum octauum.

QUICQUID interit, ab aliquo extrinsecus occurrente interit, & aliquid alienum. Extra Vniuersum autem nihil est, neq; vsquam quicquam est, ab illo alienum: sed omnia complexu suo continet, vt quod totum ex totis, & perfectum ex perfectis constet. Quare neq; in alienum quicquam occidere, neque ab vilo extrinsecus occurrente potest. Vnde efficitur, vt interire nullo modo possit: & ideo neq; natus est vnquam. Quicquid enim nascitur, ex aliquo gignitur, quod prius esset alienum. Quare aliquid sit, quod ab Vniuerso sit alienum, id autem extra id sit, quod gignitur. Extra Vniuersum igitur aliquid erit, priusquam Vniuersum ipsum productum sit, quod ab eo sit alienum. Quod si hoc verum est, Vniuerso aliquid sit contrarium oportet, ex quo ipsum natum sit. Atqui contraria ex sese mutuo fiunt, & in sese vicissim commigrant. Et cum duo sint, in horum medio viæ sunt interiectæ duæ, vt in Phædone pluribus verbis est probatum: nempe, quomodo vni contrariorum alterum reddi debeat: naturam non esse in otio. Quod igitur id, quod inordinatum est, ei sit aduersum, quod est ordinatum, perspicuum est. Verum si opponuntur vt habitus & priuatio, atque à priuatione in habitum sit commigratio, multò magis sit commutatio ab habitu in priuationem. Illud enim multò minus fieri potest: quia nonnullæ sunt priuationes, quæ in habitum sunt immutabiles. Si igitur illud, quod minus fieri potest, factum est, multò magis fiet, quod factum est facilius: & mutabitur, quod in ordinem est redactum, in perturbatum: atq; hoc & naturæ & diuinæ voluntati erit consentiens. Nam qui quod minus fieri potest, fecit, multò magis faciet, quod factum est facilius. Sed si contraria sunt hæc, sanè secundum legem contrariorum, commutabitur Vniuersum in id contrarium, ex quo ortum. At verò interitus expers Vniuersum esse probatum est. Non igitur contrarium quicquam commutatur. Vnde efficitur, vt neque ortum sit. Est igitur sempiternum Vniuersum. Neque enim fieri potest, vt cum duo sint contraria, ex vno via sit in alterum, ex altero autem non sit: neque cum habitus sit à priuatione, ex priuatione via erit in habitum, ex habitu autem, in priuationem erit. Nam in nonnullis à priuatione in habitum via est nulla: contrariis autem in sese mutua est commutatio: quemadmodum in Phædone differit Socrati aut non interitus expers esse Vniuersum, aut multò magis ortu carere, si interitus caret: seu contrarium sit perturbatum ordinato, seu ordinati priuatio sit perturbatum.

Capita solutionis octavi Argumenti.

Quid ex iis ipsis, quæ Proclo videntur eum alibi, tum hoc in loco, ostenditur, ut con- I.
fissum, falsum esse, quicquid interit, ex aliquo alieno extrinsecus occurrente interire: &
quod natura interitus subiectus est Mundo, etiam si extra ipsum nihil sit.

Quod etiam si verum esse concessum fuerit, quicquid gignitur, ex aliquo gigni, quod II.
frons alienum esset, extrinsecus Mundum non solum nihil esse alienum, sed nec omnino esse
quicquam: nihil tamen vetat, Mundum esse ortum. Et quod inepta est ea hypothesis, quæ
dicit, quod si ortus est Mundus, aut est aliquid, aut erat aliud, cum alienum, tum extra ipsum.

Quod non quicquid gignitur, necessario ex contrario gignitur. Quare neque si ortus est III.
Mundus, necessario ex contrario ortus est.

Quod cessi fieri possit, ut habitus vicissim redeat in priuationem, tamen contraria IIII.
Platonis statuit Proclus, cum dicit, quod si ortus est Mundus ex inordinato, de sententia
Platonis secundum Dei voluntatem ipsum rursus remigrare in inordinatum, hoc est in
propriam priuationem ex qua ortus fuerat.

OCTAVI ARGVMENTI

PROCLI SOLVITIO.



REPREHENSIONES ex optime esse censentur, quæ I.
 ex principiis oriuntur, quæ ipsa vi sua credantur, & ab iis ipsis iam
 ante confessa sint, qui contradicunt. Et nos igitur huius argumenti
 fundamentum, ac radicem, quæ in eo est quod adsumitur, quod
 quicquid interit, ex aliquo alieno extrinsecus occurrente interit: & vnde cõfecit,
 quod Mundus non possit interire, quia nihil sit, quod aut sit extrinsecus, aut ab
 eo sit alienum, non aliunde confutabimus, quàm ex iis, quæ cum ipsa veritate
 Proclo antea confessa sunt. Proferam autem in medium ipsamet Procli verba,
 quæ in sexto capite proposui. Nam cum Plato quicquid sentitur, id nasci & in-
 terire pronuntiauerit, & ei contradixerit Aristoteles, quasi id non sit verum (cœ-
 lum enim & Mundum vniuersum, etiam si cadant sub sensus, neq; tamen nata
 esse, neq; interitura) Platonis opinioni Proclus fauere volens, cum permultis
 alis, tum iis quæ ipsi Aristoteli probantur, hanc confirmat opinionem. Aristo-
 teli autem placet nullum corpus viribus præditum esse infinitis, sed à finita fa-
 cultate quoduis corpus administrari. Vnde concludit Proclus, quod corpus o-
 mnino, quantum in ipsa naturæ ratione situm est, nascitur & interit: quia quæ fini-
 ta est facultas, ea occidit necessario. Procli autem oratio ad verbum ita habet.

Procli ex eo opere, quod inscribitur, Observationes eorum, in quibus

Platonis Timæo contradixit Aristoteles.

Hoc igitur vnum sumendum nobis est, An etiam cœleste corpus natum esse di-
 cendum sit, & eodem modo Mundum vniuersum? quomodo autem non neces-
 se sit atque ex quibuscumque causis ipse nobis subiecit, ad hunc modum dicamus.
 Nullum enim, inquit, finitum corpus viribus infinitis præditum esse potest. Atq;
 hoc in octauo Physicæ lib. confirmauit. Si igitur finitus est Mundus, id quod &
 ipse probauit, ipse viribus infinitis præditus esse non potest. Atqui quod æterni-
 tas seu æuum infinita sit facultas, in superioribus demonstraui. Mundus igitur

"tur sempiternus non est, qui viribus præditus non est infinitis. Quod si æternus
 "non est (Nam quod eiusmodi est, id cui & eternitatis est particeps. Quod autem
 "æui est particeps, id infinitæ compos est facultatis) Mundum non semper esse
 "est necesse. Nam semper esse, & ipse æui proprium esse dicit, cum ab eo, quod
 "semper sit, *αἰδώς*, hoc est æuum, Græcis appellationem inuenisse velit. Vbi ad
 "hunc modum Proclus confirmauit, quod secundum Aristotelis decreta, Mun-
 "dus in eorum numero esse non potest, quæ semper sunt. deinceps ostendit, vt
 "semper gignatur, ipsi aliunde, ac non ex sua ipsius natura conuenire. hic enim
 "ait: Neque enim quod in eo verum est quod semper est, id protinus etiam in eo
 "est verum, quod semper gignitur, nempe vt hoc ipso quod semper gignatur, vi-
 "res habeat infinitas, vt illud eandem habet ideo quia semper sit. Verum id ei con-
 "uenit quod hoc efficit, & cuius ope hoc gignitur, semper acquirens sibi vt sem-
 "per sit, propter illud quod verè semper est, cum hoc quantum in sua ipsius natu-
 "ra est positum, id non habeat vt sit semper. Vnde fit, vt eius quod gignitur, defini-
 "tio Mundo adaptari non possit. Et paulò post: Quicquid igitur nascitur, id ipsum
 "per se omnino etiam interit. Vinctum autem ab eo quod est cum in eo maneat
 "vt gignatur, id totum esse dicitur quod gignitur, & propterea quod ita est, non
 "interit, id quod sibi conciliauit ex eo quod verè est. Cum igitur ipsum per se de-
 "finitionem eorum quæ gignuntur accipiat, ipsum interire dixit, vt quod sua
 "ipsius natura sit eiusmodi. Idem in iis quæ deinceps sequuntur. Quoniam Vni-
 "uersum est finitum. Quod autem finitum est, viribus non est præditum infinitis
 "vt ipse probauit. Quod verò motu mouet infinito, id viribus mouet infinitis
 "nempe illud immobile, quod infinitæ motionis Vniuerso causam adfert. ipsum
 "viribus præditum est infinitis. Quare si ratione ab illo Vniuersum seiunxeris, non
 "mouebitur in infinitum, cum virium compos non sit infinitarum, sed mouendi
 "finem habebit. Sin iterum ipsum cum illo coniunxeris, illius ope mouebitur
 "impelletur in infinitum. Neque verò absque quicquam erit, si quæ connexa sunt
 "cogitatione separemus, vt perspiciamus quidnam vni ab altero cōueniat, & per-
 "spicientes intelligamus quidnam à sua ipsius natura habeat deterius, quid maius
 "à societate & coniunctione cum præstantiore. Et haud ita multò post: Omnia
 "enim quoniam his etiam conuenit, quæ hic visuntur in terris, vt partim inter-
 "eant propter virium infirmitatem & imbecillitatem, partim conseruentur pro-
 "pter vires, multò magis his quæ non intereunt, conueniet perpetuitas atque im-
 "mortalitas propter vires, easque infinitas. Occidit enim vis omnis finita. Quare
 "quia Mundus virium non est infinitarum particeps (est enim corpus) & vis om-
 "nis finita interire potest, quoniam accidit vt fatiscat, propter infirmitatem, non
 "intereat, & enim infirma, siquidem infinita non est, omnino est necesse vt ipsa
 "naturæ sit caducæ, & prorsus intereat, ac non semper constet. Atque hoc ipsi
 "vi inest & natura. Vt sit autem semper, à communione & participatione eius
 "quod verè est, ipsi accedit, cum adsciticia ei sufficiatur immortalitas. Hæc in-
 "quam, ita si se habent, atque ita tum Platoni, tum Proclo esse videtur, qui iam
 "verum amplius esse possit, ab aliquo alieno extrinsecus occurrente interire quic-
 "quid interit? Nam etiam si nihil sit quod occurrente Mundum labefaceret, hoc
 "ipsum

ipsum quod finitæ vires sufficere semper non possunt, satis magna ad interitum Vniuerso adferendum est causa. Nam etsi non intereat Mundus, & hoc ipsi concedatur, non tamen ideo non interibit, quia extra ipsum nihil sit, sed quia ex eo quod semper est, vires ipsi accedunt. Quare si probè visum est Proclo nihil absurdi consequuturum, si mente & cogitatione quæ connexa sunt, separentur, vt peruideamus quidnam vni ab altero accedat, & peruidentes intelligamus quidnam ex visua ac natura habeat quod deterius est, & quid ex coniunctione cum præstantiore consequatur. Animo igitur & cogitatione à Mundo separetur, quæ ipsi ab eo quod semper est accedit immortalitas, atq; adeo id quod hanc ipsi suppeditat. Non igitur hoc si factum fuerit, interibit Mundus ab imbecillitate suæ facultatis, quæ finita est: an verò non interibit, propterea quòd extrinsecus nihil sit ab ipso alienum? Nam si hoc secundum verum est, non amplius ab eo quod semper est, ipsi adsciscitur, vt sit perpetuò. Si igitur id quod semper est, cogitatione leuocatum fuerit, nihilominus incorruptus manet Mundus, quantum in Procli hypothesis situm est, quia extrinsecus nihil sit quod corrumpat. Interire autem si non potest, semper est. Et hoc pacto vis finita non interiret, si finitæ sunt Mundi vires, & nihilominus manet incorruptus, quia nihil sit extra ipsum. Sin autem verum est finitas vires interire, alterum necessariò est falsum, Mundum ideo non interire, quia extrinsecus nihil in ipsum incurrat alienum. Si quidem cum nihil sit extra Mundum, seiuncto ab ipso, eo quod semper est, ipsum occidere est necesse, propter infinitæ facultatis finitatem. Quare verum non est, quicquid interit, ab aliquo alieno extrinsecus occurrente interire. Præterea, si Mundus ideo non interiret, quia extrinsecus nihil in ipsum incurrat, cum integer ex integris & ex absolutis absolutus constet, & omnia complexu suo contineat, palam est, quod ex sua ipsius natura habet, vt expers sit interitus. Nam cum omnia in se contineat, nullam causam quæ interitum adferat, relinquet extrinsecus. Nihil igitur cum sit quod ipsum interimere possit, nullo pacto interibit. Quæ quid autem interire non potest, quia nihil sit eorum quæ corrumpere, aut interitum adferre possint, naturâ suâ interitus est expers. Quare naturâ Mundus interire non potest. Et rursus: Si naturâ virium finitarum est Mundus, quia corpus est, finitæ autem vires corrumpi possunt, naturâ certè Mundus occidere potest. Idem igitur naturâ caducus erit, quia viribus finitis est præditus, & per naturam expers interitus, quia nihil alienum sit extrinsecus, quod in ipsum incurrat, ac eundem labefactare possit. Cum igitur fieri non possit, vt simul vera sit contradictio, & verum sit Mundum viribus præditum esse finitis, naturâ certè caducus erit. Quod si caducus est, falsum erit eius esse naturæ, vt interire non possit. Natura autem interire non posset, si quicquid interit, ab aliquo extrinsecus occurrente interiret. Quare si neq; naturæ est, quæ interire non possit, neq; ab eo quicquam est alienum, quod ipsum corrumpere possit, cum in se omnia complectatur, incorruptus certè manens, non ab extrinsecus occurrentibus secus interibit. Non igitur verum est quicquid interit, ab extrinsecus irruente & incurante interire. Præterea, in nono huius operis argumêto, quod proximè sequitur, statim in principio dicit Proclus, quòd quicquid interit, à suo ipsius vitio

interit. Quod autem cuiusq; eorum quæ intereunt, vitium esse possit: an cuiusq; ad id quod est contra naturam conuersio, seu digressio, propter infirmitatem ingenitæ naturæ facultatisque finita est? Nihil enim eorum quæ sunt, ipsum se interimendi vim habet naturalem. Subiectorum enim conseruantes sunt facultates naturales: omnia enim expetunt esse. Porro, cum subiectum conseruatur, ea quoque conseruatur vis, quæ ipsi inest. Cum igitur à suo vitio, quod perinde valet, ac si dicatur, à naturali imbecillitate occidat quicquid interit, euenit certe, vt Mundus, vel nullo extrinsecus occurrente, quod alienum sit, intereat à sua ipsius vitiositate labefactatus, hoc est, à naturali infirmitate. Nullus enim est virium, id quod extra quidpiam est ab eodem alienum. Nam quæ extrinsecus irruunt & corrumpunt, ideo causam adferunt interitus, quia contra naturam adfectionem quandam inuehunt, seu eius, quod continet immoderatio interitus, sit causa, seu ea, quæ ore proferuntur, seu aliud quiduis. Cum igitur etiam si nihil accedat eorum, quæ extrinsecus incurrunt, ipsa subiecti conseruans & naturalis facultas in perpetuum sufficere ideo non possit, quia finita est, tandem in interitum subiectum prolabi finit, & vnà cum illo simul interit: perinde atque gubernator, cum non potest stare, naui pessum in profundum eunte, defatigatus elauum tenere amplius non potest, non tempestate victus, sed viribus ipsum deficientibus, quia tempore defessus est. Cum hoc igitur reprehensum sit, & Plato non naturâ Mundum interitus expertem esse pronuntiauerit, sed propter opificis voluntatem naturâ autem ipsum & oriri & interire statuerit, non iam ex Platonis sententia confici possit Mundum expertem ortus. Non enim si quid ascititiam habet immortalitatem, protinus est consequens, vt natum non sit. Sed si quando vnquam est consequens, tum erit, si quid natura sua expers sit interitus, vt in Sexto cõfirmauimus. Quare si naturæ ratione caducus est Mundus, natum esse necesse est.

- II. VERVM, quicquid ortum est, inquit, ex aliquo gignitur, quod prius esse alienum. Quare ab Vniuerso aliquid sit alienum. Hoc autem extra id est, quod natum est. Vnde conficitur, vt extra Vniuersum aliquid sit ab eodem alienum priusquam ipsum natum sit. Atqui si verum id esse concesserimus, quod quicquid gignitur, ex aliquo oritur, quod prius esset alienum: & quod extra Vniuersum priusquam nascatur, quidpiam sit ab eo alienum, ex quo ipsum nascatur: hoc Platonis opinioni repugnat, quæ habet, extra Mundum nihil esse, vt tantquam repugnans reiiciens non oriri Mundum ex opinione Platonis recipiamus. Nam extra iam coagmentatum, & compositum Mundum nihil esse, neque ab eo alienum tradit Plato. Hoc autem, quod confessi sumus, priusquam natum esset Mundus, alienum quid ab ipso fuisse, seu id forma & specie prædicitum esset, seu rude esset, & informe, & tantum Mundi nascentis materia, non amplius, aut ab eo est alienum, aut extra ipsum. Nam si forma prædicitum esset, abiiciens priorem formam, proprium autem subiectum ac materiam nascenti Mundo suppeditans, neque subiecti ratione in posterum à coagmentato Mundo est alienum. A nullo enim propria cuiusque materia aliena est, à qua quidque habet vt sit: neque prioris formæ ratione, quæ iam euauit, & in id, quod nullum est,

est, est dispersa. Vt verbi gratia, esto equus æneus, qui trāsfiguratus hominis fiat statua. Equi sanè species aliena est ab ea statua, quæ iam cogitatione futura est. Verùm vbi conflatus equus in statuā versus fuerit, in id quod nullum est, equina facies cōte specie, iam ab orta statua alienum id esse non potest, quod nullum est. At verò neque res equi materia, vbi statuæ subiectum factum est, ab eo est alienum, sed potius elementum. Ad hunc igitur modum, etsi quid prius erat prædicitum forma & specie, ex quo commutato Mundo sit ortus, species quæ iam interierit, & nulla sit amplius, à iam constante Mundo aliena esse non possit. Nam quod iam nullum est, quomodo aut extra quidpiam esse dicatur, aut ab eodem alienum? Quod enim extra quidpiam est, aut ab eodem alienum, extra id sit oportet quod constet in natura, ipsum quoque constans. Sinautem informe sit, & materia, id ex quo natus est Mundus, minimè omnium à Mundo alienū esse diceretur, cū eius pars sit & elementum. Porro, cū Plato dicit, extra Mundū nihil esse, neque ab eodem alienum quidquam, nullum corpus extra ipsum relictum intelligit. Iam verò quis statim non videat, stolidum ac stupidum esse dicere, quòd si ex alieno quopiam natus fuerit Mundus, necessariò aliquid erit extra Vniuersum, priusquam nascatur ab eodē alienum? Nam cū Mundus nondum sit in natura, qui fieri potest, vt extra ipsum quidquā esse dicatur, aut quicquam ab eodem alienum? Nam quod alienum est, ab aliquo quod sit alienum, est. Neque rursus vbi procreatus est Mundus, eam formam, quæ iam euauit, ab eo, qui iam est Mundus, alienam dicere est æquum: nisi fortè ab eo quod est alienum, quāquam id esse dicat, quod nullum est vt oppositum, & priuationem eius, quod est. Aliena siquidem à specie est priuatio, & extra eandem. Verùm, non sic Plato nihil esse extra Vniuersum intellexit: cū aliòqui nulla sit corporum natura extra connexam cæli faciem extimam. Audi igitur ipsius Platonis verba, quæ ab eo super hac re prolata sunt in Timæo. ea sic habent: Itaque & ob eam „ causam, & ab iis rebus numero quatuor, Mundi est corpus effectum, qui ea cō- „ structus est comparatione, qua dixi. Ex quo ipse se concordī quadam amicitia, „ & claritate complectitur. Atq; ita aprè cohæret, vt dissolui nullo modo queat, „ nisi ab eodem, à quo est colligatus. Earum autē quatuor rerum, quas suprà dixi, „ sic in omni Mundo partes omnes collocatæ sunt, vt nulla pars huiusce generis „ excederet extrā: atq; vt in hoc Vniuerso inessent genera illa vniuersa, & eorun- „ dem facultates omnes. Apertè igitur extra Vniuersum nihil quicquam esse Pla- „ to intelligit, nullum esse corpus, aut corporis facultatem extra cælum. Id autem, „ quod nullum est, tum extra Vniuersum esse dicere, tum alienum ab eo quod est, „ & verum est, & necessarium, & Platonis decretis non repugnans. Nam quod di- „ cit extra Vniuersum nihil esse, neque partem elementū, neque facultatem, is non „ tollit, quin à specie aliena sit priuatio, & extra id, quod à natura præditum est „ forma, non quidem ratione loci. Dixi autem ratione loci, quoniam id quod non „ est, neq; intra id quod est, quantum ad locum attinet, neq; extra esse dici potest. „ Iam priuatio nihil est. At verò neq; Mundi est priuatio, elementorum partes aut „ facultates. Nullius enim pars, aut naturalis facultas, ipsius est priuatio.

A T verò nec si, quemadmodum confessi sumus, quicquam esset ante Mun- III.

di ortum, ex quo Mundus esset procreatus, id Mundo esse contrarium esset necesse. Neque enim verum est, quicquid gignitur, omnino gigni ex contrario. Nam si non solum accidentium, verum etiam substantiarum est procreatio, & ortus, & quicquid gignitur, ex contrario gignitur, cuius certe substantiæ, quæ oriatur, aliquid erit contrarium. At verò substantiæ nihil est contrarium, ut in Categoriis docuit Aristoteles. Substantia siquidem res est per se constans. Ei autem, quod per se constat, nihil est contrarium, quia est tale. Nam quid homini, quia est homo, contrarium sit? Quid autem cani, aut equo? quid item ficui aut viri, atque iis, quæ sunt huiusmodi? Nam quæ sunt contraria, in eodem subiecto vicissim inesse nata sunt: ut in corpore candor & nigror: aut calor & frigus. Nulla autem substantia est in subiecto. Quare nulli substantiæ contrarium quicquam esse possit. Vnde conficitur, ut si oritur substantia, ex contrario non oriatur. Adididit autem, quia tale est: quoniam in substantiis contraria inesse possunt, ut in sanguine calidum, & humidum: in ossibus, ut exempli gratia dicam, frigidum & siccum: & calidum quidem frigidum est contrarium, & humidum siccum: sanguini tamen os non est contrarium: utrunque enim est substantia, atque ambobus communis est materia: gignitur autem horum utrunque, non quia absolute siccum est, neque quia humidum, sed quia os est, & quia sanguis. Quare si in aquæque substantia gignitur, quia substantia est talis, ac non ex accidenti (gignitur enim homo, quia homo est: & caro, quia caro est) his autem & similibus nihil per se est contrarium, substantia certe, quæ in ortu spectatur, quatenus gignitur, non ex contrario ortum habet. Verum hoc spectatur in accidentibus. Nam quod oritur calidum, non per aliud quicquam, sed omnino ut calidum frigidum est contrarium. Atque in similibus par est ratio. Neque verò omnium accidentium procreatio ex omnibus contrariis constituitur. Neque enim in omnibus accidentibus spectatur contrarietas. Gignitur enim triangulum, & circulus, & reliquæ figuræ: nullum tamen horum ex contrario ortum nanciscitur. Non enim figuræ expers contrarium est figuræ, sed figuræ est priuatio, ut ordinati inordinatum, est priuatio. Rursum dextrum quid gignitur, non tamen ex contrario (nam quæ inter se comparantur, contrariis in diuisione opponuntur) verum simpliciter ex priuatione. hoc est, è non dextro: atque adeo ex inscio sciens aliquis constituitur. Verum si ex contrario habitu commigraret, ex contrario scientis esset procreatio. Quod si ex simplici ignorance, ex priuatione est. Ut si quis cum prius aërem grauem existimaret, aliter edoctus, ab ista opinione discedat, & leuem esse arbitretur, ex contrario hæc erit scientiæ procreatio. Sin verò cum prius ignoraret, tum an leuius tum an grauis esset, leuè eum esse didicerit, ex priuatione in speciè hic erit ortus. Quare neque accidentium ortus omnino est ex contrario. Neque igitur quicquid gignitur, ex contrario nascitur. Quod si quæ oriuntur, non omnino ex contrario nascuntur, ex Platonis autem sententia ordinatum ex inordinato procreatum est, inordinatum autem, priuatio est inordinati, non autem eidem contrarium, nullo pacto erit necesse, cur, secundum Procli rationem, quod in ordinem digestum est, in ordine carens rursus reuertatur. Quod nec Platoni videtur, qui Mundum non corruptum iri censet. Contraria enim ex se mutuo gigni scribit Plato in

Phradone, atque in sese mutuo reciprocari. Nam vt calidum gignitur ex frigido, ita rursus ex calido gignitur frigidum. Atq; in omnibus contrariis eodem modo se res habet: ne manca aut mutila sit natura, si ex contrariis altera tantum interimeret. Speciem tamen in priuationem non item dicit iterum redire, vt ex priuatione gignitur species. Nusquam enim Platonem hoc dixisse legitur: sed contra, omne ordinatum, ex perturbato seu inordinato procreatum esse dicit: ordinati autem priuatio est, quod ordine caret. Expers interitus id esse dicit, quod ordine digestum est: hoc est Mundum. Non igitur speciem necessariò retrorsum in priuationem remeare dicit. Quare visum est Platoni, Mundum quidem esse naturam, non tamen esse interiturum.

VERVM, inquit Proclus, etsi in ordinem adducti priuatio, est id quod inordinatum est, facta est autem commutatio à priuatione in habitum, multò magis ab habitu in priuationem commutabitur. Illud enim multò minùs fieri potest, propterea quòd sunt nonnullæ priuationes, quæ in habitum incommutabiles sunt. Quare si id, quod minùs fieri potest, factum est, multò magis id fiet, quod factum est facilius, atque ordinatum in non ordinatum commutabitur. Atq; hoc tum naturæ, tum Dei voluntati respondebit. Nam qui quod minùs fieri potest, facit, multò magis id faciet, quod factum est facilius. Quòd igitur Plato censeat, quantum in ipsa positum est natura rerum, id quod ordinatum est, in id quod ordine caret, posse commutari, ex iis, quæ ipsemet Plato scripsit, perspicuum euasit. Omne enim, quod ligatum est, dissolui posse contendit. Et quoniam orti estis, inquit, haudquaquam estis indissolubiles, neque omnino immortales. Iam quod Dei sit voluntas, vt id quod natum est, omnino intereat, id quidem Platonem non consentiente, Proclus enuntiauit. Nam apud Platonem contrarium ad cælestia proutit Procreator. Vbi enim ea dixit, quæ mundo à natura eueniunt, inquit: Quoniam orti estis, vos quidem indissolubiles & immortales esse omnino non potestis. Addit deinceps fabricator, & effector Mundi Deus, ad ea quæ ab ipsius voluntate Mundo accedunt: Neutiquam tamen dissoluemini: nec vos vlla mortis fata periment, nec fraus violentior, quàm consilium meum: quod maius est vinculum ad perpetuitatem vestram, quàm illa, quibus estis, tum cum ginebamini, colligati. Quare etiam Plato cum ortu ipsorum naturæ legibus necessariò dissolutionem coniunctam esse consensit. Verùm cum nouisset Dei consilium quouis naturali vinculo esse firmitus, inde Mundo immortalitatem accersiuit. Non enim quia non possit, Mundum non dissolutum iri dixit, quippe cum natura sit dissolubilis: verùm quia nò velit. Vnde adscitiam & eternam eius immortalitatē esse dixit, vt supra comprobauimus. Quid igitur Platoni repugnat, Platonis interpres & successor? Plato enim ex ordine carente ordinatum factum esse dicit. Vbi, vt dixi, quod ordine caret, ordinati priuationem significat, non contrarium. Et ideo quod ordinatum est, naturā esse dissolubile, non tamen quod in ordinem adductum est, in id quod ordine caret, Deum vicissim commutare velle. Vult autem Proclus, quòd si ex inordinato factum est ordinatum, omnino & naturæ ratione, & Dei consilio, ac voluntate consequetur, vt rursus ordinatum in id commigret, quod ordine caret. Bisariam igitur Platoni

contradicit, tum quod dicit ex inordinato non factum fuisse, quod in ordinem digestum est, cum id Plato palam & aperte pronuntiet: tum quod si factum est, Dei erit consilium, ut rursus quod ordinatum est, in id commutetur, quod ordine caret, cum hoc iterum ad verbum Deum nolle profiteatur: ut nos ex ipsius Platonis verbis confirmauimus. Quare nos, qui confitemur Mundum esse natum, & rursus esse interiturum, quod quidem natus sit, vnâ cum ipsa veritate consentientem Platonem habemus, qui suo suffragio nostram comprobet sententiam. Quod autem quia natus est, omnino etiam interibit, ac non ut Platoni est visum, indissolubilis erit & immortalis (etsi naturâ dissolui possit) adscititia & rediuiua immortalitate à Dei consilio à voluntate ipsi accedente, hac parte ipsum Proclum testem habemus, qui & naturæ conueniens, & Dei consilio consentiens hoc esse dicat. At verò neq; Plato in his à recta sententia excedere videtur. Non quod Mundum immortalem esse putat, sed quod cum arbitus fuerit, oportere ipsum nunquam interire, non infinitas vires naturæ perpetuitatis, & immortalitatis causam adferre dicit, sed opificis voluntatem à consilio. Nam si omnino corpus aliquod perpetuò manere oporteat, non ratione ab interitu vindicari potest, quàm si vis opificis perpetuitatem ipsi suppediet: cum nullum corpus, quantum in ipsius naturæ ratione est situm, id habeat ut sit perpetuò. Quod autem ordinato inordinatum non sit contrarium, per se est conspicuum. Quod si Plato id, quod in ordinem est digestum, nihil intelligit aliud quàm Mundum, Mundus autem est substantia, & non ex contrario oritur, ut probatum est, non sanè ut contraria opponuntur, ordinatum & inordinatum, sed ut species, & priuatio.

P R O C L I D I A D O C H I

Argumentum nonum.

QVICQVID interit, id suo ipsius vitio interire solet. Neq; enim sanè à suo bono, aut suo, quod neq; bonum, neq; malum sit, sed medium. Quod est eiusmodi, id neq; lædere, neq; iuuare potest. Vnde sit, ut neq; perimere, neq; seruare possit. Quare si Vniuersum intereat, id suo vitio intereat, oportet. Verò Mundum, ipse beatus dixit esse Deum, sicut & deos omnes: & propriæ deorum genus vniuersum, cum vitii non sit capax, nullam sentire immutationem. Non igitur vnquam interibit Vniuersum, cum nihil insit vitii: quia ipse quoque Deus est. Quod si interire nequit Vniuersum, quia nihil habeat, à quo perimatur, neq; sanè natū est. Id enim, à quo cuiq; suus est interitus, vniuersum perimendi vim habet. Nam si vincatur, procreationis sociam causam præbeat, sin vincit, interitus. Quare si nihil est, quod ipsum interimat, neque quicquam esse possit, vnde nascatur. Atqui nihil est, quod ipsum occidat, siquidem nihil est in ipso vitii. Quid enim id ipsum, quod in ordinem digestum est, perimere possit, præter inordinationem, seu ordinis confusionem? Quid, quod ornatum est, præter id quod temerè, ornatu nullo congestum est: hæc enim eius quod apto digestum ordine, & ornatu polito excultum est, sunt vitia. Si quod est igitur ipsi vitium, temerariam congeriem & ordinis perturbationem habebit, in quam ipsum dissoluetur. Sin autem nihil ipsi inest vitii, nulla erit confusa congeries, aut or-

nis per-

nis perturbatio, quæ culto & ordinato Vniuerso repugnet. Quod si confusam congeriem & ordinis perturbationem repugnantem non habet, ex vlla confusione, aut perturbatione ortum esse non potest: siquidem ipsi nihil tale repugnat. Quod si ipsi nihil inest vitii, neque quicquam habebit, ex quo nasci possit. Cum autem nihil quicquam sit, ex quo nascatur, nullo modo nasci potest. Oportet enim ex aliquo nasci, & ortum habere, quicquid nascitur, cum fieri non possit, ut è nihilo nascatur.

Capita solutionis noni Argumenti.

Quid neque Virum Philosophum decet, neque Platonis opinioni est consentiens; Platonem anteferre Veritati. I.

Quod in nullis Physicis decretis Plato à Veritate aberrauit. II.

Quod in iis etiam, quæ ipse consulit à recta rationis præscripto saepe recessit. Vbi etiam docetur, quod ex procreatis liberis nonnullos interficere, & communes uxores esse sancit. III.

Quod non ex Theologica subtilitate, sed Poeticarum fabularum consuetudinem sequutus Plato, Mundum dixit esse Deum. Vbi etiam ostenditur, quod Atheniensis populi metum, non ea Plato dicebat, quæ ipse censebat. IIII.

Quod ex iis sumpcionibus, quas ipsi nobis donauerunt, probatur fieri non posse, ut Mundus sit Deus in quo confirmatur immutabile non esse, quod per partes commutatur. V.

Quod Mundum in statum contra naturam euerii potest: quæ intereuntibus causa est, cur intereant. VI.

Quod si prolatum est interitus Mundi aliquam esse causam, omnino est necesse, ut secundum Procli hypotheses aliquid sit, unde ipse sit procreatus. VII.

Triquisito, an ex eo, quod modis omnibus nihil est, nihil gigni, aut oriri possit, & hoc causam Mundum natum non esse necesse sit. VIII.

Quod necesse non est, quemadmodum singularum rerum quamque Natura produxit, materiam ex iis, quæ sunt, accipiens, sic Deum, siquidem Mundum, cui prius non esset, procreauit, e re aliqua subiecta ipsum fabricatum fuisse. Sed contra potius, quod omnia ex nihilo procreantur, & simul cum forma rem etiam ipsi subiectam in naturam à Deo produci sit necesse. IX.

Quod qui ortum Vniuersi procreationi rerum singularum similem esse dicunt, confitentur efficientem Mundi causam necessario ipsum antecedere, ut rerum singularum causam antea concedunt. Aut si non eadem Vniuersi ortum consequuntur, quæ in particularium rerum procreatione eueniunt, cum partes ex iis, quæ sunt, gignantur, totum ipsum siquidem procreatum sit, ex iis, quæ non sunt, procreatum esse est necesse. X.

Quod nihil eorum, quæ oriuntur, ex eo gignitur, quod sit. In quo ostenditur, quod omnium, quæ gignantur, & intereunt, quæ composita sunt ex materia & forma, neque materia est procreatio neque compositi ex ambobus, sed tantummodo formæ. Et quod cum vnum subiectum commigrante neque in simpliciora dissoluitur, neque ad totum aliquod suum redeunt, neque in aliam formam commutantur, neque per se constant, neque ad id, quæda potentia est, re; redeuntur sed in id, quod modis omnibus non sit, euenescencia perimuntur, & ex eo gignantur, quod nullo modo sit. XI.

Comprobatio, quod materia inherentes formæ, neque gignantur neque intereunt, sed XII.

sine ortu & interitu, aut sunt, aut non sunt.

XIII. Quòd si concessum fuerit verum esse, sine ortu, & interitu aut esse, aut non esse materie inherentes formas, hoc ipsum etiam necessario probat. Mundum si unquam ortum est, ex iis, quæ non sunt, ortum habuisse, non autem ex iis, quæ sunt. Et quòd si materia nata est, ipsam quoque ex iis, quæ nulla essent, natam esse oportet, & ob eandem causam, quòd ex ambobus coagmentatum est. Quare ex hisce confici, quòd quicquid nascitur, ex eo, quod modis omnibus nullum sit, efficitur.


XIII. Quòd verum non est, sine ortu & procreatione formas, quæ in materia coherens, in naturam prodire.

XV. Quòd non, propterea quòd in nullo tempore formarum perfectio in naturam produci-
tur, formarum ortus est tollendus.

XVI. Quòd cum in iis, quæ arte, tum in iis, quæ naturâ oriuntur, solius formæ, ac non item
materiæ procreatio.

XVII. Quòd compositi non est ortus, sed forma propriè, ex accidenti autem etiam compo-

NONI ARGVMENTI PROCLI SOLVTIO.

I.  V' M Plato tam apertè Mundum procreatum esse, ac non semper esse dicat, vt suprà sæpe ostensum est, sanequàm verfutum, & Sophisticæ artis fraudulenta malitia non alienum esse puto, quæ tam euidenter dicta sunt, eludere, & ex aliis quibuscumque Platonici hypothetibus, velle nos inuitos eò compellere, vt credamus non natum esse Mundum, sed ortus expertem esse, Platonem credidisse. Nam etsi apud Platonem reuera esset vlla hypothesi, quæ aliud eius pronuntiatum euertere, aut conuinceret, viri tamen erat candidi, & qui plus tribuat veritati, ea, quam veram adpareat, stabilita hypothesi, eam quæ repugnet, reiicere. Neq; enim Philosophi viri esse puto, neq; eius, qui Platonis præceptis obtemperet, quicquid Platonis dictum fuerit, id tanquam ex tripode dictum, verum esse censere: & ob id non illa, quæ ab eodem dicta sint, quia vera non esse videantur, velle syllogismis persuadere nunquam ab eo dicta fuisse. Induxit enim Plato Socratem dicentem non contemnendum quidem esse Socratem, sed veritatis longè maiorem rationem haberi debere. Non enim mirum videri debet, Platonem, cum homo sit, veritate nonnunquam aberrare. Nam quòd illi hoc satis frequenter vsu venerit, in ipsa etiam naturæ inquisitione, ne quid de Deo dicam, ostendunt, cum aliorum quorundam, tum Aristotelis aduersus ipsum sexcentæ inficiationes. Verùm non alienum opinor est futurum, si paucorū in præsentī meminermus.

II. N A M cum qui in Astronomicis disciplinis clari & illustres fuerunt, Solem inter erranteis stellas medium obtinere locum docuerint, idq; iis omnibus, qui postea sunt sequuti, placuerit, ipsum Plato secundū à Luna locum tenere dixit. Atque quin in hoc saltem aberrarit, nemo, qui in Mathematicis non sit plumbus, cōtradicit. Deinde emigrantes rationis compotes animos (fabulas Pythagoricas sequutus) ratione carentium corpora vult induere. idq; cum alii mulerent ipse Proclus apertè confitetur, in xiiii. capite eius Libri, quem nos sæpe cita-

uimus, in quo pro Timæo contra Aristotelem defensionem scripsit. Vbi Platonis hanc esse sententiam pronuntiat: neque satis probè dissoluit, ut mihi quidem videtur, Aristotelis reprehensionem contra hoc decretum exploranti. Tertiò, in videntium corporibus trahendi facultatem negat esse Plato, cum Medici tantum non sensu hanc nobis inesse doceat. Quartò, verum animantem esse Plato est arbitratus. Quod falsum esse satis in libro De dignotione, à Galeno demonstratum est. Iam verò & stirpes sensus participes esse voluit, quod nec Aristoteli videtur, nec qui Platonis decreta defendunt, probare id nobis possunt. Atque adeo nisi extra propositum mihi longius esset excurrendum, horum vnumquodque vnà cum Procli defensionibus in medium prolatum non verè dici, absit verbo inuidia, hic apertè docerem.

IAM & in his præceptionibus, quæ pertinent ad mores, permulta alia viri huius reprehendere quiuisset. Verum quoniam non de hac re præsens susce-
pta est disputatio, sed tantum ut doceamus, quòd frequenter à vero recessit, v-
nius aut alterius hic tantum mentionem faciam. Quis enim, qui modò com-
muni sensu non careat, non valde eius in Rep. instituenda de nuptiis, atq; libe-
rorum procreationibus statuta reprehendat? Ciuitatis enim tum fœminas, tum
viros custodes iubet, quandiu in flore ætatis liberis operam dare poterunt, stre-
nuos quidem cum strenuis misceri, contrà autem, abiectos & ignauos cum igna-
uis. Atque strenuorum fœtus tollendos & educandos esse censet: Ignauorum
autem, atque adeo strenuorum, siquid mutilum nascatur, in abdito alicubi sup-
primendos. Vbi autem procreandorum liberorum tempus custodes iam excess-
sissent, liberè in posterum congregi, & coire permittit, viros quidem cum qui-
buscunque velint mulieribus, & fœminas itidem cum viris quibuscunque. Qua in
re parum admodum senectutis tempus obseruare videtur. In quo enim magis
decebat temperatiorem vitam persequi, in vitæ intemperantiam suæ ciuitatis
ciues tantum non impellit, & prouocat. Atque, quod molestius est, si quid ex
hisce nasci contigisset, id maximè studio habendum esse iubet, ne in lucem per-
uenire permittatur: sed in vtero imperfectum adhuc pharmacis nonnullis, aut
vi aliqua simili abigendum esse censet. Neque enim alia ratione studio prouide-
re possumus, ne fœtus in lucem edantur. Quòd si quid pharmaca & impostu-
ras eorum, qui partum abigere nitebantur, fœcillisset, & in lucem esset editum,
exponendum iubet, ac non nutriendum: nihil aliud suis consulens ciuibus, quàm
ut eorum, quæ charissima sunt, eadē vitam suam inquinent, ac polluant. Atque
ne ipsi Platonem calumniis premere videamur, audi quomodo ipse in V. de Re-
pub. ea digerit & collocat, quæ diximus. ad verbum enim hæc habet: In nuptiis
igitur & liberorum procreationibus rectum imprimis esse videtur, ut hoc fiat.
Oportet enim ex iis, quæ concessa sunt, præstantissimos quosque cum præstan-
tissimis quàm sapissime congregi: abiectissimos autem contrà, cum vilissimis.
Atque illorum quidem nutriendi sunt liberi: horum verò minimè, si modò ar-
mentum optimum est futurum. Atque hæc omnia ita geri oportet, ut ab omni-
bus præterquam à principibus ignorentur. Hac enim ratione custodum grex
sine seditione quammaximè est futurus. Cum igitur præstantissimorum pro-

lem enutrirī oporteat, contrariorum autem non item, certè eam ad interitum
 & mortem exponi iubet. Intereat enim necesse est, si non nutriatur. Et paul
 " post in eodem V. de Rep. ait: Strenuorum igitur prolem excipiēs magistratus
 " ad ouile perferant ad nutrices, quæ seorsim habitent in aliqua ciuitatis parte.
 " Deteriorum autem, atque etiam strenuorum, si ex iis aliquid mutilum aut man
 " cum natum fuerit, in abdito, atque obscuro occultabunt, ut decus & pudor po
 " stulant, si quidem custodum genus syncerum est futurum. Quid igitur si
 " vult iterum, quod iubet in abdito atque obscuro ignauorum & obscurorum
 " prolem occultari, & quod è strenuis natum fuerit mancum, nisi alicubi de
 " ad interitum? Neque enim, si nutriantur, & ad ætatem deducantur, toto suæ vitæ
 " tempore in obscuro esse possunt. Quod autem eos perimi velit, apertius paul
 " post progressus, suam ipse sententiam explicauit. Sic enim ait: Vbi autem, op
 " nor, tum fœminæ, tum viri procreandi ætatem iam excesserint, liberos ipsos per
 " mittimus congregi cum quibuscunq; volent, præterquam cum filia & mar
 " & filiarum liberis, atq; cum auia, mulieres itidem, præterquam cum filio, & p
 " tre, & horum maioribus, ac nepotibus. Atque cum hæc iam omnia præcept
 " mus, studio imprimis providendum esse iubemus, ne in lucem partus vllus ed
 " tur, si quis conceptus fuerit. Sin autem inuitis nobis natus fuerit, ita expon
 " dum, ut eius nulla fiat nutritio. Qui fieri autem potest, quod iam dixi, ut in
 " dio quisquam efficiat, ne in lucem fœtus edantur, nisi medicamentis partus
 " abigentibus, aut similibus veneficiis eos perimat in vtero? Porro, quod iubet
 " exponi ac non enutrirī, si medicamenta effugientes in lucem exierint, quid qu
 " so est aliud, quam hortari, ut liberorum cede nos polluamus? At, quando pietas
 " officiis erat conuenientius, prohibere, ne omnino cum mulieribus rem ha
 " rent, qui ita essent affecti, quam libidini indulgere, & diuinum opificium eno
 " re? Iam verò quam multos ex prauis præstantissimos nasci videmus? Quam
 " tos item ex probis ferè deteriores, & ex affectis senio, tum fortes, tum probi
 " ditos moribus? Mirum sanè dictu, quam multa & magna hominum vitæ
 " moda adferet generosus iste optimæ Reip. status, qui ferociores mores, qu
 " rarum quamlibet immaniū nos induere docet. Quæ enim in hac Vniuersa
 " tam immanis est belua, aut quæ tam humilis & imbecilla, quæ ab ipsa natura
 " nullo doctore, non didicerit libenter pro fœtu suo mortem oppetere? Audi
 " tur, quomodo Homerus pium & indulgentem naturæ affectum erga pro
 " atque fœtus versibus celebrari:

- 11.12. *Iam nunc sicut apes, & habentes spicula vessa,*
 " *Mellea quæ posuere cubilia ad arcta viarum,*
 " *Mellelego subeunne aliquo, non ipsa relinquunt,*
 " *Sed remanent, stimulisque viros pungentibus arcent,*
 " *Pro natis malūque mori, quam pignora linquant.*

11.12.9. Et alibi:

- " *Sicut auis, quæ pro pullis implumibus ipsa*
 " *Euolat, ut pastum miseris pariet, & mala suffert.*

Verum igitur tam paræ bestiolæ Naturæ, vel, ut melius dicam, Dei præceptum

el sequentes, pro iis, quæ ipsæ procreauerunt, mortem oppetere non dubitant: immanes autem feræ, quæ naturaliter feroces mores ostendunt, susque deq; ferrent, quomodo quæ ex se nata sunt, se habeant? An nequaquam ita fiet? Homerus enim cum clarorum & illustrium heroum erga suos socios intimum amoris affectum significaret, ab hisce maximè duxit similitudinem. Ait enim:

Iliad. 17.

*Patroclum clypeo protexit maximus Ajax,
 Cui leo, qui factus alacer defendit inermes,
 Dum nudus Sylua carulis comitatus in alea,
 Venantes videt ire procul, videt obuia ferre
 Arma sibi, toruū spectans, vellitque sub alta
 Fronte supercilium, dum flammea lumina torquet.*

Qui igitur non absurdam prorsus legem huiusmodi esse dixerit, quæ tantam Naturæ in nobis benignitatem, ad læna ferociores ac sæuiiores mores transferret. Im verò tantam crudelitatem in non voluntariis liberorum calamitatibus exhibere, & eos præsertim qui ex probis nati sunt, quam impietatem non superaret. Hæc quidem certè eam absurditatem continent, quæ nemini non perspicua esse possit. Quòd autem communes vxores esse velit, satis magnam fidem vel ex in tantum locis habere possumus, quæ ex ipso producantur. Nam si eo tempore, quo maximè procreare possunt, probos cum probis coniungit, contrarios autem cum contrariis, vbi autem procreandi tempus excesserint, liberè deinceps, & pro libidine cum quacunque velint congregi permittit, exceptis iis, quas ipse detrahit, palam est, quòd qui prius cum ignobilibus, verbi gratia, præcepto legis paruerunt, congressi sunt, postea accepta à lege libertate, cum nobilibus & strenuis, ut sit, concumbentes, à quibus prius vi legis, & autoritate arcebantur, & *μὴν ἑστῆσσι*, ut cum Euripide dicam, *χαλεπὸν ἀνομιῶντων ἀνδρὸς εὐνὰν*. Nam iuuenilibus annis neque strenuis cum ignobilibus, neque ignobilibus cum strenuis coire licet: in senectute autem nihil horum prohibetur. Quæ prius igitur cum strenuo, posterius autem, ut par est, cum abiecto congressa est, aut contrà, communis certè ad coitum volentibus erat proposita: verum prius nobilibus solis, aut sola ignobilibus, postea autem nullo discrimine nobilibus pariter & ignobilibus. Præterea, quòd in Repub. de viduitate tum virorum, tum scæminarum nihil præceperit, palam indicat, quòd in Reipub. suæ statu viduitati nullum locum relictum esse nouit, propter coniunctionis communem libertatem. Atq; adeò iam aperta oratione hanc legem in V. de Rep. ipsemet exponit. Legem enim illam præscribens, quæ ad id pertinet, ut virorum & mulierum ciuiles virtutes sint communes, in qua præscripsit & edixit nudas mulieres in palæstris exerceri cum viris, non solum virgines, sed & seueriores, easq; imperare, perinde atq; viros: atq; certamina, tum in venationibus, tum in bello ex æquo subire: quoniam contra opinionem dicere videbatur, cuiusmodi esse legem, quæ faciliè seruari & exerceri posset, utiq; esse oratione sua confirmauit. Erat autem statim legem inducturus, quæ vxores ediceret esse communes. Atque hanc videbat longè magis contra opinionem esse futuram, quàm præcedentem, & vix posse probari in vulgus. Audi cuiusmodi ante legislationem processus viatur: sic enim loquitur:

» Hunc itaq; tanquam fluctum effugisse nos dicamus, in legibus ad mulieres per-
 » tinentibus explicandis: ne nos omnino aquis obrui & submergi contigerit, dum
 » statuimus conuenire, vt omnia in commune studeant apud nos custodes, tum
 » viri, tum feminae. Imò verò oratio nostra sibi consentiens est, quia & quæ fi-
 » possint, & quæ sint vtilia, præscribit. Sanè verò, inquit, profundum gurgitem
 » euasisti. Tum verò, inquam, profundum non esse dices, cum tu quod deinceps
 » quitur, videris. Quin tu igitur istud dicito, inquit, vt videam. Lex, inquam, hæc
 » alias præcedentes, vt arbitror, consequitur: Omnes has mulieres virorum omnes
 » esse communes, priuatim autem nullam vlli esse coniunctam. Et liberos iidem
 » esse communes, vt neque proles parentem agnoscat suum, neque parens liberor-
 » Longè, inquit, istud à fide & probabilitate magis abhorret, quàm illud, cuius
 » quod atinet ad vilitatem, tum quod ad id vt effici possit. Vides, vt legem se-
 » cundam priore magis alienam esse à fide dicit, vtilisne sit & commoda, atque tra-
 » lis, vt effici possit. Hoc autem contra opinionem, aut à fide, aut à persuatione a-
 » lienum non erat futurum, si vnam vni coniunctam voluisset, neque contrà,
 » quod omnibus hominibus probatur, mulieres ad vsum omnibus còmones pri-
 » posuit. Expède autem dictionis perspicuitatem: Has mulieres horum omnium
 » virorum esse communes, priuatim autem nullam vlli esse coniunctam. Atque
 » in iis quæ deinceps consequuntur, multus est in eo, vt conficiat, quòd non ver-
 » bo tenus, sed re ipsa hanc communitatem amplexari decet. Nam post hoc de-
 » tum: Ad verbum nos diximus, inquit, tum voluptates, tum dolores conse-
 » quuntur communes. Atque vilitatem legis de communi congressu virorum cum mu-
 » lieribus in V. de Rep. exposuit. Nihil enim vilius proprium esse in sua Rep. vi-
 » le se dicit. id enim esse quod ciuitates diuellat, & sollicitet ad seditionem, ne-
 » si Meum & Tuum quidq; nominetur, & in suam domum deductam multa
 » & liberos quisque sibi vendicat. Vno igitur præcepto tum dolores, tum volup-
 » tes communes esse debere dicit. Hoc enim modo liberi communes habebunt
 » non tamen vt pecuniæ communes sunt atque vxores: hoc enim fieri non
 » est: sed quòd cum propter vagum & incertum concubitum, vnusquisque quæ
 » sui sint liberi, ignoret, liberos omnes communes videbunt: atque tum voluptates
 » tum dolores propter liberos ad se pertinere, & suos esse arbitrabuntur. Porro
 » ritium solertiam, non vt vnam & eandem semper quisque consequatur, fieri vt
 » quod nonnulli legis vitio pudefacti confinxerunt, sed apertè ob id vt nobiles
 » nobilibus, aliàs idem cum alia, ignobiles autem cum ignobilibus, & nescientes
 » forte coniungerentur: vt ex ipsius Platonis verbis, quæ nos paulò antè citauimus
 » perspicere licet, vt Fortunæ opus, ac non magistratuum prouidentia, id esse ar-
 » bitrantes ciues seditionibus inter se, vt sit, minimè còcitarètur, dum ignaui &
 » les nobiles obtinere vellent. Quòd si eandè cum eodem semper consuetudinem
 » habere, & coniunctam esse voluisset, vbi quisque semel vnam sorte accepisset,
 » idque palam fuisset factum, vt nunc sit, fors deinceps superuacanea videretur.
 » Verùm nusquam vnam vni coniungere videtur. Et aliòqui absurdum, & quæ fi-
 » ri non possit, sortitionem eiusmodi esse adparet, & quæ in contrarium legis vo-
 » luntatem adducat, si cuique vnam & eandem, vt afferunt nonnulli, coniungi vo-
 » luisse

fuisset. Id autem clam ciuibus fieri studens, vt nihil proprium se quisquam habere putaret, fornicionum astutiis effecerit, vt eidem semper eadem obueniret. Fieri enim non poterat, vt id lateret, si cum eadem idem perpetuò congregaretur. Neque enim coniuuentibus & clausis oculis ipsos edixit coire. Temporis itaque progressu, magistratuum commentum in foribus ferendis omnino deprehensum fuisset, & ridiculum comparuisset. Atq; hoc deprehenso, nulla prorsus fuisset legis vtilitas: sed potius in contrarium relaberetur. Nunc autem cum vnam, quam quisque sibi expetit, vnusquisque accipiat, atque in ea, qualis tandem cunque ea sit, ac quiescere debeat, quia sponte, ac non vi duxerit, sine seditione, quod certe quidem ad hanc rem attinet, permanent ciuitates. Quòd si quis putet, sine discrimine, temporis progressu futuram cum vxoribus consuetudinem, quia vnusquisq; contra id, quod lex velle videtur, vi magistratuum atq; dolo, non voluntate, vt decebat, congregitur, nōne omnia, hoc est, tum ciuitatem, tum magistratum, seditione compleri est necesse? Neq; enim omnibus adfectibus prorsus vacuos esse suos ciues Plato statuit, atque tales, vt quod iucundum videtur, non sequantur. Nam si eiusmodi esse fuisset arbitratus, nihil ipsi opus erat istis sortitiis, qui ita ciues fallerent, vt clam ipsos esset, nuptias magistratuum fieri iudicet hanc ratione cum Fortunæ arbitrio factum fuisse arbitrantur, vt talem sortem esset quisque sortitus, contra magistratus seditiones non concitarent. Nam cum quibuscumq; agerent, qui semel ob id, quod publicè conducere videretur, id negligenter, quod priuatum esset iucundum? Quare si adfectibus sunt obnoxii, & ut præterea, qui voluptates consecretur, & fieri non potest, quin temporis progressu palam fiat, quòd non fortuito, sed magistratuum calculo, ac non sponte & delectione, vt fieri erat æquum, cum eadem idem congregaretur, qui probabile esse videtur, vt cum magistratibus seditiones non sine concitatura, qui tum his rebus, quæ ad voluptatem facerent, tum libertate, quæ lege permitti videretur, destituti essent? Quòd igitur si eandem semper eidem per sortes contingere diceret, fieri non potest, vt res ipsa clam esse possit, & quòd legis vilitas in contrarium sensum relaberetur, satis est confirmatum. Iam verò absurdū est, si quisq; cum eadem nesciat se versari, vt etiam concedamus Platonem fortissimè hoc esse cille: iniquissimum enim præceptum ac decretum animo suo imprecatur. Nam adulterium, & vagum cum mulieribus concubitum incommodi nihil conuenire putabit. Si enim aliàs cum alia se congredi putet, atque hanc opum Reip. legem esse arbitretur, quid aliud, quàm quod diximus, ciuem quæque cogitare oportet? Verum, cuius perspicuum esse puto, quòd omnis actio iustitia conuincitur, non solum propter nudum ipsum vsum, sed propter morum prauitatem, & rationis ad id assensionem. Neq; enim omnino cum mulieribus congredi, reprehenditur, sed non ita, vt lege permissum est. Vsum autem iniquum, & contra legem, ab eo, qui legi est consentiens, ratione nimirum diudicamus. Qui igitur rationi suæ persuasit, quòd non cum eadem semper congregitur, sed aliàs cum alia, is adulterii iniquam actionem perpetravit, etiamsi cum sua coeat: perinde atque ex contrario, si quis noctu cum aliena vxore congredi volens, atque ita arbitratus, cum sua tamen congregitur imprudens, verè is adul-

ter, etsi non vsu, cogitationis tamen assensione iure iudicatur. Quoniam non cōtus omnino, sed mores, & propter mores rationis assensio, adulterium efficiunt. Vnde animantes, quæ ratione ea diiudicante destitute sunt, vnde irrationabiles dicuntur, in cōcūdo in peccatum nullum incurrunt. Hoc igitur cōsequens est, vt qui semper cum eadem congreditur, id tamen ignoret, sed aliās cum alia cōre se putet, idq; honestum esse ex lege persuasum habeat, is apud se adulterium, quasi esset in bonis, & confirmauit & perpetravit. Quicunque igitur huiusmodi solertibus commentis obliqua interpretatione Platonem exponere conantur, non obscurè ferunt, hoc ipso, quod ipsos pudet confiteri Platonem eiusmodi edocere, se hanc rem vnā cum reliquis omnibus hominibus absurdam esse iudicare. Verum, cum ipsum crimine liberare non possint, ipsi suam de legis iniquitate contra illum sententiam ferunt. Hæc igitur hæctenus. Sexcenta autem sunt & alia, in quibus Platonem à vero aberrauisse ostendere possumus: verum ne digressione vtamur longiore, quæ diximus, abunde fidem facere possunt, non omnia modis omnibus feliciter dicta esse Platoni.

III. QUID igitur est miri, si in iis, quæ ad disquisitionem sunt nobis proposita, ex duabus hypothesibus inter se pugnantibus, vt eas etiam inter se pugnantibus quis concedat, tum eam, quæ Mundum, Deum esse dicit, tum eam, quæ ipsum natum esse profitetur, ac non ex æternitate stetit: quid, inquam, miri, si altera bene se habeat, altera non item? Verum Proclus, qui præceptor, & doctor veritatis vult videri, Mundum, esse Deum amplexatus, vt verum, hinc ipsum ortum non fuisse conficere conatur. Quamquam, vt ex eo quod Mundus Deus esse dicitur, efficere quis possit, eum non esse natum: non tamen ostendere possit Platonem constituisse, non ortum fuisse Mundum, sed semper stetit: quandoquidem hoc quoque erroris Græcanici est proprium, vt deorum ortus, & procreationem in hypothesi ponantur. Atque Plato in multis quidem videtur synceras de Deo sententias esse sequutus, falsam autem & impiam tum Poëtarum, tum vulgi opinionem reprobare. Contrā autem interdum, vt consuetudinem, & patrium morem reueritus, atq; adeo Atheniensium populum fortasse reformidans, ne iussu cum Socrate calculis & sententiis damnaretur, deuoluitur ad fabulas, & in eadem cum cæteris impietatem pedibus descendit. idq; cum ex multis locis colligere quivis possit, tum euidentissimè ipsemet Plato in epistola ad Perdiccam planum fecit. Ad verbum enim sic loquitur: Quod si quis cum hæc audiuerit, obiciat, Plato quidem ea, quæ democratiz & populari imperio sunt ex vsu, se nouisse profiteretur: verum cum ipsi liceat, quæ factu sunt optima, in medium proferre, & populo consulere, nunquam tamen surrexit, vt ea pronuntiaret, quæ ipse sentit: his ita responsum esto, Platonem serò tandem rediisse in patriam, & populum iam secundo deprehendisse à superioribus assuetum permulta & dissimilia suo consilio facere, se tamen in omnibus lubentissime, tanquam parentum consilium daturum fuisse, nisi frustra & cum periculo se id conaturum esse arbitraretur, & nihil esse consequuturum. His igitur aperitissimè significauit Plato, se permulta eorum, quæ opus erant, metu reuocasse. Quod si in rebus agendis quicquam eorum, quæ iam antea Atheniensibus probata fuissent, loco mouere, aut

aut immutare veritus est, cum tamen ea, quæ ad statum Reipublice pertinebant, perperam se habere arbitraretur, quis non videt, quanto magis extremum periculum adlaturum sibi credidisset, si quicquid quod ad deos attineret, iam publice moribus & legibus receptos improbauisset? hoc ipsum enim Socrati, cur mortui addiceretur, causa fuerat. Verum hæc, ut iam à nostrorum permultis comprobata satis, missa facio: qui ea tantum gratia horum hic memini, ut ostenderem hac quoque in re fabularum errorem sequutum Platonem, Mundum, esse Deum ex Orphei versibus pronuntiauisse. Verum de his hæcenus: nunc ad inquisitionem propositi Argumenti orationem nostram conuertamus.

Q V I C Q V I D interit, inquit, suo ipsius vitio perimitur. Deorum autem V. rem genus vniuersum, cum vitii minimè sit capax, commutationis neutiquam est confors. Non igitur, inquit, interibit vnquam Vniuersum, cui nihil insit vitii, quia & ipsum Deus est. Si deorum genus Vniuersum, quia vitii non est capax, est quoque exors mutationis, certè quod mutationis exors esse non potest, id Deus esse nullo modo potest. Quando igitur quicquid sentitur, id Plato nasci & interire dicit, & verè nunquam esse, & ob id Mundum, quia cadit sub sensum, ortum esse pronuntiauit. Nam ex omnibus rebus, iis tantum, quæ maximè sunt diuina, competit, ut semper eodem modo se habeant, & in iisdem permaneant: corporum autem naturam ordinis huius non esse participem, sed omnino in commutatione versari. Quin ipse Proclus, ut ex superioribus cognouimus, hanc Platonis sententiam amplexatus, finitas esse Mundi vires asseruit, quia nullum corpus infinitarum virium est particeps: caducas autem esse vires finitas: atque hoc Mundo à sua ipsius natura conuenire. Hæc cum ita sint in confesso, verum erat rationi consentiens magis, ex eo, quod Mundus Deus esse dicatur, ipsum esse mutationis expertem, & ideo colligere nunquam esse natum: atque hoc modo tum sibi, tum Platoni, tum ipsi veritati repugnare: an verò ex eo, quod mutationi subiectus sit, & ideo naturam capax interitus, ut qui virium infinitarum non sit particeps, Deum ipsum esse ut falsum auersari? Si deorum vniuersum genus, ut ait, mutationis minimè capax est. Verum opinor qui secundum necessarium esse fuerit confessus, nempe Mundum non esse Deum, is prius falsum esse concesserit, hoc est, Mundum expertem esse mutationis. Nam si Vniuersum Deus est, quid quæso in rebus, quæ sunt, sit reliqui, cui Dei naturam non tribuamus? Nam in Vniuerso ac toto partes continentur. neque enim totum aut Vniuersum aliud est, quam partium omnium mutua inter ipsas adaptatio, & omnium in vnum & idem concursus. Hinc igitur tam contumeliosè Dei opinionem acceperunt, & tantam dedecoris notam ei inusserunt isti viri, ut ad beluas usque & res ipsas inanimatas, atque adeò ad fœdissimam quæ inter homines sunt vitia, diuinam maiestatem & appellationem detorserint. Cum igitur Mundus, quia corpus est, in commutatione & varietate cernatur, neque fieri possit, ut mutationis sit expertus, & deorum genus mutationem non admittat, fieri certè nullo modo potest, ut Mundus sit Deus. Verum ad hæc quispiam fortasse dicet, quauis Mundi partes immutentur, totum tamè ut totum esse incommutabile: totum enim semper eodem modo se habet. In partibus autem Vniuersi mutatio cernitur &

varietas. Verum hoc modo fiet, vt earum rerum, quæ sunt, nulla quandiu in natura erit, mutationis sit particeps, sed vniuersæ mutationis expertes erunt. Nul- lum enim animal, quandiu est animal, ipsum per se totum immutatur: verum seu augeatur, seu imminuatur, aut tabescat, seu incalcescat, seu è loco alium in lo- cum commigret, ab eo non dimouetur, vt sit animal. Nam si per se totum, & quia animal est, immutaretur, à sua essentia omnino dimoueretur. In mutatio- nibus enim ortus & interitus rei totius mutationem efficiunt. Ortus siquidem, est ab eo, quod non est, ad id, quod est, traductio: Interitus autem, ab eo quod est, ad id, quod non est, reliquæ autem commutationes in aliquo, quod ad rem per- tineat, perficiuntur. Quinetiam fieri potest, vt cum res tota seruetur, totius partes nonnullæ nascantur, & occidant: vt cum carnis parte aliqua corrupta, alia in eius locum succrescit, aut ramo computescente alii suppullulant. Ad hunc igitur modum & Mundus, quandiu Mundus erit, per se totum est incommutabilis. Nam si per se totum immutaretur, interire ipsum esset necesse. Vni- uersum igitur mutationis expert esse non docet: quod ipsum per se totum nunc non commutetur, verum hoc ita demum conficeretur, si nulla ipsius pars immu- taretur: quod verum non est: sed contra nulla est Mundi pars, quæ prorsus sit in- commutabilis. Nam reliqua omnia, præter cælum, penes omnia mutationis ge- nera commutantur: cælum autem interim commutationem in loco subit, nec cœli pars est vlla, quæ locum non mutet. Quare Vniuersum incommutabile esse non potest. Quod si alia, quæ secundum alias mutationis formas immutan- tur, omnia ortum admittunt & occasum, Vniuersum certè, cum sit mutationis capax, in iis erit necessariò, quæ oriuntur & occidunt. Nam à ratione prorsus ab- horret, cum elementa, ex quibus coagmentatum est & eductum in naturam, oriantur, & intereant, non ipsum quoque, quod constat ex ipsis, nasci & interire: vt in præcedentibus accuratius comprobauimus. Verum altius repetito initio, iterum in propositam argumentationem inquiramus.

VI. QVONIAM quicquid interit, suo ipsius vitio perimi dicit Proclus, quod- nam autem cuiusque rei sit vitium, ipse non expressit, inuestigandum hic méri- to videtur, quidnam tandem sit illud, ex quo cuique, quod eius sit particeps, suus est interitus. Equidem cuiusque rei vitium aliud nihil esse puto, quam degenera- tionem ad id, quod sit contra cuiusque rei naturam, vt in præcedenti Argumen- to meminimus. Hoc autem à nulla efficitur facultate naturali. Nulla enim res, quæ constet in natura ipsa, sui interitus est efficiens: sed quamque rem sua potius conseruat natura. Quare si facultati opposita est vitium infirmitas, ei autem, quod non est, id quod est, & unicuique cur sit, causa est naturalis facultas, certè cur non sit, imbecillitas erit causa. Nam quia naturalis facultas sufficere non possit, & subiectum perpetuò continere, fit, vt res ipsæ intereant. Porro, faculta- tem finitam deficere est necesse: vt aurigæ vis & facultas, seu corporalem seu ar- tificialem dicere velis, in causa est, cur seruetur currus: contrarij autem, imbecil- litas. Quare si Mundus, vt corpus, finitæ est facultatis, finitam autem faculta- tem deficere est necesse, & cum deficit, in id res ipsas labascere, quod contra na- turam sit, oportet. Quod autem est contra naturam, id cuiusque rei est vitium,

& id quod cuique rei adfert interitum, Mundus certè vitium habebit, quantum in facultatis imbecillitate est positum, viam nimirum ad id, quod est contra naturam. Aut igitur doceant, quòd Mundus virium non est finitarum: aut, quòd finitæ vires caducae non sunt: Aut, si hæc vera non sunt, omnino est necesse, Mundum, quantum in ipsius finitate est positum, capacem esse eius vitii, quod contra naturam est, & ob id interitui esse subiectū, nec ideo expertem esse procreationis. Nam quod Deus ipsum nolit perimere, ratione docere non possunt, cū Argumenta, quæ ad hoc pertinebant, in Sexto confutata sint. Quòd si hoc etiam esset verum, non propterea tamen conficeretur, ipsum naturā ab interitu esse alienum. Iam cū naturā ab interitu nō sit alienus, sed aptus ad interitum, in iis esse, quæ procreantur, omnino est necesse.

VERVM agetum, quæ deinceps in Argumento sequuntur, expēdamus. VII. Quòd si, inquit, interire nequit Vniuersum, quia nihil habeat à quo perimatur, „ natum sanè non est. Id enim vnde cuique suus est ortus, eiusdem perimendi vim „ habet. Nam si vincatur, ortus & procreationis sociam causam præbet. Sin vice- „ rit, causam adfert interitui. Quare si nihil est, quod ipsum interimat, neque quic- „ quam erit, vnde nascatur. Et quæ sequuntur. Vbi Proclus sibi quidem videtur „ docuisse ex eo, quòd Mundus Deus sit, vitii ipsum nihil habere, & ideo nihil ha- „ bere vi præditum perimendi. Hinc iterum docere conatur, natum ipsum non „ esse. Idem enim, inquit, & interitus & procreationis est causa: sed vitium quidem „ procreationis, vincens autem interitus. Quare, inquit, si Vniuersum, quod in or- „ dinem digestum est, & reductum in ornatum, à nullo perimi possit, quā ab „ ordinis & ornatus priuatione. Hæc est enim, quæ ordinati & ornati continet vi- „ tium. Si igitur Mundo, inquit, nihil inest vitii, neque ordinis & ornatus priuationem „ habebit sibi repugnantem: qua vincente interire, victa autem, nasci & o- „ riri Vniuersum contingat. Verum quoniam abunde docuimus, Mundum admit- „ tere, quòd sit cōtra naturam, propter suarum virium finitionem, ei porrò quod „ ordinatum est, contra naturam est ordinis confusio, & ornato, ornatus priuatio, „ Mundus sanè causas habebit, quæ ipsi adferant interitum. Ei verò, quod interitus „ est causa, id Proclus ait procreationis etiam esse causam: & secundum hoc Mun- „ dus sanè habebit vnde fuerit procreatus. Mihi igitur non verum esse videtur, „ quod interitui sociam causam adferat, id omnino procreationis adiuvantem „ causam continere. Ne verò in digressione orationem longius æquo produca- „ mus, nos hoc missum faciamus. Nam etsi in toto genere dictum verum esset, „ probato tamen, quòd Mundo aliquid insit contra naturam, certè secundum „ Procli hypothesin, est etiam causa interitus, id quod procreationis eius sociam „ causam adfert.

QVONIAM autem Græcorum sermone tritam rationem deinde VIII. „ mouit Proclus (Si enim, inquit, nihil quicquam sit, ex quo nascatur, nasci nullo „ modo potest. Ex aliquo enim nasci, & ortum habere oportet, quicquid nascitur. „ Nam vt ex nihilo nascatur, fieri, inquit, non potest) agetum, primum rationi „ ipsi nos patrocinemur, ne indicta causa aduersus ipsum pronuntiamus: tum, pro „ viribus veritatis patrociniū suscipiemus. Quòd igitur quicquid oritur, ex ali-

qua re, quæ iam sit, nascatur, credere quivis possit, si ad ea omnia respiciat, quæ generantur. Homo enim ex semine nascitur, & sanguine menstruo, & ficus item ex proiecto in terram acino, & aqua irrigante. At verò & ex concrecente aëre conficitur aqua, & ex eodem rarefcente gignitur ignis. Atque in aliis omnibus, tum quæ natura duce, tum quæ arte proveniunt, eadem est ratio. Quare, aiunt, nisi ante exortum Mundi aliquid fuisset, ex quo procrearetur Mundus, fieri omnino non poterat, ut nasceretur. Si quid igitur erat, illud aut prorsus natum non erat, aut erat natum. Verum si natum non erat, cur non statim in ipso Mundo idipsum dicimus, ut non fuerit natus: si fieri omnino potest, ut ex iis, quæ in Mundo sunt, quidpiam sit, quod non sit natum, nempe id, ex quo ortus est? Sin autem illud ortum est, ex alio iterum illud oritur: idque progredietur in infinitum. Vnde conficiunt, quòd, si hæc fieri non possunt, Mundus natus esse non potest: quare ortu vacat & procreatione. Quibus igitur rationibus defendere quis possit, quicquid nascitur, ex aliqua re, quæ sit, oriri, nihil autem ex eo nasci, quod modis omnibus nihil sit, & ob id Mundum ortu quidem carere, hæc sunt, quas diximus. Quibus autem dictis sit occurrendum, ea sunt, quæ sequuntur.

IX. P R I M V M, si rerum singularum, ut Socratis, ut Platonis, ut huius equi, & aquæ huius, & deniq; omnium, quæ hîc gignuntur, natura est procreationis continens, & vicina causa: Torum autem & Vniuersum à Deo, nullo interiecto medio, procreatur, ut ait Plato, quis non videt eum tollere Deum, qui dicat Deum procreare non posse, cum quod prius non erat, in naturam rerum produci, nisi eo modo quo singularum rerum vnamquamq; natura producit? Nam si efficit ars, efficit & natura: non tamen vtriusq; eadem est & similis efficiendi ratio. Verum ars quidem, ut verbi gratia, fabrilis, nullius illa quidem rei substantiam extrinsecus procreans, sola lignorum compositione abaci aut ianuæ figuram effingit. Natura autem non solum temperamentum & elementorum efficit compositionem, verum & iam ipsas quoq; rerum substantias, ac species, quæ prius non erant, in naturam producit: nempe carnis formam & ossis, venæ, nervi & reliquarum animalis partium, & vitæ in ipsis effectricem facultatem: deinde nutrientem, augentem, sentientem, ac mouentem, & reliquas facultates, quæ in elementorum certa compositione & temperatione consistunt: & stirpium præterea sexcentas species, colorum, succorum, metallorum infinitas differentias, & varietates. Cum igitur tantum artem superet natura, qui fieri potest, ut non sit necesse, Dei opificium incomparabili excessu naturam superare? Quare si natura formas, quæ prius non essent, in naturam producit, materiam naçta ex iis, quæ iam sunt, in qua formas ipsa procreat, quia non possit, nisi re aliqua subiecta sua efficiendi vim exercere, sed re aliqua subiecta omnino indigeat, in quam ipsa agat, ut quæ in subiecto consistat, sine quo nec coherere nec agere possit, omnino est necesse, si Deus etiam efficit, & res quæ sunt, in naturam producit, rationem eius efficiendi aliquid supra naturam obunere. Sed nulla in re natura superabit, nisi ex eo quod modis omnibus nullum sit, res possit in naturam procreare, sed perinde atque ars & natura ipse antecedente re aliqua subiecta indigeat, in qua suam exprimat efficientiam: neque tanto superet naturam, quanto

artem superat natura. Si igitur, quod dixi, incomparabili excessu à Deo naturam superari oportet, natura autem ex iis, quæ iam sunt, subiectum & materiam natura, solas rerum formas & species efficiens, prouehit in naturam, modis omnibus est necesse, ut si quid Deus ex eo, quod non sit, in naturam producit, non solum formas eorum, quæ efficiuntur, verum & subiectum ipsum, quod prius nullo modo esset, in naturam producat. Alioqui nulla in re naturam superabit. Efficitur igitur, ut nullo modo sit necesse, quamadmodum in rebus singulis ex iis, quæ iam sunt, vnaquæque efficitur, sic & Vniuersum, si à Deo procreetur ex aliquo procreari, quod prius consisterit.

DE INDE, si quia rerum singularum vnaquæque ex aliquo fit, quod X. iam constet, ideo volunt Vniuersum, si procreetur, ex eo, quod iam sit, oriri, palam est, quod quæ in rebus singulis eueniunt, ea in Vniuerso etiam euenire censent. Quare Vniuersum similitudinem affectuum esse cum partibus inde conficiunt. Quoniam igitur Mundi partes, hoc est, elementa ex quibus ipse coagmentatus est, sunt caducæ, neque pars est vlla, quæ non nascatur, & occidat, iam antea autem docuimus, neque tota & integra elementa eadem numero permanere: ut autem partes se habent, Vniuersum sic se habere est necesse, certè, quantum ex iis, quæ dicta sunt, intelligere possumus, Vniuersum natum est & caducum. Præterea, quando volunt Vniuersum, si nascatur ex aliqua re antecedente, ideo oriri, quia res vnaquæque, quæ nascatur, oriatur ex aliquo, quoniam igitur rerum singularum opifex est natura, & tempore posteriora sunt procreante natura, ea, quæ ab ipsa procreata sunt, & Mundum sanè antecedit eiusdem fabricator, & effector Deus, est ex aliquo ortu carente ipsum sit fabricatus. Vnde efficitur, ut non ex æternitate vnà cum Deo fuerit Mundus. Non quæ est sortitio, cur in quibusdam Vniuersi procreationem necesse habeamus rerum singularum procreationi similem esse dicere, in quibusdam verò non item? Constat enim, quod etsi Mundum sempiternum esse dicant, Deum tamen eius effectorem esse confitentur, rerum autem singularum opifex est natura. Aequum est igitur, ut hîc etiam eadem in Vniuersi procreatione consequi confiteantur, quæ in rebus singulis gignendis eueniunt. Quod si non concedunt partes suas consequi Vniuersum, neque quæ partibus eueniunt, eadem Vniuerso euenire, certè neque si res singulæ, quæ nascuntur ex iis, quæ iam sunt, oriantur omnes, ob id protinus oportet, si nascatur Vniuersum, ipsum quoque ex aliquo oriri. Nam si non eodem modo efficit natura, ut Deus, natura autem ex iis, quæ iam sunt sua profert, Deus certè non ex iis, quæ iam sunt, sua procreabit, sed ex iis potius, quæ nulla sint. Quemadmodum enim mouetur pars vnaquæque, sic mouetur & Vniuersum, non tamen ut partes, sic mouetur & totum. Locum enim totum pars tota commutat, & migrat in alium, Vniuersum autem à toto loco non digrediens circa medium punctum, quod centrum dicitur, versatur, ut ipsum quoque moueatur, quia naturale corpus est. Natura enim motionis est, & quietis principium, & rursum manet adfectum eodem modo: quia nulla est alia sedes, in quam commigrare possit totum per se totum translatum. Neque verò vllò modo est necesse, res singulas motu Vniuersi cieri, neque Vniuersum rerum singularum motu agitari. Et eodem modo igitur

est consequens, vt non sit necesse, si Vniuersum natum est, & natæ iidem sunt res singulæ, eundem ortum esse amborum. Sed vt in motu, sic & in hoc contrario modo se res habet. Nam si Vniuersum procreatum est, totum per se totum natum esse oportet, vt verè Vniuersi sit procreatio. Res autem singulas non ad huius similitudinem, sed ex iis oriri, quæ iam sint, & pereuntes in id, quod est, dissolui: idque meritò. Nam cum iam Mundus sit coagmentatus, & constitutus, per ortum autem & interitum vtilem Vniuerso, partes totius nascantur & intereant, fieri non poterat, vt in id, quod modis omnibus nullum esset, per se totas interirent, & nihil in eodem statu maneret. Nam hoc modo longo tempore alius ex alio Mundus necessariò nasceretur. Hoc ipsum enim ei accideret, quod naui vsuuenire videmus, quæ penes asseres immutatur. Tandem enim tota prorsus innouatur, & alia sit ex alia, etsi formam eandem retineat. Si igitur vnum & eundem Mundum manere oportuit, oportuit autem & ortum esse & interitum, fieri omnino non poterat, vt hæc ambo simul seruarentur, nisi partes in sese vicissim commutarentur: atque hoc modo rerum ortum & interitum efficerent, & quoad eius fieri potest, totius naturam eandem conseruarent. Quod si Vniuersum oriatur, nullo modo est necesse, vt ipsum ex aliquo nascatur. Nam hoc modo imperfectum sit futurum Dei opificium, vt quod formam tantum sine subiecto in naturam rerum, & in essentiam produceret. Sed totum per se totum, si quidem nascatur, Vniuersum ex eo quod nullum sit, in naturam prodissse oportet. Aut aliis necessariis, & quæ reuinci non possint, rationibus, doceant procreatum non fuisse Mundum, sed ex æternitate stetisse: Aut certè si nascatur, nihil est, quod necessariò efficiat, ex eo nasci quod sit, quia res singulæ ex eo nascantur, quod iam sit. Sed contrà potius, ipsum totum per se totum ex eo, quod nullum sit, in naturâ prodissse oportet, vt Vniuersum verè, vt Vniuersum nascatur.

- XI. AD HVNC igitur modum, cum concesserimus quicquid gignitur, ex eo gigni, quod sit, reperimus nihil esse necesse, cur si Vniuersum gignatur, ex eo, quod sit, ipsum quoque gignatur. An verò ne id quidem verum est, quæ gignuntur, ex iis omnino nasci, quæ sint? Nam cum quæ gignuntur omnia, quæ certè sempiterna non sunt, ex materia consent & forma, & præterea ortus mutatio sit ab eo, quod non est, ad id, quod est: vt Interitus, ab eo est mutatio quod est ad id, quod non est. Vtrum penes totum ipsum, hoc est penes materiam & formam compositum gignitur, hoc est ex eo, quod nullum est, in id quod est, commutatur (hæc est enim procreationis ratio) an verò non penes ipsum totum? Si igitur penes totum oritur ipsum, quod gignitur, nempe penes materiam & formam, certè id quoque, quod interit penes totum interibit: vt necesse sit non solum formam, sed materiam quoque tum nasci, tum interire. At verò materiam censent ipsi nec nasci nec occidere. Atque hoc ipsum deinceps Proclum dicentem audiemus. Quin & Aristoteles hoc ipsum enuntiauit in fine Primi, De naturali auditione. Non igitur penes totum ipsum compositum gignitur, & interit. Quomodo autem de iis censendum sit, quæ ad materiam pertinent, alibi inuestigabimus, vbi huius mentionem faciet Philosophus: Vtrum reuera quæ prima nuncupatur materia, incorporea sit necne? Et vtrum modis omnibus ortu careat,

capeat, & sit sempiterna, an non? Et an verum esse videatur illud, quod rerum
 omnium, quæ à natura gignuntur, & intereunt, est commune subiectum, nec na-
 sci, nec interire? Nam carnis (verbi gratia) interitus, carnis quidem speciem hanc
 perimit, quod autem huic subiectum est corpus, non item. Manet enim quod
 trina dimensione continetur, nullo modo adfectum, quantum ad naturæ suæ
 rationem attinet. Hæc enim est corporis natura: substantia triplici intervallo
 diffusa. Eodem modo, si intereat aqua, & ex hac gignatur aer, aquæ quidem in-
 teritus, aeris verò procreatio euasit. Quod autem ambobus subiectum est (hoc
 autem corpus est omni qualitate vacans) nullam subiit commutationem, quia
 corpus est. Atque in omnibus eadem est ratio. Si materia igitur primum subiectū
 neque nascitur in iis, quæ gignuntur, neque perimitur in iis, quæ intereunt, non sanè
 penes se tota composita ipsa perimuntur: permanet enim in iis, quæ intereunt
 immutata materia: neque penes materiam efficitur interitus. Superest igitur, ut
 forma sit, quæ intereat, hoc est, quæ ex eo, quod sit, in id commutetur, quod nul-
 lum est. Est igitur & huius procreatio, hoc est, ex eo, quod non sit, in id, quod est,
 commutatio. Nam corpus illud, quod (verbi gratia) pani subiicitur, cum caro
 non esset, factum est caro. Et rursus, extincta & corrupta carne, carnis quidem
 species in id abit, quod non est, corpus autem nihilominus est corpus. Neque enim
 in incorporeum rerum efficitur interitus, neque ex incorporeis procreatio. Qua-
 re corpus modis omnibus incommutatum manet. Totius igitur non fit interi-
 tus, neque procreatio in compositis, sed formæ solius. Nam etsi compositum gi-
 gni dicatur à parte, tamen de toto dicitur procreatio. Species enim est, quæ pro-
 priè gignitur, perinde ac si Socrates verberari diceretur, aut ambulare, aut indui,
 non penes ipsum totum, hoc est, tum penes animum, tum penes corpus prædi-
 cta subit, sed penes solum corpus. Contrà autem, si dicatur sapiens esse, aut ius-
 tus, iterum à parte, nempe ab animo, in toto fit enuntiatio. Cōsueuimus enim,
 quæ parti eueniunt, ea propter compositionem in toto enuntiare. Quare si hæc
 ita se habent, & ortus & interitus propriè sunt formarum, si materiæ inhæren-
 tes formæ, sempiternæ sunt omnes. eas dico, quæ rerum sunt singularum in qui-
 bus ortus cernitur & interitus, esto, nihil neque ex eo, quod modis omnibus nullū
 sit, gigni, neque id, quod omnino nullum sit, interire. Sin neque carnis species, neque
 sanguinis, neque ossis, nec item colores, nec figure, nec aliarum materiæ inhæren-
 tium formarum vlla est sempiterna, certè harum vnaquæque priusquam nata
 esset, secundum naturæ suæ rationem nulla, deinde in naturam & essentiam pro-
 ducta, ex eo quod modis omnibus nullum erat, in id quod est, commigravit: &
 corrupta in id transiit, quod modis omnibus est nullum. Nam qui in hoc cygno
 candor inest, priusquam natus esset cygnus, nullo certè modo constabat, neque in
 iis erat, quæ sunt: sed vnà cum cygni procreatione primam in ipso nactus est
 consistentiam: deleta igitur & extincto cygno, nusquam consistit ille candor,
 sed in id, quod nullum est, omnino commigrat. Et ut omnino dicam, formarū,
 quæ in materia sunt, & figurarum vnaquæque, ut carnis & ossis, & hoc triangu-
 lum, & hic circulus, qualitatū item vnaquæque, ut calor, ut frigus, ut candor, ut
 nigror, ut quæ sunt generis eiusdem, rationis item expertes animæ facultates, ut

nutriendi, augendi, procreandi, sentiendi, appetendi, & reliquæ. hæc inquam & quæ sunt huiusmodi, quoniam in subiectis corporibus naturam suam & consistentiam obtinent, omnino est necesse, vt quando particularia corpora, in quibus consistunt, intereunt, in materiam ipsa recurrant, & tanquam materia fiant, aut in aliud aliquod subiectum & corpus transeant, & animent illud, & omnino exornent specie, vt in compote rationis anima Græci Autores fieri ponunt: aut in simpliciora nonnulla dissoluantur, vt syllabæ in literas, & domus in lapides & ligna: aut ad proprium aliquod totum redeant: vt si quod in nobis est igneum dissipatum & exspirans, in ignis integram molem reuertatur, aut in aliam speciem commutetur: vt si corruptus nigror fiat, verbi gratiâ, candor aut dulcedo, aut quid aliud: aut per se sine materia consistent, vt quæ intelligentiâ comprehenduntur species. Aut si horum nihil fieri posse probatum fuerit, neque modum alium dissolutionis ipsarum, quod equidem sciam, fingere liceat, superest, vt in id quod omnino nullum est, corrupto subiecto corpore, ipsæ dissoluantur. Quod autem nulla materiæ hærens forma, neque vlla animæ rationis carens facultas, cum perimitur, fiat materia etiam apud Græcos ipsos sapientes in confesso est. Nulla siquidem species nec animæ facultas suam naturam & substantiam sumit ex materia, nec ita vt materia ipsa formas gignat, nec ita vt in formarum naturâ vertatur, nec vt ipsamet forma fiat. Formarum enim procreandi vim non habet: quia vsuuenire non potest, vt ex deterioribus meliora gignantur. Quæ fieri enim potest, vt sensus & vitæ expers materia, & modis omnibus informis, sensus & animæ & omnino formæ sit causa? Meliora enim deteriorum sunt procreantia & causa, non contrâ, meliorum deteriora. Materia enim alicuius est gratia. Species autem est id, cuius gratia. Iam in omnibus melius est id, cuius gratia, eo, quod alicuius gratia instituitur. At verò prius id est ordine naturæ, cuius gratia, eo quod gratia alterius suscipitur. Nam etsi simul ista cōstant, aut non constant, quoniam in iis sunt, quæ inter se comparantur: tamen mente & cogitatione id, cuius gratia aliud constituitur, prius concipi est necesse: & propter hoc ipsum illud parari, quod eius gratia instituitur. Nam formæ ædium gratiâ, quæ mente iam concepta teneatur, materiam talem comparamus, nō autem formam materiæ accommodamus: perinde sanè atq; pater & filius, etsi eorum sunt, quæ inter se comparantur, naturæ tamen ordine prior est pater. Sic vt genus & species inter se conferantur, naturâ tamen prius est genus. Ad hunc igitur modum id, cuius gratia, ordine prius est eo, quod gratia eius instituitur, etsi in iis sint, quæ inter se conferuntur. Quare efficitur, vt si naturâ prius est id, cuius gratia, causam ei non præbeat id, quod ad ipsum destinatur. Ordine enim naturæ causæ priores sunt iis, quæ oriuntur ex causis. Quare si materia locum tenet eius, quod paratur alterius gratiâ, species autem & forma id sit, cuius graua aliud instituitur, nō certè procreandarum formarum vim habet materia. Nam quod procreat, eius, quod procreatur, efficiens est causa. Porro id, quod gratiâ paratur alicuius, causa eius esse non potest ad quod destinatur. Neque verò in formas materiam verti contingit, vt commutata species efficiatur, nec contrâ, cum species intereunt, possunt fieri materia. Nam si quæ composita sunt ex materia & forma, ea constant

stant ex simplicissimis, quæ fieri potest, ut præterea species in materiam dissoluatur? Neque enim amplius corporum elementa duo, materia & species erunt, sed vnicum, nempe materia: neque vlla in rebus erit compositio. At verò, quæ fieri possit, ut incommutabilis materia in speciei naturam migrare possit? Neque enim incommutabilem illam naturam amplius retinebit. Cum enim non idem sit materia, quod species, materia tamen commutata species efficitur, non sanè amplius materia permanet. Nam quod in aliquid per se commutatur, nõ idipsum amplius manet, quod erat. Mutatur enim, verbi gratia, aer in aquam, aut in ignem, verum vnà cum ipsa commutatione aeris natura perimitur. Atque aded ipsum album, quando quia album est commutatur, idipsum amittit, ut album sit. Atque in omnibus eadem est ratio. Vnde cõficimus, ut si materia in speciem cõmutetur, nõ amplius maneat materia. Itaque non erit incommutabilis. Qua ratione efficitur, ut nihil ex materia & forma sit cõpositum: verum omnia, formæ sine materia simplices erunt. Imò veriùs neque totum erit materia. Adparet enim nihil ex informi materia commutationem in aliud efficere. Calidum enim, verbi gratià, in frigidum commutatur, & nigrum itidem in album. & in omnibus par est ratio. Si quis igitur dicat commutatam materiam formam effici, id tum omnino deponet atque exuet, ut sit materia. Non est igitur formarum procreatrix materia, neque mutata ipsa species efficitur. Nihil igitur neque eorum, quæ gignuntur, oritur ex materia, neque eorum, quæ intereunt, dissolvitur in materiam. In quod enim quidpiam in interitu dissolvitur, ex eodem ortum suum obtinuit. Quare si nulla species in rerum interitu materia efficitur, sanè ex materia ortum non habet. Nam etsi materiam facultate formas esse dicimus, non tamen quasi eas ipsa procreet, in formarum naturam migrat. Nam in iis, quæ gignuntur, est incommutabilis. Verum facultate species omnes esse dicitur, quod habilis sit ad formarum naturam in se recipiendam. Quemadmodum enim tabella scriptoria, ut ait Aristoteles, facultate est, quæ in ipsa describuntur literæ: non quod naturam literarum ex ea tabella nascatur, nec quod in literarum substantiam charta aut cera commutetur (manet enim incommutata charta & cera, itidem cum in ipsis gignuntur literæ) sed quod posset in se literarum characteres recipere. Neque verò quisquam dixerit, quod ex eo, quod esset charta aut cera, essentiam suam habeant literæ. Ad eundem sanè modum etsi materia facultate species quælibet esse dicatur, non propterea tamen ex natura materiæ formas naturam suam nancisci asseuerare decet: nisi fortè, quod in ipsa sint, quia naturam sine subiecto formæ per se constare non possunt. Evidentiùs autem huiusce rei confirmationem ob oculos ponet interitus. Nam si cum intereunt literæ, formæ materia non sunt, palam est, quod neque à materia consistentiã inuenerunt. In quod enim quidque interit, ex eodem quoque nasci oportet. At verò neque euenire potest, ut vllæ materiæ inhaerentes formæ, in aliud subiectum transeant, neque animæ facultates, eas dico quæ rationis sunt expertes. Nã si semper ab vno subiecto in aliud commigrarent animæ facultates, eadem numero permanentes essent immortales, & ipsæ per se constarent, neque ad sui consistentiam subiecto indigerent. Fieri enim nullo modo potest, ut equi (ut exempli gratiã dicam)

anima vna & eadem numero permanens, ex alio in aliud subiectum commigret, nisi ipsa per se cōstaret, & esset immortalis: vt nimirum animum nostrum, quodd naturam habeat à corpore separabilem, ponunt ab aliis in alia corpora commigrare. Aliud enim nihil, quod quidem certè in subiecto naturam & consistentiam suam obtineat, à subiecto in subiectum commigrare possit. Forma enim eius carnis, quæ in Socrate inest, Socrate relicto nunquam in alio numero eadem inesse possit. Neque verò qui in cygno candor inest, aut quæ in pomo glubositas, relictis subiectis suis in alia vnquam ita commigrare possint, vt eadem numero permaneant. Hoc enim eorum est proprium, quæ constant ipsa per se, & à subiectis separabilem naturam inuenerunt. Prius enim à subiecto suo seiungi oportet, deinde in alio sedem occupare. Quod igitur à subiecto, nisi intereat, seiungi natum non est, quomodo integrum & idem manens separari possit? Quod saluo subiecto separari non potest, nullo modo in alio subiecto inesse possit. Primum enim ab eo seiungi oportet, in quo inest, deinde esse in alio. vt formæ autem, quæ coherent in materia, à subiectis suis ita separentur, vt saluæ & integre permaneant, fieri nullo modo potest. Quare fieri etiam non potest, vt ab vno subiecto in aliud commigrent. Nam etsi ignis vicinum sibi aërem calfaciat, non tamen in subiecto igne idem numero est calor, qui efficitur in aëre. Nam aliôqui proprium subiectum erat relicturus, nempe ignem. Atque hoc modo calidus non ampliùs fuisse ignis, aut certè non perinde calidus: quia calor, aut certè pars eius ipsum deficeret, & in subiectum aërem commigraret. Quid sit igitur? qui igni calor inest, cum agendi facultate sit præditus, & ea concalfacere natus, quæ sibi sunt vicina, alium in proximo aëre gignit calorem. Et quemadmodum in præceptore & discipulo idem inest speciei theorema, non tamen idem inest numero: atque id quod in præceptore inest, eius est efficiens causa, quod in discipulo. Hoc autem illius est effectus. Ad eundem modum, qui igni calor inest, cum ab eo numero sit differens, qui in aëre inest, eius efficiens est causa. Non igitur fieri potest, vt de re vna subiecta in aliam commigrent formæ, quæ materiæ inhærent: cum neque ipsæ per se consistent, neque sint sempiternæ: sed natæ sint & caduæ. At verò neque in simpliciora alia dissolui possunt. Nam quæ in simpliciora dissoluuntur, ea composita esse oportet. Quare è nonnullis simplicioribus sentiendi facultas componitur: è nonnullis itidem vis nutriendi, candor item & dulcedo, & quæ sunt huiusmodi. Et aliôqui in hisce in eodem iterum luto hæsitabimus. Aut enim illa etiam in simpliciora iterum dissoluentur, & dissoluendi progressus finem nullum habebit: aut si illa, cum formarum materiæ inherentiū sint elementa, ipsis necessariò sunt deteriora, & ideo ipsa quoque caduca, cum intereunt, non in simpliciora dissoluuntur, cur non in ipsis formis naturam simplicem cōstemur? Cæterum, quænam candoris elementa quisquâ cōfingere possit, ex quibus cōstet & coagmētetur? quænam dulcedinis aut molliciei, aut cuiusquâ similis qualitatis? Iam verò omnia videmus, quæ in simpliciora dissoluuntur, partitionis & sectionis esse capacia, & esse magnitudines. At animæ facultates partium sunt expertes, vt in Commenta. de anima, demonstrauit Aristoteles. Neque igitur in simpliciora formarum fit dissolutio. Vtrum igitur,

cum intereunt subiecta, in propriam integritatem redeunt materiæ inherentes formæ? Atqui hoc fieri non posse adparet. Primum enim etiam vetustioribus demonstratum est, animarum non ullam esse integritatem, ex qua defectæ animæ nostræ fiant. Nam hoc modo non partium expertes, sed partitionis capaces ipsas esse contingeret, nempe à sua defectas integritate. Quam verò excandescendi vim continet, tanquam ad suum totum regrediat? Quam porro nutrientis, aut augmentis, aut cuiusquam alterius animæ facultatis? Necessè est enim totam illam nutriendi facultatem animæ corpus aliquod nutrire, & augendi vim aliquod augere. Nutriens enim facultas, eius, quod nutritur, est nutriens; & augens *eadem* eius, quod augetur. Si vlla est igitur tota nutriendi facultas, aut tota augendi, omnino erit aliquid, quod ab ipsa integritate tum nutriētis, tum augmentis nutriatur, & augeatur. Quare si nullum sit subiectum corpus, quod nutriatur & augeatur, neque facultates ipsæ esse possunt. Hæc enim, ut diximus, eorum sunt, quæ inter se mutuò referuntur. Nam ad se mutuò & sunt & dicuntur, quod nutrit & quod nutritur, quod auget & quod augetur. Quòd si vllum sit, quoniam quicquid nutritur & augetur, id caducum est, illud etiam corpus caducum erit. In quid igitur nutriētis facultatis integritas rursus dissoluitur, cum subiectum eius perimitur? Quòd si caducum est totum, & pars proculdubio erit necessarid caduca. Quis autem quisquam vel cogitatione fingere possit, formæ carnis integritatem, aut olis, aut venæ? quam etiam candoris, aut nigroris, aut dulcedinis? quæ item trianguli possit esse integritas, aut cubi, aut omnino figuræ? Nam si qua candoris erit integritas, erit & candidi corporis aliqua integritas. Et in quaque forma eodẽ modo. Doceant igitur, quæ nam candidi aut nigri corporis sit integritas, aut dulcis aut trianguli, aut cuiusquam similis. Nam si adfectæ qualitatibus sunt huiusmodi integritates, siquidem qualitates sunt nigror, candor, & reliqua eiusmodi, sensu etiam omnino percipiuntur. Quis fit igitur, ut nullum eiusmodi corpus sensu vllò percipiatur? Quanquam eorum corporum, quæ à terra sunt ad globum vsq; stelliterum, ut candidi corporis, aut dulcis, aut carnis, aut reliquorum alicuius, per continuitatem integritatẽ sensu percipimus, etiam si in altero sint hemisphærio. Fabulæ igitur, si quis materiæ inherentes formas, cum ipsarum subiecta intereunt, ad suam quandam integritatem redire constituat. Superest ergo, ut inquiramus, num in sese mutuò naturales formæ commutentur: ut, verbi gratia, num triangulum in circulum commutetur, & dulcedo in contrarium, nempe in amarorem, & omnino in aliam aliquam formam, ut in grauitatem. verum quòd fieri hoc non possit, in confesso est. Nam perempta nutriendi facultate, excandescendi vis (ut exempli gratia dicam) generari non possit: neque omnino interempto cane, eius anima, equi anima esse possit. Iterum enim accideret, ut de subiecto in aliud subiectum commigrarent: quod fieri non posse probatum est. Nam etsi de se mutuò res gigni dicantur, ut aqua ex aëre, & ex aqua rursus aër, atque omnia ex omnibus: non tamen, quòd formæ in sese mutuò commutentur, ut aquæ forma in aëris formam, & panis in carnis speciem, ideo rerum in sese mutuò commutatio fieri dicitur: sed quòd subiectum

penes substantiæ suæ rationem idem permanens, & incommutabile, singularū formarum capax sit vicissim. Nam quemadmodum greus equus in canē greum verti potest: non quod equina forma commutetur in caninam (nam simulatq; vna præsens est, altera omnino perimitur) sed quod æs idem numero constet & permaneat, & vicissim formam vtranq; excipiat: ad eundem planè modum, & in naturalibus rebus, mutua ex ipsis efficitur procreatio, communi omnium subiecto (quod incommutabile permanere docuimus) aliàs aliam formam vicissim excipiente, & ipsis scilicet formis sibi mutuò cedentibus, & secundæ præsentia in id, quod nullum est, priore facessente. Atque hoc ipsum euidenter nos Plato docuit in Phædone. Inducit enim Socratem, qui contraria partim ex sese fieri dicat, partim contrarium, nunquam id ipsum fieri, quod contrarium est: sed simulatq; contrariorum vnum accesserit, alterum statim interire. Nam si ad calidum corpus accedat refrigeratio, calor repente perimitur. Hæc cum dixisset Socrates in Phædone, & quidam auditorum, eò Socratem delapsum fuisse arbitraretur, vt pugnancia loqueretur (si quidem idem contraria ex sese mutuò gigni affereret, & rursus contrarium nunquam id ipsum fieri quod contrarium) ei, qui hæsitabat ait Socrates, eorum quæ dicta essent, rectè quidem ipsum meminisse, non tamen verborum, & disputationis intellexisse discrimen: Cum enim, inquit, contraria ex sese mutuò gigni dicebamus, de iis, quæ continent contraria, intelligebamus, hoc est, de communi contrariorum subiecto. Corpus enim, quod (verbi gratia) candidum sit, nigrum rursus efficitur. Dicitur ergo candidum corpus in nigrum corpus commutari, hoc est, quod amborum est participes, ex vno in alterum commigrare: ipsæ tamen formæ contrariæ candor, & nigror, nunquam, inquit, in sese mutuò procreationem & mutationem excipiunt: nunquam enim candor, nigror efficitur: verum vbi primum contrarium aliquod ad subiectum accesserit, protinus alterum, quod in ipso antea inerat, perimitur. Quare, inquit, quæ contraria participant (quæ & ipsa homonymò & societate tantum nominis contraria dicuntur. Album enim appellatur, tum ipse candor, tum ipsum candore perfusum corpus) ea ex sese mutuò fieri dicimus. Quæ tamen participantur, ipsas dico contrariorum formas, vt nigrorum & candorum non amplius ex sese mutuò gigni dicimus: hoc enim fieri non posse probatum est, nisi fortè post sese inuicem. Nam post candorem subiecto succedit nigror, aut contrà. Atq; in omnibus se res habet eodem modo. Hęc igitur Plato. Perspicuum est autem, quòd quæ in contrariis confirmauit, eadem in omnibus materiæ coniunctis formis euenire omnino est necesse. Vbi primum enim vinum in sanguinem mutatum fuerit, vini protinus interit species: itidem si panis in os aut in carnem commutatus fuerit, non ipsa panis forma effecta est caro, sed illa in id quidem euanesceat, quod nullum est: verum in eius subiectum carnis aut ossis successit species, & eadem est in omnibus ratio. Non igitur etsi res ex sese mutuò gigni dicantur, formæ sunt, quæ mutationem in sese mutuò & procreationem subeant: verum formæ ipsæ quidem sibi cedunt mutuò, atq; in id decedunt, quod nullum est. Commune tamen subiectum vicissim, vniuersuiusq; formæ capax est. Hoc igitur modo procreatio fieri sine interitu, nullo modo

modo potest, quoniam nudum & vacans formarum subiectum nõ potest, neq; verò formæ duæ in eodem subiecto esse vlllo modo possunt; neq; forma vlla id ipsum esse iterum potest, quod forma altera, vt non interierit. Quare si cùm intereunt corpora, neq; in materiam formæ materiales dissoluuntur, neq; in vllum aliud subiectum transeunt, neq; in simpliciora dissolutionem admittunt, neque ad suum totum regrediuntur, neq; in aliam speciem commutantur. Neq; verò ipsæ per se quasi separabilem à corporibus substantiam obtineant, solæ permanent, perinde atque ea, quæ intelligentiâ concipiuntur (separari enim à corporibus hæc possunt, vt quæ in subiectis suam non habent consistentiam) Neq; verò modum alium mutationis vel cogitatione fingere licet, præter hos, quos enumerauimus. Superest igitur, vt in id quod modis omnibus nihil est, formæ omnes in materia coherentes, tum cùm intereunt corpora, commutentur. Quare efficitur, vt ex eo, quod modis omnibus nihil est, ortum ipsæ acceperint. His rationibus & consimilibus pressus à nobis, suæ opinioni non illepidè succurrere conatus, rationem huiusmodi confinxit. Quæ enim (inquit) in materia cohererent, vt verbi gratia, carnis species, aut candor, aut figura, & vnumquodq; eorū, quæ sunt eiusmodi, quemadmodum cùm gignitur ex eo, quod facultate sit tale, actu efficitur tale: sic & cùm interit, iterum ex eo quod actu est, in suam facultatem redit: vt enim, verbi gratia, quod facultate est candidum, commutatum, efficitur actu candidum: sic & quod actu candidum est, cùm peremptum fuerit, facultate candidum iterum efficitur. Quare peremptum candidum non in id, quod modis omnibus nullum est, sed in id redit, quod facultate est candidum: & quemadmodum facultate statua, cùm in actu statuam conflata est, iterum in facultate statuam regreditur, & in omnibus eadem est ratio. Siquidẽ ex quo cuiq; suus est ortus, in id etiam est & interitus. Quare si ortus commutatio est ex eo, quod facultate sit, in id, quod actu est, & cõtrā interitus est mutatio ex eo, quod actu est, in id, quod est potentia: neq; sanẽ ex eo, quod non est, fit procreatio, neq; in id quod nullum est, interitus. Eiusmodi sunt igitur, quæ ab illo dicta sunt. Nos autem orationis huius probabilitatem confutantes, axioma quoddam commu-
ne & omnibus confessum adsumpsimus: quod aliud quiddam est, facultate esse quidpiã, & aliud ipsa illius facultas. Eodem modo aliud est actu esse quidpiã, & aliud illius actus. Nam quod facultate, verbi gratia, candidum est, subiectum est corpus, quod habile est, & aptum ad candoris qualitatem in se recipiendam. Candidi autem facultas, ipsa est nudaabilitas: qua quia præditum est hoc corpus, candore imbui natum est, cùm alia ne candoris quidem recipiendi facultate sint prædita. Eodem modo actu quidem candidum corpus, est ipsum iam candore perfusum corpus, vt verbi gratia, dealbatum filum. Candidi autem actus aut, vt Aristoteles loquitur, entelechia, ipsa est candidi forma, quæ corpori accedit. Nam quod eiusmodi actus est particeps, actu candidum esse dicitur, prolata in auferendi casu dictione. Hoc in reliquis omnibus eodem modo se habet. Quando igitur corpus, quod actu est candidum, ipsum quidem certè, quod prius actu candidum corpus erat, facultate candidum corpus factum esse verè dicitur: ipsum tamen candidi actum & formã: cuius particeps corpus actu can-

didū esse dicebatur, nō item verē dicitur, quod perēptus factus sit, aut facultate candidū, aut ipsa candidi coloris facultas. Perempto enim ipso candido corpore, aut ipsius candidi forma, & actus in subiecto remansit, aut non remansit. Si igitur in eo quod facultate est candidum, candidi remansit actus aut species, necesse est, idem simul actu candidum esse & facultate. Quod perinde valet, ac si dicatur & album esse, & non album. Nam quod facultate est candidum, nondum est candidum. Neque verō id solū eueniet, sed etiam idem simul erit contraria. Quod enim facultate est candidum, ac non actu perfusum, tamen colore nigrū esse oportet, aut certē mediū alicuius coloris. Cū igitur aut contraria simul esse, aut contradicentia simul esse vera non possint, ut idem simul album esse, & non album, aut album simul & nigrum, fieri certē non potest, ut in facultate candido candidi insit actus & species. Quōd si fieri non potest, ut in facultate candido candidi insit actus, certē perempto candido corpore, qui in ipso candidi actus erat, nisi sit sempiternus, in id, quod modis omnibus nullum est, euanescit necessariō. Quare etiam si subiectum ex eo, quod facultate est, in id mutetur, quod actu est, & iterum ex actu in id, quod est facultate, certē cū ipsæ materiales formæ intereunt, in id facessunt, quod modis omnibus nihil est: & ob id ex eo, quod modis omnibus non est, à suo efficiente in naturam producuntur. Iam & hoc modo res est inquirenda: Si quod esset candidum corpus, quod deinde perempto eius cādore facultate candidum factum fuerit, & postea iterum idem actu candidum efficiatur, proculdubio necesse est, candorem, qui secundo accesserit, non eundem esse numero cum eo, qui in eodem subiecto prius fuerit, & si specie sit idem, ut Socrates cum Platone specie quidem est idem, numero tamen non idem. Et quemadmodum motus eiusdem globi, ab eodem puncto ad idem punctum, ut hodiernus cum crastino, specie quidem idem est, numero tamen non item. Quod enim vnum est, idem numero seruari oportet, ac non interire, dum idem manet. ut verbi gratia, Socrates idem est numero dum manet & seruatur superstes. Si itaque prior quidem candor interierit, in eodem autem subiecto iterum alter sedem occupauerit, perspicuum est, quod numero differt à priore posterior. Quoniam igitur hoc in confesso est, & fieri non potest, ut qui prius in hoc corpore inerat candor, idem sit numero, cum eo, qui postea idem subiectum occupauit, fieri certē non potest, ut qui prius interiit candor, iterum idem numero reuocetur, aut renascatur, etsi specie sit idem. Quōd si fieri non potest, ut semel peremptus candor, iterum idem numero reuocetur, neque certē facultate peremptus candor indiuiduus, adhuc est idem numero in subiecto corpore. Si quidem quod facultate est quidpiam, actu etiam esse potest. Quare si peremptus candor idem adhuc numero redire non potest, neq; facultate certē erit in subiecto corpore. Quōd si neq; ue facultate in subiecto corpore inest, proculdubio dum candor ille perimitur, non in propriam facultatem perimitur. Nam si peremptus in propriam facultatem regrederetur, iterum etiam renasci posset. Quapropter cū neque idem numero iterum renasci possit, sanē peremptus non in suam rediit facultatem: sed in id, quod modis omnibus nullum est, euauit. Nam quod peremptus in aliud quicquam redire ille non possit, iam su-

præcomprobauimus. Cum igitur candor hic peremptus in id euanescat, quod modis omnibus nullum est, in quod autem quidpiam perimitur, ex eodem quoque ipsum natum esse oportet: & contra, ex quo ortū est quidpiam, in id etiam interire ex eo certè natus est, quod modis omnibus nihil est. Eadem valebit ratio in omnibus materiæ inhaerentibus formis, quæ nascuntur, & occidunt. Hinc igitur confirmatum est, quòd omnia quæ gignuntur, quatenus gignuntur, ex eo nascuntur, quod modis omnibus nihil est: & quæ perimuntur, quatenus intereunt, in id dissoluuntur, quod omnino nihil est. Et aliò qui formas in materia coherentes dicere cum intereunt, in id dissolui, quod facultate est, nihil est aliud, quam si dicatur: ipsas cum intereunt, dissolui in materiam, & in eam commigrare. Nam quod facultate est, ipsa est materia. Quòd si quando intereunt, in eam migrant: & quando gignuntur, ex ipsa suam naturam consequuta sunt, è meliore certè erunt deteriora, quod fieri non potest. Nam quod ipsa non habet, fieri nullo modo potest, vt id ipsa procreet, vt priùs explicatum est. Sed quid opus est verbis, cum etiam apud Græcos id confessum esse probemus? Nam Proclus in quinto libro Commentariorum in Timæum, cum Platonis doctrinam de materiæ inhaerentibus formis explanat, ait, Platonem dicere tum qualitates, tum materiæ coherentes formas omnes, & ex eo quod non est consistere, & iterum cum dissoluitur compositum, in id quod non est, interire. Eius autem verba, sic habent: Num verò melius est, vt dicamus formas etiam materiæ inhaerentes, ac non solum qualitates, ea esse, quæ ingredi & egredi dicta sunt. Hæ sunt enim rerum, quæ intelligentiâ comprehenduntur, similitudines, non qualitates. operæpretium est igitur videre, quoniam huiusmodi facessant species: nam absurdum est, si in id naturā migrare dicamus. Excipiet enim natura quiddam simile eorum, quæ sequuntur se, & à se ipsa sunt. Ac si quis in id etiam, quod intelligentiâ comprehenditur, diceret à procreatione quiduis facessere. Quòd si in aliam materiam regredi dicamus, contra ea dixerimus, quæ sunt cuius dentia. Nam cum exinguitur ignis, & in aërem materia conuertitur, non videmus aliam iterum accendi. Quòd si sunt in seipsis, ea erunt, quæ intelligentiâ comprehenduntur, per se constant, & partibus carent. Vnde igitur tumor & moles? Vnde interuallum? Vnde pugna de communi subiecto? Nam quæ constant in seipsis, ea de communi sede non pugnant: neque enim villo indigent subiecto. Quare si neque in natura, neque in seipsis, neque in materia formæ eiusmodi post interitum esse possunt, in id migrent, quod nullum est, prorsus est necesse. Non enim totum hoc permanet materiā semper manente, sed forma sola, sine procreatione prodiens in naturam, & occidens sine interitu. Ostensum est igitur, tum à ratione sumpta demonstratione, tum Procli ipsius verbis, quæ & ipsa tum ex Platonis opinione, tum ex ipsa euidentiā habent probabilitatem, tum qualitates, tum materiæ inherentes formas, & ex eo, quod non est, in naturam extitisse, & rursus pereuntes, in id, quod nullum est, commigrare. Falsum est igitur, ex eo, quod modis omnibus nihil sit, nihil procreari, neque in id interire, quod penitus sit nihil.

VERVM neque gignuntur formæ, inquit, neque intereunt, sed sine procrea- XII.

tione veniunt in naturam, & euaneſcunt ſine peremptione, vt in iis verbis, quæ
 modò produximus ex Proclo, audiuiſus. Atque hoc confirmare ad hunc mo-
 dum poſſis: Omnis procreatio in tempore omnino, & in motu cernitur, vt in
 hominis ortu adparet. Tanto enim (vt verbi gratia dicam) opus eſt tempore, vt
 animal efficiatur. Formæ autem ſine temporis impendio in ſubiecta ingrediun-
 tur, & rurfus ſine tempore à ſubiectis ſuis ſecedunt. Quemadmodum, vt rem
 imagine repræſentem, domus ſpecies non priùs conſtat, quàm poſtrema, vt ita
 dicam, tecto impoſita ſit tegula. Nam ſi hæc deſit, non poteſt ædificium defini-
 tionem domus retinere. Cum enim domus tegumentum, ſit ex lapidibus con-
 ſtans, & lignis, quod imbres arceat, & æſtus, tegula vna ſi deſit, imbres non arceat.
 Quare deſiciente tegula vna, nondum propoſitæ domus forma acceſſit, impoſi-
 ta autem extrema tegula ſine tempore ad ſubiectum accedit prædicta forma.
 Idem & in naturalibus formis vſuuenire videmus. Nam ſi ante præſcriptum à
 natura tempus diem vnum & eum ſolum, vel adedò horam vnā ante abſolutā
 animalis conformationem ex vtero exciderit fœtus, nimirum ab opifice natura
 nondum abſolutus, interit neceſſariò, quòd plena & abſoluta animalis ſpecies in
 ſubiecto expreſſa non ſit. Quare efficitur, vt nullo temporis diſpendio ſpecies in
 ſubiectis compareant. Quòd ſi hoc verum eſt, id ſine procreatione fieri oportet.
 Omnis enim procreatio in tempore perficitur. Eodem modo in id, quod nō
 eſt diſſolutio, nullo indiget tempore. Nam cum ad extremam inconcinnitatem
 peruenerit temperatum corpus, nullo tempore tunc extinguitur, & à ſubiecto
 ſpecies eius recedit. vt in lucernæ flamma, quæ paulatim quidem abſumitur, &
 tabeſcit, dum adhuc manet flamma, ſine tempore tamen ad extremum extin-
 guitur. Quòd ſi ſine temporis diſpendio extinguitur, id ſine peremptione & in-
 teritu fieri neceſſe eſt. Omnis enim interitus in tempore eſt: quia in tempore om-
 nīs eſt mutatio. Quare ſine procreatione in naturam rerum formæ prodeunt,
 & ſine interitu euaneſcunt. Quod igitur gignitur, inquiunt, ſubiectum eſt & ma-
 teria. Efficitur autem ſubiectum tractabile, & ad recipiendam formam idoneū.
 vbi igitur tempore idoneum effectum hoc fuerit, tunc ſine tempore accedit ipſi
 ſpecies. Quòd ſi tractabile & idoneum ſubiectum efficitur, ſubiectum autem
 non ex eo, quod nihil ſit, gignitur, ſed ex eo, quod ſit, nihil certè ex eo naſcitur,
 quod nihil eſt.

XIII. T O T ſunt igitur, quæ quiſpiam, ſi rationum cauſas ab ipſis accipiat, in pa-
 trocinium dicere poſſit, vt doceat ſine ortu & interitu, aut eſſe, aut non eſſe for-
 mas materiæ inherentes. Verum primū, eſſi hanc vt veram orationem rece-
 perimus, nihilo magis ex his docere quiſquam poſſit, quòd aut natus Mundus
 non eſt, aut ſi natus eſt, ex eo procreatus eſt, quòd eſſet. Nam ab homonymia &
 ambiguitate verbi naſcendi anſam accepit falſa ratiocinatio. Ortum enim ſeu
 procreationem nos in Mundo ſolam & nudam nominamus, ex eo, quòd non
 eſt in naturam, & id, quòd eſt, productionem (quemadmodum & Plato, vbi di-
 cit: vtrum, ſemper erat nullo generatus ortus principio: An verò ortus eſt, vt ab
 aliquo temporis principatu eſſe cœperit) non autem in temporis productione,
 quaſi conformationem & ſubſtantiæ confectionem. Nam in hac procreationis ſigni-

significatione Mundum generatum non esse confitemur. Temporis enim expers est Dei effectio, & ad rei cuiusque procreationem modò voluisse satis est. Ne igitur à verbi homonymia faceſſant nobis negotia: ſed ſi & ipſi nonnulla eſſe concedunt, quæ cùm ipſa ſempiterna non ſint, repentè temporis puncto in naturam rerum producentur, cuiuſmodi ſunt formæ omnes, atq; non ex iis, quæ ſunt, harum natura gignitur, quid vetat Vniuerſum quoq; ad eundem modum in naturam & eſſentiam productum fuiſſe, cùm nullum quidem fuiſſet antequam fuiſſet generatum: nulla tamen ex re ſubiecta deductum in naturam? Non igitur ſi ad hunc modum ortus Mundus eſſe dicatur, ex eo, quod iam eſſet, ipſum generatum fuiſſe eſt neceſſe, ſed contrà potiùs, ex eo, quod nullum eſſet. Siquidem quæcunque repentè & nullo temporis diſpendio in natura comparent, omnia ex eo, quod non eſt, in eſſentiam prouehuntur: iam Deum nullo tempore res in naturam procreare cùm ipſe opifex ſit temporis, omnino eſt neceſſe. Quod igitur, quæ materiæ inhærent formæ omnes, ex iis, quæ non ſunt, in naturam proferantur præter rationis demonſtrationem, & ipſi nobiſcum conſentientes planè conſentitur. Cœli autem atq; adèd totius Mundi formam in materia cohærere, cùm corpus ſit ipſe Mundus, in conſeſſo eſt. Si igitur gignatur, hoc eſt, ſi cùm priùs non eſſet, in naturam ex eo, quod non ſit, producat, ipſum tum generatum fuiſſe, tum ex eo, quod nullum eſſet, eſt neceſſe. Quod autem etiam materia, ſi gignatur, ex eo omnino gignitur, quod modis omnibus nihil ſit, & ſi intereat, in id etiam diſſoluitur, quod omnino non ſit, in vndecima ratione, in qua de materia ſermonem Philoſophus nobis propoſuit, demonſtratione confirmabitur. Illinc igitur, qui volet, argumenta deſumat, ne eadem ſæpius ſcribamus. Si igitur forma in naturam ex iis, quæ non ſunt, producit, vt ipſi quoq; ſentiunt, & iterum materia, vt ipſa confirmat ratio, præter hæc autem nihil eſt compoſitum, & compoſitum ſanè, quod ſempiternum non ſit, ſi per ſe totum gignatur ex iis, quæ non ſunt, in naturam producat. Nihil igitur, quod oriatur, quatenus oritur, ex aliquo gignitur quod ſit. Et ob hanc cauſam, nihil quod intereat, quatenus interit, in quicquam diſſoluitur, quod ſit, ſed in id omnino, quod nihil ſit: res enim ſingulæ, quæ gignuntur & intereunt, non penes, vt ranque ſui partem, ſed penes formam tantum gignuntur, & intereunt, vnde tum naſcuntur ex materia, tum in materiam iterum diſſoluuntur.

A N verò non rectè conceſimus ſine procreatione formas in natura nullo XIIII. tempore comparère in ſingularum rerum procreatione, ſed habilem tantum fieri materiam, & ad formas excipiendas idoneam? Nam formæ quidem perfectionem ſine tempore in naturam prodire nos quoq; concedimus, ipſius tamen procreationem maximè eſſe dicimus. Nam cùm in vtero fœtus animatus efficitur, & conformatur, non ſanè materiæ, ſed formæ eſt procreatio. Nam quod qui in vtero adhuc continetur fœtus, & viuatur, & ſemper ad perfectam & abſolutam vitæ ſpeciem contendat, cuius eſt perſpicuum. Quod autem animantis vita materia non ſit, ſed forma, materia autem ſubiectum ſit, & ipſum, quod animatur corpus, quod quantum ad ipſam naturæ corporis rationem attinet, inanimatum eſt, & vitæ expers, id quoque eſt perſpicuum. Cùm igitur priuſquam ab-

solutus edatur fœtus, vitæ sit particeps, etsi nondum sit perfectus, & vita sit species animantis, ac non materia, quæ & ipsa temporis progressu & paulatim procreatione contendit ad perfectionem, quam in vtero consequitur, non certè nullo tempore & sine procreatione forma in natura comparet. Et aliò qui in vndecimo Argumento huius operis Proclus ipse ait, quòd quæ materia nondum esse possit, eam aptam ad opus & idoneam materiam efficiunt opifices. Et quantum in efficienda materia progrediuntur, tantum accessions fit in forma. Lapidem enim, inquit, non prius formæ domus materiam præbent, quàm cæsi, quadrati, & apti fuerint, sed tum demum cùm hanc præparationem acceperint. Cùm igitur, inquit, verè materiæ rationem subierint, tum iam sine tempore forma præstò adest. Quòd si hæc verè dicuntur à Proclo, & materiam idoneam reddunt opifices, quantum autem in efficienda materia progrediuntur, tantum formæ accedit, non sine tempore autem in efficienda materia progrediuntur, non certè sine tempore forma accedit materiæ. Quare si id, quod non sine tempore in natura comparet, per procreationem in naturam producit, sanè ut progrediuntur in efficienda materia opifices, sic & in efficienda forma promouent. In iis etiam, quæ à natura efficiuntur, eadem ratio valebit. Est enim ars, naturæ imitatio. Quòd si domus species non gignitur, neque eam facit ædificator, sanè ædificator non erit ædificator, neque nauium structor, nauium erit opifex, neque domus fieri dici possit, non naus, non vestis, non aliud quicquam: neque enim nauis materia, nauis est, neque indumenti indumentum, neq; ædium ædes: ut cùm horum materia facta est idonea, hæc fieri dicantur. Si igitur materiam tantum idoneam faciunt opifices, nauis autem forma nullo impenso tempore, sine procreatione comparet, neque domus certè accedit, neque nauis, neque aliud quicquam. Materiæ igitur effectores non formæ adpellandi sunt artifices, & procreatio materiæ effectio non formæ est dicenda. Atque hominum in vocabulis
 " vsus tollendus, non communis tantum, sed omnium etiam doctorum. Vos enim
 " (ad cœlestes animantes, ait apud Platonem effectior Mundi Deus) ad mortalium animantium procreationem conuertimini. Et homo hominē procreat, inquit huius discipulus. Non igitur hominem generatum esse, aut gigni dicere oportet, non equum, non vineam, non ficum, non aliud quicquam. Vnaquæque enim earum rerum, quæ sunt, non penes materiam, quæ communis est omnium, sed penes formam & est & nuncupatur. Quare si non gignuntur formæ, non hominis dicenda est esse procreatio, non ficus, non alius cuiusquam. Neque enim materiam hæc nomina designant, quæ communis est omnium, sed formam, per quam res vnaquæque à cæteris discernitur, & ab iisdem est differens. Verum potius risu, quàm reprehensione digna hæc esse duxerim. Nam in rerum procreatione sensim species elucere cernitur, & tempore progredi ad absolutionē, ut tum in iis, quæ arte, tum iis, quæ naturā efficiuntur, cernere licet: ut nos in fœtibus, qui ad animantis speciem deducuntur, & semper ad absolutam vitæ formam progrediuntur, ostendimus.

XV. QVOD si quia formæ absolutio sine tempore comparet, ob id neq; nasci formas dicent, neque in tempore ingredi in subiecta, materiæ quoque procreationem

tionem, & omnem ortum tollant. Nam si lapides & ligna, non domus sunt materia, vt in iis ait Proclus, quæ nos iam exposuimus, priusquam perpolita & adaptata fuerint : sed tum verè sunt materia, cum hoc adepta fuerint, tum verò & species repente & sine vlllo tempore iam compareret, non sanè priusquam forma accesserit, propriè idonea & parata ad opus materia domus lapides sunt, & ligna. Quare vt propriè & verè sint materia, repente & sine tempore ipsis accedit, nempe tum cum species, in iis sunt enim, quæ inter se comparantur materia & forma : atque vnum sine altero esse non potest. Atque vt vnum se habet, sic & alterum se habere est necesse. Eiusmodi sunt enim omnia, quæ inter se comparantur. Quare si speciei perfectio nullo impensio tempore accedit, & materiæ sanè absolutio, quatenus est materia, quando verè est sine tempore, compareret in natura. Quare si quæ sine tempore suam absolutionem accipiunt, ea non gignuntur, & parata ad opus iam ac verè materia sine tempore suam, quatenus materia est, absolutionem & vim adipiscitur, nempe tum, cum species in ipsam ingreditur, neq; sanè materia gignitur. Quod si neq; materia gignitur, neque species, quid reliquum sit, quod gignatur, non video. Nihil est enim inter hæc interiectum medium. Ex materia enim tantum & forma coagmentantur composita, neque vlllo indigent medio, quod ipsa connectat & componat, quod ipse quoque sentit Aristoteles. Cum igitur cedit lapides & perpolit lapicida, si neq; domus speciem facit, propter ipsorum hypothesein, neq; materiam, propter id, quod ex ipsorum hypothesei necessariò consequitur, quid reliquum est, quod faciat ? aut quid est, quod gignatur ? An nihil quicquam architectum facere dicent, cum lapides cedit, aut adaptat ? Si igitur tum quicquam facit, aut materiam domus ipsum facere, aut formam omnino est necesse : si autem materiam faciat, quoniam vt sit materia, sic ipsi accedit & forma, & forma certè in tempore accedit. Quod si in tempore, necessariò efficitur, vt etiam per procreationem accedat, vt iam diximus. Tempore enim ad sui consistentiam non indigeret, nisi procreatione quoque indigeret. Quod si hæc separare decet, materiæ procreationem dico, & formæ, quando cedit & perpolit lapides, & ligna, tum materiam facit, vt quam aptam facit ad opus : quando autem iam ipsa componit, & aptat inter se domus speciem, tum propriè in naturam producit. Et vt omnino dicam, si quod sine tempore suam recipit perfectionem, non gignitur, de medio omnis procreatio tollitur. Nam si quod gignitur, in tempore gignitur, neq; prius absolutam naturam consequitur, quam procreationi destinatum completum fuerit tempus, temporis autem expers est conclusio & extremitas, nempe temporis punctum, vt nunc, in quo quod gignitur, suam, quatenus gignitur, absolutionem consequitur : quicquid autem sine tempore suam consequitur absolutionem, id, vt volunt, non gignitur, efficitur, vt nihil gignatur eorum, quæ gignantur. Quare de medio rerum procreatio tollitur.

C V M sint igitur hæc absurda, minimè certè verum est id, quod sine tem- X VI.
pore suam perfectionem consequitur, non gigni, aut procreari. Neq; igitur quia sine tempore formarum perfectio subiectis accedit, formas non gigni dicemus. Quod autem non solum proxima & continens materia, sed etiam formæ, tum

ab artificibus, tum à natura efficiuntur, hinc etiam erit perspicuum. Fieri potest, ut idem lapis in vnam & eandem figuram ductus & expolitus, ut verbi gratiâ, in quadrum redactus, & ut futurus ædium materia, quadretur, & ut ipse solus ad sedem sit futurus idoneus. Si quis igitur non ut materiam domus, lapidem in quadrum redigat, sed ut tantum subsellium aut sedes fiat, cuius perspicuum est, quod in hoc forma erit ipsa quadrata, aut cubica figura, ut hominis figura in statua: materia autem ipsa est lapidis natura. Qui igitur lapidem expolit artifex, & in tessellâ, aut cubi figuram effingit, non materiam, sed formam efficit. Patet igitur, quod etsi ut domus materia interdum efficiatur: tamen ut proxima formâ non ut materia efficitur, & effingitur illa eadem figura: in lapidem enim, qui materiæ vicem tenet, artifex formam aliquam, nempe figuram cuiusmodi inducit. Vbi autem perfectâ fuerit, accidit, ut quod ex ambobus est, interdum materia domus fiat. Quis autem ridiculû esse non videt, ut statuarius, qui ceram, aut quamvis aliam materiam effingat & efformet, non formam & speciem, sed statuæ materiam dicatur efficere? Nam si cum figuram, quæ hominem referat, effingit, materiam facit, quid, quæso, status forma esse possit? Nihil enim est aliud statua, quàm materia talis in hominis, exempli gratiâ, figuram efformata. Eadem ratio in naturalium omnium procreatione valebit. Natura enim, ubi semen excepit, primum sanguine irrigat, deinde compingit & concretere facit: tum distinguit ad carnium, ossium, & reliquarum partium, quæ similis & naturæ & generis esse dicuntur, procreationem: tum effingit & format tum vitam impartitur: postremò, sensus reddit particeps. Hoc autem, quid est aliud, quàm paulatim formæ animalis præsentiam comparere? Non enim, quia animal, & quia sensus, materia est animalis, ut ipse prius etiam dixi, quæ, dum adhuc in vtero formatur animal, paulatim accedunt. Nam etsi accedit, ut quod vnus facultatis est opus & effectus, id alteri cuiuspiam facultati, ut materia subiciatur, vnaquæque tamen facultas, non ut materiam, sed ut sinem, & opus suum effingit, & format: vnicuique enim facultati scopus is est, ut cum idoneam & accommodatam sibi materiam nacta fuerit, eam exoriet, expoliat, & speciem eidem conuenientem imponat. Nam in ventriculo in chylum seu succum iam conuersum alimentum accipiens, ea, quæ in iecore residet facultas, ipsum immutat, & in sanguinis naturam ac substantiam conuertit. Atque hoc ipsius est munus & finis, sanguinis speciem & formam efficere: neq; vllum est aliud eius officium. Quare si ad solam sanguinis formam & ideam spectat, quæ in iocinore sita est naturæ facultas, & eam efficit, formæ certè effector est & efformator iecur, ac non materiæ. Verum iterum iecoris opus, hoc est, sanguinem ut materiam accommodatam accipiens ea, quæ in vnaquaque reliquarum partium residet facultas, in subiecti naturam traducit, ut carnis, aut ossis, aut aliarum alicuius. Hæ igitur sanguine, ut materia vtuntur. Iocinoris autem facultas, ut speciem

IVX & sinem opus hoc, materiam efficit, quæ & ipsa ad sanguinis speciem alimentum in ventriculo in chylum seu succum conuersum attrahit. Quandoquidem ars quoq; pistoria ut speciem quandam & opus proprium formam panis efficit. Accidit autem, ut huius opus, facultati concoquendi, quæ sita est in ventriculo,

subi.

subiiciatur vt materia. Et qui pharmacorum & medicamentorum naturam moluntur, dum vt materiam idoneam sibi naturæ accipiunt opera, vt lapides, vt herbas, vt reliqua (quæ natura non in hoc effecerat vt illis materiæ loco subiicerentur, sed ad propriam speciem & opus suum tantum respiciens) medicamentorum speciem in ipsis efficiunt, & hunc sibi propositum finem habent: etiam verò illa iterum medico vt materia subiiciuntur. Sed quid attinet hinc longius exemplis orationem producere? Nam, vt omnino dicam, omnis ars & omnis naturalis facultas, quæ quidpiam efficit, non vt materiam id efficit, sed omnino vt formam efficiat, operatur. Siquidem accepta materia quapiam, tum ars, tum natura, forma aliqua & specie ipsam exornat. Nulla autem materia, quia est materia, in vlla alia subiecta materia consistit: ipsa enim est, quæ unicuique rei primum subiicitur. Nam quæ continens nominatur materia, vt elementa, & quæ in nostro corpore his proportionem respondent, succi, & humores, non propriè materia, sed ad aliquid relata sunt materia. Nam si cum corporibus compositis, quæ ex ipsis sunt futura comparentur, sunt materia: Sin ipsa per se cernantur, composita sunt ex materia & forma, cum ipsis id subiiciatur, vt materia, quod triplici dimensione constat, forma autem sit, igneum, verbi gratiâ, aut aërium. Et in omnibus eodem modo. Demonstratum est igitur, quòd omnis efficiendi facultas formæ est efficiens: etsi accadat, vt vnius opus, alterius materia fiat: nisi quis fortè in toto animali communem spectet naturam, quæ cuiusque facultatis opera ad vnum scopum, nempe ad animantis salutem omnia refert. Verùm quæ in quaque particula sita est natura efficiens, ea non materiam, sed speciem vt proprium opus efficit. Quare cum ars omnis & natura speciem aliquam, ac non materiam efficiat, species autem omnes, vt & ipsi continentur, ex eo quod non est, in naturam progrediuntur, & dissoluta compositione rursus in id, quod non est, intereant, earum certè rerum, quæ gignuntur, nulla ex eo gignitur, quod est, neque in id rursus perimitur, quod est: verùm ex eo quod non est, omnino fit procreatio, & in id quod non est, cum rerum fit interitus, omnino dissoluuntur.

HISCE rationibus nonnulli, cum premuntur, neque materiæ neque formæ procreationem esse aiunt, sed eius, quod ex ambobus est compositum, atque huius etiam esse interitum. compositum enim ex incomposito fieri dicunt. Nam si quod gignitur, homo est, aut bos, aut olea, aut quicquam simile, horum autem vnumquodque è non composito effectum est compositum, perspicuum est certè, quòd compositi est procreatio. Nam & stirpes & animalia sunt in compositis, & earum rerum quæ sunt vnaquaque. Quæ autem sunt composita, ex subiecta gignuntur materia & in eadem postremò dissoluuntur. Quare & ortus ex eo est, quod est & interitus iterum in id fit quod est. Quoniam autem si quis in his maximè manet, probatum est quòd non per se totum compositum ex eo quod nullum est, in id quod est, commutatur, quod est procreatio, neque iterum per totum fit, ex eo quod est in id dissoluitur quod non est quod est interitus, & compositi procreatio esse non possit. Nam etsi totum gigni dicatur, à parte tamen in toto enuntiatur procreatio. Vt hominem à parte, nempe corpore, incedere & ambulare dicimus. Quòd si quis compositi procreationem esse etiam con-

XVII.

cedat, quia omnino compositio quædam efficitur, primum quidem non ex eo solo quod est, nempe materia, sed ex eo etiam quod non est, nempe forma, gignitur compositum. Siquidem ex materia & forma coagmentantur composita. Quare iterum etiam tum in id quod est, tum in id quod non est, intereunt. Qui sit igitur, ut dimidium refecantes, compositum ex eo fieri dicant quod est; neque quicquam fieri ex eo quod non sit? Nam si ut quod gignitur compositum accipimus, ex materia & forma gigni adparet. Quorum alterum erat ante compositionem, nempe materia; alterum autem, hoc est, forma, nondum erat. Unde efficitur, ut procreatio sit, & ex eo quod est, & ex eo quod non est: & interitus in id fiat quod est, & in id quod non est. Deinde, si quod gignitur, neque materia est (quia per ipsos materia neque nascitur, neque interit unquam) neque forma, siquidem sine procreatione, & interitu, ut aiunt, aut esse hæc, aut non esse solet, concretio certe tantum est simplicium procreatio, & interitus contra, secretio & separatio. Atqui substantiæ nulla est concretio, quemadmodum in aceruo seminum, aut lapidum, aut nonnullorum illius generis, non substantiæ cuiusquam natura est aceruus, sed compositio tantum, verbi gratiâ, frumenti granorum. Atque ita evenit, ut vera sit Empedoclis oratio, cum nullius naturam esse dicit, sed permissionem tantum, & permistorum segregationem. Verum abunde in libris De procreatione & interitu, hanc opinionem Aristoteles confutavit. Cum igitur non compositio tantum sit procreatio, non sanè quod gignitur, in eo tantum gignitur, quod compositum est. Quod si non compositionis tantum est procreatio, sed est quædam in compositi procreatione etiam substantiæ procreatio, in omni autem composito præter materiam & formam nihil aliud cernitur, omnino est necesse, ut aut eius substantiæ, quæ in forma spectatur, aut eius, quæ est in materia, aut eius, quæ in ambobus simul visitur, fiat procreatio. At verò materia neque oritur neque perimitur. non igitur materiæ ortus esse dicitur. Neque igitur compositi ex ambobus. Nam hoc modo rursus gigneretur materia. Siquidem quod ex ambobus constat, hoc est compositum, per se ipsum totum gigneretur, hoc est, per materiam & per formam. Superest igitur, ut unius formæ sit procreatio. Quare sit quidem concretio quædam simplicium & compositio: multò autem prius & substantiæ, quæ in forma spectatur, sit procreatio. Nam quod hæc in materia gignatur, quia per se ipsa consistere non potest, accidit ut gignatur etiam compositum, perinde atque si in statuæ procreationis compositi ortum quis esse dicat, hoc est, conflati ex aëre & tali forma seu figura. Verum perspicuum, quod primaria ratione formæ, in aëre comparentis est procreatio. Sed quia forma ipsa per se sine materia stare non potest, ideo accidit, ut compositum producat. Quare propriè formarum quidem est procreatio, tum in iis, quæ naturâ, tum in iis, quæ arte efficiuntur. Ex quâdam autem consuetudine efficitur, ut quia à materia formæ huiusmodi non sunt separabiles, simul eadem ratione compositum efficiatur. Non igitur primum compositi est procreatio. His igitur ita constitutis & necessaria ratione confirmatis, tum quod, quæ propriè gignuntur, formæ sunt materiæ inhærentes, tum quod hæc, quod & ipsi consistuntur ex eo, quod non sit, in naturam prodeunt, & in id, quod nullum est

est, rursus, cum intereunt, dissoluntur, nobis sanè licet confidenter ipsis contradicere, quòd earum rerum, quæ gignuntur, nulla, quatenus propriè gignitur, ex eo nascitur, quòd sit: neque earum, quæ intereunt, vlla, quatenus interit, in id, quòd sit, dissoluitur. verùm tum ex eo, quòd modis omnibus nihil est, est procreatio: tum interitus in id, quòd omnino est nullum, est dissolutio. Nam cuius propriè est procreatio, eiusdem est & interitus necessariò. Igitur si formæ est procreatio, eiusdem omnino interitus esse debet. Cùm igitur confectum sit falsum esse omnium sermone tritum, illud apud Græcos pronuntiatum: quicquid nascitur, ex aliquo nasci, quòd sit: & verum magis sit illud, quòd nihil eorum quæ gignuntur, quia gignitur, ex eo, quòd sit, oriatur, non profectò est necesse, vt si Mundus est generatus, ex eo natus sit, quòd iam esset, vt quæ hinc sunt consequentia, vt absurda effugientes, ipsum ortu carere pronũtiare necesse habeamus.

P R O C L I D I A D O C H I

Argumentum decimum.

Vnumquodque elementorum, quibus constat Mundus, cùm in suo est loco, aut manet, aut mouetur in orbem: cùm autem in suo non fuerit, ad eum redire nititur. Quòd si Vniuersi elementa, aut manent, aut versantur in orbem, seu manent autem in naturali loco, id habent, quòd ipsis est secundùm naturam: seu circulo moueantur, neque initium neque finem habent mouendi: perspicuum, quòd Vniuersum est incommutabile, cùm illo modo sedes sibi naturales obtineant: hoc autem sine principio & fine moueantur. Nam quæ hinc sunt, tum mutantur, cùm in loco alieno sunt, ea, ex quibus constant, & suum recipere festinant. Si igitur Vniuersi elementa in suis sunt locis, neq; vllum in alienum locum totum contendit, neq; cùm proprium locum deseruerit, illud vi impellit, quòd in suo est, necesse est. Vniuersum expers esse mutationis, cùm omnia, eaq; tota, id semper obtineant, quòd ipsis est secundùm naturam, tum quæ in eodem manent, tum quæ mouentur. Quòd si priusquam exornatum fuisset Vniuersum, & Mundi formam accepisset, singula in suis locis erant, ea certè aut manebant, aut in orbem mouebantur: & hoc modo Vniuersum exornatum & ad Mundi formam excultum erat, priusquam ornatum esset, neque ab vllò temporis principio exornari, & ad Mundi formam deduci cœpit, cùm omnia prius eodem modo, vt nunc, se habuerint. Quòd si in alienis erant locis (nam in locis omnino erant, cùm essent corpora) transpositione aliunde indigebant. Quare duo sunt principia. Vnum eius, quòd est cõtra naturam: alterum eius, quòd est secundùm naturam. Atque id, quòd est secundùm naturam, prius est eo, quòd est contra naturam: nempe cùm sit præter naturam, quasi dimotio à natura, quæ si nullo modo adhuc esset, neque ipsum contra naturam esse possit: neque enim extra artem quicquã est, si sit ars nulla. Nam quòd extra quidpiam est, id extra ipsum demum esse debet, si illud sit extra quòd esse dicitur. Quare si horum etiam loca erant secundùm naturam, cùm in illis nõ essent posita, incertum, an infinito etiam tempore, cùm quæ secundùm naturam erant, ipsis essent antiquiora. Quòd si nulla erant propria horum loca, neq; sanè aliena ea fuerunt, in quibus


erant. Alienum enim ad proprium refertur. Quòd si tum quoque illa in alienis locis non erant, in quibus iacebant, quemadmodum nec hodie in alienis sunt, secundum naturam certè tunc quoque se habebant, perinde atque nunc. Quare semper quidem erit Mundus: aliàs autem cum sint alia secundum naturam iis, quæ in ipso manent, & contra naturam, quatenus certè Mundus est, est sempiternus. Quod autem tale est, id solum est in ipso. Quare si non semper est transformatum, certè erit Vniuersum, semper tamen Vniuersum. Et quemadmodum illud contra naturam se habet ad id, quod nunc est, sic quod nunc est contra naturam, se habet ad illud: & in illo omnia, & in hoc, in propriis sunt locis: aliàs autem in aliis. Et Empedocles sapienter, qui vicissim Mundos efficit. Verum ille sapius, nos autem bis.

Capita solutionis decimi Argumenti.

- I. Quòd eo duabus propositionibus falsis decimum Argumentum composuit Proclus, duos syllogismos ex his duabus propositionibus contexens.
- II. Quòd falsum est, quæ in naturali loco sint elementa, ea expertia esse commutationis. Vbi docetur, quòd qui naturalis est toti locus, idem est & partibus naturalis.
- III. Quòd quæ in naturali loco suo manent elementa, omni mutationis genere commutantur.
- IIII. Quòd non ideo necessarîo conficitur, Mundum prorsus esse immutabilem, & sempiternum, quòd neque elementum ullum, neque totum Mundum penes se totum mutari cernamus: Sed contrà, partium interitus vicissim & procreatio, totum quoque Mundum eiusdem natura esse ostendunt.
- V. Quòd nec in eo argumentum est, cur Mundus experts sit interitus, quòd nullo mutationis genere mutetur cælum, præterquam motu in loco.
- VI. Quòd frigide dicitur ea, quæ mouentur in orbem, ob id ipsum, quòd circulo moueantur, neque motus principium habuisse neque finem habitura.
- VII. Quòd quæ deinceps in argumento sequuntur, nihil habent, quòd in re ipsa inhereat, sed Platoniam potius hypothesin reprehendunt.
- VIII. Quòd etiam in his, quantum necessaria non sint, falsa conclusione vititur Proclus.

DECIMI ARGUMENTI

PROCLI SOLUTIO.

- I.  VAS falsas propositiones in hoc Philosophus adsumpsit: ex quibus, dum quod iterum falsum est conceditur, propositum sibi conficit. harum una est huiusmodi: Quæ in naturali loco sita sunt, inquit, quia id habent, quod ipsis est, secundum naturam, sunt incommutabilia. Nam quæ immutantur, in alienis locis immutantur. Nostra enim corpora, ut exempli gratia dicam, ideo immutantur, quia elementa, ex quibus constant, in loco contra naturam detinentur. Nam cum contra naturam ignis, qui in nobis inest, infra detineatur, sursum contendit, ut naturalem sibi locum consequatur: ut contrà, quod terreum est, deorsum nititur: hinc pugna exoritur, & partium compositi dissidium, & diremptio. Vnde coagmentati dissolutionem fieri contingit, quòd in contraria nitantur compositi elementa. Falsa igitur hypothesi una hæc est. Altera autem sic habet: Quæ, inquit, in orbem mouentur,

ea neque principium, neque finem habent mouendi. Ex quibus duabus hypothesibus, duos contextit syllogismos: Vnum, ad hunc modum: Vnaquæque, inquit, Mundi pars, in loco est naturali: Quæ autem in loco sunt naturali, ea sunt incommutabilia. Et partes igitur Mundi sunt incommutabiles, vnde qui ex ipsis constat Mundus, mutationis erit expers. Alterum hoc modo, Quæ in orbem, inquit, mouentur, neque principium, neque finem habent mouendi: Cælum autem versatur in orbem. neque principium igitur habuit vnquam mouendi, neque finem est habiturum. Decimum igitur Philosophi argumentum, ut lubricum faciliè subuertetur.

QVOD autem falsum sit, nihil immutari, quod in loco sit naturali, hinc I. erit perspicuum. Nam si quæ mutantur omnia, cum in alieno sunt loco, immutantur, nihil sanè, quod in alieno loco non sit, immutatur. Nam si consequens est falsum, antecedens falsum esse quoque est necesse. Nam si falsum est, nihil quod in alieno loco non sit, immutari, fieri certè potest, ut quæ non in loco sunt alieno, mutantur. Falsum est igitur, omnia quæ mutantur, tum cum in loco sunt alieno, mutari. Nam si hoc sit verum, quiduis certè, quod in alieno loco non sit, mutationis expers erit. Quicquid autem alieno in loco non est, id in proprio & naturali loco situm est. Quicquid igitur in suo & naturali loco est, id est incommutabile. At verò cuius totum in naturali sede est positum, eius & partes, cum in toto sint sitæ, in naturali loco erunt. Idem est enim totius & partis naturalis locus, ut supra docuimus. Vniuersæ igitur elementorum partes, quæ in suo sunt toto, cum in naturali sint loco, incommutabiles erunt. At verò, quæ nunc elementorum partes in locis contra naturam sunt sitæ, longi temporis progressu in locis naturalibus erunt: nihil siquidem in eo, quod contra naturam sit, immenso & infinito tempore manet. Et cum eò peruenerunt, ibi manent, neque enim priusquam in suis locis cōquiescant, ab eisdem dimouentur. Et quæ nunc igitur in loco contra naturam sitæ sunt elementorum partes, cum aliquando ad naturalem locum peruenerint, erunt incommutabiles. Cum igitur quæ nunc in naturali loco collocatæ sunt elementorum partes, ideo sint immutabiles, quia in eo sunt, quod ipsis est secundum naturam, & quæ in loco sunt contra naturam, cum aliquando ad naturalem locum peruenerint, incommutabiles sunt future, erit sanè aliquando, cum nihil erit, quod immutetur. Porro, si nihil sit, quod mutetur, ab hac Vniuersitate facesset omnis tum mutatio, tum procreatio. Quod cum fieri non possit, quandiu Mundus steterit, falsum est profectò, quicquid immutatur, tum demum mutari, cum in loco est alieno. Quod si hoc falsum est, fieri certè potest, ut tum, cum in suo & naturali loco sunt elementa, mutetur. Vnde efficitur, ut non protinus sit necesse, elementa tota, quia in naturali loco consistent, ob id esse immutabilia, & Mundum itidem, qui ex ipsis constat. Porro quod quæ in toto sunt partes, in naturali sint loco (id enim in rationatione nostra sumpsimus) cum ex euidencia, tum ex his perspicuum esse quiuis perspexerit. Nam si nulla earum partium, verbi gratiâ, quæ terram complent, in loco est naturali: neque totum, quod ex ipsis coagmentatum est, in naturali loco erit. Nihil est enim aliud totum, quam partes vniuersæ. Quemadmodum enim tota

terra totam, & naturalem sibi sedem occupat: sic & partium eius vnaquæque, quæ cum toto coniuncta sit, partem totius & naturalis loci occupat. Vnde efficitur, vt si totus locus terræ, naturæ totius terræ est consentiens, pars quoq; loci, quam terræ pars occupat, partis illius terræ naturæ sit consentiens. Nam etsi nō per se seorsim, & quasi à toto reuulsa pars locum occupet: tamen vt in toto cōprehensa, totius loci partem aliquam tenet. Sed quid opus est ea confirmare, quæ sunt euidentiā? præsertim eum, qui docere velit, quòd quæ in toto continentur partes, suū & naturālē locum occupant. Nam & in his ipsemet Proclus, cū hoc ipsum accurate intelligeret, ad verbum dicit: Quòd quæ hīc sunt, commu-
 tantur, quia in alieno loco sunt, ea ex quibus ipsa constant, & geminum & proprium locū suū recipere festinant, & quòd tunc ad rectam lineam nituntur
 cū in loco sunt non sibi natiuo, quo tempore ad suū redire contendunt: &
 quòd quæ corpora sunt, ea omnino sunt in loco: & quòd deniq; si quisquam est
 illi locus contra naturam, multò prius eidem est aliquis, & secundū naturā,
 Nam quod contra naturam est, id dimotio est à natura: quæ si nullo modo sit, neque quicquam erit, quod sit contra naturam. Nam quod, inquit, contra quidpiam esse dicitur, tum demum sit, si illud sit, contra quod esse dicitur. Quare si quæ ad rectam lineam mouentur omnia, aut partes sunt elementorum, aut ea, quæ ex his conflata sunt, hæc autem in alieno sunt loco: quæ verò in alieno loco sunt, ea in alienum locum peruenerunt, quia à natiuo, & naturali loco recesserunt, est certè etiam partibus elementorum suus, & naturæ ipsarum consentiens locus. Præterea, si quæ in alieno sunt loco, ad rectam mouentur, cū nituntur ab alieno, ad suū & naturæ suæ consentientem locum venire, vt ignis quidem sursum, terra autem deorsum: vnumquodq; autem ad suū totum, conuincitur, efficitur, vt quod in suo est toto, id in loco sit, qui naturæ eius sit consentiens. Ex his igitur, quæ ipsemet Proclus nobis dicenda suppeditat, perspicuum est, quòd qui totius aquæ locus naturæ consentiens est, idem est & partis, & qui totius ignis, idem & partis naturalis est locus, ad quem partes tum contendebant, cū erant in loco naturæ suæ repugnante. Quòd igitur, qui elementi totius est proprius, & naturæ consentiens locus, idem est & parti naturalis, confirmatum est. Nobis autem iterum est ad id, quod proposuimus, redeundum: Si quod contra naturam est, dimotio est ab eo, quod est secundū naturam: & eo, quod contra naturam est, prius est id, quod est secundū naturam: vt in his ipsemet Proclus adseruit, neq; enim fieri potest, vt id sit, quod est contra naturam, si non sit illud, quod secundū naturam est. Nam quod contra quidpiam est, tum esse oportet, cū illud est, contra quod esse dicitur. Quæ igitur elementorum partes in loco sunt naturæ repugnanti, in eo prius erant, qui naturæ esset cōsentiens. Nam si in loco naturali non prius erant, ne nunc quidem in loco naturæ repugnanti esse possint. Nam quod in eo est, quod naturæ repugnat, sic ad id peruenit, quod est contra naturam: quia dimotum sit à naturali: vnde efficitur, vt priusquam in loco naturæ repugnanti essent, in naturali loco fuerint. Quòd si quod in naturæ consentienti loco prius erat, id in loco nunc est naturæ repugnanti, non certè, quod in naturali loco sitū est, ideo est immutabile, quia id obtineat, quod ipsius
 naturæ

naturæ est consentiens. A loco enim naturali, in quo prius erat, in eum dimouetur, qui naturæ repugnet, in quo nunc est. Integra igitur elementa non ideo necessariò mutationis capacia non esse dicemus, quòd in loco sint ipsorum naturæ consentienti. Neque igitur Vniuersum, quod ex ipsis coagmentatum est, mutationis capax non est. Quod in his ex falsa hypothèsi colligere visus est Proclus. Cum enim partes Vniuersi, naturâ non sint immutabiles, neq; Vniuersum naturâ commutationis expers erit. Nam cum id erit commutabile, ex quo quidpiam componitur, & ipsum quod componitur, necessariò erit commutabile. Neque enim fieri potest, vt cum elementa commutantur, id immutatum permaneat, quod ex ipsis est coagmentatum. Ex iis autem & illud vnâ confirmatū est, quòd quæ in suo toto sunt, suum & naturæ suæ respondentem locum tenēt: siquidem cum à suo integro dimouentur, in alienis locis esse dicuntur. Quòd autem in eo, quod contra naturam, est collocatum, ab eo defecit, quod ipsi est secundum naturam. Quare quod ab integro suo dimotum est, id à naturali loco defecit. vnde efficitur, vt quod in suo est toto, id ipsum sit in naturæ suæ consentienti loco. Est igitur idem partis & totius naturalis locus.

VERVM fortasse, vt altius orationem nostram emendemus, de Philoso- III.
pho ipso operæpretium est audire, quomodo dicat, quicquid mutatur, tum mutari, cum in alieno est loco: & ob id elemēta, quæ nunc in naturali loco manent, tum ipsa, tum quod ex ipsis constat, mutatione vacare. Vtrum enim mutationem intelligit eam, quæ sit in loco, vt quæ in naturali sunt loco, nūquam ab ipso dimoueantur, neq; ad eum, qui naturæ repugnet, accedunt? An verò alio mutationis genere, vt quòd, verbi gratiâ, quæ in suo sunt loco, ea neque qualitate immutentur, neque augeantur, neque imminuantur, neque procreentur, neque intereant. Verum quodcumque dixerit, tum ratione, tum ipsa rerum euidentiâ conuincetur. Nam si penes locum non mutari dicit, quæ in suis & natiuis sunt locis, vt nunquam ex his in aliena transferantur (hoc enim quodammodo significauit, cum dixit: Tum enim ad rectam lineam mouentur, cum in suo loco non fuerint, nimirum ad ipsum peruenire contendunt. & in sequentibus omnia lus de loci permutatione verba facit) nihil erit, quod è suo loco in alienum commigret. Nunquam igitur contra naturam elementa mouebuntur. Hoc autem est contra id, quod euidenter adparet. Nam terræ gleba & aqua, vi & contra naturam sursum feruntur, quum à suo loco dimouentur. Et ignis, vt fulmina, & fulgurationes, supernè deorsum depressa vi deferuntur. & vt omnino dicam, si à loco, qui naturæ repugnet, in eum, qui naturæ sit consentiens, elementorum est mutatio, muldò prius à loco naturali, in eum, qui sit contra naturam, mutationem esse est necesse. Nam quod in alieno est loco, aut infinito tempore in eo fuit, aut ex alio loco, eoque alieno in illum locum commigrauit: aut certè ex suo & naturali. neque præter hæc quicquam est. At verò neque in alieno loco quicquam infinito tempore esse ita potest, vt in suo nunquam sit. Melius est enim & decentius, vt nunquam sit, quàm vt infinito sit tempore in loco, qui naturæ eius repugnet. Iam natura id semper, vt scopum propositum spectat, quod optimum est, & pulcherrimum. & Deus bona omnia esse voluit, neque quicquam, quoad

eius fieri posset, esse nequam, & aliòqui incertum esset (quod in his etiam ipsemet proficitur Proclus) an is naturæ consentiens esset locus, in quo nunquam fuerit. Neque verò ex alieno loco, rursus in alienum, & specie differentem mutari potest. neque enim omnino ex alieno loco in alienum est mutatio. Omnium enim elementorum, quorum alia sunt graua, alia leuia, duo sunt naturales loci, grauium quidem quod infra est, aut medium Vniuersi naturalis est locus: leuium autem, quod supra est, aut in ambitu Vniuersi. Omnis igitur elementorum loci permutatio, aut supernè deorsum, aut infernè sursum efficitur. Quæ igitur infernè sursum loci est mutatio, leuium est, aëris inquam & ignis, ex alieno & naturæ repugnanti loco, in suum & naturæ conuenientem permutatio: grauium autem, terræ inquam & aquæ, ex suo & naturali est in alienum, & naturæ repugnantem. Ea autem, quæ supernè deorsum est, leuium uidem ex suo in alienum est mutatio, grauium autem contrà. Quare omnis elementorum loci permutatio, aut ex natiuo est in alienum, aut ex alieno in natiuum & proprium. Porro ex alieno in alienum & specie differentem motus esse nullo modo potest nisi fortè, quis ad latera lapidem eiectus fuerit, non tamen ex alio in alium & specie differentem, sed ex eodem in eundem is motus est, qui ad latera perficitur. Et aliòqui si ex alieno in alienum loci fieret mutatio, rursus de illo, ex quo mutationem fecit, eadem erit ratio. Aut enim in ipso infinito tempore sterit, aut ex alio, qui & ipse contra naturam esset, in illum commigrauit, idque dicitur in infinitum. Aut si hæc huiusmodi sunt, quæ fieri non possint, omnino est necesse, ut quæ in loco sunt naturæ repugnanti, ex suo & naturæ conuenienti, aliquando in illum translata fuerint. Quare non solum fieri potest, sed etiam omnino est necesse, ut si ex alieno in proprium, & germanum est permutatio, multò prius è proprio sit in alienum. Cum ratione igitur, tum inductione confirmatum est, necesse esse, si naturæ sunt incommutabilia elementa, ut à suo & naturali loco in eum moueantur, qui sit contra naturam. Quare non quòd quidpiam in loco suo maneat, ideo ipsum à suo loco nunquam dimoueri consitebimur. Si igitur quæ in naturæ cōuenientibus locis manent, immutabilia esse cum dicit Philosophus, penes locum immutabilia esse intelligit, ut à suo in alienum nunquam dimoueantur, nos orationem eius ad hunc modum conuincemus. Sin verò alio quodam mutationis genere vult esse immutabilia quæ in naturali loco manent, & sic quoque palam erit falsa hypothesi. Nam aqua, quæ in sua manet integritate, etiam immutatur, cum aut incalescit, aut frigescit, aut reliquas qualitarum formas excipit. At verò & perimitur, cum discutitur in halitum, & vertitur in aërem, & in suo idem toto computrescens sexcentas procreat animalium formas. Eodem modo aër quoque, dum naturæ suæ conuenientem locum tenet, non solum immutatur concalescitur, aut frigescitur, verum etiam interit & perimitur: & in aquam quidem concretionem, in ignem autem rarefactionem commigrat, & computrescens varias aëriarum animantium formas effingit. Porro, quid attinet ea dicere, quæ de terra dici possunt? Ea enim in loco suo manens, nullam mutationis speciem admittit: in sexcentas autem stirpium & metallorum formas immutatur. At verò & qui ab ipsa fumidi excitantur halitus, argumento sunt

sunt commutationis eius penes speciem. Et lapides, qui ceraunitæ dicuntur, superne deorsum decidentes, argumenta sunt commutationis ignis in loco naturæ suæ conueniente. Et præterea, quæ ex quatuor elementis coagmentata, & in aquis, aut in terra reguntur corpora, animantes dico & stirpes, quæ quæ sub terra concresecunt metalla omnia, & quæ procreantur in aquis, dum in suo toto manent, hoc est, in terra, aut in aqua (hæc enim in his superant elementa) tota per se tota adparet immutari, dum augentur, & imminuuntur, procreantur, & intereunt. Omnino igitur falsum est, quæ in naturæ accommodato loco manent elementa, ea esse incommutabilia. Contra enim, cum in suis & natiuis locis manent, omni mutationis genere immutari confirmatum est. At verò elementorum partes (inquit) possunt, cum in naturæ destinatis locis manent, immutari: ipsa autem integra elementa, dum in naturali loco permanferunt, immutari nullo modo possunt. Nullam enim tota per se tota elementa commutationem subire cernuntur. Verum qui hoc dicit, nihil aliud, quam quod principio propositum est, postulat, & quod disquiritur, & in controuersiam vocatur, id concedi sibi postulat. Nunc enim inquirimus, an Vniuersum incommutabile sit & sempiternum? Porro incommutabile fuerit, si nullum elementorum, ex quibus conflatum est totum, per se ipsum totum immutetur. Nam una cum elementorum, quibus constat, immutatione, id quoque immutari, quod ex ipsis est coagmentatum, necesse est. Opus est igitur, ut qui Mundum sempiternum ostendere velit, is necessaria ratione conficiat, nullum elementorum ipsum per se totum à sua naturali forma vnquam dimoueri. Qui igitur sine ratione & demonstratione postulat, nullum omnino elementorum ipsum ex eo, quod naturæ est consentiens, in id immutari, quod naturæ repugnat, id ipsum postulat, quod inquiritur. Nam si in toto genere verum esset, nullam rem, ut in summa dicatur, seu totam, seu partem eius, cum in forma, aut in loco sit naturalis, ab eo vnquam dimoueri, & in naturæ repugnantem commigrare, fortasse par esset, id ipsum in elementorum quoque integris intelligere. Quod si omnes elementorum partes etiam cum manent in naturæ locis, omni mutationis genere immutantur, unde quæso docere possunt, quod elementis totis non idem accidit, quod ipsorum partibus? Multo magis enim æquum esse puto, atque adeo necessarium, ut contra sentiamus. Nam si nulla pars elementi est immutabilis, sed quamcunque partem eorum quisquam acceperit, ea & nascitur, & occidit, & omni mutationis genere vertitur, causam haud dicent, cur non sit necesse eadem de vnoquoque toto elemento sentire. Quoniam in aliis omnibus tota videmus iisdem affici affectionibus, quibus partes. Nam quemadmodum animalis pars immutatur, cum augetur, aut imminuitur, aut qualitate mutatur, aut cum locum permutat, aut cum nascitur, & interit: sic animal totum eadem etiam subit. Porro supra docuimus, quod ne numero quidem, eadem perpetuò manent elementa tota. Quis igitur non videt æquum esse, & verò necessarium, ut totum eadem cum partibus perpetiatur?

NEQVE enim quòd tota elementa per se tota non immutantur, ideo est IIII. necesse, ut ea omnifariam sua vi sint immutabilia: res enim vnaquæque etsi ad

exiguum tempus constet, in natura ramen quandiu stat, omnino est necesse, vt rota per se totam sit incommutabilis. Neque verò per se totam tantum, sed etiã per partes principes, & quę totum continent, vt verbi gratiã, homo quandiu superstes est, totus penes se totum necessario est immutabilis. Nam si penes se totum commutaretur, in id statim, quod non est, commigraret. At verò & principes ac primarię animantis partes, penes se rotas sunt incommutabiles, vt cor, iecur, pulmones, cerebrum, & si qua est eiusmodi. Quęcunque enim harum ipsa per se totam cõmutata fuerit, aut vt à sua sede dimoueat, aut à naturali portione & temperamento prorsus recedat, totius animantis protinus inuehet interitum. Quid igitur vetat, quominus qui eodem vtatur argumento, dicat, quòd si hæc animans, neque ipsa penes se totam interim immutatur, neq; verò primarum partium, & quę ipsam continent animantem, vlla tota penes se totam immutari cernitur, omnifariã incommutabilis est, & expers interitus, tum ipsa animans, tum partium vnaquęque? Neque enim quandiu stat animal, eo, quo diximus, modo immutari cernitur. Verum perspicuum est, quòd etsi in animante quęque pars non cernitur tota mutari, quandiu steterit animans: partium tamen immutatio, & conuersio, interitus item & procreatio maximo sunt argumento, quòd toti eadem aliquando, quę partibus eueniant. Ad eundem igitur modum in Mundo necesse est, vt quandiu steterit, neque ipse penes se totum vertatur, neq; vlla ex primariis partibus ipsius. Nam totius partis interitus, Vniuerso interitum inuehit necessariò. Ex omnium enim temperamento & concordia coaluit Mundus, & coagmentatus est. Verum hinc quoque iterum vniuscuiusque elementorum per partes immutatio, procreatio, & interitus totius cuiusque elementi interitum, & vniuscuiusq; eorum, quę Mundum componunt, euidentissimè probat, iis præsertim, qui non omnino iniqui sint iudices, sed veritatem perperam anticipatę iam opinioni anteponunt.

- V. AT verò neque quòd cœlestia corpora loci tantum permutatione mutantur, nullo autem mutationis genere, eos turbare, aut mouere debet, qui æternitatis Mundi opinionem iam sibi induerunt. Accuratam enim huiusce rei disquisitionē in iis, quę contra Aristotelem scribemus, si Deus votis aspirauerit, faciemus. In præsentia autem id tantum dicemus, quòd & in animalium corporibus princeps, & primaria partium omnium cor, à quo vitę spiritus procreatur, & in vniuersum corpus diffunditur, cum perpetua loci permutatione cieatur, immutationum, quę ab aliis sunt affectionibus, propemodum omnium est immune, tantisper dum ipsum seruetur. & manet. neque enim diuisionem, eam præsertim, quę in ventriculis accidit, neque abscessus in inflammationibus perpetitur, vt latè docent Medici. Verum priusquam hæc concrecant, ipsum penitus perimitur, & totum corpus vnà secum perimit: & reuera opus est, vt quę pars totius continendi maximè vim habet, ea quandiu futurum est, vt totum constet & conseruetur, quoad eius fieri potest, in naturali sede & forma permaneat, vt & totum continere possit, & ægotantes partes ad naturę statum reuocare: cuiusmodi est cœlestis pars in Mundo, cuius motu, interiora omnia corpora reguntur. Par est igitur & æquum, vt ipsa præter cæteras omnes, quantum maximè fieri

fieri potest, nullo morbo, nullo adffigatur senio, tantisper dum Deus Vniuersum hoc seruari volet. Verum non protinus ob id ipsum cœlum perpeffionis omnis, & interitus naturâ expers esse existimare par est. Quod igitur falsum sit, omnia, quæ in naturali sede manent, mutationis esse expertia, & ob id Mundum vniuersum & incommutabilem & nescium esse interitus, ad hunc modum nobis probatum esto.

QV AE autem versantur in orbem, ea dicere neque initium, neq; finem habere mouendi, idque, vt communem quandam animi motionem, sine vlla demonstratione credi velle, haud scio, iocantisne sit hominis, an verò seria loquentis. Neque enim ideo, quia conuersionis in orbem non licet definitum principium sumere, aut finem, quia omni ex parte in sese reductæ sunt, & conuenientes omnes circuli partes, certa demonstratione efficitur, orbicularem conuersionem neque vnquam cœpisse, neque vnquam esse desituram, sed esse infinitam. Nam ipse circulus aut globus, hoc est, ad eum modum efformatum corpus, principium quidem corporis definitum nullum, neque finem habet. quia, vt dixi, aptæ inter se & connexæ sunt horum partes: non sunt tamen magnitudine infinita. Nam si circulus est maior & minor, & itidem globus, & fieri potest, vt circulus omnis & globus omnis ab ea figura contineatur, quæ rectis constet lineis, palam est, fieri non posse, vt productione infinitus sit aut circulus, aut globus. Neq; enim infinito maius quicquam esse potest. Neque verò potest infinitum contineri. Et quod ait Aristoteles circulum infinitum esse, perinde est, ac si cubitus infinitus esse diceretur. Certæ enim ac circumscriptæ figuræ designandæ vim habent circulus & globus. Quemadmodum igitur etsi circuli initium sumere non liceat, non propterea circulum, in immensum & infinitum magnitudine produci est necesse: sic etsi conuersionis in orbem definitum principium, vnde ea cœperit, sumere non liceat, quia finis cum principio connexus cohæret: non tamen propterea decet arbitrari, motum nullo modo cœpisse, neque vnquam esse desitutum. Nam si artificis manu confectam spheram, vt arati, volui quispiam cerneret, & maximè si non videret, quando moueri cœperit, neque principium motionis eius dicere, neque finem possit: non tamen propterea principii & finis expers est eius motus. Quid igitur est miri, si in cœlestibus, & omnibus, quæ in orbem versantur, non liceat sumere vnde moueri cœperint, verbi gratiâ, ab arietene, an aliunde? quia, vt sæpe dixi, partes omni ex parte inter se connexæ sunt, & cohærentes, & ob id nulla est, quæ prima moueri cœperit, sed simul omnes & incipiunt & desinunt. Sit tamen aliquod temporis initium, à quo moueri ipsa cœperint. Nam si Vniuersum procreationis expers non esset, quia tum cœli constitutio ab aliquo principio cœpisset, & huius certè motus principium habuisset. Quare si interibit, vnâ cum cœli interitu motum quoque desinere oportet, nihil tamen esse videtur, cur sit necesse, vt conuersio in orbem, ob id ipsum, quia sit in orbem, neque vnquam esse cœperit, neque sit desitura. Quod si Aristotelicis argumentis freti, principii & finis expertem conuersionem esse dicunt, videbimus, an vllum illorum Argumentorum necessariò quicquam conficiat, quando illò, concedente Deo, peruenerimus. Nihil enim est necesse illa

nunc excutere, cum nihil tale in suis argumentis proponat Proclus, inquiremus autem, an ullæ sint rationes, quibus probemus fieri non posse, ut sempiterna sit in orbem conuersio. Nunc cum id vnum nobis proposuerimus, ut Procli argumentis occurramus, ea sola pro virili parte exposuimus, quæ ad euertenda eius Argumenta pertinebant.

VII. QVAE in hoc decimo argumento veritati negotia facessabant, probabilitate adhuc confutauimus. Cum autem Plato ex eo, quod temerè, & sine ordine mouebatur. ordinatum factum fuisse dicat, & quasi solius Mundi ordinis Deum autorem esse proponat, in his, quæ deinceps sequuntur, Proclus hanc hypothesin, ut absurdam, & eam quæ fieri non possit, reprehendere conatur. vnde eius verba hic excutere supersedeo, cum ab eis veritas nullo modo lædatur. Nam ex eo, quod modis omnibus nihil sit, Mundum procreatum fuisse, vera ponit ratio. Quod si cuiquam videbuntur ratione nitî, quæ à Proclo dicuntur, nihil aliud, quam Platonis reprehendit hypothesin. Et perspicuum est, non quia absurda est hypothesis, ideo confici ipsam à Platone dictam non fuisse. Quid enim prohibet hoc modo quamlibet veterum hypothesin, quia veritati non consentiat, neque à veteribus dictam fuisse confingere? Hoc autem modo fiet, ut nullus vnquam veterum falsa dixerit, siquidem reprehensum fuerit id, quod falsum est. Qui autem reprehendit, concludat eum nunquā ita iudicauisse, qui id ipsum proposuit: idque hoc sol argumentō, quod id falsum sit. Reliqua igitur eorum quæ sequuntur, missa facio: in illud autem vnum inquirere, alienum fortasse nō erit.

VIII. NAM si ante Mundi procreationem, inquit, in alienis locis erant elementa, & ipsa quidem loca habebant alia, quæ eorum naturæ responderent, quis in aliena transtulerat? neque enim ipsa sibi translationis causæ fuerant. Quare duo, inquit, sunt principia. Vnum eius, quod est secundum naturam, alterum eius, quod est contra naturam. Quoniam igitur nunc quoque nonnulla ex locis naturæ consentientibus, in loca naturæ repugnantia transferuntur, vt cum ignis deorsum, aut aqua sursum depulsa fuerit, neque sibi translationis sunt causæ, quia corpora sunt, & nunc quoque principia duo ponere est necesse. Vnum quidem, quod corpora in id transferat, quod est contra naturam: alterum autem, quod & in naturali situ consistent, ipsis sit causa, & ab eo, quod contra naturam est, in id, quod naturæ est consentiens, ea reuocet, quæ à naturali statu exciderint. Nihil igitur necessariò hæc ratio conficere mihi videtur. Nam quemadmodum alibi Deo duce, probabimus, quæ capacia sunt tum eius, quod est secundum naturam, tum eius, quod naturæ repugnat, ea non ab oppositis facultatibus ad opposita feruntur; verum ad id quidem deducuntur, quod est secundum naturam, & naturali & rerum conseruante facultate naturali: ad id autem, quod est contra naturam, huius priuatione delabuntur. Priuatio autem propter facultatis finitam naturam, rebus ipsis accidit. Auriga enim & Nauclerus, salutis & interitus subiectorum sunt causæ: Auriga quidem, currus, Nauclerus verò, nauis. Verum salutis quidem per se, euersionis autem per accidens. Nam cum artificum facultas sufficere non potest, propterea quod finita est, accidit in reliquum, ut cum is non adest, qui seruat, in contrarium, nempe in interitum recidant, quæ à facultate

tate prius seruabantur, post hæc ubi confirmauit Proclus, quòd id, quod secundum naturam est, prius est eo, quod est cōtra naturam, hæc subiicit: Quare num etiam loca erant naturæ horum respondentia, cum hæc in illis non essent, incertum est, etiam si quæ sunt secundum naturam, antiquiora sint infinito tempore. Pugnantia coniunxit Proclus. Nam cum suprā dixisset: Si alia loca habebant secundum naturam, quis, qui ea transtulit in aliena? & tanquam huic consequens absurdum, cum subiecisset, aliud esse principium, quod ipsa transtulerit in aliena loca, hic ait, quòd num loca erant secundum naturā, cum hæc in illis non essent, incertum est, etiam si quæ sunt secundum naturam, antiquiora sint infinito tempore. Quòd si infinito tempore in locis naturæ repugnantibus fuerunt, neque vnquam in locis naturæ suæ accommodatis fuerint, non sanè ex eo, quod naturæ esset consentiens, in id, quod naturæ repugnaret, translata fuerunt: quare neque translationis habuerunt causam. Cur igitur, ait, alio principio fuisset opus, quod ex naturæ consentiente in naturæ repugnans ipsa traderet, quæ nullo modo translata fuerunt? Quòd si iterum, quia in eo sint quod naturæ repugnat, Philosophus necessariò confici putat, vt causa aliqua fuerit alia, quæ ipsa in id traduxerit, quod est contra naturam, nempe ex eo loco, qui naturæ est accommodatus, in eum, qui repugnat eidem. Quòd si in loca naturæ repugnantia translata fuerunt, priusquam traducta essent, in iis erant quæ naturæ consentiebant. Non igitur in infinito tempore in iis erant, quæ naturæ repugnarent. Quare nō obscurum est, an naturæ ipsorum consentientia essent illa loca, è quibus in loca naturæ repugnantia translata fuerunt. Nam translatio in id, quod naturæ repugnat, ex eo omnino fit quod naturæ est consentiens, vt nuper docuimus. E' duobus igitur absurdis alterum tantum (si omnino sit vllum) sequi est necesse, & non ambo, vt confecit Philosophus. Aut enim cum in locis naturæ repugnantibus, infinito tempore essent elementa, incertum est, an etiam alia loca haberent naturæ conuenientia: & non amplius duo erunt principia. Aut si quidem duo sunt principia, vnum eius, quod est secundum naturam, alterum eius, quod contra naturam est, non est incertum, an alia ipsis loca essent naturæ ipsorum conuenientia.

PROCLI DIADOCHI

Argumentum undecimum.

Materia (inquit) Vniuersi est gratia: receptaculum enim est procreationis. Id autem cuius gratia est materia, nihil est aliud quàm procreatio. Quare si ex nullo materia fortuito esset alicuius gratia, & id quod esset procreatum fortuito, materiam haberet. Nihil autem eorum quæ fortuito sunt, est necessarium. Quare neque opificium firmitatem habere dicemus. Quòd si ex aliqua causa, est alicuius gratia & materia procreationis, necesse est simul esse materiam & procreationem. Nam id quod est alicuius gratia, & id cuius gratia, simul ipsa sunt, cum ad sese mutuò referantur. Quare si materia, sempiterna res est, & hoc ipso quòd materia est, alicuius est gratia, procreatio quoque est sempiterna. Nam & hanc adesse cum id cuius gratia sit procreatio, est necesse. Vna sunt igitur perpetuo tempore materia & procreatio, vt id cuius gratia, & id quod alicuius est

gratia. Alicuius enim est materia, nempe formæ quæ in ipsa sedet. Nam aliqua materia tunc est materia, cum fuerit & forma. Quapropter idoneam ad opus materiam efficiunt artifices, quæ nondum sit materia, & quantum progressio- nis faciunt in paranda materia, tantum accedit & formæ. Lapides enim formæ domus materiam non prius præbent, quam cæsi, si ita opus sit, & adaptati fue- rint, sed tum demum, cum hanc præparationem fuerint adepti. Vbi igitur verè materiæ rationē susceperint, tunc nullo tēpore iam forma cōparet. Quare si quæ omnino est materia, materia est procreationis cuiusvis, & facultate est omnia, & nihil ipsa indiget ut sit materia (Quod enim omnino & absolute tale est, id ubique & primò est nullius indigens ut sit id quod est) simul ac ipsa est, omnes formæ in ipsa comparent. Cum enim nullo indigeat ut sit materia, nullo etiam indiget ut formas excipiat. Quare ex quo est materia, formas quoq; habet qua- rum est materia. Est autem procreationis expers & interitus, ne alterius materiæ indigeat, cum ipsa omnino sit materia. Sunt igitur formæ in ipsa ex æternitate, & Mundus itidem: Mundi enim est materia, non autem Mundi confutionis, atq; adcò & Mundi erat gratia. Nam materia aliqua non priuationis, sed formæ est gratia. vnde efficitur, ut ex quo Mundi est materia, vnà sit & Mundus.

Capita solutionis vndecimi Argumenti.

- I. Quid Pythagorici, & Platonici, quid item Stoici de materia senserint: Vbi etiam do- cetur quòd nusquam nuda formarum materia constat.
- II. Quibus argumentis conficiunt, quòd vna est & eadem omnibus naturæ corporibus subiecta materia, & quòd formæ expers est, & incommutabilis.
- III. Quòd quibus argumentis docetur, quòd vna quadam est communis omnium materia, iisdem confirmatur, quòd non illa est quorundam sermone trita, corporis & formæ expers materia sed qualitatis expers corpus, quòd extremum est subiectum, & prima materia.
- IIII. Defensio in contrariam partem, quòd illud expers qualitatis corpus, immutationis ex- pers non est, quatenus est eiusmodi, quia è paruo magnū fiat, & è magno vicissim paruum, & huius argumentum, quòd non quia corpus est, immutatur, sed penes quantitatem, Vbi ostenditur, quòd non idem est magnum quid, aut paruum esse, aut etiam triplici di- mensione productum, aut omnino corpus.
- V. Quòd fieri non potest, ut elementa corporum sint accidentia, ut ex ipsis, & ex mate- ria composita corpora conflata sint.
- VI. Quòd neque omnis qualitas, neque quantitas est accidens, sed est essenziale quantum & quale. Vbi etiam docetur illud, quòd in corporibus seipsum sustentat, & omnino sub- stantiam indefinitum esse illud trifariam diffusum, quòd extremum est omnium subiectū.
- VII. Quòd nihil verat, quin subiectum sit aut materia id, quòd trina dimensione constat, etsi formæ expers non sit, & quòd nihil eorum, quæ sint, prorsus formæ expers esse potest: nè ipsa quidem materia quam ponunt corporis expertem: siquidem omnino in iis illa est, quæ sunt, & quòd simplicissimum est, quòd trifariam in dimensiones est diffusum.
- VIII. Argumenta complura, quòd fieri non potest, ut illa fabulosa corporis & formæ ex- pers materia, verè sit. Et, quòd quibus rationibus corporis expers materia euertitur, iisdem ostenditur materiam esse & primum subiectum, id quòd trina dimensione constat.

*Ubi docetur, quomodo indefinitum esse dicatur per se, id quod triplici constat dimen-
sione, & quod partim est incommutabile, & partim non incommutabile.*

*Expositio aggressus propositi Argumenti xi. & quam in Problemate sint, quæ si IX.
concedantur, veritati nihil officiant. & quam sint, quæ reprehendere proposuimus.*

*Argumenta complura, quod fieri non potest, ut si materia gigneretur, ea gignatur ex X.
materia. seu materiam quandam, seu materiam omnino dixeris.*

*Quod etsi omnia, quæ gignuntur, materia indigeant, ut procreentur, maxime ob id XI.
ipsum modis omnibus erit necesse, ut si gignatur materia, ea materia non indigeat ad sui
procreationem.*

*Quod non ideo quia in rerum singularum procreatione & interitu immutatum ma- XII.
ter subiectum & materia, protinus ob id necesse est ipsam omnino & procreationis &
interitus esse expertem.*

*Quod neque sempiternam esse materiam, & principio vacantem usquam dixit XIII.
Plato: neque si id diceret, par esset, propterea ipsi Mundi aternitatis opinio: m acceptam
referre.*

*Quod in aliis Plato posuit inter se pugnantia: in quibus est, quod dicit terram esse in- XIII.
commutabilem, & tamen composita corpora ex quatuor elementis esse conflata: hæc enim
simul vera esse non possunt.*

*Quod secundum Platonem, Mundum & materiam esse sempiterna non est necesse: XV.
sed contra, etiam materiam propter Mundum principium habere, quo esse cæperit.*

VNDECIMI ARGVMENTI

PROCLISOLVTIO.



QVONIAM hic Philosophus disputationem nobis mouit de I.
materia, & ex hac Mundum sempiternum esse conficere conatur,
operæpretium me facere puto, si priusquam propositum Argu-
mētum excussero, paululum digressus, disquisiuero quæ nam tan-
dē sit, quæ communiter omnibus naturæ corporibus subiecta
est materia: quod suprà me, cum ad caput hoc peruenissem, facturum esse rece-
pi. Plato igitur & veterum illustrissimi quique, materiam & corporis & formæ
expertem esse pronuntiauerunt. Complures etiam ipsam sempiternam esse
proposuerunt, omni ortu & interitu, & omnino mutatione vacantem. Huic au-
tē informi & incorporeæ materiæ ubi primū coniunctum est quantum,
hoc effici dicunt, quod triplici dimensione est diffusum, quod qualitatis experts
est, & id quod propriæ, & omnino corpus dicitur. Huius porro corporis omni-
no magnum & paruum, primam differentiam esse ponunt. Ipsum enim corpus,
quod sua natura solis dimensionibus tribus definitur, tumorem quandam esse
indefinitum, parui autem & magni differentiā definiri. Quemadmodum ani-
malis natura, quæ animatō & sentiente definitur, eadem propria ratione ac defi-
nitione à rationalis & rationis expertis differentia est diuersa; in consistentia ta-
men fieri non potest, ut animal sine aliqua harum differentiarum cernatur. Ne-
que enim ipsa per se in natura constant genera vniuersa, ea dico, quæ naturalia
sunt, & in mulus suam naturam obtinent, sed omnino cum aliqua specie cer-

nuntur. Neque enim animal est ipsum per se, quod non prorsus aut rationis sit compos, aut rationis expers. At verò neque rationis expers animal ipsum per se in natura esse potest, quod non omnino aut equus sit, aut canis, aut aliquod reliquorum. Et in omnibus eadem est ratio. Hæc enim in iis sunt, quæ ad aliud referuntur. Seu enim de medio tollatur genus, vnâ omnino auferuntur & species: & vicissim, si species tollantur, genus quoque vnâ auferri est necesse. Quemadmodum igitur animal sine aliqua suarum differentiarum in natura constare non potest: ita sanè & quæ omnino corporis est natura. & ratio definitur quidem, vt dixi, tribus dimensionibus, cum ipsa per se diuersa sit à magni paruique differentia: in natura tamen sine aliqua harum differentiarum esse non potest. huic igitur deinde qualitatis experti corpore accedens qualitas, elementorum absoluit naturam: calida nanque & sicca accedente qualitate, efficitur ignis: calida verò & humida, ær: humida autem & frigida, aqua: frigida denique & sicca accedente, efficitur terra, cum eiusmodi ordo in hypothese mente tantum concipiatur, vt hæc via quomodo rerum se habeat natura, consideremus. Nunquam enim subiectum formis aut qualitatibus vacare existimare decet: simul enim forma & specie instructa materia à Deo producitur, quæcunque tandem ea sit. Nam si in iis, quæ ad aliud referuntur, sunt materia & forma (materia enim alicuius est gratia, forma autem est id, cuius gratia: vt hîc quoque dixit Proclus) quæ autem inter se comparantur, ea se mutuo ponunt, & vicissim perimunt. Neque igitur materia sine formis esse potest, neque forma sine materia. Ex his itaq; quatuor elementis deinceps coëuntibus & coniunctis, inter se composita existunt corpora. Primam igitur materiam, & absoluto verbo materiam, esse dicunt incorpoream illam & informem: secundo autem loco, triplici dimensionem diffusum, & expers qualitatis corpus, quod post materiam subiectum secundum esse dicunt: tertio autem loco, & iam vicinius, elementa quatuor subiecti locum tenent: hæc enim non absoluto verbo materiæ rationem subeunt, sed in comparatione ad aliud, nempe ad ea relata, quæ ex ipsis concreta sunt. Nam vt quæ ex his composita sunt, ad alia rursus si comparentur, materiæ nomen subeunt, vt semen & sanguis menstruus animantis materiæ locum tenent. Ad hunc quidem modum, de materia dixerunt qui à Pythagora & Platone descenderunt. Stoicorum autem complures materiam id esse proposuerunt, quod est triplici dimensionem diffusum. Quæ igitur à claris Philosophis de materia maximè dicuntur, vt paucis ea complectar, ferè sunt hæc.

- II. QVO' D autem hoc ipsum vnum quiddam sit, & commune subiectum, & omnibus naturalibus formis subiecta materia, idque incommutabile sit, & incorporeum, argumentis eiusmodi confirmant. Corpora omnia naturalia, tum elementa, tum ex his composita, in sese mutuo commutari cernimus. Fieri autem nō potest, vt omnia in sese mutuo transmutentur, si nihil in iis, quæ mutantur, sit, quod vnum, idem, & incommutabile permaneat, & formas (pences quas rerum sit mutatio) vicissim singulas excipiat. Quod autem dico, exemplo planum & illustre faciam. Esto ærea quædam statua, & equus (si videtur) & canis, & bos, & (vt omnino dicam) quæcunque ex ære fingi possunt. Cuius est perspicuum,

cum, horum vnumquodque in reliqua omnia posse transmutari. ærea enim statua ab artifice transformata, in æreum equum, aut canem, aut in reliqua facile commutabitur. Et eodem modo aliud quoduis in reliqua omnia transformari potest. Nunquam tamen ærea statua in ligneum equum commigrare possit, aut in quicquam aliud, quod eiusdem materiæ non sit, vt in domū, aut nauem, aut vestem. Cur ita? quia in illis vna quædam æris materia subiecta est, æræ autem statuæ, domui & naui non. Item eadem subiecta est materia. Nauis enim in lectum & ianuam, & ea omnia, quæ ex ligno conficiuntur, commutari possit: & domus in theatrum (vt exempli gratiā dicam) & ea, quæ ex lapidibus constant. Quia subiecta materia manet incommutabilis, quæ communis sit omnium, lecti quidem & nauis, verbi causâ, ligna: domus autem & theatri, lapides. Non item tamen in vestem domus mutari possit. Domus enim & vestis differens est materia. Nihil igitur in aliud commigrare poterit, nisi vna & eadem ambobus subiecta sit materia. Quemadmodum igitur in rebus, quæ hîc arte constant, quæcunque eiusdem sunt materiæ, vt quæ ex ære conficiuntur opera, quia vna & eadem æris materia ipsis subiecta est, omnia in sese mutuo commigrare possunt, quod æs ipsum in eorum commutatione maneat incommutabile: quod certè ad naturæ eius rationem attinet. Quæ autem non eiusdem sunt materiæ, ea in sese mutuo commutari non possunt. Ad eundem planè modum, nisi omnibus naturæ corporibus vna quædam subiiciatur materia, quæ ipsa incommutabilis permaneat, corpora omnia naturæ in sese mutuo commutari nō possunt. Vnam igitur omnium esse & communem naturalium corporum materiam est necesse. Et quemadmodum æs ipsum informe est per se & sua vi, neque vllam earum formarum, quas recipit, ad naturæ suæ complementum continet: sic sanè & quæ communiter omnibus naturalibus corporibus subiecta est materia, ab omnibus naturalibus formis, quarum ipsa capax est, diuersa sit oportet. Quod autem ab omni forma diuersum est, id informe sit est necesse. Quare informem esse communem omnium materiam, ex his, quæ diximus, confirmatum est. Oportet autem, ipsam quoque esse incommutabilem, vt dictum est, vt ea, quæ commutantur, suam in sese mutuo commutationem, in aliquo quod idem permaneat, efficere possint. Nam si nihil prorsus immutatum permaneret in corporum mutua commutatione, cum id, quod mutatur, penes se ipsum totum, in id interiret, quod nullum est, nulla res prorsus in aliam vllam commutaretur. Hæ sunt igitur rationes, quibus confirmant vnam quandam & communem materiam rebus naturalibus subiici, & hanc informem esse, & incommutabilem.

FOR TASSE autem, quispiam his ipsis rationibus fretus, primam materiam nec incorpoream, nec informem esse probauerit. Nam cum corpora in sese mutuo transmutantur, quod triplici dimensione constat, incommutatum manere cernitur. Aqua nanque cum in aërem commigrat, non quia corpus est, commutatur. Trisariam enim interuallis distinctum, quod aquæ subiicitur, quatenus tale est, manet incommutabile, etiam tum, cum in aërem commigrat aqua. Neque enim ex eo, quod triplici interuallo distinctum non sit, id fieri vide-

mus, quod in tria intervalla diffusum est, neque ex eo quod triplici dimensione productum sit, id fieri cernitur, quod tribus non constet intervallis. Neque enim vnquam visum est, ut corpus ita immutatum fuerit, ut incorporeum sit factum: neque contrà, quod prius esset incorporeum, factum sit corpus. Vnde efficitur, ut quod triplici dimensione fufum est, & omnino corpus, quia corpus est, sit incommutabile. Si quisquam igitur docere possit, quòd ex eo, quod trifariam sit extensum, hoc est, ex eo, quod omnino sit corpus, in id mutatio vnquam efficiatur, quod triplici intervallo extensum non sit, hoc est, in id, quod omnino non sit corpus, aliquid aliud ei, quod triplici intervallo diffusum est, subiectum esse cõsuebimur: in quo subiecto incõmutabili sit commutatio eius, quod tribus intervallis extensum est, hoc est, corporis qualitatis expertis, in id, quod eiusmodi non sit: & palàm est, quòd hoc incorporeum erit. Nam quod alicui subiicitur, ab eo diuersum est, cui subiicitur: ut æs ab aliqua & certa forma est diuersum. Quod igitur ei, quod triplici constat dimensione, hoc est corpori, quia corpus est, subiicitur, id corpus non erit, sed incorporeum. Quare si neque ex corpore quicquam in id vnquam est commutatum, quod corpus non esset, neque è non corpore factum est corpus (Nihil enim, quod modis omnibus non sit triplici dimensione diffusum, factum est vnquam trino intervallo dimensum, neque contrà, quod tribus intervallis constaret, in id commigravit, quod trina dimensione non esset diffusum) verùm, quod tribus constat intervallis & omnino quod corpus est, quatenus est corpus, permanet incommutatum, cùm elementa in sese mutuò transmutantur, quæ relicta est ratio, quæ doceat, ei quod tribus constat intervallis, incorpoream aliquam materiam subiici? Nam ex eorum corporum, quæ qualitate affecta sunt, commutatione, ostendebat necesse esse, ut ipsis aliquid subiiceretur incommutatum, quod ab ipsis diuersum esset. Cùm igitur id, quod est triplici dimensum intervallo, hoc est, quod qualitatis expertis est corpus, quia corpus est, non commutetur (nisi quod quatenus finitum est, penes magnitudinem & paruitatem frequenter corporum sit immutatio) quid superest, vnde necessario quisquam conficere possit, ei, quod tribus constat intervallis, aliud quicquam incorporeum subiici, ac non ipsummet trifariam fufum, primum esse omnium subiectum, & omnino materiam, ut Stoicis rectè est visum? Omnino autem materiam & omnino corpus dico, non vniuersale, quod in nostra tantùm cogitatione, & ratione sola cernitur, sed quod in natura constat, & iam pars est compositi, aut factum iam elementum, sua tamen ratione omni destitutum qualitate, quarum vicissim est capax. Hoc igitur omnino corpus appello, quod tribus intervallis definitur, quoniam neque calidum est ipsum per se, neque frigidum, neque graue, neque leue, neque villam eiusmodi determinationem in suæ ipsius naturæ definitione recipit, ut aut graue corpus dicatur, aut calidum. Ad hunc igitur modum corpus omnino vbique mihi intelligatur. Cùm igitur, quod eiusmodi corpus est, intereuntibus elementis immutatum remanere videamus, adparet hîc primum esse vniuscuiusq; rei naturalis subiectum, & primam materiam. Non enim quia corpus vnumquodque, quod qualitate sit affectum, ex subiecto constat & forma, ob id protinus qualitatis expertis corpus, quod quali-

tate præditis corporibus, quatenus qualitate sunt affecta, subiicitur, ex subiecto & forma compositum esse est necesse. Neque enim qualitate affectum corpus vnumquodque, in eo, quod corpus est, ex subiecto est & forma, sed quia tale corpus est, & præditum qualitate: calidum: verbi gratiâ, aut frigidum, aut graue, aut leue, his enim omnibus quod qualitate præditum est, subiicitur. Corporum igitur, quæ affecta sunt qualitate, vnumquodque ex subiecto est quidem eo, quod tribus constat intervallis, hoc est, ex parte qualitatis corpore: forma autem ignea, verbi gratiâ, aut aëria, aut aliqua alia. Quemadmodum igitur forma non ex subiecto & forma componitur, sic neque omnino corpus, quod naturalibus omnibus formis est subiectum, ex subiecto compositum est & forma, sed ipsum est omnibus subiectum & simplex.

E X ipsa igitur rerum euidentia perspicuum esse puto, quod cum res in sese IIII. transmutantur, corpus ipsum, quia corpus est, nullam conuersionem, aut imutationem sustinet: hoc est ab eo, ut corpus sit, non dimouetur: hoc enim est, quia corpus est, immutari. Quoniam autem nonnulli confirmare conantur, quod etiam corpus, quia corpus est, immutatur, hoc est, trina dimensione constans, quatenus est tale, ut hoc modo, quod possunt, ostendant, etiam corpori incorpoream quandam materiam subiici, necessarium esse puto, ut ipsorum in medium prolata argumenta excutiamus. Aiunt enim, quod eodem manente subiecto, cum neque facta sit accessio, neque decessio, è minoribus maiora fiunt corpora: & contra, è maioribus in minorem molem contrahuntur. Quæ enim multo plena sunt dolia, & vtres, rumpuntur, si cum plena sunt, perspirabili exitu non digeruntur. Nam cum mustum vertatur in spiritum, & spiritus molem maiorem occupet, quam musti substantia, quæ in ipsum conuersa est, & locus, in quo mustum erat, priusquam commutaretur, non possit maiorem corporis molem continere, neque spiritui in ambientem aërem pateat exitus, supra modum præ spiritus magnitudine distenti vtres, & dolia rumpuntur. Id quod etiam in supra modum intumescenibus saccis aut eiusmodi nonnullis aliis fieri solet. Neque enim spiritus omnino ruptionis est causa. Non enim inflati vtres, cum spiritu sunt pleni, rumpuntur: sed musti in maiorem tumorem commutatio. Præterea, euidentius ex minore corpore in maius commutationem, quæ ipso etiam sensu deprehendi possit, quiuis perspiciet, tum in aquis, quæ in habitum digeruntur, & vaporem (nam cum pauca aqua infumatur, multus quidem vapor fieri cernitur) tum in lignis ardentibus, in quibus ardore & vstione cum minimum de lignorum substantia commutetur, multus fumus & longissimè penetrans comparat: & cum edimus, plerumque protinus nullus adparet ventris tumor. Vbi autem cibi in spiritus verti cœperunt, quia in maiorem molem commutantur, & loci amplioris indigent, vehementer ventrem distendunt. Contra, ex maiore mole in minorem mutantur corpora, cum leuiora in grauiora mutantur: multus enim aër contractus, in minimum recidit aquæ tumorem. Quemadmodum enim aqua exigua in multum aërem commutari cernitur: sic necesse est, multum aëris tumorem in seipsum contractum, & concidentem, in minorem aquæ magnitudinem transmutari. Quod si neque facta accessione è paruo

magnum quid efficitur, neque item facta decessione è magno fit paruum, par est, vt ipsum trina dimensione diffusum, oriatur & intereat. Quòd si hoc fit, ipsi incorpoream materiam subiici est necesse, atque ita ipsum non esse corporum primam materiam: quia quæ mutantur, omnia in communi aliquo subiecto mutantur, vt docuimus. Hæc sunt igitur, quæ quispiam producere possit, vt defendat, ei, quod tribus interuallis dimensum est, incorpoream materiam subiici, atque ipsum non esse primam materiam corporum. Verùm nos hanc controuersiam iam facultate dissoluimus. Diximus enim, quòd Magnum, & Paruum, primæ sunt corporis differentia. Quemadmodum enim neque è graui in leue, neque è calido in frigidum commutatio corporis, quia corpus est, commutationem committit: sic neque è paruo in magnum, nec è magno in paruum mutatio, procreationem & interitum corporis facit, quia corpus est: quandoquidem neque accretio è non corpore corpus efficit. Verùm, cùm corporis natura, quia corpus est, immutata permaneat, solius quantitatis in accretione fit mutatio. Ad eundem planè modum, etsi cùm perimitur aqua, in maiorem tumore transeat, dum vertitur in aërem, quatenus quidem ex aqua efficitur aër, aquæ est interitus, & aëris procreatio, quatenus autem neque ex incorporeo corpus effectum est, neque è corpore incorporeum: sed corporis ratio integra, & nullo modo affecta permanet, tum ante interitum aquæ, tum in ipso interitu, tum post interitum, cuius est perspicuum, quòd corpus, quia corpus est, neque interiit, neque exortum est, sed in sola quantitate est immutatum, cùm è paruo factum est maius: quemadmodum in qualitate immutatur, quod è frigido calidum, & è graui leue efficitur. Omnis enim mutatio, dimotio est ab eo, in quo mutatio fieri dicitur. Nam quod album est, si, quia album est, immutetur, ab eo, vt album sit, omnino dimouetur. Et animal, si quia animal est, immutetur, ab eo deficit vt animal sit. Et in omnibus eadem est ratio. Omnis enim mutatio res est, quæ dimouendi vim habet ab eo, in quo ipsa efficitur: quare si corpus, quia corpus est, immutetur, ab eo dimoueri debet, vt corpus sit. Quare ea, quæ è paruo in magnum fit mutatio, aut contrà, è magno in paruum, si corporis, quia corpus est, esset immutatio, non ampliùs corpus esset, quod è paruo fit magnum, aut è magno paruum. Verùm nulla mutatio è non corpore corpus id facit, quod immutatur, aut è corpore non corpus. Nullam igitur mutationem in his, quæ mutantur substantiâ corporis, quia corpus est, sustinere liquet. Nam si corpus in eo definitur, quod triplici dimensione constet, mutatum sit autem corpus, quia corpus est, mutatum certè erit triplici dimensione constans, quatenus est tale. Non ampliùs igitur tribus interuallis distinctum remanebit, sed aut omnia, aut certè nonnulla interualla perdidit oportet. Quòd si in commutatione ipsum, quod triplici interuallo constat, hoc est ipsum corpus, eodem modo affectum manet, nullam immutationem quia tale est, recipiens, perspicuum est, quòd modis omnibus est incommutabile. Parui autem & magni immutatio, corporis est in quantitate commutatio. Quemadmodum igitur & ex calido in frigidum, & ex humido in siccum, aut contrà, corporis est in qualitate immutatio, quæ non absoluto nomine corporis, quatenus est tale, mutationem facit: sic neque in ma-

gno & paruo mutatio, hoc est, in quantitate corporis, quatenus est corpus, immutationem committit: diffundit enim tantum aut contrahit corporis dimensiones: non autem ortum aut interitum efficit corporis, quatenus est corpus: & alioqui magnum & paruum, quatenus tale est, ab eo est diuersum, quod triplici constar dimensione. Nam quod non sit idem, magnum esse aut paruum, & triplici praeditum esse interuallo, hinc erit perspicuum, quia magnum & paruum in iis sunt, quae ad aliud referuntur: nihil enim ipsum per se est magnum aut paruum, sed cum alio comparatum, magnum esse dicitur, aut paruum: vnde fit, ut idem & magnum sit & paruum, cum alio atque alio comparatum. Fabam enim, verbi gratia, magnam dices, si cum sinapi contuleris: paruum autem, si cum pomo comparaueris. Sed & olympus mons, magnus quidem, si cum Hy-metto componatur: paruus autem, si ad totam terram referatur. Et ipsa terra ad vniuersum Mundum, parua est, & propemodum nihil: siquidem ad Vniuersi complexum, vix centri & puncti instar obtinet. Quod autem triplici praeditum est dimensione, quia tale est, non eorum est, quae ad aliud referuntur, neque enim, quia cum alio comparentur, tribus dimensionibus praedita sunt corpora, sed ipsum sua ut ab aliis reuulsum, eiusmodi est vnumquodque. Si itaque magnum & paruum in iis sunt, quae cum aliquo conferuntur, nihil autem, quod triplici dimensione constar, quia tale est, in iis est, quae ad aliud referuntur, non sane idem est, magnum esse, aut paruum, & triplici constare dimensione. Alioqui, si idem esset, magnum esse quidpiam, & tribus fufum esse dimensionibus, nihil, quod magnum non esset, tribus fufum esse dimensionibus. Rursum, si idem esset, paruum esse, & triplici iunctum interuallo, nihil tria haberet interualla, quod idem paruum non esset. Si igitur fieri potest, ut quidpiam magnum non sit, & in tria fufum sit interualla, & idem paruum non sit, & tribus iunctum sit interuallis, in tria certe fufum esse interualla, quatenus est eiusmodi, a magno & paruo est diuersum. Praeterea, magnum & paruum, latius patent eo, quod in tria interualla productum est. Nam & linea & extremitas seu superficies magna aut parua esse dicuntur: quarum extremitas in duo tantum interualla producit, linea autem in vnum tantum. Cum igitur magnum & paruum, in linea sint, & in extremitate, nihil autem, quod in tria profusum sit interualla, linea sit, aut extremitas, & planities, nihil certe, quod tribus pateat interuallis, quatenus est tale, magnum est, aut paruum. Adde his, quod si magnum & paruum inter se differunt, quatenus tale est vtrumque horum, nihil autem tribus constans interuallis, ab vilo alio tribus constante interuallis differt, quatenus est tale, nihil certe in tria protensum interualla, quatenus est eiusmodi, idem est cum magno & paruo. Cum igitur nulla in re idem sit, magnum esse aut paruum, & tribus interuallis esse profusum, non sane e paruo in magnum commutatio, aut contra a magno in paruum, trina dimensione constantis, quatenus est tale, immutationem committit. Nihil enim, cum immutatur, minus quam antea tribus praeditum interuallis, remansit, nec corpus e paruo magnum effectum, aut contra, nec priusquam mutaretur, nec posteaquam immutatum est. Quare corpus, quia corpus est, immutatum mansit, dum penes magnum aut paruum, com-

mutatur,perinde atque in ea mutatione,quę fit in qualitatibus,nullam commutationem, in corporis ratione subit, id quod commutatur, vt sæpe dictum est.

V. VERVM in controuersiam hoc fortasse quispiam adhuc vocauerit,quòd distinctę sunt à se inuicem decem categoriæ, & à substantia diuersa est quantitas,triplici autem prædictione ipsum per se pertinet ad quantitatem, corpus autem est substantia, vnde tribus cõstare interuallis, ipsum per se non est corpus, quandoquidem substãtia non est, sed quãtitas. Si igitur corpus, quia corpus, substãtia est, omne autẽ corpus tria continet interualla, & in hoc speciem habet & formam, necesse est certẽ aliquid esse, quod subiectum sit, & quod tria cõtinet interualla, in quo cum fuerit, tum corporis naturam perficiet. Composita igitur erit corporis natura ex subiecta materia, & quod eandem informabit triplici interuallo, vt vtrunque coniunctum, corporis sit substantia. Non igitur simplex est corpus, & omnium fundamentum, atque receptraculum, sed huic incorporea quædam subiecta est materia. Verum si idipsum, quod est, in tria esse fusi interualla, ideo accidens sit, quia est quantitas, in igne quoque calor & siccitas qualitates cum sint, erunt accidentia. Eadem quoque erit ratio de frigiditate in aqua, & omnino de grauitate, & leuitate, quę corporibus insunt, & similibus horũ. Quare fiet, si hac oratiõẽ inniti velimus, vt omnis corporata substãtia ex materia & accidẽtibus cõcreta sit. Quare materia & accidẽtia erunt elementa corporatę substãtię. Et quoniã elemẽta ordine naturę priora sunt iis, quę ex ipsis cõponuntur, plerunq; etiam tẽporis ordine (Ea enim, è quibus nostrũ coagmentatũ est corpus, & tẽporis & naturę ordine priora sunt nostro corpore, & ideo sublati elementis, nostrum corpus tollatur necesse est: sublato autẽ nostro corpore, elementa tolli non est necesse, vt ignem, aẽrem, aquam, terram) fiet, vt ordine naturę accidentia priora sunt, quàm corporata substantia. Quare sublatis quidem accidentibus, perimitur & substantia (cum enim tolluntur ea, ex quibus constat quidpiam, ipsum quoque perimi est necesse) sed sublata substantia, fieri possit, vt ea sint, ex quibus componitur, nimirum accidentia. quod fieri non potest. Nam ex ipsa rerum natura, contrarium apud omnes est in confesso, quòd cum perimitur substantia, ipsa secum accidentia perimit, vt quę sine ea, cui accidunt, constare nullo modo possint: cum autem perimuntur accidentia, substantiam ipsa non tollunt. est enim Accidens, quod inest & abest sine subiecti interitu: elementa autem quę alicuius rei substãtiam complent, non adsunt & absunt sine illius rei interitu. ex ipsis enim illa constituta est. Non igitur elementa corporatę substãtię sunt accidentia, neque omnino ex his est illa completa. Quòd si elementa corporis accidentia non sunt, ex ipsis certẽ & materia corpus non constat. Quòd igitur fieri non possit, vt ex accidentibus & materia corpus componatur, abunde opinor, ex his, quę diximus, confirmatum est. Quid igitur ad dubitationem hanc dicimus? Quòd quemadmodum non omnis qualitas est accidens, sed est essentialis quẽdam qualitas. Nam differentias, vt rationis compos, aut bipes, in quæstione, qua quæritur, quale quidque sit, de formis & rebus singulis enuntiarĩ dicimus. Vnde Arist. in categoriis, formas & genera, quia participant differentias, qualitatem dixit in substantia significare. Neque enim is, qui in igne

igne est calor, etsi qualitas sit quædam, accidens est igni, sed essentialis eius & constituens differentia, neque gravitas in terra, neque humidum in aëre, & aqua: non item dulcedo in melle, neque candor in cerusa, & niue, non globosa figura in cælo. Alioquin hæc adesset & abesset sine rei subiectæ interitu: quod fieri non potest. Nam ne cogitatione quidem sine calore ignem concipere possumus: aut niuem sine candore, aut cælum sine globosa figura, aut quicquam eorum, quæ diximus. Quemadmodum igitur essentialis est qualitas, quæ non ad qualitatem, sed ut essentialis differentia ad substantiam refertur: sic sanè & quantitas est essentialis, cuiusmodi est maxime ipsum in tria diffusum interualla: hoc enim solum est eorum, quæ in corporibus cernuntur, quod seipsum sustentet, & omnino corporis substantia, quod tumor est quidam tribus præditus interuallis, magnitudine & paruitate indefinitus.

HUIVS autem in tria interualla diffusi prima, ut dixi, differentia, in magno VI. posita est & paruo. Nam trium interuallorum in hunc vel illum modum extensione & contractione magnum & paruum ei, quod tria continet interualla, accedunt, & indefinitum ac vagum tumorem in finitionem ac terminum deducunt. Porro, contractio & productio, neque ortum neque interitum corporis, quia corpus est, efficiunt, hoc est, eius in tria interualla diffusi, quod diximus. Nam magnum & paruum corporibus accedunt, & vicissim ab iisdem recedunt, hoc est, diffunduntur, ac contrahuntur corpora, cum interim ipsum corpus, quia corpus est, in sua natura & ratione nullo modo efficiatur. Quare corporis omnino substantia, nihil est aliud, quam indefinitum illud trium interuallorum, quod parui & magni differentia finitum, & formarum procreatrices differentias corporearum substantiarum excipiens, particulares corporum substantias absoluit, ut aquæ, ignis, solis, lunæ, & reliquorum omnium. His igitur ita constitutis, perspicuum est, quod non est accidens quantitas illa trium interuallorum: adesset enim & abesset sine corporis interitu. Nunc autem nec mente quidem concipere possumus corpus sine diffusionem trium interuallorum: hoc igitur substantia est corporis. Quare si corporis omnino substantia est, in tria interualla esse diffusum, & hoc solum in corporum immutationibus manet immutatum, ut confirmatum est, nulla certè est ratio, quæ conuincat necesse esse, ut ipsi incorporea subiiciatur materia. Hoc itaque primum est naturalium omnium formarum subiectum, ex quo deinceps & substantialibus qualitatibus coniunctis, in naturam prodeunt qualitatibus affecta corpora, ignis, aqua, & reliqua: ut enim rationis expers & mortale per se quidem ipsa non constant, coniuncta tamen cum animali, hoc est, cum animata & sentiente natura, iam consistunt, & constant in natura (cum animali autem dico, non eo, quod genus est, sed eo, quod iam est in natura, quod etiam compositi pars efficitur) ad eundem modum, & qui in igne est calor, & quæcunque ignis complent substantiam sic & humidum & frigidum, quæ perficiendæ aquæ naturæ vim habent, quæ quæ terræ & aëris characterem & formam continent: quæ differentiæ sunt corporis in simplici corpore, hoc est, in triplici dimensione diffuso consistentiam & naturam accipiunt.

VII. VERVM, fortasse quispiam dicet, quod primam materiam informem esse oportet. Quod autem tria continet interualla, informe non est, siquidem ipsum species est, & forma omnino, & absolute dicti corporis. Eueniet igitur, vt informe non sit, quod naturalibus corporibus subiicitur, sed forma formis subiicitur. Cum itaque (aiunt) necesse sit materiam, & primum subiectum formis omnino carere, quod triplici dimensione fufum est, materia esse non potest. Nos igitur hanc controuersiam dissoluentes, dixerimus: primum quidem, quod primam materiam, informem esse oportere, postulatum est, non demonstratio. Nam si omnino fieri non posset, vt quicquam, quod specie iam sit insignitum, alteri speciei subiiciatur, & eius sit materia, confiteri necesse haberemus, omnino informem & omni specie vacantem esse oportere omnium formarum communem materiam. Nunc verò omnis, tum quæ naturâ, tum quæ arte perficitur procreatio, non informem, sed specie instructam materiam ad propria opificia, vt adparet, adsumit. Nam ligna formâ iam & specie insignita, materiam artificiali ex ligno supellectili suppeditant: eodem modo æs ei, quæ ex ære arte conficitur. At verò & in naturalibus partes animalis dissimilis naturæ, aut quod ex ipsis componitur corpus, quod specie informatum est, omnium consensu, vitæ animæ facultatum materia esse dicitur. Et elementa eorum sunt materia, quæ ex ipsis componuntur. Et qui hisce proportionibus respondent succi, nostro corpori suggerunt materiam: ipsum verò triplici constans dimensione, si non primam materiam, secundum certè subiectum & continentem esse materiam omnium naturalium formarum ipsi quoque consentient. Quod enim aliquibus suggerit materiam, oportet id nullam eorum formam habere, quorum est materia: æs enim, quod ad naturæ & substantiæ suæ rationem attinet, nullam eorum continet formarum, quas suscipit. Et succi, qui carnis, nervorum, ossium, & reliquarum animalis partium sunt materia, nullam earum formarum continent, quæ harum rerum substantiam complent, quibus materiam suppeditant. Et hac ratione omnis materia informis dici possit, cum nullam earum formarum contineat, quas suscipit. Non tamen prorsus omni forma vacuum esse necesse est. Siquidem continens omnis materia vsque ad ipsum triplici interuallo diffusum forma & specie est insignita. Sic ipsum triplici præditum dimensione, quia ab omnibus formis, quibus subiicitur, diuersum est, informe propterea dici possit, & omnium materia: non tamen quia species in sit aliqua, ideo proptinus est necesse, vt prima materia esse non possit. Neque enim fieri potest, vt res vlla sit, quæ omnino sit informis. Nam si in rebus, quæ sunt, vlla esset omnino talis, necessariò oporteret, aliquam esse naturalem rationem naturæ, & essentia eius, etiam si nobis esset inexplicabilis. Nam si nullam habeat rationem, qua consistat & sit, in rebus, quæ sunt, esse nullo modo potest. Vnaquæque enim earum rerum, quæ sunt, rationem aliquam habet naturalem, per quam ipsa constet in natura. Quod si verum hoc est, nihil est certè in his, quæ sunt, quod specie vacet & sit informe. Nam naturalis cuiusque rei ratio, per quam ipsa est, species est cuiusque, & substantia; & contrà, quæ vniuscuiusque rei substantiam complet species, ratio est quædam naturalis, per quam habet, vt sit. Et materia igitur, si

nomen non est inane, sed res est aliqua naturalis, quæ sit & constet, rationem habeat necesse est, per quam sit. Vniuscuiusque autem rei ratio, forma eius est, & substantia: & materia igitur ratio, per quam est, species ipsius est & substantia. Non igitur fieri potest, ut modis omnibus formavacet materia: hoc enim ipsum est perinde, ac si prorsus ipsa non esset, ut iam diximus. Nam quod suæ essentia nullam rationem habet, id in iis, quæ sunt, omnino non est. Quare nihil vetabit, quin quod tria habet intervalla, prima sit materia, etsi ipsum specie aliqua insignitum sit, & non informe. Contrarium enim nostra comprobavit oratio, quod fieri non potest, ut quicquam in numero sit eorum, quæ sunt, quod omnibus formis omnino sit viduatum. Porro, cum dicimus, id quod tria habet intervalla, formam esse insignitum, non compositum ipsum dicimus, sed simplicissimum. Non enim ex subiecto & forma constat, sed ipsum simplex est tumor quidam, qui in hoc ipso habet, ut sit, & reliquis omnibus subiicitur. At verò neque tribus produci intervallis speciem nobis ullam præbet compositionis. Nam si ex planis seu extremitatibus corpora constarent, ut Plato dicere videtur, aut omnino ex lineis, quod tribus intervallis dirimitur, simplex non esset. Sin autem hoc fieri non potest, & probatum est, quod non aliud quicquam & subiicitur, quod tribus productum est intervallis, sed ipsum omnium est subiectum, perspicuum est certè, simplicissimum esse & omnium materiam, quæ nulla ex re nata sit compositionem: his ita constitutis, cum quod tribus dirimitur intervallis, seipsum sustentet, nec vlla in ipso cernatur esse mutatio, nulla certè est ratio, quæ conficere possit incorpoream aliquam materiam naturalibus subiici corporibus, sed in ipsum necesse est naturalia dissolui, ut in id, quod est extremum, seu subiectum primum, seu materiam, ipsum appellare placeat. Nam in nominibus non ambiguo se altercabimur.

I A M verò non solum nulla demonstratione eos niti dico, qui de incorporea materia hypothesein posuerunt, cum rationes, quibus id sibi in animum inducebant, reprehensæ sint. Sed permulta iam absurda hanc consequi hypothesein assevero, quibus eam falsam esse intelligitur. Nam si rerum mutatio in incorporea materia fiat, quæ facultate sit omnia, & ob id una & eadem permanens, natura sit idonea verti in quamvis speciem, in eadem certè prima magni & parvi fiet mutatio: ut nimirum Platoni, & reliquis materiam ponentibus est visum. Nam si in eo, quod tribus distinctum est intervallis, parvi & magni mutatio fieret, ipsum immutatum permanere esset necesse, atque idem primum esse subiectum, in quod extremum naturalia dissoluntur. Quare si hoc primam materiam esse nolunt, sed huic incorpoream subiici materiam, omnino est necesse, ut in hac prima omnium penes magnum & parvum commutatio fiat. Quid ergo? nihilne refert, si cuius corpori subiecta corpore vacans materia, in quamlibet magnitudinem, seu magna, seu parva ea sit, commutetur, ut nimirum quælibet materia, quemlibet tumorem atque molem suscipere possit, an verò permultum refert? Nam si nihil refert, quæ cyathos aquæ incorporea subiecta est materia, in totam aëris molem commutari potest: & vicissim, quæ toti aëri subiecta est materia, in cyathum aquæ commutabitur. Nam si quia incorporea

VIII.

est, & facultate omnia, ipsi nihil refert, si in quantamlibet magnitudinem commutetur, cur quæ cyathæ aquæ, verbi causâ, subiecta est, in sextarium potius aëris commutetur, quam in molem centum partibus maiorem, & omnino, quam in totam aëris magnitudinem. Sin verò permulturn refert, si quævis corpore vacans materia, quamvis magnitudinem suscipiat, quoniam neq; rei euidencia id fieri testatur (in certas enim & finitas magnitudines corporum mutua sit commutatio, cum vnicuique vna & eadem subiecta sit materia, nimirum prima) eorum de materia decreta euerterentur, cum nos alias in alia materia differentias esse constituamus. Nam nisi alia materia, aliis comprehensa sit differentius, cur quævis materia quamlibet magnitudinem suscipere non potest? ut enim, quia aliqua forma, quæ ipsi innata sit, occupata non est, sed ratione sua naturaliter est informis, quamlibet formam in se recipere potest: sic planè quia non vlla magnitudine esset occupata sua ipsius ratione, sed magnitudine & corpore vacaret, & facultate esset omnia, in omnem magnitudinem eadem posset commutari: commutabitur igitur cyathæ aquæ supposita corpore vacans materia, in sexcentos, verbi gratiâ, aëris cyathos, aut etiam in totam aëris molem. At, quid hoc dici potest obtusius? Nam etsi pusillum aquæ in aërem multò ampliores commutetur, non tamen nulla adhibita finitione in quantumlibet, sed ad certum aliquem modum vniuscuiusque magnitudinis diffusio fit & rarefactio. quoniam igitur si incorporea & magnitudine vacans materia esset, & facultate omnia, & in ea magni & parui fieret immutatio, in quamlibet magnitudinem extendi posset, non tamen in quamvis mutari cernitur, efficitur certè, ut neque corpore neque magnitudine vacet. Neque enim linea est aut extremitas non solum autem, non in quamvis magnitudinem, verum neque in quamlibet formam omnem materiam commutari cernimus. Nam acino sicut subiecta materia, nunquam eadem permanens, humanam aut elephantinam formam in se receperit. Comprobatum est enim in primo physice Auscultationis, quòd non quævis magnitudo, cuiusvis formæ capax est: sed cuiusque formæ capax magnitudo præscripta est, & finita, tum paruitate, tum magnitudine. Neque enim sicut potest, ut verbi causâ, digiti magnitudine sit homo, neque qui magnitudine ad Lunam vsque perueniat, neque verò in dissimilium partium animalibus & stirpibus hoc tantum est verum, sed in rebus etiam partium similis naturæ, ut in igne, aëre, terra, & in compositis, ut carne, sanguine, vena, & reliquis omnibus. Neque enim in quavis magnitudine, ut verbi causâ, in acini mole, carnis species coherere possit, neque aqua, neque cuiusquam similis. Non enim quemadmodum magnitudo in infinitum diuidi potest, sic & formæ in immensum diuidi ita possunt, ut suam substantiam retineant. Verum vbi præscriptam formæ à natura magnitudinem exceßerint, protinus & forma interit. Nam si aquâ multum diuisione secueris, in aërem ea transibit, vbi diuisio aquæ naturam & substantiam superauerit supra modum à natura definitum. atque in reliquis eadem est ratio. quanquam si incorporea esset & magnitudinis expers, quæ acino supposita est materia, & facultate omnia, quid vetaret perempta acini forma, ex ipso carnem, verbi gratiâ, aut hominem fieri.

fieri, aut aliud quiduis? Nimirum tum in formam, tum in formæ convenientem magnitudinem ipsa commigrante, nulla facta accessione. Nam etsi ex acino ficus procreetur, prius tamen accessio facta est magnitudinis, & eius materia, quæ accedenti magnitudini subiecta est. Fico autem accedit magnitudo & materia, tum ex irrigante aqua, tum ex adiacente & nutriente terra. Idem etsi è paruo semine procreetur homo: attamen menstruum sanguinem natura retinens, huius additione & ipsum nutrit, & in naturalem magnitudinem foetum deducit, dum quæ menstruo sanguini subiecta est prima materia, ad materiam accedit coniecti ab initio seminis. Quoniam igitur eadem manens, aut acini aut seminis corpore vacans materia, nunquam formam in se receperit, aut ficus, aut hominis, perinde ut perempta vnius cyathi aqua, nulla facta accessione fit aer, & panis caro, & vinum sanguis, perspicuum est, quod non quamlibet formam quævis materia corpore vacans excipere possit: quoniam non in quamlibet magnitudinem quævis materia commutatur. Cum igitur, si corpori vacans manet, & magnitudinis expers, quæ unicuique corpori prima subiecta est materia, fieri possit, ut cuiuslibet magnitudini subiecta materia quamlibet magnitudinem & formam in se recipiat, quia corpori vacans est, & modis omnibus expers formarum, & facultate omnia (hoc autem fieri non videmus) falsum est certè corpore vacantem materiam, & formam expertem, rebus subiici. In eo autem, quod tribus continetur intervallis, siquidem hoc sit materia & formarum naturalium subiectum primum, ut prius necessaria ratione confecimus, non item est necesse, ut quidlibet in quiduis commutetur, neque magnitudo, neque forma. Contrahi enim & diffundi magnitudo naturâ potest, verum certam ac finitam vniuscuiusque tum contractionem, tum diffusionem esse est necesse. Magnitudinis enim in magnitudinem fit commutatio, non incorporei in magnitudinem. Cum igitur duæ proponuntur magnitudines, aquæ, verbi gratiâ, quarum vna sit dimidia, altera dupla, & vtræque rarefscens in aërem commutatur, minor pars in minorem aëris portionem, maior in maiorem necessariò commutabitur, & quam rationem inter se habent in magnitudine, quæ aquæ portiones in aëris conuersæ sunt, eandem proportionem aëris moles ex ipsis factas retinere est necesse. Merito autem neq; ad quamlibet formam quælibet magnitudo erit idonea, quia à natura sit definitum, in quanta magnitudine vnaquæque forma consistat: & primum subiectum id sit, quod tribus diducitur intervallis, & res vnaquæque certa aliqua magnitudine eius, quod tres habet dimensiones, sit occupata. Nam etsi ratione sua infinitum sit, quod tribus protrahitur intervallis: tamen cogitatione tantum, & conceptione animi, non actu & reapse est infinitum, ut animal omnino ratione sui diuersum est, tum à rationis partecipe, tum à rationis experte: non tamen sine horum aliquo consistit. Omne enim animal, quod in natura constat, aut rationis est compos, aut ratione vacat. neque verò quia infinitum est, quod in tres protrahitur dimensiones, aut qualitate vacans, ideo incommutabile ipsum esse dico: sed tantum, quia moles est in tria intervalla diffusa: hoc enim solum in ortu & interitu corporum incommutatam permanere videmus. Quatenus autem indefinitum est, aut qualitate vacans, non

est incommutabile. Nam & ex paruo magnum, & vicissim ex magno paruum efficitur, & omnem immutat qualitatē. Atque indefinitum id dico, quod tribus dirimitur intervallis, non quod in quantam maximam quis magnitudinem mente conceperit, commutari possit. Finita est enim & circumscrip̃ta totius Mundi magnitudo: neque fieri potest, ut quicquam sit in natura Mundo maius: sed quia natura potest idem diffusum & contractum aut maius aut minus omnino fieri. Finita est igitur & ad maximum, & ad minimum eius, quod triplici constat dimensione, contractio & profusio. Nam etsi facultate in infinitum diuidi possit magnitudo, non tamen propterea protinus in infinitum etiam contrahi potest. Nam ubi in id, quod densissimum est, compressione contractum fuerit, ut in terram, tum definit contractio. nam si in infinitum idem quis contrahi posse dicat, tota certē terra magis ac magis densior facta, ad acini magnitudinem contrahi poterit: nunc autem hoc fieri non potest. Nam si id fieri posset, etiam contraheretur: quanquam in infinitum facultate diuidi potest, ut magnitudine prædita. Verum contractio & compressio aliud quiddam esse videtur, quam partitio. Nam facultate quidem magnitudines diuiduntur in infinitum, non tamen in infinitum contrahuntur, sicut in infinitum nihil diffunditur: hoc enim, ut dicamus, ipsa rerum euidētia nobis suggerit. Oportet enim (opinor) eum, qui de naturæ rebus disserat, non comminisci, aut confingere rationes, quæ rebus ipsis parum consentiant: sed iis, quæ adparent, verba consentientia & conuenientia de iisdem producere decet. Qui igitur materiam corpore & partibus vacantem, & omnino informem, & facultate omnia esse proponunt, causam haud dicent, cur tandem, quæ huius magnitudinis panī, ut verbi causā dicatur, subiecta est materia, in tantam ac non maiorem carnis magnitudinem commutetur: & cur cyathō aquæ subiecta in tantam aëris molem commutetur: aut cur carnis quidem formam recipere possit, equi autem aut elephantis non item, nisi aliqua fiat accessio. Nam quod corporis & partium expers est, & facultate omnia, si corporis naturam recipere, & corporatum fieri potest, quid externa accessione magnitudinis est opus, ut in tantam magnitudinem, aut talem formam commutetur? Qui autem quod tribus constat intervallis, materiam primam esse ponunt, idque nimirum neque informe, neque partium expers (ipsum enim forma est omnino corporis, & prima magnitudo) in causas expedite reddere possunt, cur non quiduis in quamlibet aut magnitudinem, aut formam commutetur sine vlla additione. Nam cum neque sine magnitudine, neque sine partibus id sit, quod in tria prorahitur intervalla, sed in partes diuisibile, totum profectō sua parte maius est. Quod si hoc est verum, & contractio atque productio corporum, non in incertas, sed in definitas magnitudines fiunt, ut probatum est, certē necesse est, maiorem eius, quod in tres dimensiones prorahitur, partem diffusam in maiorem magnitudinem commutari, quam minorem. Et quoniam vnaquæque species in aliqua magnitudine finita coheret, ut probatum est in Physicis, necesse est, neque in quamlibet speciem, quamlibet magnitudinem immutari: quoniam neque in quantamvis magnitudinem, si nulla fiat accessio, immutatur. Quod si cum id quod triplici di-

mensione distinguitur, subiectum & materia esse dicitur, par est, vt non in
 quamuis magnitudinem extensio fiat & contractio corporum: cum verò incor
 poreā & informis materia ponitur, fit, vt in quantamlibet magnitudinem quid
 uis commutetur: hoc autem & falsum est, & eiusmodi, quod fieri non possit, in
 telligitur certè, non in materia quadam incorporea & informi, tum contra
 ctionem, tum protensionem effici magnitudinis. Quare falsum est, corporis ex
 pertem materiam rebus subiici. Præterea, si corporis est expers materia & ma
 gnitudine vacans, atque vna & eadem omnium, ac non plures materiæ: diuisa
 autem & seiuncta à se inuicem naturalia sunt corpora, vt aqua ab igni, & ho
 mo ab homine, & equo: & vt omnino dicam, vnumquodque corpus, quod in
 natura constet, à reliquis omnibus est seiunctum, quod fieri potest, vt & corpore
 & magnitudine vacans materia, eaque vna in differentia & singula dispartia
 tur? Nam quod incorporeum est, & sine magnitudine, id necessarîo partium
 expers est. Neque enim idem in materia vsuuenire potest, quod, verbi causâ, in
 qualitate. Incorporeus enim est candor, & omnis qualitas. Verum, quoniam ipsa
 per se qualitas sustentari non potest, sed in subiecta aliqua magnitudine constat,
 ipsam vnâ cum excipiente magnitudine extendi est necesse. Materia autem non
 in magnitudine habet, vt sit, neque omnino in alio sustentatur: contra enim,
 omnium subiectum & receptaculum ipsam esse palam omnes affirmarunt.
 Qui fieri igitur potest, vt quod incorporeum est, & vt ita dicam, impartibile, in
 partes diducatur? Sed quis diuisionis modus esse possit? Nam quæ diuiduntur,
 aut, vt genus, in species diuiduntur, vt animal in hominem, & beluam: aut vt spe
 cies in indiuidua, vt homo in Socratem & Platonem (atque haud scio, an huic
 quisquam diuisionis nomen tribuere velit) aut vt totum in partes, vt Socrates in
 manus, pedes, & caput, & reliquas partes, vel lignum decem pedum, in decem
 ligni partes singulas vnus pedis, aut vt ambigua vox in differentes significatio
 nes, vt vox canis, in eum, qui astrum constituit, in terrenum, & in marinum. Iam
 verò vt genus in species materia diuidi nullo modo potest. Genera enim diffe
 rentiis formarum efficientibus in species seu formas diuiduntur, materia autem
 ex eorum sententia, qui ipsam ponunt, prorsus est informis. Quare differentiam,
 aut constituentem, aut diidentem nullam habebit, & ob id neque vt genus in
 formas diuidetur materia. At verò neque vt species in indiuidua. Nam quæ ad
 eandem speciem referuntur indiuidua, differentiis quibusdam à se inuicem se
 iunguntur. Homo enim ab homine, & equus ab equo est differens. Duo enim
 indiuidua modis omnibus eadem, & nullo discrimine disiuncta esse non possunt.
 Si igitur materia in indiuidua secatur, omnino à se inuicem different differenti
 is quibusdam, quæ sub eandem materiam referuntur indiuidua. Et aliò
 qui numerum & multitudinem sine differentia constare, eorum est, quæ
 fieri non possunt. Si igitur alia aliis numero incorporea materia subiicitur
 (siquidem plura sunt, & à se inuicem disiuncta, quæ materiata sunt) plu
 res certè numero incorporeas materias esse oportet. Alia est enim, quæ Socra
 ti subiecta est corpore vacans materia: & alia, quæ Platoni, & quæ huic ligno,
 & quæ huic equo. Quòd si numero plures sunt corpore vacantes materiæ, non

certè sunt indifferentes. Quì fieri igitur potest, vt informis sit illa materia, cuius partes differentiis quibusdam inter se differunt? Rursum autem indiuidua ipsa quidem, quatenus sunt eiusmodi, diuidi non possunt. Socrates enim si diuisus fuerit, non erit Socrates: materia autem diuisa, adhuc est materia. Nam cum diuiditur lignum, vnà diuiditur & ipsi subiecta incorporea materia: manet tamen nihilominus, quæ in vnaquaque portione est materia. Non igitur sic diuiditur materia vt in indiuidua diuidi species solet. At verò neque vt vox ambigua in differentes significationes diducetur, vt mus, tum marinus, tum terrenus. Neque enim vox est tantum ambigua. Quòd si materia vox sit ambigua, hoc modo iterum efficietur, vt informis non sit: quia pars eius vnaquæque propriam quandam significationem & naturam suam habebit. Omnia enim ambigua sunt eiusmodi: Canis enim, vox est ambigua. Verum aliud quiddam in terreno cane significat, & aliud in marino, & in cœlesti item aliud. Quare homonyma omnia differentiis speciem procreantibus inter se differunt. Si igitur, vt vox ambigua in diuersas significationes diduceretur materia, omnino esset necesse, membra eius differentiis specie differentibus à se inuicem differre, quomodo non informis amplius esset materia? Non igitur vt vox ambigua in diuersas significationes materia distrahitur. Superest ergo, vt sicut totum in partes, ipsa diuidatur. Verum si in partes diuersæ naturæ diuidetur specie & forma, tum ipsam, tum partium vnamquamque insigniri est necesse. Nam totum informatum est, vt homo, aut hominis corpus, & partium item ipsius vnaquæque, vt caput, vt pes, & reliquæ. Sin autem in partes similis naturæ, quì fieri iterum potest, vt quod corporis & partium expers est, diuidatur, & aliòqui totius in partes diducio, corporis est & magnitudinis, seu ex similibus seu ex dissimilibus partibus totum constet? Nam quod corporis & magnitudinis expers est, partitione vacat. Quare non totum habebit & partem. Nam si totum & partem haberet materia, magnitudo esset & corpus. Non igitur magnitudinis expers erit & corporis, & ob id neque informis. Non enim forma vacat magnitudo, aut corpus. Atque adeò quod absurdius est, adhuc eueniet. Non enim solum fiet, vt qui materiam corpore & forma vacantem ponunt, id in partes diduci posse ponant, quod partibus vacat, sed etiam, vt dicant id quod partium est expers, causam esse rebus partium expertibus, vt diuidantur. Nam cum formarum quæque sit natura sua & ratione incorporea, & partibus vacans, vbi in materia & subiecto constiterit, vnà cum ipso extenditur & diducitur in partes, vt paulò antè de candore dicebamus. Vnde fit, vt formis partium carentibus partitionis causa fiat materia. Atque hoc ipsi quoque concedere non dubitant. Quì fieri igitur potest, vt si partibus vacat materia, in partes ipsa diuidatur, & partium expertibus formis causa sit partitionis? Quòd si quod partibus vacat, ita partibile efficitur, vt ipsum affectionem aliquam in se recipiat: quæ autem partium expertes sunt formæ, sua ratione, tum cum sunt in materia, partibiles efficiuntur, huius autem affectionis causa est materia, eiusdem certè affectionis, hoc est, partitionis efficiens causa erit in materia. Quare informis materia non est. Nam quod efficiens est, vi aliqua & specie efficiens est. Hinc igitur perspicuum est ipsum in tria interualla diffusum, rerum omnium subie

subiectum esse & materiam. Quod cum naturâ in partes diduci sit aptum, formis, quæ in ipso coherent, partitionis & extensionis causam præbet. Hinc etiam species in individua secantur, non quod ipse per se diducatur in partes, sed quod una cum subiecto, quod diduci in partes est aptum, simul diuidantur. Id enim naturâ partitionem per se refugit, quod est incorporeum. Sed cum subiectum, hoc est, id, quod triplici constat dimensione, in quo ipse consistunt, diuidi possit, & totum in similis naturæ partes sectionem admittat, sit, ut quæ in ipso sitæ sunt formæ & species (quia una cum ipso in interualla protrahuntur, propriæ æquod in eo sunt, quod ipsum fustum est in interualla) una cum illo necessariò diuidantur. Quod si quis dixerit materiam, cum prius affecta quantitate fuerit, & corporis naturam receperit, tum demum fieri partibilem, nihilominus hoc quoque modo in quæstionem adducemus, utrum, cum ipsa incorporea materia immutata fuerit, facta statim est corpus & magnitudo? An verò corporis speciem ita recepit, ut incommutabilis & incorporea remanserit? Ut magnitudo, cum carnis, verbi gratiâ, formam receperit, nihilominus adhuc est magnitudo, & manet immutata, & eodem modo se habens: & caro, cum candida aut nigra est effecta, nihilo magis aut minus est caro, quoniam ex candore aut nigrore, quia caro est, nulla in re est immutata. Si igitur incorporea manet materia, etiâ posteaquam corporis speciem recepit, manet adhuc dubitatio, quæ fiat, ut quod incorporeum est, & partibus vacat, in partes diducatur, & partium expertibus partitionis causa efficiatur, ipsa partibus vacans & incorporea? Sinautem ab incorporeo recessit, & iam effecta est corpus, & magnitudo, non amplius erit incommutabilis: & ideo neque ortus expers neque interitus. Et alioqui, si cum esset incorporea, immutata est, & effecta corpus, omnino est necesse, aut aliquando actu incorpoream ipsam fuisse, & postea factam fuisse corpus, aut nunquam actu fuisse incorpoream. Quod si actu incorporea fuit aliquando, postea autem immutata, facta est corpus, primum quidem corpus ipsum possit iterum fieri incorporeum, deinde quia non remansit incorporea, interit. Quod si interit, quod incorporeum est, ortum etiam habuit necessariò. Nihil enim eorum, quæ intereunt, ortu caret. Quod si hoc est verum, modis omnibus est necesse, aliud quidpiam materiæ esse subiectum, per ea, quæ prius probata sunt, in quod quod aliquando incorporeum est, & aliquando corporeum, immutetur, idque prorsus neque corpus erit, neque incorporeum: siquidem tum corpori tum incorporeo subiectum est. At verò inter corpus & incorporeum nihil interiectum esse potest: quia in contradictione nihil est medium. Quod enim est incorporeum, nullo modo corpus est. Fieri autem non potest, ut quidpiam idem neque corpus sit, neque non corpus. Hæc enim repugnant. Nihil autem neque in iis, quæ sunt, neque in iis, quæ non sunt, se effugisse gloriabitur contradictionis & repugnantie legem. Quare fieri non potest, ut aliud quicquam corporis vacans, materiæ subiiciatur. Hoc enim ne Græcis quidem ita esse videtur. Quare fieri non potest, ut materia, quæ aliquando actu incorporea sit, à tempore immutetur, & fiat corpus. Quod si nunquam actu materia incorporea fuit, infinito tempore facultate erat incorporea: & si facultate incorporea, actu corpus tempore infi-

nito. Nam quod facultate est incorporeum, id nisi actu sit corpus, neque incorporeum erit, neque corpus. Hoc autem fieri non posse modò docuimus: siquidem repugnantia est contradictionis, corpus esse, & non esse. Vt autem quæ ita pugnant, simul sint vera fieri nullo modo potest. Sin autem actu corpus est materia tempore infinito, si corpus quidem, quia corpus est, incommutabile manet, docere non poterunt, an omnino incorporea facultate materia naturalibus corporibus subiecta sit. Confirmatum est enim in principio huiusce argumēti, quòd si qualitatis expers corpus sit incommutabile, hoc est, neque gignatur, neque intereat, ipsum extremum esse naturalium rerum subiectum, & primam materiam est necesse. Quòd si ipsum corpus, quia corpus est, mutari affirmabunt, necesse est, neque quatenus incorporea est materia, ipsam esse incommutabilem: siquidem secundum propriam naturæ rationem non remansit incorporea, neque quatenus corporata est: siquidem & corpus, quatenus corpus est, commutatur. Quare materia nullo modo est incommutabilis, neq; est futura. Neque enim id ipsum, quod natura est, hoc est, incorporea, remansit immutata, neque quod facta est, hoc est corpus: siquidem ipsum quoque immutatur. Verum si, quod sæpe diximus, fieri non potest, ut primum subiectum immutetur, fieri certè nō potest, ut infinito tempore incorporea facultate sit materia. Quòd autem neque actu, id verò probatum est. Nullo igitur modo accidere potest, ut corpore vacet materia. Adde his, si prima corporum materia sit incorporea, cum formæ quoq; omnes sint incorporeæ (Hoc enim ut verum in confesso est apud omnes) quæ sit, ut duarum rerum corpore & partibus vacantium compositio ei, quod ex ambobus constituitur, magnitudinem tribuat, & corpus? Nam si infinita partibus vacantia componantur, magnitudinem nō efficiunt, ut puncta, quæ sit, ut duarum rerum partibus vacantium, hoc est, materiæ & formæ compositio, magnitudinem & corpus effecerit? Quòd si dixerint facultate corpus esse materiam, etiam si sit incorporea, si semper quidem facultate corpus est, nunquam certè actu erit corpus. Quod si est verum, actu incorporea est. Nam quod facultate quidpiam est, dum facultate tantum fuerit, actu id ipsum esse nullo modo potest. Aqua enim, dum facultate tantum erit calida, actu calida non erit. Si igitur facultate semper corpus est materia, actu semper erit incorporea. Manet igitur dubitatio, quomodo incorporeum incorporeo coniunctum, magnitudinem facit, & corpus: & aliò qui si semper facultate est corpus, & actu nunquam corpus efficitur, frustra facultatem habebit, quæ nunquam in actum progrediatur. At verò sempiternorum nihil infinito tempore tantum est facultate ut etiam Aristoteles censet. Nam in iis, quæ gignuntur & intereunt, facultate, quidpiam esse potest, quod in actum non progrediatur, quia interitus facultatis perfectionem & actum anticipet. Nam cum omnem disciplinam accipere homo possit, non omnem recipit, quia morte præuentus, in actum non deducitur. Et lignum, cum facultate navis sit, aut sedes, non profus id actu efficitur. In sempiternis autem (inquit Aristoteles) fieri non potest, ut quicquam infinito tempore sit tantum facultate: frustra enim facultatem habebit, quæ nunquam prouehatur in actum. Non igitur fieri potest, ut materia immenso tempore fa-

cultate sit corpus. Quòd si cum facultate corpus esset, aut aliquando actu facta est corpus, aut actu semper est corpus, eadem iterum dicemus. Nam si corpus incommutabile esset, quatenus est corpus, nulla ratione necessaria conficiet, aliquam corporibus subiici corpore vacantem materiam. Sin etiam corpus immutatur, nulla ratione immutabilis est materia, neque quia corpore vacabat, neque quia facta est corpus. Quòd si incommutabilis non sit, aliud quidpiam ipsi subiectum erit, & materiæ materiam cogitatione concipiemus. Et in illa iterum simili dubitatione hæsitabimus: atque absurdum excrescet in immensum. Atqui naturalium rerum subiectum primum neque mutari potest, & ab eo, quod est, dimoueri: neque aliud quicquam ipsi subiici: aliòqui primum subiectum amplius non sit futurum. Hinc igitur est perspicuum, quòd fieri non potest, ut materia corpus sit facultate. modò autem demonstratum est, quòd neque actu neque facultate incorporea esse potest: & præterea, quòd neque informis esse potest, quia nullo modo vsuuenire possit, ut in iis, quæ sunt, res vlla sit informis. Nam quod nullam rationem habet suæ naturæ atque essentiæ, id perinde esse docuimus, atque id, quod nullo modo sit. Cuiusque autem naturæ ratio eiusdem species est & forma. Animal enim mortale, rationis compos, ratio est, & forma naturæ hominis. His igitur omnibus rebus palàm effectum est, neque omnino informem, neque incorpoream materiam primam esse posse. Vanam igitur fabulam & postulatum sine probatione eam hypothesin esse docuimus, quæ de incorporea & informi materia proponitur: vel si sexcenti Platonēs, & totus veterum catalogus hanc de ea opinionem introduxerint. Nulli enim credere animum inducimus, qui ab ipsa ratione probationem non proferat. Si ipse te dicentem non audis (inquit Plato) alteri dicenti nunquam credideris. Reprehensiones igitur informis materiæ, quæ reuera in his, quæ sunt, nulla est prorsus, hinc finem inueniant: cum reuera spurias, & tales quæ esse non possint, de ipsa cogitationes esse adparuerit. Quoniam igitur de materia illorum hypothesin falsa est comprobata, & ea, quæ stare non possit, quæ sanè falsum hoc principium consequuntur, euerso principio vnà repressa esse constat. Et ideo fortasse superuacaneum fuerit, quicquam præterea in propositum argumentum disputare. Nos tamen hanc hypothesin de materia, istis condonantes, seu corpus, eam qualitatis expers esse quis velit, seu incorporeum esse statuatur, ad propositi vndecimi argumenti inquisitionem orationem nostram conuertamus. Est autem, ut paucis comprehendam, eiusmodi.

MATERIA, inquit, cum non temere, sed ex aliqua causa constet, ali- I X.
cuius est gratia: atque hoc ipsi sua est natura. Nam procreationis & ortus est gratia. Est igitur procreatio id, cuius gratia illa est: quod autem alicuius est gratia, & id cuius gratia in his sunt, quæ inter se comparantur. Quæ autem inter se comparantur, simul habent, & ut sint, & ut non sint. Ex quo igitur est materia, est & procreatio. Nam materia, formæ est materia, & forma, materiæ est forma. Vnde fit, ut vbi primum est materia, protinus sit & forma, & in eadem sint formæ. Non enim inordinatæ congeriei & formarum priuationis causa est materia, sed ornati ordinis, & formarum effectio. Quare si materiam, ut & pro-

creationem, sempiternam esse est necesse, formarum etiam effectio erit sempiterna: & Mundus igitur est sempiternus. Quòd autem materia sit sempiterna, hinc est perspicuum. Nam si nasceretur (inquit) & interiret, alia indigeret materia, ex qua gigneretur, & in quam perempta dissolueretur. Hoc autem rursus euenire est necesse, propter id, quod in nono argumento dictum est, quòd quicquid gignitur, ex aliquo gignitur, & ex nullo quicquam procreari nullo modo potest. Est autem Aristotelis argumentum: ipse enim hoc posuit in primo physicae Auscultationis. Eiusmodi igitur proposita est oratio. Nos autem reliqua omnia concedentes, hoc vnum ex dictis inquiramus, an necessariò consequatur, ut si nascatur & perimatur materia, ipsa materiae alterius indigeat? Hoc enim est absurdum, quod consequi ipsi putant. Quòd si consequens non esse ostensum fuerit, hoc est, non esse necesse, ut si materia gignatur, ipsa ortum habeat ex materia, nihil erit, quod prohibeat materiam non esse sempiternam, sed ortus habere initium. Cùm nulla igitur sit ratio, quæ ipsam sempiternam esse confirmet, fit, ut neque per ipsam confirmari possit, Mundum esse sempiternum, quòd vñ cum eius materia forma eius quoque constet. Nam ex eo, quòd materiam sempiternam esse sumpsit, Mundum quoque sempiternum esse conclusit.

- X. PRIMVM autem de ipso audire operæpretium est, quomodo dixerit, quicquid gignitur, materia, vnde gignatur, indigere. An quia quod gignitur, ex materia, naturam atque essentiam suam ita accipiat, ut ipsa materia in eius, quod gignitur, substantiā commutetur, & illud ipsum fiat? An, quia quod gignitur, aliquo indigeat, quod subiiciatur, ut in illo suam naturā accipiat, quia ipsum per se sine subiecto constare minimè possit, ut literæ, verbi causā, cera indigent ut constent, non quòd ceræ substantia ipsarum literarum natura efficiatur: sed quòd in ipsa, ut in quodam literarum receptaculo, naturam accipiant. & quemadmodum figura ære, aut alia indiget materia, ut sit, non quòd æs ipsum figura efficiatur, sed quòd in ipso figura cohæreat. Si prius igitur quisquam proponat, id iam à nobis in fine noni argumenti confutatum est. Atque inde accuratam horum doctrinam excerpere licet, nempe quòd subiecta formis materia, non statim ipsamet rerum natura efficitur, sed formarum tantum est receptaculum: ut in his quoque Proclus à Platone mutuatus dixit. Nam æs permanens immutatum figurarum fit receptaculum, & cera eorum, quæ inscribuntur. & in rebus omnibus naturalibus, quod triplici dimensione constat, in sua permanens natura, neque vllam subiens immutationem, quia tale est, omnium est rerum naturalium receptaculum. Nam si quod subiicitur, in eius quod gignitur, naturam commigrasset, non amplius in sua ipsius natura mansisset. ex quo enim mutatur quid, non amplius est in illo. Quare materiam, ut materia est, mutari accidisset, neque maneret materia. Hoc autem modo fiet, ut omnis de medio tollatur rerum immutatio: quia nihil superesset immutabile, ut ibi nos accuratè docuimus. Quare fieri non potest, ut materia in eius, quod gignitur, substantiam commutetur. Quòd si posterius necessarium esse asseuerabunt, quicquid gignitur, subiecto aliquo indigere & materia, quæ ipsius naturam excipiat: ut ob id necesse esse videatur, ut si materia gignatur, alia indigeat materia, non video vnde huius rationis

tionis necessitatem conficiant. Nam si quicquid gignitur, alio aliquo indiget, quod tale sit, quale ipsum est, ut nasceretur, consequens esset, materiam quoque siquidem gigneretur, alia indigere materia. Nunc autem hoc & falsum est, & eiusmodi, quod fieri non possit. Nam cum omnia, quæ gignuntur, composita sint ex materia & forma, prorsus est necesse, ut aut forma sit id, quod gignitur, aut materia, aut quod ex ambobus componitur. Si igitur quicquid gignitur, alio indiget, quod tale sit, quale ipsum est, ut procreetur, seu forma sit, quod gignitur, alia tali indigebit forma ut gignatur, atque illa iterum si gignatur, alia: seu compositum, alio indigebit composito simili sibi, ut procreetur, & illud iterum alio, si gignatur. ut igitur æs gignatur, ære indigebit, & ut album procreetur, albo item indigebit, & graue graui. Hoc autem est absurdum. In infinitum enim ascendere est necesse, & hoc modo procreationem tollere. Fieri enim non potest, ut per infinita procreatio progrediatur, ut in lib. De ortu seu procreatione confirmavit Aristoteles. & præterquam quod absurdum est, est etiam contra rerum ipsarum euidenciam. Contra enim quicquid gignitur, non ex tali gignitur. Nam ex non ære æs progeneratur, & aqua ex non aqua, & ex non homine, homo. Quod ad materialem causam attinet, dico: nam de hac in præsentī nobis institutus est sermo. Et si enim homo hominem generat, vnum est efficiens, alterum id quod efficitur. De efficiente autem causa hic nobis suscepta non est inquisitio. Quicquid enim efficitur, ex efficiente causa effici est necesse, seu quod facit, simile sit ei, quod efficitur, seu sit dissimile. Et si enim tritico triticum efficiatur, ut ab efficiente tamen causa efficitur: insunt enim eius, quod gignitur artifices rationis in coniecto semine, ut & in humano, & reliquis. Materiam autem tum irrigans aqua, tum adiacens terra suggerit: ut vterus menstruum suppeditat sanguinem: & ideo si aqua deficiat, non propter efficientem facultatem, sed propter materiæ penuriam, imperfectus fructus enascitur. Si igitur quicquid gignitur, non tali gignitur, quod ad materialem causam attinet, ut homo est non homine, & ignis est non igne, & sciens est non sciente, seu compositum sit id, quod generatur, seu forma: nihil certe eorum, quæ generantur, alio indiget tali, quale ipsum est, ut generetur. Neque materia igitur prima & primum rerum subiectum, si procrearetur, alia indigeret materia & subiecto, ut gigneretur: neque enim quia formæ indigent materia, ut gignantur, ob id materia, si procreetur, materiæ indigebit. Nam formæ, quia ipsæ per se constare non possunt nec seipsas sustentare, materia indigent, quæ ipsas excipiat, in qua naturam & esse suum accipiunt. Materia autem, cum omnium sit receptaculum, & primum omnium subiectum, alio non indiget ad sui consistentiam, quod ipsam excipiat. Formæ enim si ipsæ per se constare possent, materia nulla ipsis esset opus, cum in naturam producantur, sed sine materia producerentur. Quare si materia, quæ prius non sit, initium capiat consistendi, alia materia & subiecto non indigebit, ut in ortum educatur, cum ipsa primum sit omnium subiectum, quæ alio subiecto non indigeat ad consistendum: non enim in subiecto est materia, sed ipsa subiectum est. Quemadmodum enim hominis, verbi causâ, aut equi imago, ære indiget, ut consistat, æs tamen ære non indiget, ut æs producatur: sic & ex consecutione ne-

cesse est, ut in naturali procreatione, quæ in subiecto naturam suam obtinent, si
 gignantur, materia indigeant & subiecto, ut in illo gignantur, quia ipsa per se esse
 non possunt. Non tamen si subiectum ipsum & materia gignatur, subiecto ali-
 quo & materia indigebit. Nam hoc modo subiectum non esset amplius aut ma-
 teria, sed in subiecto esset & forma. Quod si omnino materia opus habet aliquo,
 ut gignatur, specie & forma omnino illi erit opus. Quemadmodum enim quæ
 materiæ inhæret forma, sine materia esse non potest, sic materia ut materia est,
 sine forma stare non potest: quia ad se mutuò referuntur materia & forma, ut
 in his quoque; adfirmat Proclus. Quemadmodum igitur quod sit dextrum, dex-
 tro non indiget, sed sinistro, ut dextrum fiat, & sinistrum non sinistro, sed dex-
 tro indiget, ut sinistrum fiat, & in omnibus quæ cum alio comparantur, opposi-
 tum opposito indiget, ut fiat & constet: ad eundem planè modum materia quo-
 que ut producat, non materia, sed forma indigebit. Nam quæ cum aliquo
 comparantur, in mutua ad se inuicem relatione habent, ut sint. Neque igitur
 materia sine formis, ut materia est, esse potest: frustra enim erit: neque formæ
 sine materia: non enim ipsæ per se sine materia constare possunt. Vtrumque igitur
 altero indigebit, & non ipsum sui, aut similis. Quemadmodum igitur si dixer-
 imus formas materia indigere, ut in ortum educantur, non efficitur propterea
 formas, quæ cohærent in materia, esse sempiternas, ab aliquo enim principio &
 incipere, & finem habere palàm cernuntur: sic neque quod formis indigeat ma-
 teria, siquidem gignatur, sempiternam esse conficit. Nullo enim modo necessa-
 rium esse adparet, cur si generetur materia, materiæ ipsa indigeat, ut in ortum
 producat: sed contrà potius, si gignitur materia, fieri non potest, ut alterius
 materiæ ipsi sit opus. Et aliòqui si quemadmodum materia omnino, affecta est
 ad formam omnino, sic materia quædam ad particularem formam affecta esse
 debet, materia autem omnino si gignatur, ut materia est, alterius indiget, certè
 materia quædam, si gignatur, ut materia est, materia indigebit. Quare si secun-
 dum falsum esse probatum fuerit, & fieri non posse, hoc est, materiam quat-
 dam, quando gignitur indigere materia, falsum certè erit, & primam materiam
 omnino, si ut materia est, gignatur, materiam desiderare, ut fiat materia. Ma-
 teriam autem dico, quandam, ut verbi causâ, ædium, aut navis materiam. Et in na-
 turalibus, Socratis, verbi causâ, aut huius stirpis. Quod igitur quædam materia
 gignatur, & non sit ortus expers, sed tunc gignatur & sit, cum forma est, cuius
 est materia, ipsemet in his apertè assuevit Proclus. Nam quædam, inquit, ma-
 teria tunc materia est, cum fuerit & forma: & ideo habilem eam ad opus effi-
 ciunt artifices, quæ nondum est materia. Et quantum progrediuntur in efficien-
 da materia, tantum accedit & formæ. Non enim lapides formæ domus sunt ma-
 teria priusquam politi, cæsi, & si opus sit adaptati fuerint, sed tum, cum hunc or-
 natum acceperint. Cum igitur materia reuera facti fuerint, iam tum temporis
 puncto forma comparet. Quare si quædam materia sempiterna non est, sed sit
 materia, aliqua autem materia quatenus efficitur materia, indiget materiæ, ut
 materia efficiatur, huius certè materia semper non est, sed tum demum, cum
 illa fuerit, cuius est materia. Et ideo generari potest, & ut materia fiat, ipsa quoque

tertia alia indigebit materia: & iterum, cum sempiterna non sit (quia ne illa quidem, cuius est materia, sempiterna est, sed efficitur materia interdum) ipsa quoque quarta indigebit materia, ut materia efficiatur. Et iterum, quarta illa, cum semper non sit, sed interdum materia fiat, alia indigebit quinta. Et illi iterum alia erit opus, idque abibit in immensum. Quod si hoc absurdum est, non sane aliqua materia quatenus materia sit, materia indigebit, ut fiat materia. Nam si materiam aliquam, ut caesos atque expositos lapides, ut edium fiant materia, non ut vnum, & absolute acceperimus, sed ut compositum quiddam ex subiecto aliquo, ut lapide, & tali caesura, non amplius ut materiam, quam fiat accepimus, sed ut formae aut compositi procreationem. Veluti, si quis sedem sibi facere velit, qui materia vtratur hoc lapide, is lapidi sedis formam adiciet, sin ut domus materiam, perpoliturum & adaptatum lapidem intuebimur, non amplius huius pars altera subiectum erit, altera species. Nulla siquidem materia, ut materia est, ex materia componitur & forma (nam sic ad immensum, ut iam diximus, abduceremur) sed ut vnum quiddam & simplex totum hoc sumitur, perpolitur & adpositum adornatus lapis. Quare materiam domus cum efficit latomus, ut vnum quiddam & simplex, lapidem adornatum facit. Non enim talis lapidis forma ipsa per se, ut verbi gratia, tesserae figura, ipsa iam est domus materia. Sed neque sine figura ipsa per se lapidis natura, quam figura vacet, sed quod ex ambobus est, id est, ut materia domus. Atque hoc ipsum Proclus ipse in propositis aperte explicavit, quando dixit: Non enim lapides formae domus sunt materia, priusquam caeli & perpolititi fuerint, sed tum demum, cum hunc ornatum acceperint. Quare neque lapides ipsi per se nisi caeli & adornati fuerint, materiae domus rationem tenent: & multo minus ipsa per se figura, ut quam neque constare ipsa per se possit. Quare cum quod ex ambobus est, ut materia sit domus, ut etiam bellè dixit Proclus, quod autem iunctum est ex ambobus, aliquo non indiget subiecto, ut fiat, aliqua certe materia materiae non indigebit, ut efficiatur materia. Omnis siquidem procreatio, ut in nono argumento ostensum est, formae alicuius est procreatio. Siquidem, ut ibi diximus, vnius opus, alterius materia efficitur, cum ut materiam alterius simul sumpserimus, quod ex ambobus est compositum, nempe subiectum simul & formam, ut vnum simplex, fieri ipsum accipere est necesse. Neque enim particularis materia, ut domus, & huius hominis, & compositorum omnium, omnino materia est, & tantum materia, ut reuera simplicissimam & compositionis expertem ipsam esse quaeramus: sed ad aliquid comparata, est materia. Quod autem ad aliud comparatur, non materia est, sed composita quaedam res est ex materia & forma, ut accurate in nono argumento confirmauimus: ne iterum easdem rationes versemus. Si igitur ut compositam rem aliquam, materiam quandam quispiam considerauerit, non ut materiam intuebitur, sed ut id, quod ex materia & forma componitur: ut lapidem, & talem eius figuram: sin ut materiam domus sumpserit, ut vnum quid & simplex, hoc modo figuratum lapidem intelligere est necesse. Non enim qui figuram vacat, sed qui efformatus est lapis, domus est materia, ut etiam dixit Proclus. Quemadmodum igitur efformati & figurati lapides non omnino sunt materiae, sed cum aliquo comparati, ut

cum comparantur cum ea forma domus, quæ ex compositione ipsorum accedit: sic & ad aliquid simplices sunt, hoc est, ad domum, quæ ex ipsis & tali figura componitur. Quare si quod ex ambobus constat, hoc est, ad figuram certam effecti lapides, ut vnum quid & simplex, materiæ domus rationem tenent, & quod ex ambobus est, materiæ non indiget, ut fiat, certè materia quædam non indiget materiæ, ut efficiatur, quanquam ipsa generari possit. Quod si quædam materia (si modò ut materia, quæ gignitur, accipiat) alia non indiget materia, ut autem materia quædam ad singularem formam est affecta, sic & materiam omnino, ad omnino formam se habet, proculdubio si omnino materia gignatur, ut materia est, alterius non indigebit materiæ. Hinc igitur perspicuum est, quod nulla cogit necessitas, cur si materia gignatur, ipsa ex aliquo gignatur, quod sit. Nulla est igitur ratio, quæ conficiat necesse esse, ut ortu careat materia, cum refutata sit ea ratio, quæ de eius ortu sermonem ad absurdum compellere videbatur.

XI. AT verò, inquit, nihil gigni videmus, quod materia non indigeat. Quare materia quoque si ipsa gignatur, materiæ indigebit. Verum, quicquid nunc in rebus singulis gignitur, id non penes subiectam ipsi materiam, & primum formæ eius subiectum gignitur, sed penes id, quod informatum est, & hoc supra in argumēto nono ostensum est. Et quod non eodem modo, & totum & partem gigni est necesse, & quod necessariò, ut vnus & idem permaneat Mundus, partium interitus & procreatio, mutua in se inuicem commutatione perficiuntur, ubi formæ in id perimuntur, quod nullum est. subiectum autem in his, quæ commutantur, idem manet, ut vniuersum idem sit & vnum. Quod si procreatio, quæ nunc fit, non generalium, sed singularum rerum in formis efficitur, & non in materia (si quidem nunc neque nasci materiam, neque interire videmus) meritò certè quicquid gignitur, materia indiget, ob id nimirum, quia formæ ipsæ per se constare non possunt. non item tamen, si materia generata sit, materiæ indiguit, quia formæ indiguerunt. Neque enim par est, ut existimemus eandem esse formarum & materiæ procreationem. Nam quod non nisi in subiecto est, materia indigebit, quæ ipsum excipiat, ut cum in naturam productum fuerit, constare possit ipsum tamen subiectum si procreetur, non item alio subiecto indigebit: non enim ampliùs subiectum esset. Ne igitur in iis, quæ similia non sunt, sed potius opposita similem ortū postulent. Nam si materia & forma in iis sunt, quæ cum aliquo cōferuntur, & hæc alicuius sit gratia, illa autem, id gratiæ cuius, quæ verò cum aliquo conferuntur, ad ea pertinent, quæ sunt opposita, horum cerè procreationes inter se opponi est necesse. Nam frigidi procreatio, calidi procreationi est contraria, illa siquidem densatione, hæc autem rarefactione perficitur & ea, quæ sursum fit, ei opponitur, quæ deorsum. Illa enim ascensus est, hæc autem descensus. Atque in reliquis eadem est ratio. Quod si opposita oppositis conuenire est necesse, ut in locis ostensum est, formæ autem procreationi conuenit, ut materia indigeat, ut procreetur, huic certè contrarium materiæ procreationi conuenit. Hoc autem est ut materiæ non indigeat, quo materia efficiatur.

XII. C V R igitur paulò antè nos quoque non dicebamus, quod oportet materiam

riam eandem & immutatam permanere, seu prima materia id sit, quod triplici constat dimensione, seu alia præter hoc quædam sit forma vacans? Porro, quod modis omnibus est incommutabile, id ab ortu & interitu eximi est necesse. Verum non semel & omnino naturam incommutabilem ipsi adesse cõfitebimur. Nullam enim rationẽ esse videmus, quæ id conficiat: sed in rerum singularum mutua in se inuicem commutatione necesse esse dicimus, vt communis materia earum rerum, quæ mutantur in se mutuò, in illarum mutatione immutata permaneat. Verum non propterea necesse est, vt semel & omnino sit incommutabilis. Nam cum opificia, quæ ex ære aut auro confecta sunt, in se mutuò commutantur, his subiectum æs aut aurum in illorum mutatione permanet immutatum: nihil, quod ad propriam substantiæ eius rationem attinet, perpetiens. Veruntamen non propterea aut ortus aut interitus expers est. Neq; igitur cum partes Mundi in se mutuò commutantur, vt incommutatum maneat subiectũ, statim profus est necesse, vt procreationis & interitus expers sit. Verum si Mundi procreationem initium aliquod accepisse docuerimus, necesse est, & materiã ab aliquo temporis principatu esse cœpisse, ac non esse sempiternam. Quod si initium aliquod habuit, ex nullo certè antecedente subiecto generata fuit. Quicquid enim gignitur, hoc est, quicquid principium habet, quo esse cœperit, cum prius non esset (hoc enim gigni dico, ac non solum id, quod per procreationem quandam & temporis extensionem ex eo, quod non est, in id, quod est, commutatur) ex eo, quod non est, naturam & substantiam adsumit, quatenus gignitur, & rursus in id, quod non est, interemptum dissolvitur, vt in Nono docuimus. Quare & materia si gignatur & principium sumat, quo esse incipiat, ex nullo antecedente subiecto procreabitur. Sed cum nullo modo esset, priusquam gigneretur, ex eo, quod nullum erat, in id, quod sit, ab opifice in ortum produci- tur. Ad hunc igitur modum propositum argumentum ipsum per se excutientes, comperimus nullam rationem esse necessariam, quæ conficiat, cur materia, si gignatur, ideo materiæ alterius indigeat, quia quæ generantur, gignantur ex materia: sed contrà potius necesse esse euidenter confecimus, quandoquidem quæ quatenus informata sunt & formis prædita, generantur, hoc est in naturam & essentiam producantur, indigent materia, consequens esse materiam, si gigneretur, materiæ non indigere.

Q V O N I A M autem Proclus rursus orationem ita prosequitur, quasi X III. ea tradat, quæ Platoni decreta sunt, doceat quispiam, ubinam Plato materiam principio vacare & sempiternam esse apertè proposuerit, vt ortus initium non habeat? Platonem enim in suis dialogis nũquam hoc dixisse reperias. Nam etsi apertè sempiternam eam esse proposuisset, & ex eo quod sempiterna sit materia, necessariò conficeretur, Mundum quoque esse sempiternum; nemo tamen iustè, cui quidem veritatis maior quàm Platonis cura sit, hinc opinor colligeret Platonem iudicauisse Mundum procreationis expertem esse, & sempiternum, cum ille apertè ab aliquo temporis principatu eum generatum fuisse, & non ex æternitate stetisse dicat, & non fuisse priusquam esset ortus. Quid enim, si quod ex ea hypothesi necessariò consequitur, quæ in materia ita proponitur, non

animaduertit Plato? Plerunque enim nimirum homo à vera rerum opinione aberrauit, vñ in præcedenti argumento meminimus. At verò non ideo quia nonnulli pugnantia ponunt, quæ non animaduertent inter se pugnare, protinus est colligendum, alterum eorum, quæ pugnant, ipsos non proposuisse: sed tantum alterum colligendum est, ipsos falsò proposuisse id, nempe, quod vero repugnat. Quòd autem in aliis quoque id ipsum Platoni accidisse conspicuum sit, vt pugnantia posuerit, vnus cuiusdam ex illius scriptis, exempli gratiâ, nunc meminero.

XIII. E' QVATVOR elementis Plato in Timæo solam terram posuit esse incommutabilem, reliqua tria in se mutuo commutari. Atque hoc ipsum ad verbum dicentem Platonem audire licet: Genera enim, inquit, quatuor ex sese & in sese inuicem ortum habere videbantur. neque id tamen recta satis cogitatione. Nam ex triangulis, quæ delegimus genera, quatuor generantur, tria quidem ex vno, quod inæqualibus constat lateribus: quartum autem, vnum & solum ex æquicruro triangulo coagmentatum. Non igitur omnia in se mutuo dissoluta è multis paruis, pauca & magna, & contrà, gigni possunt. tria certè possunt. Cum enim ex vno omnia fieri nata sint, cum dissoluta erunt maiora, multa parua ex iisdem constituentur conuenientes sibi & congruentes figuras adipiscientia. Et post aliquot verba: Terra quidè cum in ignem inciderit, eius acumine dissoluta fertur, aut in ipso igne soluta, aut in aëris, si ita res tulerit: aut in aquæ mole, donec partes ipsius congregientes, & iterum sibi inuicem coniunctæ terræ, naturam recipiant (neq; enim in aliam speciem venire vnquam possint) tria, ignis, aqua, aër in se mutuo transire possunt. Quòd igitur ex quatuor elementis solam terram in reliqua commutari non posse dicat, cum cætera in se mutuo commutentur, ex ipsius Platonis verbis palam est factum, idque omnibus notum est & confessum: quapropter disquisitione maiore nobis non fuit opus. Rursus tamen idem Plato tum cælum ipsum, tum rerum compositarum quamq; ex his iisdem quatuor elementis coagmentauit. Atq; nos, quæ ad cœleste corpus attinent, alibi commemorabimus. Quòd autè corpora tum nostra, tum animantium reliquarum, è quatuor elementis componat (huius enim rei nostra in præsentia indiget oratio) Platonem ipsum id dicentem audi: Atque qui hæc, inquit, in ordinem digessit (de opifice autem & procreatore Vniuersi loquitur) in suis ipsius moribus permanebat. Cum autem permaneret, filii patris ordinem animo reputantes, ipsi parèbant, & immortale principium mortalis animalis accipientes, opificem suum imitati, ignis, terræ, aquæ, & aëris particulas à Mundo mutuat, vt iterum eidem restituendas, in vnum acceptas conglutinabant. Idem igitur Plato & terram in reliqua elementa immutabilem esse dicit, cæteris in se mutuo transeuntibus: & mortalium animantium corpora, atque adèò rerum omnium ex iisdem hisce quatuor elementis componi vult. Hæc autem ita inter se pugnant, vt cohærere nullo pacto inter se possint. Neque linum lino connectit, iuxta parcemiam, cum & terram in reliqua mutari nò posse, & res compositas ex quatuor elementis conflatas esse asseuerat. Nam si immutabilis est terra, nulla res composita ex quatuor constat elementis. Quòd si ex hisce qua-

eter res composita constant, fieri non potest, vt terra mutationem in reliqua
 elementa refugiat. Nam in rebus compositis nullum elementorum actu inesse
 cernitur: non ignis, non terra, non vllum denique reliquorum. Sic enim elemen-
 torum cōtinua adpositio, ac non permistio fieret, vt Empedocles fieri statuebat.
 Nunc autem omnes elementorum qualitates per sese mutuo permeant, etsi ad-
 posita moles sibi mutuo adiaceant. Nulla est enim rei composita particula, vel
 si minimam, & sectionem quamlibet refugientem dixeris, quæ non sit conflata
 ex quatuor. Hoc autem fieri non possit, si elementorum adpositio, ac non totius
 cuiusque per tota permistio fiat in composito. Cū igitur in re composita actu
 nullum sit elementum, sed omnia sint confusa, vniuscuiusque forma euauit.
 Ex horum autem permistione & temperamento alia prodit species, vt carnis,
 verbi causâ, aut sanguinis, aut alia quæuis. Hinc perspicuum cuius esse puto, ter-
 ram in composito esse commutatam. Quod si perempta elementorum forma,
 in composito vnum quid partium consimilium & eiusdem formæ ex omnibus
 est generatum, vt caro aut os, aut aliud quidpiam: & rursus fieri potest, vel po-
 tius fieri est necesse, vt cū perimitur caro, in ea dissoluatur, ex quibus erat cō-
 posita, mutuo acceptis è Mundo elementorum partibus, eò iterum recedenti-
 bus vnde sunt acceptæ, fieri certè potest, vt quæuis ipsius particula, & quælibet
 ipsius moles, cū tota sit eiusdem formæ, & terra fiat, & aqua, & aër, & ignis.
 Sortitioni enim & figmento simile est, carnis particulam hanc quidem effici a-
 quam, illam verò terram, & aliam ignem, & denique illam aërem, cū carnis
 particula quæuis eiusdem sit formæ & naturæ cum reliquis, & quælibet in ele-
 menta dissoluatur. Quare si fieri potest, vt quæuis carnis portio vniuscuiusque
 elementi naturam in se recipiat, fieri sanè potest, vt quæ prius terræ speciei subie-
 cta erat carnis particula (hoc est ipsum triplici intervallo diffusum & corpus)
 perempta carne formam aquæ aut alicuius alijs elementi in se recipiat. Quare
 terram in reliqua elementa commutari est necesse. hoc ipsum est enim elemen-
 ta in sese mutuo transmutari, nempe idem subiectum aliàs alijs elementi for-
 mam excipere, vt prius ostensum est. Sed quid opus est longius orationem pro-
 ducere, vt doceam terram in reliqua elementa transmutari: cū apertè ab om-
 nibus Physicis, qui Platonem sunt secuti, hoc sit demonstratum? Porro, cuius
 gratia horum nunc meminerimus, illud est, quod si ostensum fuerit, dicere ter-
 ram esse incommutabilem, pugnare cum eo, quo dicitur, corpora omnia com-
 posita, ex quatuor elementis esse conflata, quid vetat alium, qui horum iniqui-
 tatem, & ingratitudinem in alienis scriptis explicandis imitetur, hinc colligere,
 Platonem, si terram incommutabilem esse censet, non ex quatuor elementis
 corpora composita esse censere, etiamsi oratione & verbis id dicere videat-
 ur? Verum istud genus orationis aut prorsus ambitiosæ contentionis plenum,
 aut eorum esse puto, qui Platonem veritati anteponant. Quid enim vetat, quo-
 minus, quod prius diximus, vnusquisque, qui hac methodo vtatur, colligat nul-
 lam vnquam nec veterum nec recentium falsam de rebus opinionem habuisse?
 Nam quivis, qui Protagoræ bene cupiat, si ex ea hypothefi, quæ nullam rem di-
 cit certam & finitam naturam habere, hæc & illa absurda consequuntur, facile

dixerit Protagoram non id constituere, etsi verbis id posuisse videatur. Quem-
admodum igitur in his, quia res compositas ex quatuor elementis constatas esse
recipimus, studio veritatis terram incōmutabilem, esse, falsum esse confitemur,
nullo modo Platonis opinionem reueriti: sic planē etsi materiam sempiternam
esse diceret Plato, quoniam tamen Mundum apertē ortum fuisse & principium
habuisse proposuit, hoc, quod verum esse adparet, admittentes, in altero, Philoso-
phum aberrauisse confiteremur, non propterea Platonis facti inimici, sed hoc
ipso potius amici, cū apertē praeceperit, & iusserit, vt Socratis perpauca, veri-
tatis permultam curam habeamus: atque hoc ipsum nobis in sequentibus reti-
neatur, ne eadem sapius dicere cogamur.

XV. NVNC autem, quod iam antea dixi, nusquam adparet virum illum in suis
scriptis materiam principio carere, aut sempiternam esse pronuntiauisse. Cū
igitur ex Deo materiam quoque in naturam extitisse Plato apertē velit, & Mun-
dum generatum fuisse, atque ab aliquo temporis principio cōpisse dixerit, nus-
quam materiam sine principio, aut sempiternam esse pronuntians, & in iis sint
materia & procreatio, quæ cum aliquo conferuntur, & simul aut sint aut non
sint, cur magis consentaneum erat, aut verō necessarium, ex eo quod materiam
sempiternam esse sumpserit (cū tamen nusquam id Plato posuerit) quod de-
cretis eius maximē repugnet, cōcludere, Mundum secundū ipsum nunquam
esse cōpisse, cū ille clara voce dixerit, Mundum non esse semper, sed ab aliquo
temporis principatu esse cōpisse, idque ratione demonstrauerit, vt in sexto argu-
mento didicimus, cur inquam id concludere, vt id quod Platonis sit decretum,
magis est consentaneum: quā ex eo, quod Mundi procreatio secundū Plato-
nem principium habuerit, materiam quoque secundū ipsum non esse sempi-
ternam: sed cōpisse ab aliquo principio, etsi non apertē istud dicere videatur?
Equidem non dubito, quin cuius, qui ad veritatem animum aduertat, quique
quod in rationibus consequens est aut repugnans, diiudicare possit, posterius ve-
rum esse, atque adeo necessariō conficiendum esse videatur. Cū igitur procrea-
tioni Mundi initium tribuat Plato, non dubium, quin materiam esse cōpisse, &
non ortu carere, & sempiternam esse arbitratus sit: quoniam si sempiternam
materiam esse diceret, vt hoc quoque quispiam confiteatur, ne sic quidem ex
ipsius sententia Mundum sempiternum esse colligeretur, vt modō confirmauim-
us.

PROCLI DIADOCHI

Argumentum duodecimum.

Quicquid gignitur, materia id eget, & efficiente. Quare si quod ortus & pro-
creationis est capax, non semper est, sed interdum tantū, id sit, aut propter ma-
teriam, quæ idonea non est, aut propter efficiens, quod in faciendo deficit: aut
certē propter vtrūque, quia nec idonea sit materia, nec efficiens satis sit ad fa-
ciendum. Quare si Mundus aliquando non fuit, aut deinceps non est futurus, id
aut propter materiam ei accidit, aut propter ipsius Mundi effectorem. Atqui
hic semper ad efficiendum est satis idoneus, cū ipse idem semper permaneat,
nec vnquam diuersus aut immutatus compareat. Aut enim ne nunc quidem ad
Mundum

Mundum efficiendum satis est idoneus, aut si nunc est, etiam antea fuit, & post-
 hac est futurus. Materia autem eodem modo, aut semper erat idonea, vt Mundi
 speciem reciperet, quemadmodum & nunc: aut ne nunc quidem, cum semper
 eodem modo eadem permaneat: nam ipsa incommutabilis est, perinde atque
 ipsum efficiens. Si igitur quicquid interdum est, & interdum non est, tale est, aut
 propterea quod efficiens non est idoneum, aut propterea quod materia non sem-
 per est habilis, at verò id quod Mundum efficit, non interdum efficiendi est po-
 tens, & interdum impotens, neq; materia interdum habilis est ad opus, interdum
 inepta, efficitur, vt non possit Mundus interdum esse, & interdum non esse. Ex
 eternitate igitur & semper tum opifex molitur, tum materia in Mundi formam
 digeritur, tum Mundus est, & constat.

Capita solutionis duodecimi Argumenti.

Quod falsum sit, quicquid gignitur, materia indigere.

I.

Quod sunt nonnulla etiam in iis, quae per ipsos semper fiunt, quae materia indigeant.

II.

Ubi iterum docetur, non quicquid gignitur, materiam desiderare.

Quod ne ea quidem, quae interdum gignuntur, necessario indigent materia.

III.

Tanquam in appendice & corollario docetur, non quicquid gignitur, ex eo gigni, quod sit.

IIII.

Quod etsi verum esset, ea, quae interdum sunt, & non semper, aut propter materiam,

V.

*quae idonea non sit, non esse semper, aut propter efficiens, quod satis ad efficiendum esse non
 possit, sed operi succumbat, ne sic quidem necessario conficietur Mundum esse sempiternum.*

*Quod falsum sit, ea quae sempiterna non sunt, aut propter materiam, aut propter effi-
 cientem causam, aut propter utranque, non esse semper, sed fieri posse: ut praeter has, aliae
 sint causae, quae efficiant, ut quidpiam non sit sempiternum. Ubi docetur, quod necesse est,
 ut ante rei ortum materia apta sit, & idonea ad opus procreandum.*

VI.

DVODECIMI ARGVMENTI

PROCLI SOLVITIO.



N antecedente argumento comprobauimus, quod si materia gi-
 gneretur, naturae quae suae principium acciperet, materiae non indi-
 geret, vt gigneretur, quo fit, vt non quicquid gignitur, materia, vt
 vult Philosophus, indigeat: sed nonnulla sunt in iis, quae generan-
 tur, quae solo indigent efficiente: nullius enim rei causa remota reperiri origo
 potest, vt ait Plato. Et aliòqui si neque fortuitò est materia, vt eidem quoque vi-
 detur, neq; exiit sine causa, quia vnum est omnium efficiens, & vna origo, sed
 ipsas quoque materiae Deus est opifex, quandoquidem & vniuersi Mundi: ma-
 teria autem aut pars Mundi est, aut elemētum, & materia igitur à Deo procrea-
 tur: etsi id non interdum, sed semper; hoc enim interim concedatur. Quod enim
 quidpiam efficit, alicuius, quod efficiatur, est efficiens. Quare si Deus materiam
 efficit, à Deo materia necessario efficitur. Vnde fit, vt si quicquid omnino gigni-
 tur, materiae indigeat, & gignatur materia, materia materiam prorsus requirat.
 Quare illa quoque si à Deo gignatur, alterius indigebit materiae. Quare aut con-
 silemus in aliqua materia, quam Deus non gignat, & cuius efficiens non sit, aut

I.

in immensum progrediemur, materiæ materiam inquirentes. Cum hæc igitur absurda sint, sanè non quicquid gignitur, indiget materia. Eadem autem & de rationis compore anima, & omnibus consimilibus dixerimus. Harum enim rerum Deus est opifex, etsi ex æternitate eas produxerit. Neque verò rationis compos anima, cum à Deo gignitur, materia indigebit, cum simplex sit, & experts materiæ.

II. VERVM quæ gignuntur, inquit, nec sunt semper, sed interdum tantum
 « ea, ut generentur, materia indigere diximus. Materia autem & anima sempiternæ
 « na sunt, neque ab ullo tempore principium habuerunt quo esse cœperint. Primum
 igitur, ut in præsentī hoc tantum dicam, illud est incertum, num prædictorum
 utrumque principium acceperit. Nulla est enim ratio, quod equidem sciam, quæ
 necessariò conficiat, ea principio carere. Nam & hoc abunde nobis in alio argu-
 mento discussum est, nullam naturam, quæ vitii sit capax, cuiusmodi est anima
 nostra, sine principio esse posse. Et in primo argumento docuimus, fieri nullo
 pacto posse, ut Mundus carcat principio. Iam verò cum Mundus non steterit
 sine principio ex æternitate, materia sine principio esse non potest. Materia enim
 & procreatio in iis sunt, quæ cum aliquo conferuntur, & simul esse est necesse,
 tum materiam, tum Mundi procreationem, ut ipsemet Proclus in capite præce-
 denti persequutus est. Tamen concedatur, ut dixi, tum materiam, tum animum
 nostrum esse sine principio: omnino harum rerum effectior & opifex Deus, aut
 interdum eas facit, aut semper. Quicquid enim aliquid facit, id aut semper, aut
 interdum facit. Et quoniam eas interdum gigni nolunt, semper scilicet à Deo
 efficiuntur. Quid igitur causæ est, cur ea, quæ gignuntur, interdum materiam
 postulent ut generentur: quæ autem semper fiunt, materiæ non indigeant? Neque
 enim nudis eorum enuntiationibus fidē habebimus. Nam si quicquid gignitur,
 materia indiget, ut in his ait Proclus: quemadmodum quod interdum gignitur,
 interdum indiget materiæ: sic quod semper gignitur, par est, materiæ quoque
 semper indigere. Sin minus, non verum est, quicquid generatur, indigere mate-
 ria. Alioquin si id solum indiget materia, & Mundus ex eorum sententia perpe-
 tuò gignitur, ac non interdum materiæ non indigebit Mundus, ut qui semper à
 Deo generetur. Quare efficitur, ut materiæ experts Mundi sit procreatio: quan-
 quam ut earum rerum, quæ interdum gignuntur, hoc est, rerum singularum,
 unaquæque ex materia iungitur & forma: sic sanè & Mundus totus, ut totus, ex
 materia & forma componitur. Et quemadmodum materia quædam ad parti-
 cularem formam effecta est, sic & generalis atque omnino materia ad totum &
 uniuersum se habet. Aut igitur Mundus, quia semper gignatur, materiam non
 postulat, si modò quæ interdum gignuntur, ea sola materiam requirunt. At
 verò si non indigeat materia, simplex erit, & non materiatus, quod falsum est.
 Aut si quidem, cum semper gignatur, semper indiget materia, cum præsertim
 materiatus sit, non ea certè sola, quæ interdum gignuntur, materiæ indigent, ut
 generentur: sed sunt nonnulla in iis etiam, quæ semper gignuntur, quæ materiā
 postulant. Quare si verum est, quicquid gignitur, materiam postulare, duorum
 alterum confiteri necesse habemus, aut Deum autorem & opificem non esse
 materiæ (quæ ex re fiet, ut rerum omnium non vnum sit principium, sed duo,

quæ principio vacent, nec ab vlllo causam habeant, cur ipsa sint, Deus nempe & materia, secundum Manichæorum nugas) Aut si materiæ quoque procreator est Deus, necesse est, vt dum gignitur materia, materiæ indigeat vt generetur. Cum hæc igitur ambo absurda sint, quia nec fieri possit, vt materiæ sit materia, & Deum omnium procreatorem & autorem esse confiteri ea cogat opinio, quæ rerum omnium principium vnum esse statuit, falsum est, quicquid gignitur, materiam vt generetur, desiderare.

VER V' M, quæ semper gignuntur, inquit, non prorsus indigent materiæ: III, quæ verò gignuntur interdum, & ab aliquo principio esse cœperunt, materiæ omnino indigent. Sed facultate hoc quoque nobis iam abunde discussum est in præcedenti argumento: ibi enim docuimus, quòd etsi interdum gignatur materia, nunquam tamen indigebit materiæ, propterea quod quæ nunc à natura gignuntur, ea penes formam generantur. Species autem non res est, quæ seipsam sustentet, & ob id meritò indiget materiæ, vt ipsa cohareat. Præterea, ostendimus contrario modo, materiam & formam inter se esse affecta, contrario autem contrarium esse consequens, hoc est, procreationi materiæ consequens esse materiæ non indigere: cum nimirum subiecto non indigeat, vt sit, quia ipsa rerum omnium naturalium est subiectum. Quare neque quod interdum gignitur, materiæ omnino indigebit: quoniam rerum singularum propinqua materia interdum gignitur, vt ipse quoque Proclus in præcedenti dixit argumento, & nos ibi pluribus explicuimus, quòd quando quidpiam vt materia gignitur, non gignitur ex materia. Quare quod interdum gignitur, non necessariò indiget materiæ, vt generetur. Et aliòqui si, vt volunt, Mundus à Deo perpetuò generatur, nunc certè quoque gignitur. Nam nisi nunc gignatur, non gignitur semper, sed tantum interdum. Quare Mundi quoque materia aut gignitur semper à Deo, aut interdum tantum, aut nunquam. Verum, quoniam vt nunquam à Deo gignatur, fieri non posse probatum est (Siquidem omnium opifex & procreator est Deus, neq; res vlla ipsa sibi causa est, cur sit, sed ab vna omnium causa omnia exiterunt) neque verò vnquam & ab aliquo tempore materiam procreatam fuisse concedunt, efficitur certè, vt perpetuò gignatur. Quòd si perpetuò materia gignitur, nunc quoque generatur. Nam si, vt dixi, nunc non gignatur, gignitur tamen, proculdubio non semper gignitur, sed interdum. Nam quod generatur interdum, non protinus semper etiam generatur: vt Plato, verbi causâ, & hæc stirps, & rerum singularum vnaquæque. Quod autem semper gignitur, & in tempore naturam suam habet, & perpetuitatem temporaneam, non sempiternam, & ex æternitate obtinet, id semper nasci interdum est necesse. Nam quod in omni tempore gignitur, etiam in aliquo tempore gignatur oportet. atq; hoc ipsum in decimoquinto capite quinti argumenti apertè docuimus. Nunc igitur quæ à Deo gignitur materia, ea aut indiget materiæ, aut non indiget. Quòd si indiget, illa quoque alterius indigebit: idque in immensum progredietur. Sin autem non indigeat, non profectò quod interdum gignitur, id vt generetur, materiæ indiget necessariò. Porro, iam sæpe dixi me procreationem & ortum appellare, enudam ipsam rerum in naturam productionem, & substantiæ susceptionem,

seu in temporis puncto repente in naturam producatur:quemadmodum nullo infumto tempore quod perlucidum est, à sole collustratur, seu temporis productione indigcat, vt naus, verbi gratià, & ea, quæ pariuntur, quæ'que eduntur è terra in quadam temporis productione, progressum in naturam accipiunt.

III. A T Q V E hinc perspicuum esse puto, non quicquid nascitur, ex aliquo, quod sit, generari. Nam qui semper à Deo gignitur Mundus, nunc quoque gignitur, quia ex tempore pendet Mundi perpetuitas. Quare si nunc ex eo gignitur, quod sit, diuersum profectò est ab ipso id, ex quo Mundus ipse generatur. Vtrum igitur illud quoque generatur à Deo, an non? nam si illud non gignatur à Deo, non omnium Deus opifex erit, neque ea, quæ efficit, ipsa per se tota fabricabitur: siquidem id, ex quo Mundum efficit, ipse non procreat. Sin illud quoque gignitur, ex eo quod sit, proculdubio generatur: si quicquid gignitur, ex aliqua re, quæ sit, & constet, procreatur, & illud rursus ex alio: idque procedet in infinitum. Quare si hoc fieri non potest, Mundus cerè ex eo, quod sit, non procreatur. Hinc igitur efficitur, neque ex materia, neq; omnino ex eo, quod sit, id omne generari, quod gignitur, seu perpetuè & per omne tēpus, seu interdū gignatur.

V. S I aliqua igitur esset ratio, quæ conficeret materiam esse sempiternam, necesse esset Mundum quoque esse sempiternum: quia materia semper esset idonea, vt Mundi formam reciperet, quia esset sempiterna: & Deus ad efficiendum semper itidem esset satis idoneus, materia autem & forma sint in iis, quæ cum aliquo conferuntur, & propterea & se mutuo perimant, & simul consent. Sin autem nulla est ratio, quæ materiam sempiternam esse conuincat, cum ea, quæ id conficere videbantur, antea reprehensæ sint, fieri certè potest, vt cum Deus semper eodem modo se habeat, Mundus non sit sempiternus: non quòd efficiens sibi desit in efficiendi facultate, sed quòd ea, quæ gignuntur, non semper esse sint nata. Nihil enim cernitur eorum, quæ gignuntur, vnà cum sua causà existere in natura, sed quicquid nascitur, producente posterius est. Porro, quòd non propter efficientis imbecillitatem, sed propter eorum, quæ gignuntur, naturam, Mundus non est sempiternus, in primo argumento abunde docuimus. Atque ex iis, quæ ibi diximus, id ipsum cuilibet colligere licebit. Quare si quod interdū quidem est, interdum verò non est, aut propter efficientem causam, quæ ipsa sibi deest in efficiendo, aut propter id, quod gignitur, quod semper esse non potest, aut propter vtrunque semper non est, vt hīc probè dixit Proclus (in primo autem argumento probatum est, quòd ipsa rerum natura non admittit, vt res sint ex æternitate, propter eas causas, quas ibi exposuimus) fieri potest, vt etiam cum Deus semper sit eodem modo, Mundus non sit sempiternus.

VI. N V M verò ne hoc quidem verum est omnino, vt quod interdum est, & interdum non est, aut propter efficiens, quod semper ad efficiendum satis esse nō possit, aut propter materiam, quæ semper non sit habilis, id interdum sit, & interdum non sit? Fieri enim, opinor, potest, vt etiam cum efficiens ad efficiendū est satis (ad efficiendum autem satis esse dico, quantum in ipsa efficiendi facultate & arte est positum) & cum materia sua ipsius ratione idonea sit ad gignendum, non tamen sit semper id, quod naturā aptum est vt gignatur. Quid enim

vetat, ut cum caesi iam sint lapides (hoc enim est habilem esse materiam) cumque reliqua omnis materia adornata sit ad domus procreationem, praestitum sit praeterea Architectus, & quantum ad eius artem attinet, domus aedificanda sit potens, neque tamen domus adhuc producta sit, neque producatum sit? Praeterea, quid vetat, ut cum cera sit parata ad excipiendas literas, & scriptor describendi polleat facultate, nondum tamen literae sint descriptae, quia aliqua sit alia causa, quae literarum & domus procreationi sit impedimento, ut quia, verbi gratia, bonum sit harum rerum utranque nondum fieri? Atque in omnibus eadem valet ratio. Quod si Proclus dicit lapides iam caesos non idoneam esse domus materiam, priusquam compositi & inter se adaptati fuerint, nihil aliud dicit, quam quod nisi materiae imposita sit forma, non est idonea materia ad excipiendam formam. Nam lapidum concentus, & apta & concinna convenientia, cum aliis rebus, quae ad domus procreationem concurrunt, ipsa est iam formae domus procreatio. Quare ubi lapides adaptati fuerint, iam effecti aedes, non amplius ad aedium procreationem idonei esse dicuntur, sed actu & reapse domus. Nam idoneum ad quidpiam efficiendum aliquid esse dicitur, quod adhuc est facultas, nec dum actu factum est illud: ut aqua ad calefiscendum idonea esse dicitur, tum, cum est frigida: ubi autem incaluerit, iam actu calida esse dicitur, nec amplius idonea ad calefiscendum. Et cera ubi literas iam exceperit, non ad scriptum, tam excipiendam dicitur esse idonea, sed iam actu esse descripta. Nam cera, cum nihil desit ad habilitatem & aptitudinem excipiendae scripturae, nihilo magis ut materia literarum aptior est reddita, postquam descripta est, quam antequam scripto insculperetur. Sic & qui aptus & ut praescribit ratio, caesi sunt lapides, cur magis idonea tum domus materia esse dicantur, cum iam adaptati fuerint, & domus formam exceperint, quam priusquam apti & compositi fuissent? Nam compositio & adaptatio tum lapidum, tum lignorum, nihil est aliud, quam formae domus procreatio. Non enim facit materiam Architectus, qui ligna componit, & lapides, sed ipsam domus formam eisdem imponit. Quare qui nondum compositi sunt lapides, caesi tamen, ii tum idoneam domui procreandae materiam praebent. Quid igitur vetabat, quantum ex iis, quae dicta nunc sunt, intelligitur, quin cum Mundi materia ad eiusdem procreationem semper esset idonea (etiam si quis sempiternam eam esse concedat) & opifex ad Mundum procreandum satis esset instructus, ob aliam tamen aliquam causam, non semper fuerit Mundus, ut, si res ita tulerit, opifex iis, quae gignuntur, bonum esse cognouerit, ut aliquando procreentur: hoc autem dixi, non quod putem materiam ipsam per se sine formis esse posse (neque enim opifex Mundi seorsim eius materiam, & seorsim formam in naturam produxit, sed simul & temporis puncto effecit utrunque, ut supra saepe diximus) sed quod docere velim, etiam si sempiternam materiam quisquam esse concesserit, & ante Mundum extitisse, nihil habere a Proclo productam modò rationem, unde sola necessarid efficere possit, Mundum esse sempiternum. Non enim solum ideo non gignitur Mundus, quia non idonea esset materia, neque ideo solum quia efficiens causa non satis esset potens ad ea efficienda, quae procreanda erant: sed sunt & aliae causae, cur id non pro-

creetur quod procreari potest. Quare si non solum eorum, quæ generantur, causa est, tum in efficiente, tum in materia, sed præter alia est & finis, isque in primis, hoc est, id quod conducit & bonum est ei, quod gignitur, propter quod gignitur, efficitur, ut non, aut quia sola materia parata & apta non sit, aut quia solum efficiens sibi desit ad ea efficienda, quæ gignuntur, aut propter vtrunque non generetur quidpiam, cum etiam ob id non generetur, quia ei aut bonum, aut non bonum esset in præsentia, sed potius si in posterum generetur. Porro, id cuique bonum est, quod est cuiusque naturæ consentiens. Nihil igitur necessario conficit propositum Philosophi argumentum, cum ipsum per se ponderatur. Nisi forte quispiam ex eo, quod materia ad aliud referatur, & ea sit sempiterna, efficere velit, procreationem quoque esse sempiternam. Verum hoc in antecedente argumento abunde nobis excussum est.

PROCLI DIADOCHI

Argumentum decimumterium.

Motum dixit globofo corpori conuenientem Mundo Deum assignauisse, nempe conuersionem, quæ in mente & intelligentia maximè consistat. Quod si Mundo motum hunc accommodatum esse confiterur, cælum certè naturâ in orbem esse volubile ipse quoque confitebitur. Quare si â natura motum hunc obtinet, neque eum motum, quo sursum itur, neque eum, quo deorsum descenditur, neque progressionem ipsi conuenire dixerimus. Porro, ii sunt elementorum, quæ hîc visuntur, proprii motus. Cælum igitur ab eorum corporum numero eximi est necesse, quæ ad rectam lineam feruntur: neque ignis est igitur, neque terra, neque vllum eorum corporum, quæ inter hæc interiecta sunt media, neque leue, neque graue cœleste est corpus: siquidem graue est, quod deorsum contendit: leue autem, quod sursum euolat. Quod si horum elementorum nihil est aliud quid præter hæc, id sit oportet, quod naturâ versatur in orbem. Cum igitur ortus & interitus rerum sint sibi mutuò contrariarum, contrariæ autem res sunt eæ, quæ contrarios naturâ motus habent, & vnum vni est contrarium (hæc enim Platonis est sententia in Protagora explicata) hæc sint, quæ intereant & nascantur, cælum autem & ortus expers sit & interitus. Quod si hæc partibus quidem gignuntur & intereunt, tota autem naturalem statum semper retinent in suis locis remanentia, Mundus autem ex his est concretus, hoc est, ex cælo, & quatuor elementorum vnoquoque integro, efficitur, ut ipse ortus expers sit & interitus. Quæ igitur quomodocunque nascuntur & intereunt, ea sunt Mundi effecta, ac non partes: cum qui in ipso dii sunt, partes mutantur, quas iterum restituant, sicut ille ait, & efficientium genera: hæc autem cogitatione finguntur partes quoque esse Vniuersi, quæ in ipso contineantur. Quanquam & alia omnia, quæ è causis oriuntur, in suis ipsa causis contineantur, & sustententur ab iisdem. Si igitur ex iis constat Mundus, quæ ortu vacant, & interitu, ipse quoq; multò magis ortus & interitus expers erit. Partibus enim deterius sit totum, si ipsum ortum habeat & interitum, partes autem neque nascantur neq; intereant. Quanquam quod totum partibus sit potius, ipse est, qui

dicit:

dicat: non enim totum partium esse gratiâ, sed partes totius esse causa. Id verò cuius gratiâ, potius est iis, quæ alicuius sunt gratia. Elementa autem eius sunt partes, quod ex ipsis constat. Quare quod ex elementis est concretum, suis elementis est præstantius. Vnde efficitur, ut si ex elementis constet Mundus, quæ ortu careant & interitu, ipse quoque procreationis expers sit & interitus. Atque hoc quoque ex Platoniciis principiis demonstratum est.

Capita solutionis decim tertii Argumenti.

In modum proxi- quod tum sibi, tum Platoni repugnat Proclus, cum dixit Platonem I. sensisse cælum alterius esse substantia, quàm quatuor elementa.

Quod in animalium modum cælum in orbem versari vult Plato, qui motus non à natura, sed ab anima huic suppetat: quodque motus, qui in omnibus animantibus ab anima inest, non est naturalis. Et quod neque figura animantium varietas neque motus diversitas nos cegit, ut dicamus ex differentibus & non iisdem elementis animantium corpora componi. II.

Quod ex ipsis rebus quas ut natura consentiret, concessit Proclus, nullo modo est necesse, ut cælum rectâ moveatur, etsi ex igne constet plurimo secundum Platonis sententiam: Verum seu ab anima in orbem quisquam ipsam moveri dicat, seu à natura, ut corpus inanimatum, secundum rationem in orbem mouetur, cum sit ex natura elementorum. III.

Quod sibi repugnat Proclus, cum ait, cælum alterius esse substantia, quia moveatur in orbem. IIII.

Quod fieri non potest, ut ad rectâ moveatur cælum, etiamsi ex igne constaret plurimo. V.

Quod nulla efficii necessitas, cur cælum alterius sit natura, quàm elementa, ob id vult, quia versetur in orbem. VI.

Quod tum ex Platonis principiis, tum ex iis, quæ concessit Proclus, necesse est, ut cælum ortus sit capax, & careat interitu. VII.

Quod falsum est Mundi partes non esse, quæ gignuntur & intereunt. Ubi ostenditur, quod necesse est, ut partis pars, totius etiam sit pars. VIII.

Quod in contradictionem unde quaque recidit Proclus, cum ait ea, quæ quomodocumque gignuntur & intereunt, Mundi partes non esse, sed effectus. Ubi ostenditur, quod Plato elementorum partes, quæ nascuntur & intereunt, totius Mundi particulas esse voluit. IX.

Quod si partes nascuntur & intereunt, totum quoque nasci & interire est necesse: ob id integra elementa & totum Mundum nasci oportet & interire. X.

In modum repetitionis iterum, quod falsum sit, ea, quæ quomodocumque gignuntur & intereunt, partes non esse Mundi: & quod elementorum partes, totius quoque Mundi sunt partes. XI.


Quod ipsa tum animalia, tum stirpes, tum reliqua composita corpora, totius Mundi sunt partes: & ut ratio docet, & ut sentit Plato. XII.

Platonis in Timæo, quod uniuersus Mundus ex quatuor & solis corporibus concretus est, cælum autem ex igne idque maximè. XIII.

Quod non necessaria est Aristotelis argumentatio in Primo Meteorologicôn, quæ conficere sibi videtur, quod cælestia ex igne non constant. XIII.

- XV. Verba Tauri Platonici, Porphyrii, Procli, & Plotini, quod ex quatuor & solis elementis Mundum constare voluit Plato, ignorans illud, quod apud Aristotelem quintum corpus vocatur, ex quo ille cælum esse dicit.
- XVI. Quod iisdem adfici qualitatibus cælum Plato voluit, quibus quæ hic apud nos visuntur elementa, informata sunt calore dico, frigore, & reliquis.
- XVII. Quod ne fieri quidem posse Plato dicit, ut aliud sit corpus simplex præter quatuor elementa.
- XVIII. Quibus rationibus Plato, cum solida & simplicia corpora sint quinque, cubus, pyramis, octaëdrum, dodecaëdrum, & eicosædrum, quatuor quidem elementis quatuor attribuit: dodecaëdrum autem vniuerso Mundo. Et quod hinc adparet, Platonem non nouisse quintam essentiam.

DECIMITERTII ARGVMENTI
PROCLI SOLVATIO.

I.  MPVDENTIAE modus est nullus, quem non natura hominum transfiliat: siquidem cum Plato tam aperte clamitet: ex igne, terra, aqua, & aëre Mundum vniuersum esse concretum, atque adeo cælum ipsum, & quæ in cælo sunt omnia, ex his iisdem esse composita, maiorem tamen ignis partem obtinere: homines nonnulli extiterunt, quos omnium minimè id decebat, qui cum speciosum Philosophiæ nomen prætendant, & sententiarum, atque decretorum Platonis interpretes videri velint, eò ingratitude & iniquitatis sunt progressi, ut summa temeritate (neque enim, ut mihi quidem videtur, cum consilio) dicere sint ausi, Platonem voluisse cælum alterius esse substantiæ, quàm quatuor elementa: ut neque sit ignis, neque terra, neque quicquam eorum, quæ inter hæc sunt media: neque verò ex his sit compositum. quanquam nobis hic idem Platonis interpres, ubi contra Aristotelem insurgit, super iis, quæ ab illo contra Platonis Timæum dicta sunt, cum Aristoteles Platonem reprehendat, quod ex quatuor elementis cælum componat, multus est in eo, ut persuadeat, non alienam esse quandam, nec abhorrentem ab iis quatuor elementis, ex quibus totus constat Mundus, cælestis corporis naturam. Cuiusmodi est, quam Aristoteles quinti corporis naturam in vniuerso introduxit: sed quod eorum purissima portio, cælestium corporum perfectæ coagmentationem. Quæ sit igitur, ut nunc nobis suam in vtraque orationis partem dicendi vim ostentans, calumniatur, quem antè defendit, Platonem, & pupillam oratione sua depellens, canit palinodiam? Verùm hæc cum ex ipso Platone, tum ex iis, qui hunc interpretati sunt, partim aliorum Philosophorum de eodè testimonia, partim ipsius Procli probationes producentes, paulò post doccebitur, Platonem cælum vniuersum ex elementis quatuor componi voluisse. Illud autem nunc primum est inuestigandum, an vlla probabili occasione nitatur oratio, quæ statuit cælum, quia in orbem versetur, diuersæ esse substantiæ, quàm quatuor elementa. Aristotelis autem argumenta, quibus probare nititur, cælum quintum quoddam esse corpus, Deo duce in his, quæ contra ipsum dicemus, diligenter excutiemus. nunc autem hoc vnum nostra discutiet & examinabit oratio, an

tio, an pugnancia Plato proposuerit, cū ex igne plurimo cœlum cōstare dicit, & globosam ei circumdatam esse figuram, & conuersionem in orbem, vt eidem conuenientem tribuit. Quod si vlla necessaria ratio conficere videretur, vt ex eo, quod cœlum versetur in orbem, alterius naturæ & substantiæ, quàm quatuor elementa ipsum esse sit statuendum, ne sic quidem par esset, quod sepe dixi, ea, quæ apertè & sine vlla dissimulatione à Platone dicta sunt, obscuris quibusdam coniecturis, quasi nunquam dictæ sint, reiciere fraudulenter. Verū si ad repugnantiam tantū hypothesē studio veritatis animum aduertere decet, tamen Platonis studiofis danda esset venia, si in concordiam, quanuis contra veritatem, ipsum adducerent. Quod si apertè fieri adpareret, ex quatuor elementis cœlum constare, & naturā in orbem versari, sophistam apertè eum merito iudicarem, qui conaretur ad id tantū quod videatur, & non ad veritatem verba detorquere. Neque enim eum quid verum sit ignorare puto, qui tam apertis tenebras offundere tam sit ingeniosus. Ad hunc igitur modum Proclo procedunt argumenta.

DE VM cœlo motum tribuisse globoso corpori conuenientem scribit Plato, conuersione enim in orbem moueri. Et ideo ab aliis corporibus, quæ ad rectam mouentur, diuersum est, hoc est, ab igne, aëre, aqua, terra. Horum enim, quæ grauiasunt, deorsum, quæ leuias, sursum connituntur. Neque leue igitur (inquit) neque graue cœleste corpus esse arbitratus est Plato. Atqui aut si aut simplex, aut inanimatum corpus Plato cœlum esse posuisset, fortasse probabilem, etsi non veram orationem hanc esse confiteremur. Iam cū ipsum quatuor elementis, maiori tamen ignis portione, constare dicat, animatum tamen esse, & ab anima motu cieri, cuius patere puto Platonem dicere, rotundam conuersionem cœlo conuenire, & eidem naturalem esse, non quia ipsum per se corpus intelligitur seiunctum ab anima, quæ ipsi regendo præfecta est, sed quia animal est, hunc motum huic ab anima conuenire. Iam leuium sursum, & grauium deorsum motus, non animantium, sed inanimatorum corporum motus est: quæ non arbitrio & voluntate, sed insito sibi momento feruntur. Atque sit plerunque, vt qui alicui animanti naturalis est motus, is subiecto corpori naturalis non sit. Nam quæ hîc apud nos videntur animalia, cum progressione ad latera impelluntur, naturā quidem, vt animalia mouentur, nullius tamen eorum elementorum ex quibus ipsorum constant corpora, neque verò ipsius compositi naturalis motus is est, qui ad latera instituitur. Nam quando corpora composita non vt animata, sed vt inanima sunt, motu cientur, simplicis eius corporis motum sequuntur, quod in composito vincit. Cū enim in corporibus compositis, quæ hîc videntur, grauias elementa superant, terra, inquam, & aqua, tum deorsum ipsa naturā feruntur. Quare animalium motus, qui ad latera animæ vi perficitur, non naturalis est animalium corporibus, & quæ animata corpora accrescunt, quando accretione sursum feruntur & volucres, quando totæ penes se totas infernè sursum transferuntur, vt animatæ motum hunc naturā suscipiunt: vt autem terrenæ sunt & graues, contra naturam. Quid autem dixerimus de stirpibus? quæ vnâ cum solis conuersione circumferuntur, quæ cognomines motui solis, ob id

helyotropia nuncupantur. Dicant enim nobis, cuiusnam simplicis corporis naturalis est eiusmodi motus? Aut enim necesse est, hæc dicere aliena esse ab elementorum natura, propter motus diuersitatem: aut si alia est cuiusq; corporis, quæ à natura propria, vt ab inanimato proficiscitur motio, alia autem ab animato, quæ vi & ope animæ perficitur, & cælum Plato animatum esse, & ab anima motu cieri voluit, perspicuum est, vt animali naturalem eum motum cælo tribuere, qui in orbem conuertitur. Nam si circa mentem maximè conuersionem esse dicit, & vt Plotinus ait, in orbem ideo conuertitur, quia mentem imitatur, parer, quòd ab anima motum rotundum ipsi accedere censet, ad intelligentis actionis imitationem, quæ motu corpus proprium impellit. Neque enim penes expertem rationis animam, & naturalem sine anima mouendi impetum, corpus inanimatum mentem imitari quisquam iure existimauit. Merito autem etiam figuræ conuenientem motum rotundum esse dixit. Nam cuique animalis figuræ conueniens ab ea, quæ ipsi insidet anima imperitur motus: vnde alius est volucrum, alius terrenarum, alius aquatiliū animantium motus. Atque volucres & aquatiles & sursum & deorsum, & ad latera similiter impelluntur: in terrenis autem aliter, quæ pedes habent aliter quæ iisdem carent, progrediuntur. Quid igitur est mirum, si cælum quoque pro ratione corporis ab anima promouetur? siquidem magis pro momentorum atque facultatum animæ ratione ipsum & efformatum est, & mouetur, vt in reliquis quoque animantibus corporum fictio, & membrorum conformatio, non secundum varietatem substantiæ simplicium corporum, ex quibus componuntur animantes, sed pro variis facultatibus animarum, quæ in ipsis functiones sunt habituræ, ab opifice natura exulta, & adornata est, vt in sexto argumento plenius confirmauimus. Quare si figurarum diuersitas substantiæ commutationem non facit (substantiæ dico penes elementa, ex quibus constant animantes) neque certè quæ animatorum motio naturæ accommodata est, eò nos necessariò compellet, vt corpora ipsorum alterius naturæ esse dicamus. Fieri igitur potest, vt Plato cælum naturā in orbem versari dixerit, vt animatum corpus, & nihilominus communis elementorum naturæ esse posuerit. Præterea, si omnis animans animæ vt aliquo motu in loco cietur (nam volare, volucris, & natate, piscibus, & terrenis serpere, atque cruribus ingredi, animæ beneficio competit) cælum autem Plato dixit esse animantem, palam est, quòd motum aliquem in loco vt animæ ipsi competere confitebitur. Omnis enim animans ab anima aliquo in loco motu cietur: neque vlla est, quæ hoc motu sit destituta. Cælum autem nullo alio motu impellitur in loco, quàm conuersione in orbem. ex Platonis igitur sententia vi animæ hoc motu impelletur. Quare si in orbem ab anima conuertitur, & diuersa est ea animalium motio, quæ vi animæ perficitur, ab ea, quæ ab insito momento, vt inanimatis corporibus ipsorum conuenit, non sanè cælestis corporis naturalem esse conuersionem existimauit Plato, sed ab anima ipsi potius cōuenire. Vnde in animæ procreatione Plato cælestium orbium motus animæ corporis adaptauit, vt ex ipsius verbis discere possumus. Motum enim eius sphaeræ, quæ Aplanes dicitur, quem motum eiusdem appellat, & septem interiorum

errantium, quem diuersi nuncupauit, animam ipsam Plato ciere dixit, & (quod ait Aristoteles) quasi progressionem cœli sint animæ motus. Quod si perspicue animam Vniuersi intelligentem, & corporis expertem Plato esse dixit, cum autem ipsam cœlo connexuit, cœlestis corporis motibus, qui in loco perficiuntur, eandem moueri dixit, animam autem corporis expertem in loco moueri, eorum est, quæ fieri non possunt, sanè vel cæco perspicuum esse puto, quod symbolico doctrinæ modo motus cœli causam dixit, ipsum moueri. Nam quæ per imaginem in eo sunt, quod oritur de causa eadem, per exemplum in ipsa causa prius insunt. Nam quæ in architecti animo domus forma inest, exemplum & causa est eius domus, quæ ex lapidibus conficitur. Ex hac enim notione Plato rerum omnium ideas esse posuit.

VERVM, si non naturâ rotundo motu cœlum mouetur, inquit, sed ab anima, quæ tandem est cœlestis corporis naturalis motio? Nam si in iis est corporibus, quæ ad rectam feruntur, aut sursum, aut deorsum mouebitur, à quorum utroque exemptum est cœlum. hanc obiectionem nobis ipsemet Proclus diluit. Nam (ut iam intelleximus in decimo argumento) scribit, vnumquodque Mundi elementorum in suo loco aut manere, aut in orbem versari. Tum enim ad rectam lineam contendit, inquit, cum in suo loco non est, ad eum peruenire connitens. Quod si in suo loco cum est vnumquodque, id aut manet immotum, ut terra: aut versatur in orbem: at non ad rectam lineam, ut hypeccauma, & qui supra montium vertices residet aër. Corporum autem compositorum quodque eius elementum locum occupauit, cuius plurimum est particeps: ut nostra corpora, quæ terrea sunt, in eodem loco sunt cum terra: cœlum autem, quod de Platonis sententia ex igne plurimum constat, eoque tenuissimo, simul & purissimo, igni autem locus est naturalis omnium supremus, in eo verò est & cœlum, cœlum sanè proprium locum occupauit, & in eo, quem occupauit, motu rotundo conuertitur. Seu igitur animæ vi ei insit conuersio, ipsum autem sua natura nullo motu cieatur, naturâ certè manet, ac non mouetur ad rectam, ut quod locum suum occupauerit, & motus rotundus ei ut animanti naturâ competit: seu non animæ vi, sed naturâ in orbem moueatur, etsi in numero sit eorum corporum, quæ recto motu feruntur, ut quod in suo sit loco: quia eorum, quæ recto motu impelluntur, nullum ad rectam lineam moueri potest, quando secundum naturam in suo residet loco.

QVOMODO sit igitur, ut iterum Proclus Plat. pronuntiat egregiè & IIII. probè constitutis, voces hinc contrarias emittat? Nā si necesse est, ut cœleste corpus ob id vnum, quia recto motu non feratur, sed versetur in orbem, ab eorum corporum substantia sit diuersum, quæ ad rectam impelluntur, certè in iis sit, quæ recto motu feruntur, etiam tum ad rectam ipsum moueri voluisset, cum in suo loco esset situm. Quis fiet igitur, ut iam Proclo vera sit illa oratio, nullum elementum, cum in suo est loco, ad rectam moueri, sed aut immotum manere, aut rotundo motu cieri? Quod si accommodatè ad rerum illarum naturam id confusus est (neque enim terra, neque aqua, neque ignis, neque aër, cum suum tenent locum: ad rectam lineam contendunt, nisi vi pulsa, ab eo dimota fuerint) neque

proculdubio cœlum rectâ moueri. tum. est necesse, cùm suum locum tenet, etiam si naturâ sit eorum, quæ ad rectam feruntur.

V. NEQVE verò solùm necesse non est, sed eiusmodi etiã, quod fieri non possit, vt cœlum recto motu feratur, etiã si eiusdem sit naturę cum elementis. Nullum enim elementum neque totum, neque eius pars, cùm in suo & naturali situm est loco, rectâ moueri conspicitur. Non enim aliâ insito sibi à natura momento ad rectam moueri cernuntur, quàm quum à naturali loco dimota fuerint: vnumquodque enim in eo loco permanere contendit, qui naturæ suę est accommodatus, quia in eo conseruatur: atque vi externa opus est, vt à naturali loco traducantur corpora: vt aqua, & terrea corpora machinis quibusdam aut facultate præstantiore infernè sursum vi euehantur: & ignitus spiritus, qui in nubibus conclusus est, dum compressione exprimitur, deorsum detruditur contra naturam. Vbi tamen à suo loco dimota sunt corpora, insito sibi momento statim ad illum rectâ referuntur, quia in eo conseruantur. Quare si cœlum in loco naturæ suę destinato situm est, & secundùm Platonem, ex igne, eoque quantum maximè fieri potest, tenuissimo & purissimo constat (vt nos Proclum hæc eadē consentientem deinceps producemus) & ideo supremam omnium regionem occupauit, fieri certè non potest, vt insito momento, motu recto feratur. Nam si rectâ progrediatur, sursum niti nullo modo poterit: extra cœlum enim nihil esse doctissimi quique Græcorum consentient. Iam deorsum si deferatur, à naturali loco dimoueri erit necesse. Verùm nullum est corpus, quod naturali vlla facultate à naturæ loco depellatur. Omnia enim naturaliter expetunt esse. Est autem maximè quidq; & in naturę statu conseruatur, cùm in loco est naturali. Verùm, vt dixi, externa vi est opus, vt à naturali loco vnumquodque dimoueat. Quare fieri non potest, vt cœlum sine vi aliqua externa deorsum deferatur, etiã si igneum esse concedatur. probatum est autem, quòd neq; sursum omnino euehi potest. Fieri igitur nequit, vt recto motu cœlum vllò pacto moueatur, vel si ex Platonis sententia, ignis maximè sit particeps.

VI. I A M verò quid omnino est necesse, cur cœlum ob hoc solùm, quòd in orbem moueatur, alterius naturæ, quàm quatuor elementa esse statuatur? Nam si totus ignis, hoc est, ætherium corpus, quod Aristoteles hypeccauma appellauit, in orbem moueri, & non ad rectam euidenter adparet, vt quæ in ipso excitantur affectiones ostendunt, veluti cometæ, & quæ sunt eiusmodi (nam & nasci & occidere cernuntur, & in orbem vnâ cum cœlo versari. Neque verò quisquam ab elementorum natura ipsa propterea exemerit: ipsa enim est ignis elementaris integritas) non igitur cœlum ideo quia rotundo motu conuertitur, & non recto cietur, alterius esse substantiæ, quàm elementa existimari par est: seu corporis ipsius motum hunc esse quisquam concesserit, seu ab anima, quæ ipsi insidet, eidem conuenire voluerit. Quemadmodum igitur ignis totus non momento naturæ motum peragit orbicularem, sed vnâ cum ambiente & continente cœlo circumagitur, eo sanè modo, quo aquam in machinis vnâ cum machinarum conuersione circumuersari videmus: atq; ipsi hypeccaumati, hoc est, ætherio igni, contra naturam eiusmodi motus inest: sic cœlum à præstantiore facultate,

rare, eaque incorporea circumductum in orbem, & supra naturam sui corporis obtinens eiusmodi motum, nulla necessaria ratione propterea conuincetur diuersæ esse substantiæ, quàm elementa: hoc tamen interest, quòd nullo medio ab incorporea natura cælum conuertitur: quæ autem intra ipsum versantur in orbem, per hoc medium hunc motum consequuntur: & hoc sanè meritò. Nam etsi vna & eadem genere materia, omnibus subiicitur compositis corporibus, nempe quatuor elementa: tamen quia alia species alia specie præstantior est & nobilior, vt auri forma nobilior est, quàm ferri, & hominis, quàm canis: vt formæ autem aliæ aliis nobilitate antecellunt: ita natura ad compositorum procreationem puriores elementorum particulas deligere solet. Cæli autem forma & species reliquorum omnium corporum formis multis partibus antecellit. Necesse igitur fuit, elementorum, vt ita dixerim, delicias, & florem purissimum, materiam cœlestis corporis formæ præbuisse. Quoniam igitur tum forma, tum materia cœleste corpus interiora omnia longè superat, & ob id longissimè est vite, & quoad fieri potest, ab omni perpefsione liberum, meritò etiam ante ea, quæ intra ipsum continentur, hoc est, ante totum ignem, & cum aërem, qui extat supra montium vertices, conuersionis in orbem est particeps: neq; verò exteriora quintæ cuiusdam naturæ erunt, quia versantur in orbem, neque ipsum cælum.

CVM igitur confirmatum sit, nulla necessaria ratione confici cælum, quia VII
versetur in orbem, ideo peregrinum esse, & alienum à natura quatuor elementorum, & ex opinione Platonis cœleste corpus ex his iisdem coagmentatum sit, in elementis autem contraria cernantur, calidum & frigidum, humidum & siccum, & reliquæ contrarietates: procreationes verò & interitus, vt in his asseuerauit Proclus, sint contrariorum, certè cœleste corpus sua naturâ natum esse & caducum, tum ex principiis Platonis, tum ex iis, quæ à Proclo concessa sunt, est necesse: vt nos quoque in sexta ratione idem Platoni videri iam pluribus confirmauimus: etsi Dei voluntate & consilio nunquam dissolutum iri ille constituat, sed rediuiam immortalitatem adquirere.

IAM quæ deinceps in Procli oratione sequuntur, expendere est operæpretium, quomodo ab ipsa compulsus euidentia, Mundi elementa consistetur partibus nasci & interire: vbi ait, quòd hæc partibus nascuntur & intereunt: deinde, quid inde necessariò consequatur, sentiens nempe quòd cuius partes natæ sunt & caducæ, ipsum quoq; natum esse & caducum est necesse: paululùm progressus, suam ipsius thesin euertit. Ait enim, quæ quomodocunque nascuntur & intereunt, Mundi esse opera & effectus, non autem partes, cum qui in Mundo sunt dii, ex eo particulas mutuo accipiant, quas iterum restituant, vt ait ille. Cùm igitur quæ quomodocunque nascuntur & intereunt, non sint Mundi partes, elementorum certè partes cum ex iis sint, quæ nascuntur & intereunt, nec ipsæ Mundi partes erunt. Quare si partes elementorum, quæ oriuntur & occidunt, partes Mundi non sunt, & nulla est pars elementi, quæ non nascatur & intereat, nulla certè pars elementi totius Mundi pars erit. At verò vnumquodq; elementum nihil est aliud, quàm ipsius partes vniuersæ coniunctæ simul. Neque igitur elementa tota Mundi partes erunt: quanquam ipse Proclus hinc Platonem

VIII.

sequutus, elementa Mundi partes esse confessus est. Quare si elementa Mundi sunt partes, & elementorum iidem partes, Mundi quoque sunt particule. Quemadmodum enim tota manus pars est hominis: ita certe & manus pars digiti, totius hominis pars est: quia nimirum si digitus vnus desit, mutilum hominis corpus est, ac non integrum: quanquam nisi partis pars, totius quoque pars esset, nunquam vno deficiente digito mancum totum corpus diceretur. Et in Mundo igitur si elementa Mundi sunt partes, elementorum quoque partes, Mundi totius partes erunt. Et aliôqui si vnumquodque elementorum à suis partibus completur, & Mundus totus à totis elementis, elementorum certe partes totum explent Mundum, quæ autem quidque complent & perficiunt, ea eius sunt partes, efficiuntur vtique, vt elementorum partes, Mundi totius partes sint. Neque enim magnitudine & paruitate cernuntur partes. Vt enim totius domus pars, aut elementum, est lapis decem cubitorum: sic pedis vnus lapis domus itidem pars est aut elementum. Et vt viginti cubitorum lignum navis pars est: sic & pedis vnus lignum: & in ipso Mundo vt totus octauus orbis Mundi pars est: sic & ipsius octauus orbis pars, vt canis, aut alia quæuis ipsius stella totius Mundi pars est. Quare si tota terra Mundi pars est, & terræ certè pars, vt olympus, Mundi pars est: vnde etiam efficitur, vt pars olympi, Mundi quoque sit pars. Atque in reliquis elementis eadem est ratio. Cum igitur elementorum partes, partes sint Mundi, & omnes elementorum partes natæ sint & caducæ, è Mundi certè partibus nonnullæ sunt, quæ nascuntur & intereunt. Quod si hoc verè dicitur, non quæ quomocunque nascuntur & intereunt, Mundi effecta sunt, ac non partes, vt asseuerat Proclus.

- IX. HIS ita constitutis, cuius est apertum, Proclum ipsum sibi repugnans protinus constituere, atque Euripi in modum, quasi contrariis pulsus fluctibus, nunc in hanc, nunc in illam rationem impelli, & quæ vi veritatis confiten cogitur, eadem deinde statim euertere, dum quem sibi falsum scopum proposuit, eundem attingere cupit. Nam cum dixerit ab elementorum natura propterea alienum esse cæleste corpus, quod neque sursum moueatur, neque deorsum, atque docere velit propter hanc causam, neque nascendi neque intereundi legibus esse subiectum, necessariò quidem confitetur, procreationis & interitus rerum esse sibi mutuo contrariarum, eaq; esse contraria, quibus contrarii natura competunt motus, vt ignis, & aqua. Hæc cum contrariis prædita sint motibus, contrariis quoque, & sese mutuo perimentibus qualitatibus tanquam characteribus insigniuntur. Nam ignis cum levis sit, & sursum suo pte nutu feratur, calidus est, & siccus: aqua autem cum grauis sit, & deorsum nitatur, frigida est & humida, quibus ex contrarietatibus, nempe calido & frigido, humido præterea & sicco, in rebus naturæ procreationes fiunt & interitus. Quoniam igitur contraria sunt elementa, vt pote contrariis prædita facultatibus, ob id (inquit Proclus) hæc quidem nasci possunt & occidere: cælum autem procreationis & interitus expers esse debet, vt quod ab horum natura alienum sit, & nullam contrarietatem contineat. Cum autem omnia dixisset, is veluti æstuans, quia intellexisset id quod necessariò erat consequens (nam cum Mundi partes, hoc est, ele-
menta

menta nasci & interire naturâ soleant, ipsum quoque Mundum nascendi & intereundi legibus subiectum esse oportet) protinus quam proposuerat thesin, euerit. Elementa enim, quæ nasci & interire confessus erat paululum progressus, ea statim partibus nasci & interire dicit, tota tamen secundum naturam adfecta manere. Et deinceps apertè proficitur ortus & interitus ea esse expertia, pulchrè hoc ipsum antè confessus, cum hæc describeret. Quamquam cur nascantur & intereant, causam reddidit maximè idoneam, quod ea contrariis adfecta sint qualitatibus, quæ ortus causam præbent & interitus. Cur autem ortus & interitus sint expertia, & solis partibus nascantur & intereant, causam ne probabilem quidem extulit. neque enim poterat. At verò neque ex euidèntia fidem aut probabilitatem adsumpsit. Non enim quod nunc peremptum non est, protinus ab interitu alienum esse oportet. Porro quod non solum per partes, sed per se etiam tota elementa ortus & occasus conditione teneantur, progressi docebitur. nunc autem hic nobis sapiens Proclus ut Mundum doceat neque nasci neque interire, ex his, quæ adparent, adsumit procreationes & interitus esse contrariorum: & ob id elementa quidem nasci & occidere, cælum verò non item, ut quod nihil habeat contrarium. Cæterum, cum intelligeret hoc quoque modo Vniuersum ortui & interitui esse obnoxium (nam si Vniuersi partes nascantur & intereant, Vniuersum quoque nasci & interire est necesse) protinus propositum euerit. Nam cum dixerit per partes tantum nasci elementa & interire, ipsorum autem quodque integrum neque oriri, neque occidere, etsi ortus & interitus causa æquè in totis elementis cernatur atque in partibus, nempe contrariæ qualitates, quæ se mutuò perimere sunt natæ. Verum quoniam sic quoque Mundum nihilominus intereundi lege teneri consuebatur (nam si pars nulla est elementi, quæ nasci & interire non possit, ex his autem ipsis & vnumquodque elementum totum, & Mundus vniuersus coagmentatus est, ne ipse quidem ortus & interitus expers esse possit) iterum facultate quod elementorum partes nascantur & intereant, protinus euerit: ait enim, quæ quomodocumq; nascuntur & intereunt, Mundi effecta esse & opera, non partes. Perspicuum est igitur, quod elementorum partes, quas iis, quæ euidenter adparent, compulsus confessus est nasci & interire, ipsas quoq; Mundi vult esse opera, ac non partes. Si igitur elementi pars nulla totius Mundi pars, propterea quod nascuntur omnes & intereunt, planè necesse est, aut ne elementa quidem Mundi esse partes (tota enim aqua, & terra tota nihil aliud sunt, præter omnes parteis simul collectas, & eodè modo aer & ignis) & efficietur, ut quæ Mundi partes esse confessus est, eadem rursus parteis non esse ex suis ipsius decretis concedere habeat necesse: aut si integra elementa Mundi sint partes, ostensum est autem partium partes totius esse partes, eorum autem, quæ giguuntur aut intereunt, nihil Mundi pars est, efficietur, ut neque elementorum partes sint partes Mundi. Quod si Mundi partes non sunt, neq; sanè partium Mundi sunt partes. Nam si Mundi partium partes essent, totius quoq; Mundi essent partes. elementorum igitur partes, elementorum partes non sunt. Est enim eiusmodi falsitas, ut ipsa à se conuincatur. Sed quid opus est verbis? Cum enim Proclus dixisset, quæ quomodocumq; nascuntur

& intereunt, ea Mundi esse opera, & non partes, Platonis verba proposito suo accommodans, subiunxit, quæ habent ad hunc modum: Nam cum (inquit ille) qui in ipso sunt dii, de Mundo partes mutuarentur, quas postea restituerant. Si igitur Mundi sunt partes, quæ ad compositorum corporum procreationem, ab iis, qui in Mundo sunt dii, accipiuntur; elementorum autem partes sunt ea, quæ Proclus nasci & interire ex ipsa euidencia confessus est, elementorum certe partes, quæ nascuntur & intereunt, Mundi sunt partes, vt & Plato professus est, & Proclus ipse concessit. Quod si quæ quomodocunque nascuntur & intereunt, ea Mundi sunt opera, & non partes, proculdubio elementorum quoque partes Mundi sunt opera, ac non partes. Sin hæc eadem Mundi etiam sunt partes, elementorum quoque partes Mundi sunt particule: & rursus non partes, sed opera. At verò fieri non potest, vt idem eiusdem simul & secundum idem particula sit & opus. Nam particula id complet, cuius est particula, vt digitus humanum corpus. Iam verò opus non complere solet efficientis substantiam. Domus enim non complet artificem, neque id quod procreatur, eam naturam absoluit, quæ procreauit: vt patris substantiam, non quia pater est, sed quia homo, filius non complet. Præterea, in continuis pars cum toto coniuncta est, vt digitus cum toto homine coniunctus est: opus autem ab efficiente seiunctum est, præsertim postea, quam est absolutum: vt à fabro ianua, & quod procreatum est, ab ea natura, quæ procreauit. Fieri igitur non potest, vt quod alicuius est particula, id illius eiusdem simul & secundum eadem sit etiam opus. Porro, addidi simul & secundum eadem, propterea quod quæ ad fœtus procreationem à patre aut matre adsumitur materia, vt semen, & sanguis menstruus, eorum, qui procreantur, particula fortasse videri possit: sed non simul & secundum eadem est etiam opus: verum tum demum, cum versum fuerit & immutatum, quo tempore non est pars. neque igitur tum, cum semen est, aut menstruus sanguis, opus est, neque quando fœtus pars fuerit corruptum: iam & in eius naturam immutatum efficientis particula est amplius. Quare si Mundi particulae sunt elementorum partes, eiusdem opera quoque esse non possunt. At verò quæ quomodocunque nascuntur & intereunt, opera sunt Mundi, vt Proclo videtur. Partes igitur elementorum, Mundi quoque sunt opera, & rursus eius non sunt opera. Et aliòqui etiam si quis concedat in quibusdam fieri posse, vt eadem eiusdem partes sint & opera: nihilominus repugnantia loqui deprehenditur Proclus. Nam si elementorum partes, Mundi quoque totius sunt particulae, & concessum fuerit, eadem Mundi esse opera, perspicuum est, quod quatenus sunt particulae, falsa erit Mundi enuntiatio, quæ habet, quæ quomodocunque nascuntur & intereunt, Mundi partes non esse. Nam eadem Mundi partes esse concessit, per ea Platonis, quæ modò produximus: & rursus per suam enuntiationem partes esse negauit. Qui factum est igitur, vt Philosophus non intellexerit se suis verbis protinus & palam in repugnantia compelli? An quod cæcum est mendacium & eiusmodi, quod neque se, neque veritatem perspicere possit?

X. P A L A M autem conuincitur Proclus ex eo, quod cauet, ne quæ gignantur & intereunt, Mundi partes esse dicat: cum accuratè nouerit, quod cuius partes na-

tes nascendi & intereundi legibus obnoxia sunt, ipsum quoque oriri necessarium & interire oportet. Porro, licet ebat alios complures in Philosophia claros hoc idem dicentes ad verbum producere: quod cuius partes nascuntur & intereunt, ipsum quoque nascendi & intereundi conditione tenetur. Verum ad idoneam huiusce rei fidem, rationem satis esse puto, ut orationis prolixitatem effugiamus. Nam si aquae nulla pars est, quae non nascatur & intereat, totum autem nihil est aliud, quam simul partes vniuersae, qui fieri potest, ut si nullam partem contineat, quae leges effugiat nascendi & intereundi, ipsum ortus & interitus conditione non teneatur? Nam quod proprie nec nasci nec interire potest, idem numero constare oportet. Nullum autem elementorum idem numero, longo tempore manere potest, cum omnes eius partes intereant, & aliae nonnullae vicissim suboriantur. Nam (quod etiam supra diximus) quemadmodum non eadem est numero nauis, quae paulatim quidem penes asseres immutatur, tempore vero tota est immutata, & alia facta ex alia: sic & quae nunc aqua est, eadem numero non est cum ea, quae verbi gratia, ante ter mille annos fuerit, aut contra, cum ea, quae post longissimum tempus est futura: cum omnes partes aquae eius, quae antea fuerit, nunc interiereunt, & eius, quae nunc est, olim sunt interiturae. Atque in reliquis elementis eadem valebit ratio. Quomodo igitur elementorum integritates nec oriri nec interire dicemus, quae eadem numero non constant? Atqui quod nunc elementa repente ipsa tota non intereant, sed specie maneant eadem, ne utique est argumento, quod nunquam tota elementa sunt interitura. Necessarium enim quandiu steterit Mundus, vnumquodque Mundi elementorum ex quibus coagmentatus est, totum penes se totum idem specie conservari. Nam quandiu domus manet domus, debent ea, ex quibus conflata est, specie eadem penes se tota manere, ut lapides, ligna, caementa, & reliqua etiam si per partes intereant tum ligna, tum lapides, ut in superiore argumento docuimus. Et dum superstes erat Socrates, eius quoque partes easdem specie conservari fuit necesse, ut carnes, sanguinem, ossa & partes reliquas, etiam si penes partes aliae quidem interibant, aliae autem oriebantur. Siquidem in nascendo & intereundo homines sumus. Non igitur quod penes speciem nunc non intereant elementorum integritates, necessarium conficit, Mundum nunquam interire: sed tum demum conficeret, si ratione doceretur, nullam nec ortus nec interitus rationem subire. Nunc autem contra fit omnino. Nam tum partium omnium ortus & interitus, tum cuiusque totius penes numerum immutatio, tum quod contrariis & sese mutuo perimentibus qualitatibus insigniantur, nos confiteri cogunt, tum quodque elementum, tum Mundum, qui ex his coagmentatus est, nascendi & intereundi legibus esse obnoxium. Nam si procreationes & interitus sunt contrariorum, contraria autem, quae contrariis praedita sunt qualitatibus, & contrariis qualitatibus elementa adficiuntur, conficitur, integra quoque elementa sub ortum cadere & interitum. Nam integra elementa eiusdem sunt speciei & naturae cum suis partibus. Cuius enim naturae est tota aqua, ut aqua, eiusdem est & aquae particula. Humida enim est & frigida tota aqua, & eiusdem itidem particula. sic calidus & humidus est totus aer, & quaevis eius pars. & ignis calidus & siccus est totus, quem-

admodum & partes: eodem modo arida est & frigida terra. Quare si hæ contrariæ qualitates elementorum partibus ortus & interitus causam adferunt, eadem autem hæ integra elementa sine vlla varietate informant, perinde atque partes, efficitur certè, vt integra elementa nascantur quoque & intereant, perinde atque partes. Nam cum interitus causæ nempe contrariæ vires in partibus & in totis eodem prorsus modo cernantur, qua quæso sortitione fiet, vt partes oriri & interire dicamus, non item tota? Cur non potius est necesse, vt idem eueniat totis, quod partibus, cum in vtrisque eadem ortus & interitus causa cernatur? Porro, cum tota elementa nasci & interire confirmatum sit, Mundum quoque qui ex his concretus est, nasci & interire est necesse: his enim peremptus Mundus ex his coagmentatus seruari nullo modo potest. Cum enim elementa, ex quibus quidque constat, intereunt, ipsum quoque interire oportet. Cuius igitur partes nascuntur & intereunt, ipsum quoque sub ortum & interitum cadere necessarium, & integra elementa & propterea ex ipsis conflatum Mundum nasci & occidere, hisce quæ diximus, confirmatum est.

XI. QVO'D autem quæ quauis ratione nascuntur & intereunt, ea Vniuersi partes non esse ridiculè dicit Proclus, iam paulò antè docuimus: nunc tamen orationem reuocâtes, idem ad hunc modum docemus. Primum igitur ex ipsius sententia constitutum esto, quæ animalium corpora ex elementis composita sunt, opera & effectus esse Vniuersi, ac non partes: hæc enim ab iis deis, qui in cœlo sunt, gigni tradit Plato, qui de Mundo mutuenter particulas, quæ denuo restituantur: quodd autem elementa Mundi sint partes, & ipse confitetur. Atque aduertendum est (quod etiam suprâ dixi) Proclum Platōnem sequutum, elementorum partes, quæ ad procreationem animalium ab Vniuerso mutuo accipiuntur, ipsas quoque Mundi particulas esse profiteri. Si itaque sola composita ea essent, quæ nascuntur & intereunt, simpliciores in errorem impellere ista fortasse possit oratio, quasi Mundi opera essent, ac non partes, quæ cunq; sub ortum cadunt & interitum. Sin ipsæ quoque elementorum partes nascuntur & intereunt, siquidem in sese mutuo commutantur, & ex aqua intereunte gignitur aër, & ex aëre iterum aqua, & ex quibusuis quidlibet. Vnde perspicuum est, elementorum quoq; partes & nasci & interire. Si igitur elementorum partes, quæ sub ortum cadunt & interitum, totius Mundi sunt particulae, vt tum Plato, tum Proclus confitentur, non sanè quæ quauis ratione nascuntur & intereunt. Mundi sunt effectus & non partes. Nam partis particula in his maximè, quæ naturæ sunt eiusdem, quantitate sola, non item specie inter se differunt. Nemo autem, opinor, qui sensu communi non carcat, quantitate diiudicabit, hoc illius pars sit necne. Nam si ianuæ pars est hic asis, asis certe pars ianuæ quoque erit particula. Nam paruum lignum eiusdem speciei est & naturæ cum maximo, quia lignum est. Iam similitum & eiusdem naturæ partium elementa esse in confesso est. Aëris enim particula à toto aëre, quantum ad ipsam aëris naturam attinet, quantitate sola differt, ac non substantia. Sic elementaris ignis cum parte totam suæ naturæ rationem communicauit: cum quæ extrinsecus elementa subit qualitas, ex naturali ipsorum permissione, non ad substantiæ ipsorum rationem refertur.

ratur. Et si enim alia alteri aquæ permista fuerit qualitas: non tamen substantiæ aquæ diuersitatem facit. Sunt enim aliæ dulces, aliæ amaræ, aliæ salæ: verum extrinsecus hæc ex subiecta aquæ terra eueniunt, nec aquæ substantiam mutant. Et flammam ignis quendam esse excessum, ac non ignem elementarem receptum est. Atque in reliquis eadem ratio valebit. Quare si elementa tota eiusdem sunt speciei & naturæ cum suis partibus, & totius Mundi naturam compleant, ut ipsius partes, efficitur certè, ut elementorum partes, quæ sua tota perficiunt, Mundi quoque naturam compleant, ut quæ eius partes sunt aut particule. Quapropter si elementorum partes, quæ sub ortum cadunt & interitum, totius Mundi sunt partes, confectum est, non omnia, quæ nascuntur & intereunt, Mundi opera & effectus esse, ac non partes. Fortasse autem si quis hæc excutiat accuratius, in toto falsam Procli orationem esse comperiet. Nam si elementorum partes, totius quoque Mundi partes sunt, aut particule, ex hisce autem omnia composita corpora coagmentata sunt, qui fieri potest, quin necessariò composita omnia corpora Mundi partes sint aut particule? Mirum enim, opinor, videbitur, si rerum compositarum quodque elementum ut particularis ignis, & particularis aqua, & terra itidem & aer Mundi sint particule: quæ autem ex his compositæ sunt res, ut animalium & stirpium corpora, Mundi partes non sint. Quemadmodum enim ianuæ pars ut hoc lignum, totius ligni ut verbi causâ, quercus, de qua defectum est, pars est: & ideo tota quoque ianua ut lignum, necessariò quercus ipsius pars est: eodem planè modo, si elementa, ex quibus coagmentata sunt composita corpora, totius Mundi sunt partes, ea quoque, quæ ex hisce concreta sunt composita corpora, eiusdem Mundi partes sunt necessariò.

ALIO QVI si composita corpora, & omnino quæ sub ortum cadunt, & XII. interitum, Mundi partes non esse, sed opera Plato voluisset, quorsum dixisset in Timæo, nisi adsint mortalia animantium genera, Mundum imperfectum esse futurum? Nam quod imperfectum est, ideo est imperfectum, quia quidpiam desit quod ad complementum substantiæ eius pertineat. Neque enim opera seu effectus faciunt cur seu perfectum seu imperfectum sit, aut non sit, id quod efficit, neque penes substantiam, neque penes ipsum efficiendi habitum, ut iam sæpe docuimus, neque enim discipulus præceptorem, neque navis perficit nauium fabricatorem, qui struendarum nauium habitum plenum contineat. Quod autem etiam si id quod efficit, ab opere perficeretur, non tamen ut efficiensem causam Mundum imperfectum esse dicit Plato, si immortales desint animæ, sed quod non adsint partes omnes: quæ ipsum perficiunt, & ex quibus suam habet essentiam, ex ipsius Platonis oratione facile est videre. In Timæo enim, quâdo dii omnes & qui palam ostenduntur, & qui catenus nobis declarantur quod ipsi volunt in cælo creati sunt, tum ad eos is Deus qui omnia genuit, fatur hæc: Quid sentiam igitur cognoscite. Tria genera nobis reliqua sunt, eaque mortalia, quibus prætermisissis cæli absolutio perfecta non erit. Omnia enim genera animalium complexu suo non tenebit: teneat autem oportet, ut ex eodem ne quid absit. Quæ si à me effecta sint, deorum vitam possint adæquare. Ut igitur mortali cōditione generentur, & Vniuersum verè sit Vniuersum, vos suscipite ut illa

„ gignatis, imitēminique viū meā, quā me in vestro ortu vsum esse meministis.
 „ Operæpretium est vidēre quomodo si mortales animantes nō gignantur, aqua-
 tiles nempe, terrēnæ & æriæ, seu pennigeræ (hæc enim sunt tria genera quæ di-
 cit) cœli abolutionem perfectam non fore dicit, ubi suo more cœli nomine
 „ Mundum appellat. Sic enim initio dixit: Omne igitur cœlum siue Mundus, siue
 „ quō aliō vocabulo gaudet, hoc à nobis nuncupatus sit. Et iterum in Politico:
 „ Quod igitur cœlum seu Mundum nuncupauimus. Quare si id perfectum est &
 „ absolutum, cui pars nulla desit, & mortales si desint animantes, Mundi perfectio
 absoluta non sit: partes certē Mundi sunt mortales animantes. Nam si Mundi
 partes non essent mortales animantes, certē non generatis mortalibus animan-
 tibus nulla propterea Mūdo pars defuisset. Qui fieri igitur potest vt si pars
 nulla prætermisā fuisset, Mundi perfectio absoluta non fuerit, si mortales ani-
 mantes generatē non fuissent? Illud autē etiam obseruandum est cur non dixerit
 Plato, quibus prætermisīs vestra absolutio perfecta non erit, qui ipsorum paren-
 tes esse debetis. Quia quod efficit, absolutum non est, si desit opus: sed dixit, Cœli
 absolutio perfecta non erit, hoc est Mundi. Opinia enim genera animalium
 complexu suo non tenebit. Nam partes à toto & vniuerso continentur: totum
 est autem & vniuersum, quod ex vniuersis suis partibus constat. Quod si pars
 vlla defuerit, totum non amplius est totum: neque vniuersum vniuersi nomen
 amplius retinere potest. Nam si statuē pes defuerit, non tota amplius erit statuā:
 neque si ab Atheniensium populo defuerint nonnulli, totus erit Atheniensium
 populus. Quare si Mundi fabricator Deus mortales animantes gigni iubet, vt ne
 quid desit, & hoc Vniuersum verē sit Vniuersum, perspicuum est profectō, si
 mortalia animantium genera procreata non fuissent, hoc Vniuersum verē Vni-
 uersum non fuisse. Itaq; si cū pars vlla deest, Vniuersum hoc amplius Vniuersum
 non est, vt docuimus, & mortalibus animantibus nō procreatis, Vniuersum
 hoc verē Vniuersum non erat, vt ait Plato, palām est, Platonem velle mortales
 animantes Mundi esse partes. Sed quid probationibus mihi est opus, cū Plato-
 nem liceat producere aperte proiicientem, Mundi partes omnes esse, quotquot
 in Mūdo sunt, animanteis, & vnamquamque ipsarum sigillatim, & omnes in
 genere, atque reliqua omnia, quæ sub aspectum cadunt corpora? Nam in eodē
 Timæo ante ea, quæ proposuimus verba, tum de Mūdo, tum de exemplo ad
 „ quod factus est Mundus, hæc ad verbum habet Plato: Hoc posito, quod sequitur
 „ videndum est, cuiusnam animantium deus in fingendo Mūdo similitudinem
 „ secutus sit. Nullius profectō eorum quidem, quæ sunt nobis nota animantia.
 „ Sunt enim omnia in quædam genera parita, aut inchoata, nulla ex parte perfe-
 „ cta: imperfecto autem nec absoluto simile pulchrum esse nihil potest. Cuius
 „ ergo omne animal quasi particula quædam est, siue in singulis, siue in vniuerso
 „ genere cernatur, eius similem Mūdom esse dicamus. Omnes enim qui animo
 „ cernuntur & ratione intelliguntur animantes, complexu illius, sicut homines
 „ hoc Mūdo, & pecudes, & omnia, quæ sub aspectum cadunt, cōprehenduntur.
 „ Ei enim, quod pulcherrimum in rerum natura intelligi potest, & quod ex omni
 „ parte absolutissimum est, cū Deus similem Mūdom efficere vellet, animal
 vnum

vnū aspectabile, in quo omnia animalia continerentur, effecit. Si quēadmo-
dum in Mundi exemplo omnia, quæ animo intelliguntur animantia continen-
tur: sic in Mundo homines & quæcunque pecudes sub aspectum cadunt, com-
prehenduntur. Quæ autem ratione intelliguntur animantia, siue in singulis, siue
in vniuerso genere cernantur, particulæ sunt illius animantis, ad cuius exemplū
factus est Mundus, nos certè & reliqua, quæ sub aspectum cadunt, & sigillatim,
& in genere partes sumus, secundum Platonis sententiam, Mundi nos continen-
tis. Nam si quemadmodum totum exemplum ad totam imaginem, hoc est ad
Mundum adfectum est: sic quæ ab exemplo continentur intelligentiā compre-
hensæ animantes, ad ea se habent sensu percepta animantia, quæ ab imagine
continentur, & permutatim certè vt se habent quæ ab exemplo continentur,
ratione comprehensæ animantes ad ipsum exemplum: sic quæ à Mundo conti-
nentur sensum mouentes animantes, ad Mundum ipsum se habent. Quare si
quæ ab exemplo continentur ratione & intelligentiā comprehensæ animantes,
partes sunt ipsius exempli, & in singulis, & in vniuerso genere, eæ quoque ani-
mantes quæ ab imagine, hoc est, Mundo, comprehenduntur, Mundi sunt ipsius
partes, siue sigillatim, siue spectentur in genere. Et aduerte, quod non solum ani-
mantium genera totius Mundi partes esse dicit: sed etiam secundum vnum
quodque indiuiduum, vt Socratem, & Platonem, & hunc equum, & hunc lapi-
dem, atq; ad eod partes cognatas ipsius, secundum naturam adfectas, vt Platonem
dicentem audiuius: neque externa & aliena esse à cœli naturâ, sed verè secun-
dum naturam esse elementorum, ex quibus omnia concreta sunt aspectabilia: vt
nunc nos fallaciter eludit Proclus, quasi per speciem & colorem interpretatio-
nis sententiæ Platonice verè peregrina, & ab illius doctrina aliena nobis obtru-
dens, & improbatione præceptorum & decretorum eius, iniuriam illi faciens:
neque enim veritati tenebras offundere potuit. Et hoc ipso quod in iis, quæ eui-
denter à Platone dicta sunt, non acquiescere videtur, perspicuum est, ipsum in
Platonem contumeliosum esse videri.

ATQVE hæc quidem hætenus. Iam verò hic locus est, vt verba Platonis XIII.
recitemus, quibus sine vlla dubitatione cœleste corpus ex quatuor elementis di-
scertè componit. Deinde reliquorum quoque Philosophorum testimonia subiici-
emus.

*Platonis ex Timæo, ex quatuor tantum elementis tum cælum,
tum Mundum totum esse coagmentatum.*

Quorum ne quid accideret, atq; vt hic Mundus esset animantē absoluto simil-
limus, hoc ipso, quod solus atq; vnus esset, idcirco singularem Deus hunc Mun-
dum, atque vni genam procreauit. Corporeum autem & aspectabile, itēque
tractabile omne necesse est esse, quod natum est: nihil porro igni vacuum videri
potest, nec verò tangi quod careat solido, solidum autem nihil, quod terræ sit
expers. quamobrem Mundum efficere moliens Deus, terram primum ignē
que iungebat. Omnia autem, duo ad cohærendum tertium aliquid anquirunt:
& quasi nodum vinculumq; desiderant. Sed vinculorum id est aptissimum, at-
que pulcherrimum, quod ex se atque de his, quæ adstringit quam maximè,

"vnum efficit. Id optimè adsequitur, quæ græcè *ἀναλογία*, latinè comparatio pro-
 "portiōne dici potest. Quando enim trium vel numerorum vel figurarum, vel
 "quorumcūq; generum contingit, vt quod ad medium sit primum proportio-
 "ne, ita id postremò comparatur, vicissimq; vt extremum cum medio, sic mediū
 "cum primo conferatur, id quod medium est, tum primum sit, tum postre-
 "mum, postrema autem & prima media fiunt: ita necessitas cogit, vt eadem sint
 "ea, quæ deuincta fuerunt, eadem autem cū facta sint, efficitur, vt omnia sint
 "vnum. Quod si Vniuersitatis corpus planum & equabile explicaretur, neq; in co-
 "quicquam esset requisitum, vnum interiectum medium & seipsum, & ea, quibus
 "esset interpositum, colligaret. Sed cū soliditas Mundo quæreretur, solida autem
 "omnia vno medio nunquam, duobus semper copulentur, ita contingit, vt inter
 "ignem atque terram aquam Deus, animamq; poneret, eaq; inter se compararet,
 "& proportionem coniungeret: vt quemadmodum ignis animæ, sic anima aquæ,
 "quodq; anima aquæ, id aqua terræ proportionem redderet. Qua ex coniunctione
 "cælum ita aptum est, vt sub aspectum & tactum cadat. Itaq; & ob eam causam,
 "& ab iis rebus, numero quatuor, Mundi est corpus effectum, ea constrictum
 "comparatione, qua dixi: ex quo ipse Mundus se concordi quadam amicitia, &
 "charitate complectitur: atque ita aptè cohæret, vt dissolui nullo modo queat,
 "nisi ab eodem, à quo est colligatus. Earum autem quatuor rerum, quas suprà di-
 "xi, sic in omni Mundo partes omnes collocatæ sunt, vt nulla pars huiusce gene-
 "ris excederet extrà, atque vt in hoc Vniuerso inessent genera illa vniuersa.
 "Quod igitur ex quatuor elementis, insque solis, tum cælum, tum Mundus vni-
 "uersus coagmentatus sit, disertè Platonem dicentem audiuimus: atque causam
 "accuratè explicantem. Quoniam enim ex repugnantissimis & contrariis maxi-
 "mè naturis concretus est Mundus, igne nempe & terra, quæ & naturâ, & locis
 "disident, quæ autem, inquit, contraria sunt, ea suapte natura copulari inter se non
 "possunt, medio aliquo erat opus, quo tanquam nodo, & vinculo in vnâ natu-
 "ram & concordiam Vniuersum colligaretur. Verùm quoniam solida hæc sunt,
 "ac non plana & equabilia, fieri, inquit, non potest, vt hæc medio vno copulentur:
 "idcirco, inquit, mediis duobus fuit opus, aëre nimirum & aqua. Horum porro
 "interpretationem, quæ mathematicam rationem magis respiciat, exponant alii:
 "nos autem naturalem rationem magis secuti, dicimus, quod media duo, quibus
 "ignis & terra colligantur, sunt aër & aqua, etsi aëri aduersetur ignis: quia hic
 "quidem siccus, ille verò humidus: verùm hæc societate caloris inter se colligan-
 "tur: ambo enim naturâ sunt calidi: & rursus aquæ quidem frigida repugnat ca-
 "lidus aër; humida tamen qualitate inter se consentiunt, & aër cū se medium
 "intulit aquæ, cum igni communionem tribuit & societatem, aqua iudem hu-
 "mida arida terræ aduersatur: similitudine tamen frigida qualitaris mutua se
 "concordia & charitate complexantur: & aqua ipsa sui vinculo atque medio ter-
 "ram cum aëre, & per aërem cum igne eandem connectit: & ipsa terra frigida
 "te igni, qui calore antecellit, repugnans, siccitatis communionem illi coniungitur:
 "& aquam atque aërem, quæ quatenus humida sunt, calido igni aduersantur, per
 "se mediam coniungit, & vt cum extremis media, sic vicissim cum mediis extre-
 "ma com

ma comparantur. Aër enim, qui calidus est, terram frigidam cum ignis caliditate sui medio coniungit, & ipse per mediam aquam cum terra colligatur: aër enim & aqua humiditate ambo insigniuntur: & rursus aër ipse humidus cum sit per mediam terram, cum ignis siccitate consentit: siccus est enim ignis, quæ admodum & terra. Adhæc, aqua, quæ frigida est & humida, quod quidem ad calorem attinet, per medium aërem, quod autem ad ariditatem, per mediam terram cum igne coniungitur: atque ad hunc modum perinde atque in choro per media tum extrema inter se, tum media cum postremis colligantur, & media postremorum & postrema mediorum rationem suscipiunt, atque vnus ex omnibus efficitur concentus, & vna conspiratio. Quodd si mediorum aliquod desit, fieri non potest, vt nodus is constet, quem diximus. Nam si fieri potest, animo & cogitatione fingamus aërem deficere, atq; inter ignem, & terram, aquam solam esse interiectam, quæ fieri amplius poterit, vt ignis, qui calidus simul & siccus est, cum aqua humida & frigida coniunctus, amica societate consentiat? fieri enim non potest, vt ea inter se colligentur, quæ modis omnibus inter se dissentiant, neq; quicquam inter se commune habent. Nam etsi per mediam terram penes siccitatem aër cum igne coniungatur, ambobus tamen penes calorem aduersabitur. At verò aquæ desit natura, inter ignem autem & terram solus interpositus sit aër, quæ fieri poterit, vt aër, qui calidus simul & humidus est, cum terræ frigida & sicca naturâ sit consentiens? Nam igni & terræ, quorum vtrunque siccum est, sua humiditate repugnabit. Est igitur modis omnibus necesse, vt secundum Platonis sententiam, cum duo sint postrema, ignis & terra, duo quoque sint media, quæ horum colligandorum facultate sint prædita: aër nimirum & aqua. Ad hunc igitur modum de vniuersi Mundi compositione, cum ad naturalem rationem accommodatè disputauit Plato, quasi ex solis quatuor peruagatis corporibus constet, deinceps disertè magis cœlestia igneam substantiam plurimam participauisse dicit. Nam cum dixisset quatuor esse animantium genera, vnum, inquit, est cœleste atq; diuinum: alterum, pennigerum & aërium: tertium aquatile: terrenum quartum, diuinæ animationis, inquit, speciem maximè faciebat ex igni, vt & splendidissimus esset, & aspectu pulcherrimus. Cumque eum similem Vniuersi naturæ efficere vellet, ad volubilitatem rotundauit, comitantèq; eum sapientia quam optimæ mentis effecit, circûmq; omne cœlum æqualiter distribuit, vt hunc varietate distinctum bene Græci *Κόσμον*, nos lucentem Mundum nominaremus.

Quodd igitur ex igni plurimo cœlestia constant corpora, disertè Plato enuntiauit. Quæ autem in primo Meteorologicôn scribit Aristoteles, dum docere conatur, cœlorum corpora ex igni minimè constare, nihil necessariò conficere mihi videntur. Scribit enim, quodd si ignea essent cœlestia corpora, pridem omnia quæ intra cœlum coercentur, incendio conflagrauissent: quia multis partibus cœlorum moles ea superet, quæ intrâ continentur. Nam ignis naturâ, vel quæ in minore mole constet, propter eam efficientiam, qua vires eius polle-
re cernuntur, ea, quæ maiore mole superant, exurere solet, nedum si in multò maiore mole constiterit. Iam vel vnum solem per se, atque adeò complures ex

his stellis, quæ non errantes, & fixæ dicuntur, tota terra multò maiores esse Astrologiæ periti memoriæ prodiderunt, nedum stellas simul vniuersas atque adeò orbes ipsos in quibus sunt collocatæ. Incomparabilis est igitur cœli excessus supra ea, quæ intra ipsius complexum coercentur. Qui fieri igitur potest, inquit Aristoteles, vt quæ intra cœli ambitum continentur, resistere possint, si ignea sint cœlestia? Verùm permulta sunt, quæ opponamus. Primum enim nec ipse quidem hæc eandem dubitationem effugere potes ô Aristoteles. Nam cum ignem totum, quem hypæcæuma appellas, reliqua elementa continere velis, modis omnibus est necesse, vt ipsum omnibus, quæ intra se continet, maiorem esse constituas: nam quod continet eo quod continetur, est maius. Qui fieri igitur potest, vt non interiora conflagrant, cum multis partibus ea simul omnia ignis ambiens antecedit? deinde, idem ais, flammam ignem non esse naturalem, sed ignis excessum, quemadmodum nix frigidi est excessus. Nam qui naturalis est ignis, vitam potius imperiendi, quam vrendi viribus præditus est, quemadmodum qui in nobis insitus est calor, & omnino is, ex quo compositi corporis constat concretio, cuiusmodi hypæcæuma ipsum esse dicis. Quare cœlestis & æthereus ignis eiusmodi quoque erit, eius nempe naturæ, quæ vitam tribuat, non comburat: vnde efficitur, nihil esse periculi, ne ea conflagrent, quæ intra cœli circumsilexum coercentur. Et aliò qui non ex igni solo cœlum constare dixit Plato, sed ignis plurimi esse particeps, si cum reliquorum elementorum proportionem conferatur, aut reliquorum corporum compositorum, vt permissione ignis extremitas castigetur. Porro, quartam quoque rationem addiderim, quandoquidem purissimarum, & tenuissimarum partium est ignis illius naturâ. Videmus autem, quod ipsamet flamma, quæ ignis est excessus, ac non vitam imperiens, & naturalis ignis, quoniam partium est paulò tenuiorum, aut nullo modo, aut omnino minimum vrendi naturâ est particeps, cuiusmodi est fulguratio. Et qui apud nos ignis est, quia in solidiore materia consistit, & partium est crassiorum, vi maiore vrendi est præditus: neque enim quæ flamma est stupis, verbi gratiâ, accensis excitata est, aut ex papyro, sic adurit, vt ea, quam lignum excitauit: & præcipuè, si ex quercu fuerit fuscitata. At verò per ipsam quoque flammam manum sæpius traducere possumus, carbonem autem ne attingere quidem, & tantò minus, quantò ex materia constiterit solidiore: magis enim carbonem ex bimburella & papyro contingere licet, quàm ex lignis: & ex his adhuc magis, quàm ex ferro candente. Imò verò ne ad hoc quidem admouere propius manum satis possumus. Quamobrem efficitur, vt si qui crassiorum est partium ignis, exurit magis, tenuissimarum autem partium, & quam maximè fieri potest, purissimus ignis sit cœlestis, neque ignis excessus, neque flamma, sed ipsemet elementaris, & viuificus ignis, efficitur inquam, vt multò magis ab vrendi & corrumpendi naturâ sit alienus, sed vitam potius imperiens, qualis est, qui in animantibus insitus calor nuncupatur, & ignis ætherius.

XV. VT igitur Platonis sententiam intelligamus, quæ ex quatuor elementis vniuersum constare sentit, atque adeò ipsum cœlum, hæc satis esse videntur. Deinceps, operæ pretium facturi sumus, si eorum Philosophorum, qui Platonem interpretare

interpretati sunt, dictiones in mediū protulerimus. Atticum igitur & Plutarchum missos faciamus, & si quis est alius, qui penes tempus natum Mundum à Platone dici sentiat. Qui autem in ea fuerunt opinione, ut Platonem censuerint Mundum velle esse sempiternum, soli nobis sint testimonio, ut doceamus, Platonem censuisse Mundum vniuersum ex quatuor elementis constare.

Tauri Platonici Philosophi verba ex primo commentariorum in Timaeum,

quae propositam nobis Platonis particulam exponent. Corporeum

autem, & affectabile, itemque tractabile omne ne-

cesse est esse, quod natum est.

Fabricator Mundi; eius compositionem ab igne & terra inchoauit. Quod autē „
corporeum est futurum, tactui renitens, & aspectabile sit, oportet. Ut autem sit „
aspectabile, obtinet ab igni, ut tractabile, à terra. Nam ab vnoquoque elemento „
sensus est ab igni aspectus, aspectabilis quidem rei aspectus. Res autem aspecta „
bilis est color. A terra est tactus, tractabilis quidem rei tactus: & ab aqua gusta „
tus, gustabilis rei gustus: ab aëre auditus audibilis rei auditio. Olfactui igitur „
quod elementorum tribuimus? Illud certè, quod aquae & aëris est medium, ut suo „
loco dicemus. Theophrastus ait, quod si aspectabile & tractabile ex terra sunt „
& igni, ex his cælum & astra constabunt. Non sunt autem, hæc dicit, quantum „
corpus introducens, quod versatur in orbem: Verum ubi corpus illud esse do- „
cuerit, tum hisce contradicat. Operæpretium est consultare & expendere, quī „
fiat, ut Platonis interpretes Taurus non solum Platonem verè putet ex quatuor
elementis iudicare concretum esse Mundum, sed etiam Theophrasto aduersetur, qui ex his cælum non cōstare dicit. nam ex Aristotelis schola produit Theophrastus. Præterea, animaduertendum est, Platonis interpretē non putare quantum illud elementum satis ab Aristot. probatum esse constare in natura. Quando enim inquit, ille docuerit illud esse, tum hisce contradicat. Medium autem illud inter aërem & aquam, vaporem intelligit. Est enim vapor ab aqua ad aëre viā: & vicissim ab aëre in aquam. Nam quando densatur, vertitur in aquam: quando rarefcit, facit in aërem. Pertinet igitur vapor ad olfactum. Vapores enim olfactu percipiuntur, qui olfactum mouentibus qualitatibus modo quodam adfecti sunt. Et paulò post idem Taurus hæc quoque subiungit: Duo potestima & sibi mutuo opposita sumpsit, ignem & terram. Atque hæc mediis quibusdam vult colligare, quæ pro rata portione partium tum inter se, tum cum potestimis adfecta sunt. Et ea, aquam statuit esse & aërem: quæ secundum eas vires quas prædiximus, tum se mutuo, tum extrema & secum & inter ipsa deuinciunt. Atque ait, Deum in medio extremorum, nempe ignis & terræ aërem & aquam collocauisse, atque ea, quoad eius fieri poterat inter se colligauisse pro rata portione cum mediis connectentem. Ex his igitur concretum cælum tractabile factum est, & aspectabile, ab extremis ea sumptis, quæ sentiuntur: ab aspectabili & tractabili, & aspectu & tactu, quorum aspectus quidem ab igni, tactus verò est à terra. Hæc igitur Taurus. Porphyrius in Commentariis in Timæum, ubi proposita loca exponit, cum dixisset complura super eo, quod ex elementis quatuor tantum concretus sit Mundus, ad verbum hæc addit: Porro quod cælestia non

"constent ex quatuor, dicere non eius est, qui Platonis decretum sequi velit: sed
 "eius potius, qui ipsius dogma constituat. Nam Plato cœlestia quoq; ex igne illo
 "quidem ampliore factum dicit, & ex reliquis, sed remissionibus, syncerioribus &
 "purioribus. Itaque secundum Platonis sententiam prima quidem elementa duo
 "sunt, terra & ignis, reliqua verò vinculi & colligationis gratiâ constituta sunt.
 "Et post cetera, ubi locum illum Platonis exponit, in quo dicit: Itaque & ob eam
 "causam, ab his rebus numero quatuor Mundi est corpus effectum: rursus idem
 "Porphyrius hæc habet ad verbum: Quatuor corpora sola dicit: quoniam in re-
 "bus omnibus præter hæc nihil inuenitur, exceptis iis, quæ ex hisce coniuncta
 "sunt. Deinde ubi longa oratione Porphyrius confirmavit præter quatuor
 "elementa nullum aliud esse corpus, adiecta iterum proposita Platonis dictio-
 "ne, hæc subiungit: Mundum ex quatuor constitutum esse elementis diserte
 "dicit, quasi quantum illud corpus, quod ab Aristotele & Archyta induci-
 "tur, non esse putauerit. Hoc autem accuratius deinceps perspicimus. Hæc
 "igitur Porphyrius. Neque verò Proclus ipse, ubi non ad contentionem verba fa-
 "ciebat, neque scopum sibi proponebat per speciem eorum, quæ Platoni viden-
 "tur, alienus fuit ab hac Platonis opinione. Nam in eo libro, quem sæpe citavi-
 "mus, qui inscribitur, Observationes eorum, in quibus Platonis Timæo dissentit
 "Aristoteles, multus est in explicanda Platonis sententia, dum confirmat cœli
 "naturam non alienam esse ab elementis, quæ hîc visuntur, ut voluit Aristoteles,
 "sed illud quoque ex iisdem esse concretum. Ex multis autem pauca testimonia
 "illinc huc ego transferam, e quibus facile erit cernere, quod ipse sibi consentiens
 "non est, cum Platonis sententiam in præsentî exposuit. Nam in eo libro ad ver-
 "bum hæc tradit: Non enim vrendi facultate cœlestis ignis est præditus, sed, ut
 "equidem dixerim, potius viuificandi in modum insiti in nobis caloris. Et idem
 "in libris de procreatione animantium, quandam illuminationem esse dicit, qua
 "præsentem mortalia quæque vitæ contineri: Totum igitur cœlum ex igni constat
 "eiusmodi: astra verò plurimum quidem hoc habent elementum, sed & reliquo-
 "rum habent extremitates, & veluti delicias. Et aliquantò post: Atq; si animum
 "ad hoc aduerterimus, quod terra ea opacat omnia, quæ illuminandi vim habent,
 "& efficit umbram, pellucida autem quæ inter terram & ignem interiecta sunt
 "media, suapte naturâ luminis & tenebrarum sunt capacia, neutrius tamen ho-
 "rum causam præstant corporibus, solus verò ignis præstandi luminis vim habet,
 "ut terra tenebrarum, quæ plurimum inter se distent: si inquam ad hæc aduertere-
 "rimus, intelligemus, quæ in cœlo sunt, suapte natura esse ignea. Nam quod illu-
 "strent perinde atq; noster hic ignis, id quidem est perspicuum. Quare cum am-
 "borum hoc sit commune, noster prof. etò hic ignis nature est affinis cœlestium
 "corporum formæ. Hæc ubi dixit Proclus, & deinceps affinitatem atque com-
 "munionem cœli cum elementis pluribus verbis confirmavit, statim subiunxit:
 "Non igitur quasi peregrinam in vniuerso cœlorum naturam inducere oportet:
 "sed illic summam perfectionem nature eorum, quæ hîc visuntur, constituentes
 "per illam, eamque, quæ illis sit cognata, hisce elementis ortum tribuere decet.
 "Cum igitur à nostris elementis cœli natura non sit aliena, ut Proclus quoque
 opinatur,

opinatur, sed elementorum, quæ hîc sunt, summa perfectio inest in illis, cum mirum ignæ naturæ sint cœli, reliquorum tamen quasi delicias obtineant, si Platonis opinioni patrocinator hæc dixerit Platonis interpres, qui factum est, ut in iis, quæ hîc nunc proponuntur, tanquam eorum, quæ scripsit, oblitus, ipse sibi contrarias voces emisit, cum cœlum dicit in his esse corporibus, quæ versantur in orbem, neque esse quicquam eorum elementorum, quæ hîc visuntur, neque ignem, neque terram, neque vllum eorum, quæ interiecta sunt media: iam magnum illum Plotinum, ubi collocauimus, qui, si quisquam alius, Platonis opinionem sequi volens, nec ipse introductum ab Aristotele quintum corpus, ex quo cœlos ille componit, in Vniuerso recepit, sed Platonis opinioni consona pronuntians, ex quatuor elementis ipse quoque cœlestia corpora coagmentata esse tradit. Atque hanc Platonis esse sententiam profitemur. In lib. itaque de Mundo hæc scribit: Quauis eodem modo natura corporis in fluxu sit continuo. Hoc enim sentiunt cum alii, qui de natura scripserunt, tum ipsemet Plato: idque non solum de aliis corporibus, sed etiam de ipsis cœlis. Nam qui fieri, inquit, poterit, ut corpora cum sint, & sub aspectum cadant, ita sint adfecta, ut varietatem nullam subeant, & modo eodem se habeant? In his scilicet Heraclito consentiens, qui solem semper gigni dixit. Aristoteli enim nullum facefferetur negotium, si quis quinti corporis hypothesen ipsius susceperit. Verum qui hoc non concesserint, sed cœli corpus ex his constare velint, ex quibus constant, quæ hîc visuntur animalia, quomodo hoc se habere possit? Et post alia: Timæo quidem, qui Vniuersi corpus primum ex igni & terra composuit, ut per ignem esset aspectabile, & solidum per terram, consentaneum est visum, astra & stellas ita efficere, ut ignem, non illum quidem totum, sed plurimum possiderent: quoniam astra soliditatem habere cōspiciuntur. Atque recte fortasse ita se habeat: cum verisimilitudine hæc opinionem. Plato comprobauerit. Nam sensu secundum tum visus, tum tactus rationem, plus ignis aut totum habere videtur. verum qui ratione rem expenderit, si soliditas sine terra nulla esse potest, terræ aliquid habere intelligit. Aqua autem & aëre curnam indigeat? Absurdum enim videri potest, aquæ quicquam in tanto inesse igni. Aër autem illic si inest, in ignis naturam subito commutabitur. Verum si solida duo, quæ extremorum rationem tenent, mediis indigent duobus, dubitabit fortè quispiam, an in rebus naturalibus res etiam ita se habeat. Et Plotinus igitur Aristotelis de quinto corpore opinioni aperte repugnauit. Platonis autem eam opinionem, quæ ex elementis iisdem cœlum compositum esse statuit, quibus quæ hîc cernuntur animantes, veram esse iudicauit. Et iterum in iis, quæ consequuntur, docuit Plotinus cœlestia corpora non aliunde constare, quam ex igni & reliquis elementis, dum non intelligamus, quod in illis terræ inest, ad deteriores terræ partem referri debere, aut ignem illum flammam esse arbitremur. Nam flammam secundum Aristotelem feruorem esse Plotinus ait, & quasi ignem satiatum, non autem elementarem & vitalem illum ignem. Qui autem illic est ignis, eum æquabilem, quietum, astrorum naturæ conuenientem, & suauiter calentem esse dicit. Nam elementorum partem purissimam & syncerissimam ad cœlestium corporum compositionem,

secretam fuisse, ut neque aliena sit & peregrina ab elementis, quæ apud nos sunt natura cælorum, neque tamen modis omnibus iisdem similis sit, qui illic est ignis, aut terra, aut vllum ex reliquis: sed ad nos sæculentum & veluti sedimentum elementorum subsedisse, illuc autem tenuissimam & purissimam ipsorum partem deductam fuisse. Siquidem in reliquis animalibus, Plotinus ait, in ea, quæ inter ipsa principatum tenent, natura contulit meliora. Atqui complura alia testimonia citare ei licebat, qui propositam Platonis opinionem confirmare velit. Nam ipsius discipulum Aristotelem prætermittimus, ut quem sit in confesso de Platone hoc testificari, & ob id ipsum Platonem reprehendere. Videtur enim primus omnium Aristoteles illam de quinto corpore opinionem induxisse. Verum candidis lectoribus ad plenam persuasionem satis opinor ea esse, quæ diximus, ne plus quam sit opus, super hac re orationem producamus.

XVI. PORRO quod non solum ex elementis quatuor Plato cælorum corpora concreta esse putet, sed etiam notis nobis qualitatibus prædita veli esse ea, quæ illic sunt elementa, nempe calore, frigiditate, humiditate, & siccitate, leuitate præterea & grauitate, ut quod ad substantiæ naturam attinet, nihil ab his, quæ apud nos sunt, differant, præterquam quod leuiores & puriores sunt, illa ipsemet Plato in Timæo scripsit ad hunc modum: Itaque & ob eam causam ab iis rebus numero quatuor, Mundi est corpus effectum, ea constrictum comparatione, qua dixi. Ex quo Mundus ipse se concordi quadam amicitia & charitate complectitur: atque ita aptè coheret, ut dissolui nullo modo queat, nisi ab eodem, à quo est colligatus. Earum autem quatuor rerum, quas supra dixi, sic in omni Mundo partes omnes collocatæ sunt, ut nulla pars huiusce generis excederet extra: atque ut in hoc vniuerso inessent genera illa vniuersa, id ob eas causas, primum, ut Mundus animans possit ex perfectis partibus esse perfectus, deinde, ut vnus esset, nulla parte vnde alter gigneretur relicta. Postremò, ne quis morbus eum possit aut senectus adfligere. Omnis enim coagmentatio corporis, vel calore, vel frigore, vel alia liqua impulsione vehementi labefactatur, & frangitur, & ad morbos senectutemque compellitur. Hanc igitur habuit rationem effector Mundi molitorumque Deus, ut vnum opus totum atque perfectum ex omnibus totis atque perfectis absolueret, quod omni morbo senectute careret. Cum igitur totum ex totis omnibus calidis, nempe & frigidis & reliquis, quæ virium vehementes habent impulsiones, ipsum constituerit effector Mundi Deus, ita ut partem nullam huiusce generis extra excedentem relinqueret, ne ab ipsis extrinsecus importune occurrentibus adficeretur: palam est omnibus, iisdem planè qualitatibus, quibus informantur, quæ apud nos videntur elementa, ea quoque, quæ cælum componunt, esse insignita, Platonem voluisse. Nam nisi eiusdem formæ, atque materiæ cum hisce elementis cælorum essent corpora, nequaquam ab ipsis extrinsecus occurrentibus natura sua pati & adfici essent idonea. Nunc autem cum ab hisce efficientibus viribus adfici sint nata, ne, inquit, adficerentur, extra cælum Deus nihil reliquit, neque partem vllam elementi, neque facultatem. Iam quæ eiusdem generis seu materiæ & naturæ non sunt, ea à se mutuo adfici nullo modo possunt, ut necessariis rationibus doceat naturæ interpretes. Verum hæc accuratius

rariis nobis sunt exposita in iis, quæ in sextum Argumentum conscripsimus, unde in hunc locum omnia sunt transferenda.

QVO' D autem præter hæc quatuor corpus aliud simplex nullum esse XVII. posse dixerit, ex ipsius verbis intelligere possumus. Nam in Timæo hæc adhuc dixit: Dicendum est igitur cuiusmodi quatuor potissimum pulcherrima corpora fiant, quæ inter se quidem sint dissimilia: cuiusmodi tamen, ut in se inuicem dissolui, & vicissim ex se mutuo nasci possint. Nam si hoc semel erimus consecuti procreationis terræ & ignis, & eorum, quæ pro rata portione in horum medio interiecta sunt, veritatem facile consequemur. Tum enim nemini concedemus pulchriora his, quæ sub aspectum cadant, corpora usquam inueniri, quorum quodque ad suum genus referatur. Danda est igitur opera ut corporum genera pulchritudine præcellentia quatuor constituamus, & asseramus horum naturam nos satis tenere. Si igitur nemini se concessurum Plato dicit hisce quatuor corporibus pulchrius usquam aliud corpus esse simplex (hoc enim est quod apud illum valet, quod ad suum genus referatur, ne quis cælorum corpus ut elementis pulchritudine antecellens proferat. Neque enim hoc simplex est, sed secundum eius sententiam ex quatuor elementis est concretum) cuius perspicuum esse puto, quod non solum quatuor corpora, eaque sola, Plato esse voluerit, ex quibus Mundus vniuersus constituterit: sed etiam quasi vaticinio quodam præsentiens quinti corporis naturam Aristotelem in vniuersitate esse introduiturum, eam prius euerit. Verius autem fortasse quispiam dixerit Platonem discipuli sui iam mentem ex communi, ut sit, congressu & colloquio percepisse, cum Aristoteles illi contradiceret, neque cælum ex quatuor elementis constare confiteretur. Sed suam de quinto illo corpore ex quo cælum conditum esse ille profiteretur, sententiam iam antea exposuerat. Quam amplexatus erat tum propter motus differentiam, tum quod ab hisce notis naturis cælum adfici nullo modo cerneretur: illius igitur opinionem Plato depellens nemini se concessurum dicit, hisce quatuor vlla quæ sub aspectum cadant corpora pulchriora usquam esse in vnoquoque genere: quibus verbis hoc propemodum dicit: Et si cœleste corpus elementis sit pulchrius, propter proximias eius vires, non ideo tamen esse eiusmodi, quia alterius sit naturæ, sed quod ex purissima simul & tenuissima istorum parte constet, & præstantissime cuiusdam temperationis perpetuitate contineatur, quæ verbis exprimi nullo modo potest. Nam in his quoque quæ apud nos composita sunt corpora, quæ sine controuersia ex hisce constant elementis, permulta admiratione digna à natura conficiuntur, quorum nihil in simplicibus conspiciere licet. Facultates enim & vires propemodum infinitæ, & ratione maiores ex varia temperatura compositis infinitæ sunt corporibus, & aliorum cum aliis affectuum naturalis consensus & repugnantia. Colorum item & reliquarum qualitatum infinitæ varietates, motuum & immutationum euariantes formæ, quemadmodum tum experimenta docuerunt, tum qui naturæ historiam descripserunt scriptis suis nobis prodiderunt. Quæ omnia hic commemorare non est huius temporis. Quid igitur miri esse debet, si in cœlesti quoque corpore tum propter iunctorum elementorum puritatem, simul

& partium tenuitatem, tum propter temperamenti perfectissimam commodationem, proprietates nonnullæ nulla vi orationis exprimendæ, quemadmodum & in aliis, insitæ comparuerunt, quas in simplicibus cernere non licet? Propter hæc igitur Plato non absoluto sermone dixit ad hunc modum, Nemini concedimus, corpora quæ sub aspectum cadant, hisce quatuor vsquam esse pulchriora. sed accuratè addidit, In vnoquoque genere, hoc est, quorum quodque sit simplex, & cum aliis minimè confusum, ne quisquam quæ ex hisce composita sunt, ad hanc conuincendam orationem proferret, in quibus Plato vult esse cælum. His igitur ita confirmatis, & tot Platonicoe hominum testimonio comprobatis, quis (quod initid dixi) ad stuporem vsque non miretur eorum impudentiam, qui dicere sint ausi, aut Platonem, non ex quatuor elementis Mundum compactum esse dixisse, sed ab Aristotele repertam quinti corporis naturam ipsum quoque recepisse? Aut si contrà confiteantur ipsum dicere ex quatuor elementis constare cælestia, non tamen calore cælestem ignem Platonem informare, aut aquam frigore, & vt vno verbo dicam, vnumquodque elementorum quæ in cælo consistunt, non iisdem qualitatibus informari, quibus quæ apud nos constant elementa, insiguntur?

XVIII. VERVM ENIM VERO ne quicquam eorum quæ speciosè & eleganter ab ipsis commenta sunt, ad prauam sententiæ Platonice expositionem indiscussum, aut non reprehensum prætermittamus, eos rogatos velim, qui hæc legent, vt nobis in harum rerum verbosiore disquisitione immorantibus, adhuc aliquantisper veniam concedant. Cum enim solidarum figurarum quinque sint genera, quæ rectis constituantur lineis, & planis similibus, ac naturæ eiusdem, cubus, pyramis, octaëdrum, icosaëdrum & dôdecaëdrum: has enim solas simplices esse solidas figuras, iis qui harum rerum cognitione antecellunt, demonstrationibus est confirmatum. Cum igitur Plato Geometriæ esset peritissimus, neque in rerum natura explicanda extra viam ac rationem Geometricam esse vellet, occultiore inuolucro è planis elementorum corpora procreauit. Et terræ quidem cubi figuram attribuit, igni autem pyramidis, aquæ verò icosaëdrum, & aëri octaëdrum. Cum autem dôdecaëdri figura superesset adhuc ad vniuersum, inquit, ea ipsa Deus est vsus. Plato igitur hæc duntaxat de ea dixit, nempe Deum ea ad vniuersum esse vsus. Qui autem non quod verum est, sed quod ipsi sentiunt, vndique colligere nituntur, aiunt Platonem quinti elementi naturam obscure innuisse, ex qua cælestia corpora nata sint. Quare ante Aristotelem, aiunt, Plato quintum corpus cognouit. Quanquam Plato non ad cælorum compositionem dôdecaëdro Deum vsus esse dicit, sed ad Vniuersum, hoc est ad totum Mundum. Nam in Timæo ad verbum hæc dicit: Cum præterea quinta quedam sit compositio, ea Deus ad Vniuersi constitutionem est vsus, eaque figurauit, & descripsit, quæ contemplatus aliquis, concinnè dubitauerit, vtrum Mundos infinitos esse, an verò finitos sit asserendum. Infinitos quidem dicere, illius esse existimabit, qui rerum earum sit ignarus, quarum naturam perceptam habere deberet: vtrum verò reuera vnus, an quinque sint procreati, magis accommo-

datè ad rationem inquiri posse putabit. Ratio quidem nostra verisimili proba-
 tione vnum ipsum asserit esse natum. Aliquis tamen alius ad alia respiciens aliter
 opinabitur. Quòd igitur non ad cœlorum compositionem dôdecaëdri figura
 Plato Deum vsum esse dicat, sed ad vniuersitatis constitutionem, ex ipsius ver-
 bis factum est perspicuum. Non enim cœlum ipsa est vniuersitas, sed pars tan-
 tum Vniuersi. Et ex iis quæ præmissimus apertè confirmatum est Platonem ex
 quatuor elementis sensisse cœlum esse concretum, nec à quatuor notis hisce na-
 turis esse diuersum. Atque propositorum verborum Platonis accuratiorem ex-
 positionem, cui gratum erit, ab interpretibus accipere licebit: nos autem quan-
 tum ad præsens institutum attinet, eorum sententiam exponemus. Nam ex ipsa
 Platonis dictione cuius est perspicuum, quid ipse velit quinque figurarum æni-
 gmatica doctrina: nempe non huc pertinere, vt doceat, ex quinque simplicibus
 corporibus vniuersitatem hanc esse coagmentatam, vt posuit Aristoteles. Iam
 enim Plato de quatuor elementis differens asseueravit se nemini concessurum
 corpora quæ sub aspectum cadant in vnoquoque genere hisce vsquam esse pul-
 chriora. Verùm quoniam veteres diu multumque disquisiuerunt, vnũve sit
 Mundus, an plures, an verò infiniti, atque adeò Democritus infinitos esse con-
 stituit, Plato ait: si omnino super hac re dubitandum sit, non esse in disquisitione
 vocandum an infiniti sint Mundi. Verè enim infiniti quæstionem versare, ho-
 minis est rerum ignari, verùm quinque ne sint Mundi, quia solidarum figurarum
 simplicium quinque sunt genera, vt vnusquisque Mundus vna harum figurarum
 informetur. Quemadmodum hunc secundum dôdecaëdram informauit, quod
 ipsi Platoni non videtur. Vnum enim & vnigenam Mundum esse voluit. Præter
 hæc autem & illud iis qui antehac commentati sunt, perpulchrè est visum, qui
 tamen verbis Platonis moti sunt, quòd quinque figurarum imago huic Mundo
 conuenire possit. Nam cubica figura obscura significatione terræ attribuitur,
 propter eius constantiam & immutabilitatem. Est enim eiusmodi cubus: vt qui
 stabilem habeat sedem, nec facile voluatur. Est autem cubus solida figura, quæ
 sex planis quadratis continetur, quæ extremis inter se coniunguntur. Pyramis
 autem ignis imaginem referre videtur. Est autem & ipsa solida figura ex qua-
 tuor triangulis æqualium tum angulorum, tum laterum composita, quorum
 vnum habet pro basi, reliqua autem pro lateribus, quæ ad vnum punctum con-
 ueniunt, quod pyramidis vertex efficitur. Hanc autem figuram igni Plato attri-
 buit, ideo fortasse quia ignis secandi & penetrandi viribus est præditus. Nam
 cum à latitudine pyramis incipiat, in verticem desinit acutissimum. Valet autè
 acutum secandi & penetrandi viribus. Fortasse verò etiam propter vires quibus
 sursum nititur. Nam pyramidis vertex sursum tendit. Fortasse etiam propter
 ignis cuius nos hîc ministerio vtimur figuram, quæ pyramidem quodammodo
 refert. Porro sicosaëdram quæ solida est figura viginti triangulis comprehen-
 sa, aquæ accommodauit propter aquæ naturæ lubricitatem. Est enim hæc figu-
 ra globo vicina, globus autem cum in vno puncto planum contingat, volubilis
 est & lubricus. Itaque inter rectilineas figuras, quæ ad globum propius accedit
 reliquis sit volubilior. Globo autem propior est quæ plures habet angulos. An-

gulos autem reliquis plures habet icosædrum. Nam quæ plures hedras, hoc est, sedes obtinet, etsi non in vno puncto planum contingat: tamen cum minore sui parte omnino contingat, quàm aliæ isoperimetri, hoc est, quæ equali ambitu continentur, minus subiecti plani contingit, & ideo reliquis est volubilior: octaëdrum autem aëri designauit. Ad hunc autem modum animo concipiatur hæc figura, subiiciatur basis aliqua quadrata, & ab huius quatuor lateribus quatuor triangula excitentur, singula à singulis lateribus, & coëant ad vnum verticem, hoc est, ad vnum & idem punctum: hoc idem ad oppositas basis partes fieri intelligatur. Ex his igitur solida excitabitur, quæ ex octo triangulis composita erit, quæ in medio adaptatas sibi mutuò bases habebunt, nempe inferiora triangula superioribus: in extremis autē vertices in vnum punctum coëuntes, nempe quatuor in vnum: & reliqua quatuor in alterum. Hæc autem figura in qualicumque situ collocata fuerit, superiorem habitum inferiori habet similem: & eodem modo in obliquis partibus, sic & aër mediæ est quodam modo naturæ grauium & leuium: est enim leuiorum grauior, vt ignis: grauiorum autem leuior, terra nimirum & aqua, & inanem sedem corripiciens: sursum simul & deorsum ex æquo & ad latera influit: propter hanc igitur causam, figuram hanc aëri attribuit. Propter eas igitur, quas exposuimus causas, Plato figuras quatuor elementis quatuor accommodauit: porro quintam figuram, quæ est dôdecaëdrum, Vniuerso designauit. Est autem solida figura, quæ ex pentagonis duodecim componitur, & vnum illorum pentagonorum habet in basi. Ex quinque autem pentagoni lateribus, quinque pentagona excitantur, singula ex singulis lateribus, & rursus, ex quinque hisce pentagonis altera quinque concitantur, singula ex singulis, quæ inter se conueniunt, & coniunguntur: & præter hæc aliud pentagonum in sede hisce adponitur. Est igitur huiusmodi dôdecaëdrum. Quemadmodum igitur in aliis quatuor figuris ab aliqua comparatione & proportionem elementa cum ipsis componebamus: ita necesse est dôdecaëdrum ex aliqua simili ratione Vniuerso adaptare. cum Vniuerso autem societatem, & communionem habere videtur: primum quidem, quòd vicinitate quadam ipsum quoque globum imitatur: Vniuersum autem vnus est solidus globus. Deinde, quemadmodum dôdecaëdrum ex duodecim pentagonis componitur: ita & Mundus vniuersus ex duodecim maximis partibus est coagmentatus: quatuor quidem elementis, septem verò orbibus errantium, & vno, qui Aplanes nuncupatur. Neque enim nouum globum, qui astris & stellis caret, nouit Plato, qui à Ptolemaeo repertus est, sed octo tantum vniuersos esse voluit: quemadmodum ex eius psychogonia, id est, animæ procreatione, aperte docuimus. Cæterum, qui Platonem interpretati sunt, alias quoque causas reddiderunt, cur Plato dôdecaëdrum Vniuerso conuenire voluerit. Verum ne ultra modum in rebus minimè necessariis orationem producamus, hic nos de hisce sermonem terminabimus, cum Platonem hinc nullum exhibeatur negotium, quòd ex quinto corpore ea constituat, quæ in cælis sunt corpora: cum iam pluribus demonstratum sit, tum ea velle ex quatuor elementis esse composita, tum non putare fieri posse, vt corpus naturale simplex sit aliud præter quatuor elementa.

OMNIS opifex aut ipse materiam cuius est autor, in naturam producit, aut eam, quæ iam esset in natura, habilem facit ad opus. Quod si habilem facit, quæ iam esset, materiam ipse facit: habile enim esse ad opus, materiam indicat, non tamen omnino & absolute subiectum. Dum igitur habilis non est ad opus, vim non habet materiæ. Quare seu materiam suam in naturam rerum producat, seu cum eam, quæ iam esset, ut subiectum haberet, eam habilem reddat ad opus, ipse sui operis materiam omnino facit. Quod si in singulis artificibus res ita se habet, multò magis diuinus artifex suam ipse facit materiam: aut quia in naturam eam producat, aut quia idoneam efficiat ad opus, ne huius vitæ opificibus sit ignobilior, qui materiam, quam non est redditurus, mutuaretur, nec ipse eam in naturam procrearet: cum qui ab ipso materiam mutuatur, ad mortaliū animantium procreationem, quas mutuati sunt particulas, postea restituant. Primam igitur materiam, quam procreationis receptaculum & nutricem definit, quoniam totius opifex est & fabricator, quod est procreare, ipse produxit in naturam, & procreationis recepticem efficit. Non enim aliud habet, ut sit, quam ut sit materia: siquidem eius definitio est, ut procreationis sit receptaculum. Itaque seu idoneam ad opus effecerit, procreationis ipse receptaculum fecit: hoc autem est esse materiam, seu in naturam statim materiam produxerit, ipsam Mundi materiam fecit fabricator, quia quivis artifex horum alterum facit. Virumvis autem horum fecerit, materiam facit, ut diximus. Quare si materiam procreationis receptaculum fecit Vniuersi huius fabricator, aut formarum vestigia in naturam ipse produxit, à quibus temerè & sine ordine fluctuans movebatur, cum ipsa per se sit immobilis & expers omnino formarum: aut aliunde in materiam hæc venire dicemus ab aliquo alio deo, qui & ipse intelligentiâ tantum comprehendatur. Quod si horum vestigiorum ipse est autor, nonne absurdissimum erit, materiam quidem idoneam ad procreationis receptaculum facere, vestigia autem hæc dare, à quibus non idonea ad opus esset futura, sed operi contumax, & inepta ad procreationis naturam admittendam? Nam quod est sine ordine, ei repugnat, quod in ordinem est adductum. Procreationis autem receptaculum digestæ in ordinem procreationi non repugnat. Quod si quis alius vestigiorum est autor, nonne alienum est à ratione, hunc habilem materiâ efficere, illum autem contumacem & repugnantem, & hunc expectare, dum prius facta sit inepta ad opus, quam idoneam fecit, ut postea hoc quoque faciat, cuius gratia habilem materiam ad opus efficiebat? quasi verò fieri non possit, ut quod idoneum est, perficiat, nisi prius ineptum factum fuerit. Nam si ea gratiâ tantum habilem ad opus efficiebat, ut vestigia sola formarum ipsa per se reciperet, id absurdum est. Hoc enim modo idoneam efficiet, ut inordinata fiat procreatio. Sin verò in ordinem adductam procreationem recipiat, quomodo ex quibus habilem ad opus efficiebat, hanc ut procreationem in naturam adduceret, expectabat diuersam fieri, ut eo modo ei, quod ordine caret, ordinem im-


poneret, quasi sine ordinis perturbatione ordinem producere non potuerit. Cum hæc igitur absurda sint, neque formarum vestigia priora esse possint eo ordine, qui in ipsis est, ortu autem & procreatione careat vnà cum vestigiis subiectum ipsum, efficitur, ut ortu careat, & qui in ipsis est ordo, neque in his quicquam prius sit & posterius, neque verò prius constitit materia, deinde vestigia procreata sunt. nam ipsius essentia est, ut sit materia. In ipsa igitur sunt etiam vestigia, & à quibus est materia, neque prior est vestigiis. simulac enim idonea facta est ad suscipiendum id, quod vestigia tribuere potest, tribuit ipsi, ut quod suo esse tribuat. Quare si & procreationis & interitus expers est semper consistens materia, vestigia certè formarum semper habebat. At verò vnà cum his extitit ordinatio, ut demonstratum est, & ordinatio igitur ortu caret & interitus: atque ex his tribus nihil primum, nihil secundum, nihil est tertium, nisi tantum cogitatione. Quare sublata cogitatione, simul erunt omnia, materia, vestigia, ordinatio. Ex quo autem est ordinatio, est & Mundus. Est igitur ortus expers & interitus.

Capita solutionis decimi quarti Argumenti.

- I. *Expositio sententiæ decimi quarti argumenti.*
- II. *Quòd nihil, ut in totum dictum sit, proposita continet argumentatio, quod in re hæreat. Quòdque, ut omnibus, quæ hic dicuntur, assentiamur: modò tamen ei uni, ut iam consutato, restiterimus, quòd materia sit sempiterna, non amplius efficitur sempiternum esse Mundum.*
- III. *Non rectè à Proclo acceptum esse, quod dictum est à Platone, temerè & sine ordine materiam moueri. Et Porphyrii in illum locum expositio. Et ne sic quidem confici ex Platonis sententiâ, expertem procreationis esse Mundum.*

DECIMIQUARTI ARGUMENTI

PROCLI SOLUTIO.

- I. ROPOSITA hæc decima quarta argumentatio, si ipsa per se consideretur, quod in re hæreat, nihil omnino continet, neque propositionem, neque principium, cui quis assentiri possit, ut ei quod ex ipsa rerum natura sit confessum. Verum ex hypothesebus, quæ nulla demonstratione confirmatæ sunt, omnino deducta est, quarum alias posuit Plato, alias ut Platonis opinioni consentientes, Proclus ipse collegit: atque ex hisce deinceps tanquam ex principiis Platoniciis conficit, Mundum nunquam fuisse generatum. Nam cum Plato ex eo quòd immoderatè agitabatur, & sine ordine fluitabat, in ordinem adductum, Mundum, "generatum fuisse dixerit (Nam cum, inquit, constituisset Deus bonis omnibus
"explere Mundum, mali nihil admiscere, quoad natura pateretur, quicquid erat,
"quod in cernendi sensum caderet, id sibi adsumpsit, non tranquillum & quietum,
"sed immoderatè agitatam, & fluitans: idque ex inordinato in ordinem adduxit.
"hoc enim iudicabat esse præstantius) quid autem illud sit immoderatè agitatam
& fluitans, cum idem Plato non planè distinxerit, sed materiam informem qui-

dem

dem esse dixerit, receptaculum tamen & nutricem procreationis: & rursus, cum ipse constituat ac palam dicat, Deum cum Vniuersitatem hanc fabricari adgredebatur, primum quidem informata elementa figurauisse, & priusquam producta essent elementa, ipsorum vestigia præcessisse sine ratione & commoderatione adfecta, hinc Proclus quasi ratiocinatione colligens, quia quicquid agnoscitur, ex materia generari videatur, materiam dicit illud esse immoderatè agitatam, & sine ordine fluitans, ex quo Deus id, quod in ordinem adductum est, apud Platonem fecisse dicitur. Deinde, quoniam modis omnibus informem esse materiam Plato constituabat (nam informis si est, motionis quoque omnino est expertis, neque immoderatè & turbato ordine moueri potest. Quod enim quomodocumque mouetur, etiam si immoderatè moueatur, formam aliquam obtinere debet) ideo non prorsus formæ expertem immoderatè & sine ordine moueri dicit: nam ipsa per se modis omnibus est immobilis: neque uero forma prorsus insignitam. Neque enim immoderatè & confuso ordine ageretur & fluitaret, si perfectis & absolutis formis esset prædita. Verum quæ prædicta vestigia, obscura illa quidem, & perfectarum formarum antecedentia, & quasi præcurrentia suscepit, & quasi rudi quadam descriptione delineata fuerit, ad eam formam, quæ vera rei species est futura, eam immoderatè agitari & fluitare dicit. Perinde ac si quis nondum planè & articulatè conformatos fœtus animo conceperit, sed qui efformationis figuras rudes adhuc & confusas contineant. Vnde materiam quidem motione cieri dicit, ut quæ formarum vestigia iam suscepit: ceterum, immoderatè agitari & fluitare: moueri enim, quod ipsius formæ imperfectum est adhuc, & non planè distinctum. Nam si ei, quod in ordinem adductum est, id opponitur, quod immoderatum & inordinatum est, & perfectò & articulatum distincto id, quod imperfectum est & tantum inchoatum: absolutæ autem & perfectæ formæ causæ sunt in ordinem adductæ, & ratæ motionis, certè quæ inarticulata sunt & imperfecta, & quasi perfectarum formarum vestigia inordinatæ motioni causam adferent. Has igitur hypotheses arripiens Proclus, qui & antè docuit in principio huius rationis, materiam ipsam esse etiam esse ab opifice, quoniam omnis opifex ipse sibi materiam parat, & antecedentia formarum vestigia, quibus factum est, ut immoderatè & ordine turbato materia fluitaret ab eodem opifice esse constituta, hinc deinde colligit fieri non posse, ut hæc à se mutuo tempore secreta fuerint, ut prima quidem informis materia constituterit, deinde ad ea formarum vestigia accesserint, tum demum, quod sine ordine erat, exornatum & in ordinem adductum fuerit: nisi fortè, inquit, cogitatione quispiam hæc à se mutuo seiungat. Cum igitur ostensum sit, absurdum esse sigillatim vnumquodque horum & per se considerare (neque enim materia informis vnquam fuit, neque inordinatum ordinato antecessit) modis omnibus est necesse, simul esse omnia, materiam, formarum vestigia, & ipsasmet absolutas formas. Cum primum enim est materia, simul est idonea ad vestigia formarum accipienda, cum procreatoris sit receptaculum, & in hoc ipsa suam vim obtineat: & protinus in hæc vestigia ingrediuntur, atque ubi primum hæc præstito sunt, protinus ordo & absoluta formæ comparent. Nam ut hæc di-

secreta sint cogitatione, simul tamen Deus omnia produxit in naturam : quemadmodum simul corpus est, & qualitatibus affectum: quanquam longè alia est qualitatis natura, & ratio, quàm corporis. Hæc ubi collegit Proclus, & præterea adsumpsit, materiam ortu carere, hoc est, principium quo esse cœperit, nullum habuisse (id quod Plato nusquam dixisse cõperitur) meritò concludit, si simul sunt omnia materia, formarum vestigia, & ordo, materia autem ortu caret & interitu, ordinem quoque, hoc est, Mundi procreationem, ortu & interitu carere. Huiusmodi est igitur tota argumentationis huius methodus & ratio.

II. Q V AE præcesserunt argumenta omnia, etsi principia & propositiones syllogismorum vt Platonis opinioni absolutè consentientes adsumebant, tamen hypotheses quiddam habebant quodammodo eorum, quæ communiter probantur, vt ex Dei probitate, per quam ille efficit omnia, Mûdum sempiternum esse concludere : itémque ex eo, quòd Mundi huius exemplum ex æternitate simul cum opifice constet, & ad imaginem exemplum, & dicatur & sit. Præterea, ex eo quòd necesse sit, Deum actu semper esse opificem, & reliqua omnia eodem modo. Propositum autem hoc loco argumentum cum nulla nitatur hypothesis, quæ sua vi probabilis sit, aut credibilis, non admodum nos sollicitos facit, vt dum ipsum reprehendimus, doceamus, vbinam rectè, & vbinam secus sit conclusum : Illud tamen est intelligendûm, occasionem omnem & vim concludendi Mundum ortu carere in proposito argumẽto, non aliunde esse deductam, quàm quòd adsumpserit materiam ortus & interitus esse expertem. Nam vt reliquas omnes hypotheses concedamus, non solum vt de Platonis sententia propositas, sed etiam vt veras, & ea item, quæ Proclus ex adsumptis Platonis hypothesis conclusit, vnum autem illud non donemus, sempiternam materiam, quia nec Platoni nec veritati sit consentiens, cum rationes quæ materiam sempiternam esse confirmare videbantur, in vndecimo argumento sint reprobatae, reliquis concessis hypothesis, non amplius conficietur, Mundum ortu carere. Cum primùm enim in natura fuit materia, protinus & vestigia formarum in ea fuerunt, & ordo comparuit : neque horum quicquam prius est aut posterius. Initium autem si habeat Mundus, initium quoque habebit & ordo & Mundus. Quòd igitur si quis prædictas constituat hypotheses, materiam quidẽ primùm esse informem, deinde formarum vestigia in ea procreari, ex quibus sit, quòd immoderatè & sine ordine agitur, demum inordinatum in ordinẽ adduci falsum is constituit, & quòd Proclus probè reprehensionibus est vsus, nos quoque cõfitemur. Non tamen has hypotheses conuincere concedimus hoc est, docere aut Platonem hæc constituere, aut illum dixisse Mundum non fuisse generatum, ita vt ab aliquo temporis principio esse cœperit, in quo non esset prius, quàm in naturam esset productus.

III. N E Q V B verò illud omnino est admittendûm, id quod immoderatè & turbato ordine mouebatur, materiam Platonem esse voluisse, quæ formarum vestigia suscepisset. Nam Porphyrius in Commentariis, quæ scripsit in Timeum, cum hanc Timæi particulam exponit, non materiam cum vestigiis esse dicit, quod immoderatè agitabatur & ordine turbato fluitabat, vt hic Proclus expo-

nit, sed quæ iam ex materia & forma concreta essent corpora, ex quibus coagmentatus est Mundus, non enim Mundi, sed corporis materiâ & formam esse principia: ex materia enim & forma sunt corpora, Mundi autem principia esse corpora, quæ ex materia & forma concreta sunt. Quæ si quis ipsa per se concipiat, sine eo qui ea digessit in ordinem, in motu ea omnino esse intelliget (quia naturalia sunt corpora, natura autem, motus est & quietis principium) in meru tamen omnino immoderato, & in nullum ordinem adducto. Quia moderatus, concinnus & in ordinem digestus motus diuinitus illis accedit. Nam si generata & in naturam producta concipiantur, non in ordinem tamen digesta, neque nata situm sibi conuenientem, & eam relationem atque affectionem, quam inter se habere debent, quid superest aliud, quàm vt turbato & vago motu agitentur, vt nauis, dum gubernatore, & currus, cum auriga destituitur? Quod autem, inquit Porphyrius, Plato corpora non materiam intelligat, id quod vago & perturbato motu agitur, argumento est, quod aspectabile id esse dicit. quod immoderate agitur & fluitat, ex quo quod in ordinem est adductum, hoc est, Mundum, effecit. Quicquid enim erat (inquit Plato) quod sub cernendi sensum caderet, id sibi adsumpsit, non tranquillum & quietum, sed immoderate agitur & fluitans, idque ex inordinato in ordinem adduxit. Quæ autem sub cernendi sensum cadunt, quæ esse possint, inquit Porphyrius, nisi corpora? Nam materia cum secundum Platonem sine forma sit & specie, quæque vix, aut ne vix quidem, spuria cogitatione comprehendatur, etsi formarum vestigia suscepisse intelligatur, tamen incorporea adhuc & informis necessario est intelligenda: quoniam vestigia formarum, nondum formarum nomine dici merentur: quæ admodum vestigia & adumbratio imaginis Socratis, nondum Socratis est imago. Quod si tum, cum vestigia recepit, incorporea est adhuc, & ob id sub conspectum non cadit, vt quæ nondum sit corporata, quod autem immoderate & ordine turbato mouetur, id sub cernendi sensum cadere dicit Plato, efficitur certe, vt hoc quod immoderate agitur, non materiam Plato intellexerit, quæ formarum vestigia suscepit, sed ipsa potius corpora, quæ conuenientem sibi ordinem nondum acceperant. Quare si hæc ad hunc modum tempore diceretur fuisse Plato dixisset, hoc est, corpora ex quibus concretus est Mundus, & ordinem, quo ipsa digesta fuerunt, nemo hanc, opinor, qui certe mentis sit compos, rationem admitteret. Vnâ enim cum suo & sibi conueniente ordine omnia Deus producit in naturam. Sin doctrinæ gratiâ, vt exponit Porphyrius, hæc ponebat Plato, vt intelligeretur quid ipsa per se corpora à sua natura obtinent, hoc est ab ea natura, quæ diuinitus indicta est corporibus, quid item accedat à Deo, qui ea digessit in ordinem, reprehensione fortassis carebit oratio. Verum hinc, non vt quispiam arbitrari possit, conficietur, Mundum secundum Platonem principio carere, cum ille aperte dicat ortus principium habuisse, neque fuisse prius, quàm esset procreatus, & quia generatus est, non prorsus esse indissolubilem & immortalem, etsi adscituiam, & reuiuâ immortalitatem à Deo mutuetur, quoniam subinde reconcinnatam & instauratam ciuitatem immortalem, manere nihil vetat. Cum hæc igitur de Mundi ortu vbique dicat Plato, & ipsum secundum naturam dis-

solucionis esse capacem, nusquam ne verbum quidem emiseric, aut ortū non esse Mundum, aut principium non habuisse, quo esse cœperit, aut naturā non esse capacem interitus, nōne hæc apertissimè Platonis sententiam ostendunt, quod secundum tempus non generatum esse putauerit, hoc est, vna cum temporis procreatione simul esse cœperit, cum tempus non sit sempiternum? Nam tempus vna cum cœlo factum esse dicit, vt simul procreata, simul etiam dissoluantur, si qua ipsorum futura est dissolutio. Nam si in Timæo, vbi ex professo de Mundo docere proposuerat, doctrinæ, vt aiunt, gratiā, ortum eius constituit, cur tandem cum & in Politico & in aliis omnibus eadem de Mundi procreatione dixerit, nusquam villo modo ipsum ortu carere docuit? Verū quoniam hæc nobis in sexto Argumento plenius sunt exposita, vbi demonstrationi ex rebus ipsis deductæ magis innitimur, neque in ea tantum inquirere, quæ Plato sentit, nunc nobis est propositum, hîc sermonem hunc circuncidimus, ne inanem verborum turbam lectoribus ingeramus.

P R O C L I D I A D O C H I

Argumentum decimumquintum.

DECIMVM igitur quintum argumentum ad hunc modum intelligatur: Mundi exemplum tribus his nominibus exornat, Vnigenæ, Sempiterni, & modis omnibus absoluti, quod hoc postremum vni insit Vniuerso. Nam ex aliis omnibus rebus nulla est, quæ modis omnibus perfecta sit, & absoluta. Quapropter ipse Mundum totum modis omnibus perfecto animali solum similem esse dicit. Porro vnigenam esse, ne hoc quidem omnibus inest, & si vniuersis conueniat, quæ sunt in cœlo. Vnumquodque enim illorum est vnigena, sempiternum autem esse, omnium est commune formarum, aliōqui nisi hoc sit, non inuenimus quidnam formis omnibus inter ipsas sit commune. Quare si omnem formam hoc habere oportet, vt sit semper (hæc enim est æui imago) quidnam respicit illud, esse semper? vtrum quod infinito tempore vtraque est ex parte? An verò, quod vna quidem ex parte principium habet, ex altera autem finem non habet? Nam si hoc est semper esse, quidnam erit tandem, quod æterno illi exemplo sit simile? Illud enim nunquam habet interdum esse, neque productionem, neque prius & posterius, sed vtraque ex parte infinitum est. Infinitum autem non simul constat, sed ita, vt fiat. Quod si hoc est æternum esse, aut nihil est illi simile, aut certè Mundus imprimis. Verū res est absurda, cum opifex sit præstantissimus, & velit exemplo similia facere, & faciat, nullo modo Mundum æterno illi exemplo esse similem. Mundus igitur cum similis, quàm maximè fieri potest, exemplo esse debeat, vtraque ex parte habet æternitatem, non autem altera tantum ex parte. Erit igitur perinde exemplo simile inordinatum, quia nunquam est generatum, atque in ordinem adductum: quia nunquam corrumpetur. Quare si hæc fieri non possunt, quicquid ortu caret, interire non potest: & quicquid interitus expers est, nunquam est ortum, vt vtraque ex parte simile sit illi æterno, non autem altera tantum ex parte infinitum: & ob id, quod in ordinem est adductum nihilo magis, quàm inordinatum. Vtraque certè ex parte, quod ad exemplum

emplum est factum, exemplo simile esse debuit: ad exemplum autem effectus est Mundus: neque igitur ita interitu carebit, ut ortum habuerit: neque si ortu careat, interitum subire potest. Hoc enim modo altera tantum ex parte esset infinitum. Sed ortu caret simul & interitu, & secundum utranque partem habet infinitatem, ut æterno exemplari modis omnibus sit simile, ut ipse ait.

Capita solutionis decimiquinti Argumenti.

Expositio mentis & Sententia decimiquinti argumenti.

Quid non recte similitudinem ad æternum Mundi exemplum accepit Proclus, & quomodo ex sententia Platonis æterno exemplari similis esse Deus est Mundus, cum ipse initium habuerit, quo esse cæperit.

Quid si accuratam Mundi ad exemplum similitudinem exquiramus, nullo modo exemplari Mundus similis esse potest. Et quod, quoad eius fieri potest oportet simulachrum exemplo simile fieri quemadmodum earum rerum, quæ sunt, unaquaque Deo similis facta fuisse fertur, quoad eius fieri potuit.

DECIMIQUINTI ARGVMENTI

PROCLI SOLVITIO.

ROPOSITVM hoc decimumquintum Argumentum, est propemodum idem cum secundo: tum in hoc enim, tum in illo ex eo, quod secundum Platonem æternum sit Mundi exemplum, exempli quoque imaginem, hoc est, Mundum sempiternum esse conclusit. Verum illi quidem ex eo, quod simulachrum & exemplum ad se mutuò referuntur, nec fieri possit, quin si vnum est, alterum quoque sit eodem modo. Itaque cum vnum, nempe exemplum, semper sit, alterum quoque, hoc est imaginem, necessarîo semper esse dicebat. Hic autem ex eo, quod omnino sit necesse, ut Platoni videtur, simulachrum exemplari esse simile. Mundi autem exemplar, inquit, tribus his exornat nominibus, dum ipsum modis omnibus perfectum, vni genam, & æternum dicit. Quare si in illa modis omnibus absoluta perfectione, exemplari suo, inquit, similis est effectus. Siquidem totum est, & vniuersum ipse Mundus, & qui in se omnia continet, neque quicquam extra reliquit. At verò vnus est quoque & vni genus. Nam, inquit, Plato, ut in vnitare perfecto animali esset similis, neque duos, neque infinitos Mundos effecit. Procreator: verum vnus hic Mundus vni genus procreatus est, & erit. Necesse est igitur, inquit Proclus, ut scilicet in tertio quoque redditus sit similis exemplari, hoc est, in eo, ut sit semper: quomodo igitur, inquit, hæc in re illi sit similis? verum, ut parte ex vtraque tempore sit infinito, an verò ut altera tantum ex parte solum habeat infinitatem, nempe in fine, ut ait Plato, in principio non item? Verum si exemplum illud ita est sempiternum, ut neque principium habeat, neque finem, planum est, id quod altera tantum ex parte est infinitum, illi non esse simile, sed id demum, quod vtraque ex parte sit infinitum. Vnde, inquit, et trahitur, ut si in eo quod semper sit Mundus exemplo similis, vtraque ex parte habeat infinitatem, atque principio careat & fine. Porro quod et si ex opinione Platonis Ideas & ex-

empla rerum quispiam esse concesserit: non tamen vnâ cum exemplis has imagines aut esse, aut non esse necesse sit, ibi docuimus. Nunc autē non ad res ipsas, sed ad Platonis hypothesen nostra pertinet oratio. Si Plato quidem Mundum exemplo similem esse dicit, illud autem est sempiternum, necesse est, vt ipse Mundum & sine & principio carere arbitretur. Sic enim Deum in eo, quod semper sit, exemplo suo similis Mundus esse videtur.

- II. V E R V M, opinor, si quis Platonis verba diligenter excusserit, & ea quæ modò à Proclo dicta sunt, Platonem hic quoque reperiet ipsum sibi consentientem, interpretem verò Platonis nos potius fraudulenter in errorem inducere, quàm Platonis sententiam nobis illustrare. Id autem apertum erit ei, qui super proposito ipsa Platonis verba primùm legerit. Nam vbi in Timæo Mundum composuit, & animum ipsi indidit, motūque promouit conuenienti, hæc subiungit: Vbi autē moueri & viuere sempiternorum deorum factū à se simulachrum intellexit Pater, qui procreauit, opere delectatus est. Atque hæc ductus lēritia, adhuc magis exemplo simile reddere atque perpolire cogitauit. Quemadmodum igitur ille animans est sempiternus: sic & vniuersitatem hanc, quoad eius fieri potest, talem reddere est ingressus. Illius igitur animantis sempiterna erit natura, quæ generatio animali prorsus conuenire aut adaptari non poterat. Verūm mobilem quandam æui seu æternitatis imaginem facere constituit. Atque cœlum dum exornat, æui in vnitatem manentis ad numerum progredientem sempiternam fingit imaginem: id quod nos Tempus appellamus. Nam dies, noctes, menses, & annos (cū ante natum cœlum in natura non essent) tum demum voluit procreari, cū cœlum productum est in naturam: hæc autem omnia temporis sunt partes. Atque ipsum *Erat & Erit*, quæ temporis nati sunt formæ, non sentimus perperam nos sempiternæ naturæ tribuere. De ea siquidem dicimus, quod erat, est, & erit, cui (si vera oratione vti volumus) *Est*, tantū conuenit. Et paulò pōt: Verūm de hisce in præsentī accurata disputatione differere, non huius fortassis est temporis. Tempus igitur, vnâ cum cœlo factum est, vt simul procreata, simul etiam dissoluatur, si quando eorum vlla futura est dissolutio. Atque ad sempiternæ naturæ exemplum ideo factum est, vt, quoad eius fieri potest, sempiterno illi hic Mundus sit quàm simillimus. Exemplum enim in omni constat æternitate. Hic verò Mundus per omne tēpus perpetuū & procreatus, & instans est, & futurus. Cū igitur Plato Mundum exemplo similem factum esse dicat, propterea quod quemadmodum illud constat per omne æuum: sic Mundus durat per omne tempus, si quicquam est, qui docere possit Platonem vtraque ex parte tempus infinitum esse censuisse, causam haud dico, quin necesse sit, Mundum non alia ratione suo fieri similem exemplari, quàm vt in vtraque partem temporis habeat infinitatem. Nam si tēpus sit infinitum, Mundus per omne tēpus non durabit: si vt finem non sit habiturus, principium tamen obtinuerit. Proclus enim accepto quod partem in vtraque tempus sit infinitum, fallacem conclusionem faciliè contexuit. Quid enim, inquit, hæc vide, vtrum quod infinito tempore vtraque est ex parte, an verò quod vnâ quidem ex parte principium habet, ex altera autem finem non habet. Vides vt faciliè &

confidenter adsumit tempus vtrunque in partem esse infinitum. Quanquam si quæ Platoni potius, quàm quæ sibi videntur, confirmare voluisset, quemadmodum accepit à Platone Mundum exēplo similem esse debere: ita docere debuit, an Plato etiam tempus vtraque ex parte infinitum esse voluerit: vt ex Platonis propositionibus conficeret, si in ea re exemplo similis factus est Mundus, quod in omni sit tempore, sicuti exemplum illud in omni constat æternitate, tempus autem in vtranq; partem secundum Platonem est infinitum: sic Mundum vnā cum temporis perpetuitate in vtrunque partem produci esse necesse. Nunc autem cum ex Platone id docere non possit, ipse à se sine demonstratione sumplit, partem in vtrunque Mundum esse infinitum. Porro quod Plato tempus vtraque ex parte infinitum esse non existimauerit, ex iis perspicuum esse debet, quæ Plato nobis de temporis natura differrauit. Tempus enim, inquit, vnā cum cælo factū est, vt simul generata, simul etiam dissoluantur, si quando vlla eorum futura est dissolutio. Et iterum: Nam dies, noctes, menses, & annos, cum ante natū cælum in natura non essent, tum demum voluit procreari, cum cælum productum est in naturam. Si igitur cum nascente cælo vnā natum est tempus, nec antequam illud nasceretur, hoc vllum erat, cælum autem ab aliquo principio cœpisse dicit, nec fuisse antequam generatum esset, vt in sexto docuimus, sed ita esse immortale, vt instaurationem consequatur immortalitatem, & tempus certè ab aliquo principio stetisse censet, sed finem non esse habiturum. Quapropter si vnā cum cælo tempus esse cœpit, & cum eius essentia vnā extenditur, hac profectò ratione Mundus exemplari suo similis est factus, quod stat per omne tempus, sicut illud in omni est æuo. Tempus autem esse cœpit, & Mundus certè cum esse cœperit, vnāque cum temporis perpetuitate in eo, quod deinceps consequitur, simul extēdatur, eò quod in omni sit tempore, exemplari sempiterno factus est similis. Quanquam si initū expertem Mundum Plato esse volebat, cur non dixit, quod quemadmodum exemplum neque vnquam esse cœpit, neq; vnquam est desitutum, sic nec Mundus vnquam cœpit generari, neq; desinet vnquam? Hoc enim modo imaginem eius ad exemplum melius explicuisset. Verum quemadmodum, inquit, exemplum in omni constat æternitate: sic Mundus per omne tempus perpetuò & procreatus, & instans est, & futurus. Si tempus igitur est vllum, in quo Mundus non sit, omnino à similitudine, quam debet habere cum exemplo, excidere eum est necesse. Sin in omni est tempore, initium autem habet tempus, quo esse cœperit, sit certè, vt Mundus secundum ea, quæ Plato censet, ab initio aliquo cœperit, & sempiterno exemplo suo factus sit similis. Porro, nemo in præsentī dubitationes nobis commoueat, quæ tempore produci possunt, vt ipsum vtraque ex parte infinitum esse doceat. Iam enim firmissimam earum controuersiarum, quibus tempus vtraque ex parte infinitum esse videri possit, in quinto argumento dissoluimus: & si quæ sunt aliæ, eas suo loco commodè excutiemus: neque enim nobis in præsentī propositum est, in temporis disputationem inquirere. Illud autem vnum hoc in loco docere volumus, Platonē hīc quoq; consentientem sibi videri, tum, cum ait, Mundum sempiterno exemplari factum esse similem, tum, cum dicit, ab aliquo temporis principio esse cœpisse,

Si quisquam igitur, quod iam dixi, docere potest Platonem voluisse Mundum vtraque ex parte esse infinitum, id doceat, non ex suis cogitationibus, sed ex ipsius Platonis scriptis rem consiciens, & verbum non addimus. Sin contrā, vñ cum cœlo nato tempus cœpisse ait Plato, neque stetit priusquam esset procreatum, Proclus autem accepto tanquam Platonis decreto, infinitum esse tempus, in vtranque partē, quę inde consequuntur, concludit. Vnde hoc quoque in loco deprehensus est & de Platone falsa dicere, & nos captiosa conclusione velle decipere.

- III. QVO' D si dicat non alia ratione fieri posse, vt Mundus sempiterno exemplari factus sit similis, quā vt vtraque ex parte habeat infinitatem, principii exors & finis: primū quidem non quod Platoni videatur, hoc concludit. Expositum est enim, quomodo ille Mundum exemplo similem factū esse dicat. Quod si modis omnibus accuraram hīc & ibi æternitatis similitudinem seruare velit, quoniam exemplum non generatam sed simul consistentem suę naturę habet infinitationem, vt ipse Proclus quoque assentitur, oportet, Mundum quoque non naram, sed constantem simul suę naturę infinitationem habere. Neque enim ei, quod semper est, id simile esse possit, quod gignitur in tempore. Atque si exemplum, neque aliquando recipit, neque prius & posterius, neque omnino productionem, proculdubio neque Mundus horum quicquam admittere potest, siquidem illi factus est similis. Quare cum Mundus & aliquando obineat & prius & posterius, ac non infinitatem simul consistentem, sed generatam, ex eorum etiā sententia, qui æternum cum esse volunt, perspicuum, ne sic quidem sempiterno exemplari factum esse similem. Verū si exempli imaginem in naturam produci oportet, & quoad fieri potest, similitudinem retineri, vt ipsemet quoque Plato dicit (quemadmodum enim, inquit ille, animans est sempiternus, sic & hanc
 " Vniuersitatem, quoad eius fieri potest, talem reddere conatus est) si igitur quoad fieri potest, exemplo imaginem similem esse oportet, vt in prædictis ab exemplo differens fuit, & in eo quoque differat, quod est esse semper, vt Plato dixit, imaginem retineat Mundus ad illud exemplum, non in eo, quod vtraque ex parte sit infinitus, sed quod in omni sit tempore, vt in omni æternitate & æuo est exemplum. Neque enim Mundum tantū æterno exemplari similem esse dicit Plato: verū etiam omnia quę sunt, Deo similia esse dicit. Probus enim erat, inquit, probus autem nulla vnquam in vlla re tangitur inuidia. Cum autem extra inuidiam esset, omnia quā maximē voluit sibi nasci consimilia. An igitur ideo quod Deo omnia consimilia esse dicantur, Deum autem semper esse & perpetuitatem in iisdem, & eodem modo obinere, ex omnibus rebus interitum tollemus & ortum, & omnino commutationē, cuius in Mundo nihil est exors? Quare ratione res vnaquęque, quoad eius fieri potuit, & vt naturā erat comparata, similitudinem cum suo ipsius principio primō recepit. Ad hunc igitur modum candida interpretatione in Mundo similitudinem cum æterno exemplari intelligemus, non tollentes, quod apertē dictum est Platoni, Mundum & Tempus habere principium. Verū vt ipse loquutus est Plato, quia Mundus in omni est tempore, etiam si ab aliquo principio tempus esse cœperit, similem cum esse dicemus exemplo, quod in omni est æuo & æternitate. Porro, quod illud quod adscitū

ac non essentialem habet immortalitatem, non idcirco quia hoc modo expers est interitus, protinus est necesse, vt procreationis quoque sit expers, sed contra potius, quoniam non natura expers est interitus, ideo procreationis est capax, supra in sexto argumento euidentissimè probauimus.

PROCLIDIA DOCHI

Argumentum decimum sextum.

SI in opifice duæ sunt voluntates, vna, vt non sit quod immoderatè & sine ordine moueatur, sicut ipse dicit (Cum enim cõstituiſſet Deus nihil mali admiſſe, ex inordinato ipsum adduxit in ordinem) Altera, vt vniuersum eſſet colligatum (Nam cum voluntatem & consilium meum naſti ſitis, quod maius eſt vinculum ad perpetuitatem vestram, quàm illa, quibus eſtis, tum cum gignebari, colligati, neuiquam diſſoluemini) atq; harum voluntatum vtraq; ipsarum eſt natura & eſſentia: vna, vt non ſit ordinatum: altera, vt quod adductum eſt in ordinem, conſeruetur, necesse eſt, has voluntates, aut ſemper eſſe in eo, aut interdum vtrinq; aut alteram ſemper, alteram verò interdum. At verò quòd interdum inſint, falſum eſt. Eſt enim perſpicuum, interdum velle, & interdum non neuiquam conuenire ei, quod eſt ſemper, ſeu priùs nolit, poſteriùs autem velit: ſeu contra, priùs quidem velit, poſteriùs verò nolit. Erit enim in hiſce voluntatibus & non voluntatibus priùs & poſteriùs, & item, erat & erit. Hæc autem, inquit idem, ſpecies ſunt temporis. Tempus autem non eſt in Deo, ſed ab eo eſt, & poſt eum. Semper igitur tum immoderatum non eſſe, tum ordinatum eſſe vult. Cum igitur voluntas ipſo eſſe, quod vult efficiat, & ſemper ſit vtraque, ſemper ipſo eſſe efficiet. Quòd ſi vtraque ſemper, quod vult efficiet, proculdubio altera ſemper obliterabit inordinatum, altera verò in ordinem adductum conſeruabit. Sic enim vtraque quod ſuum eſt, faciet, illa quidem de medio tollens, quod vult non eſſe, hæc autem muniens & conſeruans id, quod eſſe vult. Cum igitur hæc ambæ ad hunc modum, quod ſuum eſt, efficiant, ſemper id eſſe oportet, quòd gignitur ab vtraque. Simul enim ſunt quod gignit, & quod gignitur, vt idem in Philebo dixit. Quod quidem efficitur pulchrum, & ipſum quoque efficiens, nec ſine vtroque eſt alterum. Semper igitur & inordinatum obliteratur propter perpetuam voluntatem, vt ipſum non ſit, & ordinatum conſeruatur propter voluntatem, vt ipſum ſit perpetuum: cum vtraque ſit ſemper. Quare ſi ſit vtrinq; ſemper non priùs erit inordinatum, deinde ordinatum, vt neq; priùs ordinatum, deinde inordinatum. Quòd ſi ante id, quod in ordinem adductum eſt, non fuit inordinatum, principium non habuit ordinatum, quod inordinatum ſubſequeretur. Et ſi quod in ordinem digeſtum eſt, non præceſſit inordinatum, nõ habebit finem ante inordinatum. Quòd ſi neque eſſe cœpit poſt inordinatum, neque ante ipſum deſinet, omnino principii & finis expers eſt ordinatio. At verò nihil eſt aliud Mundus, quàm ordo, & id quod adductum eſt in ordinem. Ortus igitur & interitus expers eſt Mundus: quoniam abſurdum eſt, in Deo duæ cum ſint voluntates, aut vnā quidem ſemper facere, alteram verò non ſemper: aut dicere, vnā quidem ipſo eſſe facere, alteram verò non item, cum eiùſdem naturæ ſint

ambæ, & propter eandem causam, probabilitatem suam obtineant. Nam altera est, quod nolit esse inordinatum, quia ita bonum sit, ut ait idem: altera, quod velit in ordinem esse digestum, quia malum non sit. Quamto igitur bonum esse Deo conuenientius est, quam non esse malum, tanto diuina magis est voluntas, quæ inordinatum non esse vult, quam ea, quæ vult esse ordinatum. Dei enim magis est proprium bonum, quam non malum. Modis igitur omnibus est absurdum, magis propriam eius voluntatem non esse æternam magis, & (si fas est dicere) efficientiorem, cum sit diuiniore. Quare si voluntatibus est consequens, vni quidem procreationis, alteri autem interitus expertem esse Mundum, maiore ratione ortus expertis, quam interitus fuerit: cum illud ob potiore & diuiniorem voluntatem obtineat, hoc autem propter inferiorem. At verò altera, nempe immortalitatis, & incorruptibilis naturæ, omnibus est conspicua, & altera igitur multò hac aperior esse debet, quæ scilicet naturam ortus expertem ipsi tribuit. Si igitur duæ perinde valent atque vna, ortus & interitus exors est Vniuersum. Sin verò duæ sunt, & potentior est, quæ propter bonum est, quam quæ propter non malum, ortu magis caret Vniuersum, quam interitu: verum magis vna esse videatur, quam duæ. Eiusdem est enim inordinatum respuere, seu ante, seu post ordinationem sit, & redactum in ordinem, sine principio producere, & sine fine continere. Neque enim cuius opifici quicquam est ordine conuenientius: & ideo suum ipsius opificium in ordinem adducere cœpit. Quare vel eo solo, quod opifex est, ordinem habet optabilem. Quod si vnum est optabile, vna est optatio, quæ nimirum est ordinis optatio. Quod si vna est optatio, & voluntas, quæ eius est, quod voluntate optatur, vnà scilicet erit, quæ & semper ante tempus id facit, quod in ordinem est redactum, & in tempus perpetuum tale continet. Si autem vna sit, absurdum, vel verius tale, quod fieri non possit, ipsam tribuere in partes, & partem eius vnā, eamque infirmiore Deo tribuere, alteram, eamque perfectiorem, non tribuere. Deo enim conuenit, quod perfectius est, cum imperfectiore sit maius.

Capita solutionis decimiseptimi Argumenti.

- I. *Quod non idem est, Deum semper aliquid velle, & illud ipsum velle esse semper. Et quod etiamsi semper velit Deus id quod ortu caret, cum naturæ eius, quod est, cum boni esse particeps, tamen non eodem modo omnia: sed ut vnumquodque naturā comparatum est, cum entis, cum boni esse particeps.*
- II. *Quod & in vniuersitate constans & temporis expertis & partibus carens Dei est voluntas, perinde atque cognitio & providentia. Etiamsi quæ fiunt, quæque cognoscuntur, & quæ providentia diuina fruuntur, in numerum producta sint, & partibus constent, & interdum sint, interdum non sint.*
- III. *Quod quæ alibi pulchrè de impartibili Dei cognitione, & eiusdem efficiendi ratione à Proclo dissutata sunt, per ea euertuntur quæ hoc in loco ad contentionem dicuntur.*
- IIII. *Quod etsi in hypothese quispiam concesserit Dei voluntatem aliam esse priorem, aliā esse posteriorem, nullo modo propterea erit necesse, ut Dei voluntates temporis subiiciamus. Et quod quantum ad Procli sophisma, etsi Mundum esse sempiternum concesserimus, omnino est necesse, sub tempus esse, intelligentes omnes substantias, atque adeo ipsum tempus*

temporis opifcem Deum. Vbi etiam docetur, rerum quoque singularum Deum habere cognitionem.

Quòd neque post inordinatum factum fuit, quod in ordinem adductum est, neque desinet ante inordinatum. Nec propterea illo modo est necesse principio & sine carere ordinatum. Vt colligit Proclus. Et de quònam inordinato nobis sit sermo.

Quòd Proclus non rectè cum tanquam in hypothefi acceperit duas esse Dei voluntates: Vnam, vt sit ordinatum: alteram, vt non sit inordinatum, eam, qua vult non esse inordinatum, altera potiore & Deo conuenientiore esse dicit. Et quòd si omnino distinguere oportet, voluntas vt sit ordinatum, altera est praestantior. & quòd Plato non ainas, sed has ambas unicam esse vult.

DECIMISEXTI ARGVMENTI

PROCLI SOLVTIO.



Quod VAE de Platonis hypothefi dicenda essent, in qua dicit ex eo, I. quod immoderatè & sine ordine mouetur, id fieri, quod in ordinè adductum est, in iis, quæ decimoquarto Argumento opposuimus, intra modum explicauimus: quare in praesenti non sunt eadem molestè iteranda. Quoniam autem Philosophus accepto à Platone, quòd Deus velit non esse inordinatum: & velit esse, quod in ordinem adductum est, hinc iterum Mundum non generatum esse concludit. Vt verò Plató hæc de Dei voluntate nunquam pronuntiauerit, quispiam tamen istud idem ipsum per se nobis fortasse protulerit, an Deus velit non esse inordinatum, & an quod ordinatum est, esse velit, ex quibus eadem rursus conficiuntur, æquum est, vt nos in hac excutienda ratione immoremur. Nam si ipsum per se excussum theorema non videbitur eò nos compellere, vt Mundum non generatum esse dicamus, nec Platonem quidem idem sentire coëgerit, ex eo, quòd Deum dixerit nolle incompositum, & inordinatum esse, velle autem digestum esse in ordinem. Cæterum, nos huic rationi occurrentes, confitemur Deum semper velle, vt non sit, quod immoderatè & sine ordine mouetur: neque itaque fuit, neque est, neq; futurum est. Inordinatum autem id dico, quod ordine naturali & concinna compositione vacat. Neque enim producit quicquam Deus, quod ipsum sit immoderatum, inconditum, aut inordinatum: deterius est enim malè esse, quàm omnino non esse. At verò neque casu neque ex illo alio principio quicquam inconditum confitemur secundum substantiam, aut esse, aut oriri. Nullius enim causa est fortuita, aut casus: & vnum omnium rerum esse principium in confesso est. Simul igitur Deus rem vnamquaque in naturam producit, & eam ordine decenti & concinna compositione expolit & ornat. Imò verò vt ordinatum sit, Deum semper velle affirmamus. An verò vbi primum Deus est, ordinatum etiam ita esse velit, vt vnà cum ipso sit sempiternum, illud verò disquisitione dignum putamus. Neque enim, etsi semper habuerit eam voluntatem vt semper esset ordinatum, protinus ipsum semper esse vult. Nam quanuis sola voluntate omnia in naturam producat Deus, id tamen tum fit, cum ea esse vult: vult autem, cum cuiq; bonum est, vt sit. Est verò bonum, vt potest vnum quodq;

& naturâ comparatum est. Quandoquidem Deus vult semper, vt rationis compotes substantiæ bono inhæreant, neque vnquam ad deteriora delabantur. Deteriora autem dico, tum falsas opiniones, tum veritas actiones. Bonorum enim, inquit Plato, ad nullum alium, quàm ad Deum causa est referenda: malorum autem aliqua alia requirenda est causa. Et iterum idem Plato: Mali causa non est dicendus Deus. At verò bonis omnibus vult Mundum expleri, mali autem nihil admiscere, quoad natura pateretur. Quare si malorum causa non hæret in eo, & vult omnia esse bona, malum autem nihil, & nihilominus sunt mala, non certè quicquid vult esse Deus, id protinus vt Deus ipse est, ipsum quoq; esse oportet. Verùm vt quodque naturâ comparatum est, & esse, & bonum esse, ita & ipsum esse vult, & boni esse particeps. Vult enim vnumquēq; animum vltro & suo pte nutu, & bonum esse, & expertem omnino vitiositatis. Siquidem malorum Deus non est causa, vt Platonem adserentem protulimus. Quare si vnâ cum Deo de re quapiam voluntate, protinus & sine vlla distinctione illud esse est necesse, vt statuit Proclus, qui fieri potest, vt vlla constet malitia, cum Deus eam non esse velit, & bona esse omnia semper velit? Jam quare non omnis animus bonū semper retinet, cum Deus velit, vnumquēq; animum bonum esse, ita vt ex delectu bonum confectetur? Aut enim necesse est, vt ipse concedat, Deum non semper velle animas esse in bono: quo proposito Deus malorum etiam erit causa: aut siquidem hoc est absurdum, vult ipsos suos nutus atq; impetus ad bonum perpetuò dirigere, neque vitiositatis modo vllò esse participes: hoc autem non fit semper. Non igitur est necesse, vt simul ac Deus quidpiam esse vult, illud sit omnino: quoniam sibi similia omnia esse vult, vt ait Plato: verùm quantum cuiusq; natura similitudinem cum ipso admittere potest, ita eam suscipit. Ad hunc modum igitur rerum singularum vnamquāq; & procreari & esse vult Deus: ipse siquidem est, qui secundum Platonem, cœlestibus in Timæo præcipit, vt ad mortalium animalium procreationem conuertantur. Verùm cum oportet, & naturâ comparatum est, vt rerum singularum vnaquæque gignatur, tunc quoq; hanc eandem esse vult. neque enim Socrates naturâ erat aptus vt gigneretur, priusquam natus esset Sophroniscus: tamen etiam priusquam generatus esset Sophroniscus, Socratem procreari volebat: non tamen absolute procreatum esse, aut semper esse procreatum, sed tum demum, cum procreari poterat. Ad hunc igitur modum, & priusquam quod in ordinem adductum est, factū esset, volebat esse ordinatum: verùm tum, cum esse posset, vt quod sit procreationi obnoxium, nihil autem eorum, quæ generantur, constare sine principio potest, vt in primo Argumento docuimus. Non igitur vt semper Deus ordinatum esse velit, sempiternum ipsum esse protinus est necesse.

- II. AT verò nec si quod Deus esse vult, aliquando sit & aliquando non sit, ideo dicimus Deum interdum hoc, & interdum aliud velle. Vna est enim & simplex in Deo boni voluntas: cuius vnaquæque res prorsus ita est particeps, vt patitur eius naturâ. Quemadmodum igitur omnia vult sui esse similia (verùm similitudo non eadem est in omnibus, sed ita vt ratæ substantiarum portioni respōdeat) sic etsi omnia velit tum naturæ eius quod est, tum boni esse participia, ita tamen

vt quidque & potest, & naturâ suâ comparatum est, tum eius quod est, tum boni esse particeps. Quare quod ordine compositum est, hoc est Mundum, semper quidem esse volebat. verum vt potest & suapte naturâ est comparatum, ita esse volebat. Porro procreationi obnoxium cum sit, ab aliquo principio, non autem sine vilo initio esse naturâ est comparatum. Vniiformis igitur Dei est voluntas, vt sint omnia, sicut & prouidentia & cognitio est vniiformis. Verum quemadmodum Dei prouidentia multitudine eorum, quibus prouidetur, non multiplicatur, seu diffunditur in multitudinem, neque verò cognitio, quæ ad ea etiam pertinet, quæ maximè sunt indiuidua, nec varietate rerum, quæ sunt, nec substantiæ earum partibili natura vna variegatur, aut distenditur, sed quæ partibus constât, sine partibus, & quæ varia sunt, vniiformiter, & quæ in tempore consistunt, sine tempore cognoscit: sic & voluntas Dei, quæ res omnes esse vult, non vnâ cum dimensione temporis, earum rerum, quæ in substantiam & naturam producuntur, ipsa diffunditur in dimensionem. Neque enim quia aliud gignitur, & in alio est tempore, ideo Dei voluntas, qua eadem esse vult, alterius est in alio tempore. verum vt quod futurum est, ex æternitate nouit, atque quod nondum est, in natura ipsius prouidentia præsens adest: sic sanè semper habet voluntatem, vt sit quod futurum est. Hoc enim modo nihil nec prius est, nec posterius. Neque verò aliud quicquam dicemus, apud Deum esse futuri notionem, quàm voluntatē, vt id sit, quod futurum est. Eximatur autem mihi ab hoc sermone vitiositas. Nā etsi nouit eam esse futuram, non vult tamen vt sit futura. Quoniam nulla est consistentia aut coherencia mali propria, & quæ per se consistet, sed in actionis prætermissione, quæ sit secundum naturam, falsam quandam consistendi & coherendi speciem suscipit. Quare si eius notio, quod futurū est, semper est in Deo, nec recipit vt interdum sit, certè nec voluntas vt quid sit futurum, recipiet interdum. Quemadmodū igitur sine partibus, & sine dimensionibus rebus omnibus prouidet, & omnia cognoscit, sic vult esse omnia. Cum hæc igitur ita se habeant, efficitur, nullo modo esse necesse, vt quia Deus velit semper id esse, quod digestum est in ordinem, protinus ipsum sit sempiternum.

QVO'D autem ipsemet quoque Proclus, vbi non ad contentionem loquitur, sed ipsam per se rerum veritatem expendit ac circumspicit, hæc eadem & sentiat apertè & profiteatur, ex ipsius verbis intelleximus, quæ nos alibi protulimus, ex eius libro, De decem contra Prouidentiam dubitationibus. Ea autem sic habent: Vt summam igitur dicamus, omnia procreandi & omnia conseruandi vim habere vnum illud dicimus. Vt quod omni substantia hyparxin & naturam habet veriolem, & quauis cognitione clariorem. Nec diuiditur cum iis, quæ cognoscuntur, nec circa eadem mouetur. Animalis enim & intelligens cognitio horum habet proprietates. Et mens omnis vna, multa tamen & in sua essentia & in ipso intelligendo. Atque omnis anima cum motio sit, etiam cum motione intelligit. Illud autem cum in vno maneat, spatio carens, simul & indiuisum, omnia eodem modo intelligit, nec hominem tantum & solem, & quod est huiusmodi, sed etiam quamque rem sigillatim. Nihil est enim, quod vnum illud effugiat, seu esse, seu cognosci dicas. Et iterum paulò post: Sic & Prouidentia in vni-

"tate cognitio in eodem imparibili, omnium est, quæ diuiduntur cognitio, tum
 "earum rerum, quæ maximè sunt indiuiduæ, tum earum, quæ totius naturam
 "maximè retinent. Et quemadmodum sua vnitate rem quamque produxit: ita
 "sua eadem vnitate vnamquamque cognoscit. Si igitur vnà cum iis, quæ cognos-
 "cuntur, non diuiditur Dei cognitio, sed sine spatio, aut dimensione in vno per-
 "manens, & sine diuisione cognoscit omnia, non solum vniuersalia, sed etiam
 "ipsamet singula, & maximè indiuidua. Ad eundem autem modum rem vniam-
 "quamque cognoscit Deus, quo eam produxit in naturam, nempe citra partes &
 "spatium: neque res vniuersas tantum, sed singulas quoque, & maximè indiuiduas,
 "quæque sunt in tempore, & interdum constant, interdum verò non constant.
 "Neque verò mouetur vnà cum eorum motione, quæ oriuntur: etsi ea, quæ ge-
 "nerantur, interdum sint, & interdum non sint. Quòd si Dei voluntas ipsa sua
 "essentia, quodcumque vult producit, & procreat, vt ait Proclus, Dei certè volun-
 "tas, citra diuisionem, & citra interualla, secundum vnum in naturam omnia ita
 "profert, vt cum iis, quæ producuntur, non simul ipsa diuidatur, neque circa eadem
 "moueatur: sed vniformiter facit, quæ in multitudinem diffusa sunt, & diuidi sunt
 "nata sine diuisione, & sine spatio, quæ in temporis dimensione habent, vt ipsa
 "sint. Quòd si sine diuisione & sine dimensione res etiam maximè indiuiduæ ita
 "facit diuina voluntas, vt circa ea non moueatur, res autem singulæ & indiuiduæ
 "interdum sunt, & interdum non sunt, sit certè, vt Dei voluntas de Mundo ali-
 "quando consistente neque interdum sit, & interdum non sit, neque prius habeat
 "& posterius: vt quæ cum iis non moueatur, quæ à se procreantur. Atque his con-
 "sentientia dicentem Plotinum supra produximus: quorum nunc quoque me-
 "minisse non fuerit alienum. Ille igitur de efficiendi potente facultate diuina hæc
 "habet: Verum enim vero si quamque actionem non imperfectam esse oportet,
 "neque fas est Dei quicquam aliud arbitrari, quam totum & vniuersum, oportet
 "in re qualibet, quæ ipsius sit, omnia simul adesse. Quare ipsum quoque semper
 "esse oportet. Vnde efficitur, vt sit necesse, & futurum, vt iam præsens adesse.
 "Quapropter non posterius quicquam in illo: sed quod iam illic præsens est, po-
 "sterius in alio efficitur. Quare si iam adest futurum, necesse est ita adesse, vt quod
 "mente anticipatum sit, & præuisum in posterum: hoc autem est perinde vt nul-
 "la re tum indigere. Atque hoc eius est quod nulla re defectum sit. Omnia igitur
 "iam erant, & semper erant. Atque ita erant vt postea dicamus propter hanc cau-
 "sam hoc esse factum: extensum enim & quasi simplex factum potest ostendere,
 "hoc post hoc esse factum. Illud autem omne quod simul est, vnum id est. Hoc
 "autem id est, quod in se causam conuenit. Cum igitur secundum sapientem Plo-
 "tinum, quod futurum est, Deo semper sit præsens, neque quicquam apud eum sit
 "posterius, sed quod in alio est posterius, iam ipsi Deo præsens adsit, & semper ad-
 "sit, hijs autem consentanea Proclum dicere docuerimus, efficitur certè, vt etsi or-
 "dine compositum interdum sit futurum, interdum sit, interdum non sit, non tamen Dei vo-
 "luntas vt ipsum constet, interdum sit, & interdum non sit. Quare neque propter
 "ea prius habebit & posterius, neque tempus. Neque verò quoniam sempiternam
 "voluntatem habebat Deus, vt id quod ordine compositum est, hoc est vt Mun-
 "dus

dus esset, ob id protinus efficitur, vt Mundus sit sine principio, cum corporea, & nata natura expertem principii substantiam recipere non possit. Quod si quia interdum sit & interdum non sit, id quod in ordinem adductum est, hoc est ipse Mundus, necessariò conficere contendit Proclus interdum esse Dei voluntatem, & interdum non esse, & ideo tempori esse obnoxiam: omnium autem in naturam procreandi, facultate prædita est Dei voluntas: vt autem omnia profert in naturam, sic & eadem cognoscit, vt ipsemet iterum dixit: omnia verò cognoscit non solum in genere toto, sed etiam sigillatim, atq; adeò ea quæ maximè sunt indiuidua, vt ipsum hoc idem dicentem produximus: hæc autem & partibus constant, & sempiterna non sunt, sed sunt aliquando, & aliquando non sunt, concluditur, vt Dei quoq; de iis quæ esse dicuntur, cognitio, prius habeat & posterius, & sit interdum, & interdum nō sit, & ideo tempori sit subiecta: neq; vniformiter & vno modo, nec sine interuallo sed in multitudine & spatio res singulas adprehēdet. Et rursus de Providentia eodem modo est dicendum. Vnā enim cum iis quæ prouidentur in partes diducetur, neq; vniusmodi, sed multiplex & in numerum diffusa erit, quemadmodū & illa: & sicut illa prius in tēpore habebit, & posterius. Nūc igitur Philosophus harum suarum enuntiationum vtram volet, improbet ac reiiciat. Neq; enim fieri potest, vt verè sint ambæ, nēpe vniformiter & sine interuallo primā causam etiam ea quæ maximè sunt indiuidua, & interdum sunt & interdum non sunt, proferre in naturam & cognoscere, atque eisdem prouidere, vt in libro, De Providentia, disputauit, & item si Mundus interdū sit & non sit interdum, Dei etiam voluntatem qua ipsum Mundum esse vult, interdum esse & interdum non esse, vt hoc in loco adfirmat: & ob id prius habere & posterius. Verū si quæ in libro, De Providentia dicta sunt, ita sunt ab eo disputata vt res ipsas per se & veras de Deo notiones spectaret, par est, ea verè & probè esse discussa, & ideo posteriora repudianda sunt, vt ad contentionis ambitionem veriùs, quàm ad veritatem disputata. Quare si illa sunt vera, & rerum omnium causa in vno tantum sine interuallo simul, & sine diuisione res maximè indiuiduas & in tempore coherentes producit in naturam, nec circa ea mouetur, atque secundum Plotinum, quod futurum est iam Deo præsens est, neque in eo quicquam est posterius, sit profectò, imò verius est necesse, vt etiam si interdum sit & interdum non sit, quod ordine digestum est & compositum, hoc est Mundus, Dei voluntas qua cum esse vult, sempiterna sit, utique cum ipso non moueatur, neq; cum eius coherētia spatiis & interuallis distincta, simul cum ipsa diffundatur. Si quidem vniformis est semper & vnius boni volūtas: vult enim semper id esse, quod bonum est. Verū vt quæque res ad participandum bonum naturā suā comparata est: quæ autem generata sunt, & præcipuè corpora, ita sunt naturā suā comparata, vt semper non sint, vt sæpe docuimus.

VERVM ENIM VERO etsi ex conditione quispiam iisdem concessit. IIII.
 ferit, Deum interdum quidem velle esse quidpiam, interdum verò velle idem non esse: aut contrā, velle quidem interdum illud non esse, interdum verò esse, & ideo voluntatem alteram quidem esse priorem, alteram verò posteriorem, quid est, quod hinc necessariò conficiat, in Dei voluntatibus inesse tempus, ob id vnū

scilicet, quòd vna prior esse dicatur, altera posterior? Captiosum certè & sophisticum illud, opinor, ductum ex ambiguitate verborum, Prius, & Posterius: si protinus, quia in Dei voluntatibus Prius sit & Posterius, necessariò tempus inesse putetur. Neque enim quicquid quomodocunque prius aut posterius esse dicitur, temporis omnino significans est. Ad hunc enim modum omnem intelligentem substantiam & omni corpore liberam, atque ad eò ipsum temporis auctorem & opificem, etiamsi Mundus sit sempiternus, aut tempori subiiciemus, aut certè in eo tempus consistere concedemus. Quèd enim intelligentes substantias, quantum in hac oratione situm est, subiicere tempori est necesse, hinc est perspicuum. Nam etsi partibus expers est, & sine spatio mentis adpulsus & adprehensio: attamen quòd non omnia simul intelligat, & ipsi nobis concedent, vt Proclus quoque in productis ipsius verbis ex libro De providentia, obscurè

“ significauit, quando dixit: Nam mens omnis vna est, & multa tum essentia, tum

“ intelligendo. Nam moueri circa ea, quæ cognoscuntur intelligentiæ & animæ cognitionis proprium esse dicit. Mentem autem dicimus, non certè opificem, sed quæ post eam, & ab ea sunt, intelligentes substantias, quæ interdum esse possint. Eiusmodi mens igitur, vt Græci quoque auctores concesserint, non simul Deum, verbi gratiâ, & Angelum & animum, & Mundum, & tempus, & æuum, & reliquarum rerum vnâquamque concipere potest: sed in vnâquamque sigillatim incumbit, à notione in notionem commigrans, etsi sine tempore & sine intervallo attingit vnumquodque quod cadit sub intelligentiam. Opificis enim & effectricis mentis propria est conferta simul, & partibus expers rerum omnium intellectio. Mens igitur aliud quidpiam primùm intelligit, aliud secundùm, & aliud tertium. Quare si hoc solo, quia quiduis prius habet & posterius, absolutè in eodem est & tempus, certè intelligentes essentia, & ab omni corporum concretionem liberæ, subiectæ erunt tempori, & in iisdem constabit tempus. Atque ad eò quæ modis omnibus seiuncta sunt à corporibus, & omni corporeo motu sunt libera, sub tempus & ipsa referentur, vt corporum naturam obtineant. Nam tempus in motu consistit, nec sine motu constare potest. Et vt necessariis rationibus probauit Aristoteles, & vt apud omnes est in confesso: motus autem omnino est in corpore. Quod igitur modis omnibus seiunctum est à corpore, tum penes consistentiam, tum penes affectionem seu relationem id à tempore seiunctum esse oportet. Porro, mentem omnem penes consistentiam à corporibus segregatam esse in confesso est, cum substantiam habeat, quæ à quouis corpore segregari, & separari potest. At verò & penes habitudinem ab iisdem est

“ segregata. Nam egregiè Aristoteles scripsit in libris de Anima: Quam corporis

“ partem, aut quomodo mens continebit, vel cogitatione fingere haud facile est. Cum igitur mens omnis sit supra tempus, nonnullæ autem aut certè omnes translauiam intellectiōem habeant, vt quæ aliud quidpiam prius intelligant, & aliud posterius, certè efficitur, vt non quicquid quomodo prius habet, & posterius, protinus id sit temporis significans. Præterea, etsi secundùm Platonis sententiam, vnâ cum cœlo factum est tempus, vt simul nata, simul etiam dissoluatur, si vlla horum vnquam futura est dissolutio, perspicuum est, quòd si quis

mente & cogitatione concipiat non esse Mundum, neque tempus erit. Contingit autem, atque adeo necesse est, ut etiam si non sit Mundus, sint tamen substantiae intelligentes: neque enim in habitudine ad corpora suam habent consistentiam, ut sublati cogitatione corporibus, intelligens quoque tollatur substantia. Nam etsi quispiam simul omnia consistere concefferit, hoc est intelligentes naturas simul & corpora, nullo modo absurdum erit (ut alibi de Proclo audiui-
mus) quæ simul sunt, cogitatione separare, ut peruideamus quid unicuique earum rerum, quæ sunt simul, à natura sua insit, & quid à coniunctione atque habitudine quam habet ad alium. Cogitatione igitur Mundus tollatur de natura rerum, maneant autem incorporeæ & intelligentes naturæ, cuiusmodi est nobis animus. Mundo igitur non constante nihilominus mens transitiuam intellectionem ipsa per se habebit: hæc est enim eius natura, ut aliud prius, & aliud posterius concipiat. Nam si à tēpore aut à corpore mens omnis habet, ut transitu concipiat, à corporibus autem mentis substantia separari potest, continget profectò, ut mens cum ipsa per se erit, sine transiitione & sine partibus conferum simul omnia cernat. Nam si ut res cernat & contempletur cum transitu, habet à relatione & habitudine ad corpus, certè ipsius per se sine transiitione est actio secundum naturam. Quare etiam ad hunc modum interdum aget, nisi frustra hæc habeat essentialē facultatem. Ad hunc modum autem si agat, & simul omnia quæ sunt, concipiat, fiet, ut hac ratione à diuina & efficiente mente non differat. Quod dictum est obtusum. Quare si ipsi cōsintentur transitiuam esse actionē mentis essentialē, & ideo in notione prius esse & posterius, sublata autem cogitatione corporum naturā, tempus quidem vnā tolli est necesse, mentem verò non item, profectò cogitatione sublato tempore prius & posterius esse possunt. Quare si quicquid quoquomodo prius dicitur aut posterius, vim habet temporis significandi, fiet profectò, ut cum tempus non erit, sit tempus, quantum in Procli sitū est hypothesebus. Si hoc igitur & absurdum est, & eiusmodi, quod fieri non possit, non certè ubi est prius & posterius, ibi protinus tempus esse est necesse. Nam hoc modo fieret, ut intelligentes omnes substantiæ temporis subiicerentur, ut docuimus. Neque verò intelligentes tantum substantias, sed ipsum etiam temporis autorem & opificem Deum temporis subiiciemus, si hac hypothesi niti velimus. Hoc enim modo res excutitur. Globi coelorum alius alio temporis intervallo, cursus suos & orbes conficiunt. Eius enim globi, qui Aplanes dicitur, conuersio est concitatissima, ut quæ ab eodem puncto intra viginti quatuor horas ad idem circumducitur: Luna autem mense suum absoluit circulum: Sol verò & qui pari cum eo celeritate progrediuntur, Veneris cursus, & eius, cui Mercurii nomen tribuunt, anni spatio suos orbes conficiunt: qui autem Martis esse dicitur, duos propemodum infinitos annos, Iouis verò duodecim: Saturni denique stella non ante triginta annos conuersionem suam absoluit. Atque huius nimirum ab eodem puncto ad idem punctum differentis conuersionis celestium orbium autor & causa est ille rerum omnium effector & parens, qui nullo interiecto tempore Mundum in naturam produxit, ut & Plato asserit, & assentitur Proclus. Ponatur igitur omnes planetas simul in eodem puncto fuisse, ut in

Arietis, aut alius cuiusvis signi principio. Neque enim hoc tale est, quod fieri nequeat, sed quod euenire possit, atque adeò necessarium, aut iam aliquando factum fuisse, aut certè aliquando futurum. Hinc igitur est perspicuum, globum, qui dicitur Aplanes, omnium primum ad idem punctum reuocatum iri, secundo loco Lunam, tertio Solem, & qui eum celeritate consequuntur, quarto ab his loco stellam Martis, quinto Iouis, postremo denique Saturni. Neque verò ad hanc demonstrationem quicquam retulerit, si non in eodem loco omnes esse posuerimus, sed alius alibi, ut sors tulerit, fuerit collocatus. Eadem enim quadrabit ratio in cuiusque ad suum punctum reditione: sed perspicuitatis gratià omnes ab eodem puncto circumiri eundem incipere posuimus. Quod & factum esse aliquando, & futurum esse est necesse: & maximè secundum eos, qui Mundum sempiternum esse constituunt. Etenim nunc quoque nostris temporibus ducentesimoquadagesimoquinto anno Diocletiani in eodem Tauri signo septem errantes stellæ fuerunt, etsi non in eadem parte omnes. Quare ut omnes in eodem sint puncto, euenire potest. Vtrum igitur qui hæc in ordinem digessit, & fabricatus est Deus, vniuscuiusque conuersionis ad idem punctum reuocationem nouit, an non? Quod si non nouit, ordinem ille ignorabit, cuius ipse est autor.

“ Quamquam in Timæo dicitur, quod ubi moueri & viuere sempiternorum deorum factum à se simulachrum intellexit Pater, qui procreauit, opere delectatus est. Atque hac ductus lætitia, adhuc magis exemplo simile reddere, atque perpolire cogitauit. Quod si moueri intellexit, & ob id necessariò præterea intellexit quando vnaqueque conuersio ad idem restitueretur, perspicuum est, quod prius cognouit orbem stellarum fixarum ad punctum idem esse reuocatum, deinde Lunam, tum Solem, ab hoc Iouem, & reliquos deinceps suo quemque ordine. Quod si alium priorem eidem puncto restitutum esse cognouit, alium autem posteriorem, est certè in ipsius quoque opificis intellectionibus prius & posterius, atque *Erat*, & *Erit*, in quo autem prius est, & posterius, & *Erat*, & *Erit*, in eodem est etiam Tempus, ut Proclo videtur, erit certè in temporis opifice Deo etiam tempus. Neque verò in cognitionibus tantum conuersionum cœlestium prius habebit opifex & posterius, sed etiam in voluntatibus, quæ in ipsi conuersionibus cernuntur. Adparet enim, quod quando Aplanes globus cursum suum perfecit, tum Deus ipsum conuersum esse volebat, reliquos autem nondum planè conuersos volebat. Nam si reliquos conuersiones suas absoluisse volebat, cur non absoluerant? Non igitur, quod Proclo videtur, simul cum Dei voluntate res erunt in natura. Præterea si semper Vniuersum in ordinem adducit Deus, semper certè ipsum vult ordine componi: vult igitur ipsum in eum modum, quem diximus, motu cieri. Hoc enim illi ordo est & compositio. Quod si hoc ita habet, vult certè ad idem signum reditionem in conuersionibus globorum cœlestium hoc ordine fieri, ut hic sit primus, ille secundus, ille tertius, atque ita deinceps eo ordine, quem diximus. Quare cum primus globus ad idem punctum erat reuocatus, secundum Mundum reuocatum esse volebat, & quando secundus, nondum tertium, & in reliquis eodem modo. Quod si non simul omnes ad suum punctum reuocatos esse volebat, quando nimirum vnusquisque est resti-

tutus, cum ipsum restitutum volebat. Quare si hoc sit, & alius orbis primo loco conuersionem absoluit, alius secundo, alius tertio & quarto, & deinceps pro cuiusque ordine, in Dei certè voluntatibus, quemadmodum & in conceptionibus, sunt prius & posterius, & *Erat*, & *Erit*, & ob id etiam tempus, quantum certè in horum syllogismorum vi (quam scilicet vitare nemo potest) est positum: idque etiam si sempiternum Mundum quis esse constituerit. Præterea, vtrum Deus, quod futurum est nouit, an non? Nam si non nouit, quod futurum est, nihil cognoscet quod sit præsens. Si enim præsens ita cognoscat, vt futurum ignoret, vel hominibus erit deterior: nam per multi homines futura nouerunt. Quare efficitur, vt si in singulis rebus nouerit præsentia, futura quoque intelligat, ne hominibus sit inferior, fortasse etiam animantibus ipsis rationis expertibus. Nam in his sunt multæ, quæ futuri sensum accipiunt, vt græues hyemem fugientes imminuentem, & aliæ quamplurimæ. Sin verò neque præsens, neque futurum nouit, omnia in totum ignorabit: neque enim cognoscet, quod præteritum est: hoc enim prius fuit præsens. Qui autem id quod est, esse nescit, multò certè magis quod non amplius est, an fuerit vnquam, ignorabit. Quare neque sciet, an Mundus sit, quem ipse procreauit: instans enim fuit Mundus. Et omnia in instanti temporis puncto, quod *Nunc*, dicitur, suam habent naturam & consistentiam. Et Mundus, qui vnà cum temporis segmentis diuiditur, temporis partes admittit, *Erat*, *Est*, & *Erit*, vt iam sæpe de Proclo audiuius in illis ipsius verbis, quæ citauimus ex apologia, quam ille pro Timæo scripsit aduersus Aristotelem. Cum igitur Mundus & præsens habeat, & præteritum, & futurum, futurum autem ignoret Deus, neque omnino an sit, qui ab ipso conditus est Mundus, intelliget. Nam si vt futurum non nouit, neque an præsens fuerit, intelliget. Sed quid alia commemoro? Nec seipsum quidem an omnino sit, cognoscet, siquidem præsens ignorat: est enim & ipse. Quapropter nihil distabit à natura. Nam illa cum corpora faciat, & seipsam, & illa quæ fiunt, ignorat. Fortasse etiam multò deterior erit, quàm natura: siquidem in ratione præditis animantibus natura ducem habet mentem prælucentem, quæ & seipsam, & illam naturam, & omnia cognoscit. Vbi autem illud collocabimus?

Vasta maris spacia & numerum superantis arena

Diminuo mensus, mutique exaudio voces.

Vbi autem illud:

--Dij omnia norunt.

Et idem illud:

Omnia plena Deo: passim Deus explicat aures:

Saxa subit, terræq; latentia viscera tentat:

Et meditata hominis sub pectore tecta recludit.

Quod si futurum nouit, nihil autem quod Vniuersum sit, est ita futurum, vt nondum sit nisi secundum perpetuam procreationem, vt Platoni videtur: res autem singulæ, quæ nondum sunt, sunt illæ quidem futuræ. res igitur singulas quoque nouit Deus, potius quàm vt eas ignoret: sicuti de Deo impiè sentientes apud Græcos nonnulli theomachi veriùs, quàm theologi, Deum dixerunt res

singulas ignorare: tantum non Comicum illud dicentes: Disne orti tantum superesse putas, illis ut liceat bona cuique & mala quotidie distribuere? Porro, qui Deum res singulas ignorare dicit, unam providentiam eius in illis administrandis omnino tollit: neque enim iis providebit, quæ ab eo ignorantur, ut rationis expers natura. Cæterum, ex verbis, quæ tum ex Proclo, tum ex Plotino proposuimus, cognitum habemus, & futurum novisse, & ad res usque maxime indiuiduas, Dei Providentiam cognitionemque pertinere. Quare si futurum novit Deus, id novit certè, quod nondum præstò fuit, sed adhuc futurum est, ut sit. Verum ubi primum futurum factum est præsens, novit omnino iam instans esse, nec amplius esse futurum. Et si interierit (principium enim habet, quo esse coeperit) iterum novit non amplius esse in natura. Illa igitur cognitio, qua novit futurum esse, & nondum constare, prior est ea, qua novit iam esse præsens. Et hæc rursus prior erit ea, qua novit interiisse iam, nec amplius esse in rebus. Erit igitur in Dei quoque cognitionibus prius & posterius, & ideo etiam tempus. Quare si ubi prius est & posterius, quomodocunque vocatur, ibi omnino tempus esse volunt, prorsus est necesse, nec naturas intelligentes, nec ipsum temporis effectorem à temporis conditione liberari. & præterea fiet, ut tum sit tempus, cum non est tempus. Quod si hæc ad hunc modum absurda sunt, & quæ fieri non possunt, non certè ubicunque est prius & posterius, ibi necessariò erit tempus. Si igitur secundum ea, quæ theologicè, & verè disputata sunt, Dei cognitionem & voluntatem uniuersaliter in uno impartibili consistere intelligendum est, & vnus esse boni, aut potius ipsum esse verum bonum, utque in multitudine aut in dimensionem non diffunditur unum cum rebus, quæ in naturam producuntur, & intelliguntur, neque apud Deum quicquam esse futurum, est intelligendum, sed ea etiam, quæ nondum sunt cogitatione anticipata, ut si iam essent, sic præstò esse semper, ut probè in theologicis disputationibus commentatus est Plotinus. Aut si idcirco quia hæc tempore discreta sunt, & interdum sit, interdum verò non sit tempus, ob id volunt ut nos ipsum quoque Deum tempori subiiciamus: quia ipse hoc interdum esse velit, & interdum non esse: sic habento, quòd, quantumvis sempiternus Mundus esse concedatur, suis ipsi tamen capientur aliis, non in hæc tantum absurda, sed in multò plura incidentes, ut nos docuimus.

- V. G V M sit igitur suprà demonstratum propter Dei voluntatis uniformem & impartibilem rationem, esse necesse, ut id sit, quod in ordinem est adductum, non omnino tamen esse necesse, quia in Deo voluntate ipsum semper inest, ideo in ipsis rebus inesse, & semper, & cum verum sit, velle Deum, ut nunquam sit, quod immoderatè & perturbatè moueatur: ex hisce quidem conficitur, neque ante adductum in ordinem id fuisse, quod ordine caret, & ob id esse verum, post inordinatum non id initium sumpsisse, quod ordine compositum est & digestum. Neque enim omnino ipsum erat inordinatum, neque post ordinatum id futurum est, quod perturbatum est, & ordine confusum. Et ideo quod ordine compositum est, ante inordinatum finem non habebit. Quandoquidem nec post ordinatum id erit, quod erat incompositum: non tamen quia neque post inordinatum habuit principium, neque finem habebit ante idem inordinatum id quod ordi-

ne compositum est, efficitur propterea, neque principium habuisse, neque finem esse habiturum. Nam quod adductum est in ordinem, & quod est inconditum, alterna esse esset necesse: ut si vnum non sit, alterum sit necessario, probè concludisset Proclus, si inordinatum neque præcessit quod est ordine compositum, neque ipsum est insequutum (cum nunquam sit quod est inconditum) ipsum ordinatum semper esse futurum sine principio, & sine fine cōstans. Quare cum omnino non fiat, ut id sit, quod est inconditum & inordinatum (quoniam neque casu neque vlla alia causa consistit. Deus enim cum quamque rem in naturam producit, cum decenti ordine eam producit) post inordinatum principium non habebit ordine digestum; quoniam nec fuit omnino inordinatum: sit nihilominus tamen, ut principium obtineat, neque verò quod ordine est compositum, ante inordinatum finem habebit. Neque enim vllō modo erit vnquam ipsum inordinatum. Finem tamen ut habeat contingit. Inordinatum autem & incompositum id dico, quod composito & ordinato est contrarium, hoc est, perperam ordinatum. Ut informem intelligimus deformem: sic inordinatum accipimus, id quod est naturali ordine destitutum: perinde ac si quis Vniuersi ordinationem confusam atque conturbatam cogitatione concipiat. Ad hunc igitur modum inordinatum accipio, non autem secundum omnifariam priuationem eius, quod ordine digestum est: ut cum inanimatum dicimus, quod est anima destitutum: & illiteratum, literis destitutum. Nam quod ad hunc modum dicitur inordinatum, nihil vetat esse ex vtraque parte ordinari. Hoc autem est id, quod non est: cum naturā caducum sit id, quod adductum est in ordinem. Quidpiam autem non esse, non omnino est malum, ut in sexto argumento docuimus. Est igitur optabilis omnino non esse, quā esse malè: & in rebus singulis interdum vnamquamque non esse non malum.

H A E C igitur in decimum sextum Argumentum abunde satis nobis disputata sint: in iis autem, quæ in hoc eodem argumento sequuntur, perbellè conficit Philosophus, voluntatem Dei, tum eam, qua vult nō esse inordinatum, tum eam, qua vult esse ordinatum, vnam esse & eandem, non duas. accepro tamen, ut in hypothese & conditione, duas illas esse, eam, qua inordinatum non esse vult, aut voluntatem esse absolutiorem, & Deo longè conuenientiorē: eam verò, qua id esse vult, quod in ordinem adductum est, remissam esse & imperfectiorem, & minùs illa superiore Deo conuenientem: idque confirmare conatur, eò quod ait, voluntatem ut non sit, inordinatum de eo esse, ut sit bonum. Nam cum Deus constituisset, inquit Plato, Mundum bonis omnibus explere, mali nihil admiscere, quoad eius natura patereitur, quicquid erat, quod in cernendi sensum caderet, id sibi adsumpsit, non tranquillum & quietum, sed immoderatè agitatū, & fluctuans: idque ex inordinato in ordinem adduxit: hoc enim iudicabat illo modis omnibus esse præstantius. Dei autem, inquit, voluntas ut id sit, quod in ordinem adductum est, eò pertinet, ut non sit ipsum malum. Est autem tum diuinius, tum Deo conuenientius, velle esse bonum, quā nō esse malum. Quare inquit, cum voluntas ut non sit inordinatum, eò pertineat, ut sit bonum, altera est perfectior, & quæ Deum magis deceat. Verum in hæc pluribus inquirere, nihil no-

stra fortasse retulerit, tum, quia hæc disputatio, vt in hypothesi tantum à Proclo est agitata: tum, quia iam à nobis confutatum est propositum argumentum. Nihilominus tamen docebimus, parum probabiliter hæc à Philosopho dicta esse videri. Nam si in hypothesi duas omnino Dei voluntates esse concesserimus, multò diuiniore erit ea, quæ vult id esse, quod digestum est in ordinem, quàm ea, quæ vult non esse inordinatum, propter eam ipsam ratiocinationem, quæ ab ipso Proclo est explicata: rem enim vnâquâque ex sua ipsius natura potius iudicare decet, quàm ex iis, quæ consequuntur. Si igitur inordinatum & incompositum malum, ordinatum autem bonum, voluntas ceterum id sit, quod in ordinem adductum est, suapte natura quod bonum est, suscipit: consequitur autem, vt velit non esse malum. Nam vt simul sit bonum & malum, fieri non potest. Ea verò voluntas, quæ vult non esse inordinatum, suapte natura habet velle non esse malum: consequitur autem, vt velit esse bonum. Quare si cuiusque proprium characterem ex sua ipsius natura spectare decet, non autem ex eo quod consequitur statim, & ex sua natura præstantior & diuiniore erit ea, quæ vult esse ordine digestum, quàm altera, hoc est, quàm ea, quæ vult non esse incompositum. At verò etiam si ex iis, quæ consequuntur, vnâquæque voluntas spectanda sit, etiam syllogismo ad hunc modum confirmabitur, voluntatem vt sit ordinatum, potius esse ea, quæ eò pertinet, vt non sit indigestum. Nam voluntas, quæ eò refertur, vt non sit incompositum, ideo instituitur, quia sit bonum, bonum autem hic aliud nihil dicimus, quàm quod est ordine compositum. Voluntas autem vt sit ordinatum, ideo suscipitur, quia non sit malum. Voluntas igitur vt non sit inordinatum, ex eo est, quia non sit malum. Rursus si vt sit ordine compositum, ideo est voluntas, quia non sit malum, & iterum malum aliud hic nihil accipit. Plato, quàm inordinatum: voluntas autem vt non sit inordinatum, ideo est, quia sit bonum, ceterum voluntas vt id sit quod conditum est, & ordine compositum, ideo est, quia est bonum. Quare ad hunc quoque modum probatum est, hanc altera esse potius. Verumenimvero Plato non solum quia bonum est, Deum non esse inordinatum voluisse dixit, vt adfirmat Proclus, sed etiam quia non est malum. Cum enim, inquit, veller mali nihil admiscere, bonis autem, quoad naturam pateretur, omnia explere. Qui sit igitur vt Proclus, voluntatem vt non sit inordinatum cum dicta sit suscipi propter vtrumque, ipse separans, propter alterum tantum, nempe quia bonum sit, esse dixerit? Quare idem quoque Plato vtramque voluntatem in vnum coniunxit: siquidem velle non esse inordinatum, non solum instituitur, quia bonum sit, hoc est, id quod est digestum in ordinem, sed etiam, quia non sit malum, hoc est, quod ordine est indigestum. Ex Platonis igitur opinione, non duæ, sed vnica est Dei voluntas differentibus nuncupata nominibus.

PROCLI DIA DOCHI

Argumentum decimumseptimum.

DECIMASEPTIMA ratio est, quæ Aristotelicorum pronuntiatorum nos comonfacit, quod ea multò antè Platonica fuerint, ea sunt eiusmodi: Quicquid natum est, id etiam interire natum est. Et quicquid ortus est

expers

expers, expers est & interitus. Horum enim alterum in Repub. alterum in Phædro pronuntiat. Verum quoniam id omne, quod natum est, manet interitum, inquit Socrates (Musarum personā referens) & quoniam generatum non est, interitu quoque carere est necesse, ait ille. Posteaquam principium omne ortu carere probauit, ideo interitu id vacare volens, quia non est generatum. Nam cum hæc vera sint, etiam est necesse, quicquid interit, esse generatum. Nam si non generatum sit, interire non poterit quod obnoxium est interitui: quod fieri non potest. Et præterea, quicquid expers est interitus, non nascitur. Nam si nasceretur, id interiret, quod interire non potest. Cum hæc igitur consequantur necessariò, si Vniuersum expers est interitus, vt ex iis, quæ proposuimus, est perspicuum. Nam immortalium, inquit, ipse est opifex, quod autem immortale est, occasum non agnoscit, nec interitum, vt in Phædone dicitur. Haud enim tenere quicquam aliud expers esset interitus, si quod immortale est, non esset eiusmodi, inquit Cebes, & consensit Socrates. Quare si quicquid ab illo opifice factum est, occidere non potest (nam quod ab illo factum est, immortale est: hoc autem nequit interire) ortus quoque expers ipsum esse est necesse, per ea certè, quæ duobus præcedentibus enuntiatis docuimus esse consequentia: quorum vnum est, quicquid natum est, interire: alterum, quod natum non est, non occidere. Quare non tantum secundum Aristotelem, sed secundum Platonem quoque necessariò confirmatur hisce duobus propositis Mundum nec natum esse, nec interiturum. Nam quoniam quod inordinatum est, non est natum, quod autem in ordinem est adductum, non interit, erit inordinatum ordinato præstantius. Quemadmodum enim quod non nascitur ad id est adfectum, quod nascitur, sic quod non interit, adfectum est ad id quod interitus est particeps. Quare & permutata ratione: vt id quod non generatur se habet ad id quod non occidit, sic quod gignitur se habet ad id quod est interitui obnoxium. Et vt quod gignitur, adfectum est ad id quod interit, ita procreatio adfecta est ad interitum. Vnde efficitur vt si procreatio est præstantior interitu, id etiam quod gignitur, per se eo quod occidit: & quod non gignitur eo quod non interit, sit præstantius. Quapropter si quod inordinatum est, ortu caret, & particeps est interitus: quod autem digestum est in ordinem, exors est occasus, & particeps procreationis erit quod inordinatum est ordinato præstantius. Et qui ex inordinato ordinatum faciet, ex meliore faciet deterius. Nempe ex eo quod non gignitur, & est particeps interitus, id efficiens quod deinceps est generatum, & expers interitus. Non igitur vnum eiusmodi erit, vt non nascatur & subeat occasum, alterum autem nascatur, & nesciat interitum, aut contrà. At verò neque malus est opifex. Quare non obnoxium interitui, quod digestum est in ordinem. Atque si ex inordinato sit quod ordine est compositum, non exors interitus est inordinatum. Non enim est si ordinatum conllet: aut vtrunque ortui & interitui subiectum est. Verum seu nascatur inordinatum procreatum erit ex ordinato, seu corruptatur quod ordinatum est, qui ordine compositum interimit, aut non probe & concinne digestis, & ita fiet vt non sit probus, aut id perimit quod concinne digestum, atque colligatum est, atque ita erit improbus. Verum hæc eiusmodi sint


omnia quæ fieri non possunt. Non igitur ordinato antecessit inordinatum.
 Quare procreationis expers est quod adductum est in ordinem, & eodem modo exors interitus.

Capita solutionis decimiseptimi Argumenti.

- I. Quod propositum decimumseptimum argumentum, idem est cum sexto. Et quidnam inter hoc inter sit & illud. Et quenam in utroque syllogismorum sit ratio.
- II. Quod propositum argumentum unâ cum sexto simul reprehensum fuit, & brevis eorum quæ ibi dicta fuerunt repetitio, quod ei quod secundum naturam suam expers est interitus, non autem ei quod aduentitiam habet immortalitatem, consequens est ut non sit ortus.
- III. Quod ex Platonis verbis quibus natus Mundus esse dicitur, magis oportuit conficere eum non expertem esse occasus, sed interitus esse obnoxium, quàm ex eo quod ipsum non interire dicat colligere non esse natum.
- IIII. Quod ipse sibi consensiens est Plato, tum quando ait, quicquid generatum est, interire, tum cum dicit, Mundum esse natum, & non interiturum: & quod non quicquid caret interitu, procreationis est expers.
- V. Galeni testimonium ex libris De demonstratione, quo confirmatur quod non quicquid caret interitu, prorsus est necesse ut expers sit procreationis. Et quod Plato huius quoque est opinionis.
- VI. Quod in iis quæ sequuntur nec rectè nec Platonis proposito consentanea colligit Proclus.

DECIMISEPTIMI ARGUMENTI

PROCLI SOLUTIO.

- I.  OC quoque argumentum idem est cum sexto. Nam ibi quoque cum ut Platonicum adsumpsisset: Quicquid natum est, interire: & item ex Platonis opinione Mundum non interire (Nam quod probè colligatū est, inquit ille & bene se habet, velle dissolvere, haudquaquam est probi) ex his per conuersionem cum oppositione confecit, quod si omne quod natum est, interit, si quid non interit, id natum non est. Quare si de Platonis sententia non interit Mundus, perspicuum est quod secundum ipsum ortus non est. Ad hunc igitur modum in sexto, in hoc autem eadem iterum propositiones adsumpsit, tum quod natum est, interire, tum Mundum non interire. Quod autem id quod non interit ortu careat, non per conuersionem cum oppositione, ut in illo, sed ex alia quadam Platonica enuntiatione confirmavit. Ait enim ille: Quicquid non est generatum non esse capax interitus. Ex hoc igitur, & ex eo quod quicquid nascitur interit, colligit id quod caducum est, ortu carere non posse, neque quod non interit, oriri, ut retrosum committet veraque negatio. Et quemadmodum occidit id inne quod ortum est, sic ortum sit id omne quod occidit: & rursus, quemadmodum quod natum non est, interitus est immune, sic id omne quod caret interitu subiectum non sit nascendi legibus. Quod igitur id omne sit ortum quod corrumpitur, ad rem absurdam compulsionem collegit ad hunc modum. Si non verum est quicquid obnoxium est interitui, esse natum, sed quisquam sit qui adfirmet, fieri posse ut quidpiam sit caducum quod generatum non sit, quoniam omne id, quod ortum non est, interitus est im-

est immune, fieri certè potest vt quidpiam quod caducum est, expers sit interitus: quod in tertio modo primæ figuræ concluditur. Est enim ratio concludendi eiusmodi: Aliquid caducum ortus est expers: quicquid ortus est expers, exors est interitus, aliquid igitur caducum exors est interitus. quod est absurdum. Non igitur fieri potest, vt quicquam caducum natum non sit. Quod si nihil caducum ortu caret, necesse est autem omnia aut nata esse aut non natà, efficitur, vt sit necesse, quicquid est caducum, natum esse. Eodem modo quicquid expers est interitus, ortum non esse conclusit. Nam si quispiam dicat fieri posse, vt quicquam expers interitus, sit natum, quoniam quicquid est natum interit, aliquid certè expers interitus est caducum, quæ res est absurda. Quare si hoc dictum est obtusum, nihil certè interitus expers est natum. Aliòqui enim absurdum est consequutum. Est igitur omne quod non occidit, procreationis expers. Confirmatum est igitur omne caducum esse natum, & omne quod non occidit, procreationis esse immune. Quare, inquit, si interitus expers est Mundus secundum Platonem, perspicuum est certè eum ortum non esse. Cùm igitur decimumseptimum argumentum idem sit cum sexto, & sola ratione concludendi differant, oportuit Philosophum secundum axioma, quod in hoc adhibuit ad confirmationem eius quod habet, id non esse generatum, quod expers est interitus, etiam sexto addidisse, vt hoc nihil indigeret. verùm opinor multitudine argumentorum lectores fallere volens, paucis additamentis voluit nobis eadem argumenta duplicare, vt in aliis quoque docuimus.

CV' M igitur hoc cum sexto sit idem, planum est vnà cum illo hoc quoque I. I. esse reprehensum. Nihil enim refert vtrum per conuersionem cum oppositione probatum fuerit, quod caret interitu, non esse generatum, an eo modo quem nunc exposuimus. Porro captionis causa, vt ibi diximus, est ambiguitas, & quòd sine distinctione accipiantur ea, quæ à Platone cum distinctione dicta sunt. Nam immortale & expers interitus, bifariam dicuntur. Aut enim est id quod secundum suæ naturæ rationem immortalitatem habet: nempe quod rationem non continet mortis & interitus. aut certè quod interitus & dissolutionis est capax, aduentitiam autem immortalitatem extrinsecus adipiscitur. Quemadmodum ipsum bonum est duplex, & alia complura, vt album, vt calidum: vnum quidem quod cum substantia eius in quo est, ita cohæret, vt eam ex parte constituat: quæ admodum calor cum ignis substantia coniunctus est. Alterum autem extrinsecus accedens, vt calor in aqua concalescit, & in ferro candente. At verò nigrum quoque aliud est quod alicui rei inhæret per substantiam, vt in ebeno: aliud autem extrinsecus accedit, vt in lana tincta nigrore: & lumen, aliud est secundum substantiam, vt quod est in sole: aliud autem aduentitium, etiam si nonnullis semper adsit, vt lumen, quod ex sole diffunditur in globos sole superiores. Illis quidem semper præstò adest, extrinsecus tamen aduenit. vnde si ipsum solem cogitatione subdixerimus, lumen quoque quod in ipsis est, simul abscedet, vt quod in ipsis inest, non ratione naturæ ipsorum, etsi semper adsit. quare quanuis semper collustrati, quia perpetuò adest quod collustret, suæ tamen naturæ ratione lucis sunt expertes. Quemadmodum igitur duobus modis vnumquodque horum enuntia-

- tur, vno modo vt in natura subiecti per substantiam cohareat, altero, vt eidem extrinsecus accedat, sic & quod exors est interitus, duobus modis necessario intelligemus: aut enim id quod per substantiam inest alicui, aut quod eidem est aduentitium, non autem ex naturæ suæ ratione cohæret. Ad hunc enim modum integrâ elementa indissolubilem naturam nunc retinent, non quod eorum substantia naturæ dissolubilis rationem non habeat: contrâ enim, nulla pars est elementi, quæ non actu intereat: sed quod continuatam, ac non interemptam instaurationem recipiant. Nam in locum eius ignis qui interit, alius protinus succedit, & ignis complet integritatem. Et quæ aquæ particula in vaporem expirat, alia aqua nascente suppletur. Atque in terra & aëre res eodem modo se habet. Cum igitur geminum sit, quod caret interitu, si quis docere possit, per naturam suam immortalem, & occasus immunem Mundum Platonem dixisse, necessario consequetur, secundum Platonis ipsius hypothesen, non natum eum esse, etiam si sexcentis ipsum generatum esse dicat. Sin autem contrâ naturâ quidem mortalem eum, & solubilem esse cum confirmatione & demonstratione dicit:
- “Quoniam enim (inquit) orti estis, haudquaquam estis indissolubiles, neque prorsus immortales. Quod autem sit generatus ex eo confecit, quod cernatur, & tangatur, & sit vndique corporatus, & præterea adscititiam immortalitatem, & instaurationem ab eo qui semper est, ei dicit accedere, quid quæso amplius est necesse, cur aduentitiæ & non naturali immortalitati procreationis exors naturâ sit consequens? Contrarium enim consequatur oportet. Nam quæ aduentitium
- II quidpiam habent, contrariorum secundum naturæ suæ rationem sunt capacia: sic enim aër & lunæ globus cum aduentitium lumen obtineant, tenebrarum sunt quoque capaces, atque adeo harum interdum sunt participes. Docuimus autem in fine primi argumenti, quod etsi orbibus superioribus lumen perpetuò sit præsens, ipsum tamen naturâ sua est caducum: sic animæ nostræ cum adquisitas & extrinsecus adscitas habeant scientias, inscientiarum quoque sunt participes. Merito igitur Plato dum Mundo aduentitiâ immortalitatem accedere dicit, naturâ caducum eum & solubilem esse pronuntiauit.
- III. I A M verò quis non videt versutum facinus & à Philosophi moribus alienum esse, vt is qui ex Platonis enuntiatione ponat, quicquid natum est, interire, & Platonem audiat suis decretis consentientem palam dicere: Quoniam orti estis, haudquaquam estis immortales, neque prorsus indissolubiles. hoc quidem prætermissum de industria silentio præterire, simpliciter autem dictionem ita arripere vt Mundum dissolutum iri enuntiet: idque cum ea non dicta sit sine distinctione: atque hinc conficere neque fuisse natum, cum ille apertè ortus competentem atque adeo procreatum fuisse dixerit. Quanquam si de duobus alterum reiiciendum & improbandum fuisset, aut ex eo quod Mundus non sit interiturus, ipsum natum esse, aut ex eo quod natus sit, exortem esse interitus, multò certè decentius erat & rationi conuenientius, cum simpliciter & sine vlla determinatione à Platone dictum esset Mundum esse natum, cum determinatione autem manere indissolubilem (nam naturam dissolubilem Mundum habere non dixit, sed aduentitiâ æternitatem, naturâ autem magis esse dissolubilem, quia sit ortus)

si ortus) decentius inquam fuit, improbare ipsum esse indissolubilem, siquidem omnino est verum, quicquid est natum, esse caducum, & Plato palam dixerit, quoniam natus est Mundus, eum neque indissolubilem esse neque immortalem, quam ex eo quod non dissoluetur, natum eum non esse conficere. Nusquam enim Mundum naturæ esse expertis interitus Platonem dixisse comperias, sed contrā: neque eum immortalem esse neque indissolubilem: tamen cum dissolubilis sit, nunquam dissolutum iri dicit. Verum inter hoc & illud multum interest. Nam interitus expers significaret id, quod ne rationem quidem habeat intereundi. Non autem interiturum non ideo necessario non interit, quia rationem interitus non contineat. Fieri enim potest ut quia quæ lassescunt & fatiscunt, perpetuitate quadam instaurantur, id non intereat quod naturā capax est interitus. Eiusmodi autem Mundi esse immortalitatem satis planè enuntiavit, Plato. Nam cum naturā mortalem & caducum adquisitivam atque instaurativam immortalitatem ab ipso opifice obtinere dicit.

N. O. S. igitur nihil eorum quæ à Plarone dicuntur reiiciemus, neque ut quæ III. nol. is, non quæ ipsi videntur, confirmemus, in discordiam & repugnantiam hic ipsum calumniosè compellemus. Est enim ipse sibi sanequam consentiens, tum quando quicquid natum est, caducum esse dixit, & ideo quia generatus est, esse quoque caducum, tum quando immortalitatem eius non à natura sed à Dei voluntate pendere ait: hoc enim ipso quod adscitam habeat immortalitatem, caducum esse ostenditur. Nam si ex natura in dissolutionem ideo quia generatus sit, non dilaberetur, nihil extrinsecus immortalitatem instaurare esset opus. Quare, etsi in sempiternum permaneat incorruptus, ipsi tamen quia natus est, consequens est ut sensim & pederentim dissoluatur, id quod Dei consilio & voluntate instauratur & quasi retextitur. Nam si cogitatione eum separauerimus, qui huic instaurativam immortalitatem dedit, prorsus evanescet, nec ipse se in perpetuitate continere poterit. Quare etiamsi Plato dicat ea esse immortalia & intereccionem non subire, quæ ab opifice facta sunt: eo tamen, quem diximus, modo ea immortalia permanere dixit. Quoniam cum sola voluntate vniuersum contineat qui ipsum procreavit, omnino est necesse, ut cum constans & immorta permaneat, ea quoque immortalia permaneant, nempe aduentivam ex diuina voluntate, non autem à sua naturā immortalitatem consequuta. Nos autem ad hunc modum dicere cum Platonis sententiā interpretamur, necesse habemus, nisi reuera Platonem eò compellere velimus ut pugnantia fuerit eloquutus. Dixit enim: Immortales haudquaquam estis neque prorsus indissolubiles. Quomodo igitur fieri potest ut dicat immortales esse & non immortales, solubiles & non solubiles, nisi hoc quidem naturā, illud verò Dei voluntate intellexerimus?

ABVNDS igitur, ut opinor, iis præsertim qui non sint modis omnibus V. contentiosi sed veritatis auctoritatem revereantur, nostra confirmavit oratio, neque quicquid simpliciter manet incorruptum expers esse procreationis, sed id demum quod incorruptum naturā manet, neque Platonem naturā Mundum sine interitu manere arbitrari, & propterea neque ortus esse immunem. Quod si probatorum autorum & fide dignorum testimonis oportet orationem con-

firmare, Galenum, si horum testis dignus cui fides adhibeatur, esse videtur, vi-
rum naturæ rerum peritissimum, & qui non minus Philosophiæ decreta accu-
rate perquisiuit, quàm artis suæ theoremata ad vnguem excussit, nostræ senten-
tiæ testem laudemus. Id igitur in quarto libro eius operis quod conscripsit De
demonstratione, hæc habet ad verbum. Composita est homo Sempiterni. Nam
& ortus & interitus expers est. Vtrique autem alterum est consequens. Nimirum
hoc quoque in loco demonstrans vtrumvis horum adsit, alterum protinus esse
consequens illo adsumpto demonstrauit cuiusmodi esset propositum. Si igitur
probe ab omnibus vt confessum recipitur, & quod procreationis est expers, id
esse consequens quod non interit, id expedientes partim intelligemus pronun-
tatum esse quoddam demonstratione non indigeat, sed primum & quod per se si-
dem mereatur, partim verò ab alio quodam euidente pronuntiato confirmari,
quod paulò ante huiusmodi esse dictum est, si quid procreationis rationem nul-
lo modo continet, illud neque interitus rationem subibit. Quoddam igitur quicquid
ortu caret, protinus caret & interitu, promptè, & sine vlla hæsitacione recipit
intelligentia. Et si quod est aliud eorū quæ ad notionem sunt euidentia, primum
& tale pronuntiatum: tamen quicquid est expers interitus: id necessariò ortu
carere, indiget quadam determinatione, vt promptè ipsum accipiamus. Quæ est
igitur determinatio? certè vt distinguamus quomodo hoc quiddam interitus
expers cõcedendum sit, vtrum quod neque omnino rationem interitus accipiat,
vt quod absolutè simplex est & perfections expers, an verò vt quod instaurati-
onem immortalitatem obtinuit? quemadmodum de diis in Timæo Plato dicere
videtur, vbi Deum primum cum iis instituit differentem. Est autem hæc eius
dictio: Quoniam generati estis, haudquaquam estis immortales, neque prorsus
indissolubiles, nunquam tamen dissoluemini, neque mortis vlla fata vos peri-
ment, maius est enim ad perpetuitatem vestram vinculum, meum consilium,
quàm illa, quibus estis tum cum gignebamini, colligati. Hoc ipsum autem & in
Politico de toto cælo persequitur. Concipitur enim quidpiam quod etsi natum
sit, nunquam tamen sit interiturum, vt Lacedæmoniorum ciuitas, liceat hoc vt
exemplo; fiet enim vt ea nunquam intereat, quanquam singulas domos & par-
tem vnāquāque eam naturam vt perimantur habere concedamus. Verum
quia fieri potest vt paulatim fiat instauratio, fieri etiam potest vt Vniuersum si-
mul nunquam dissolutum intereat. Neque verò ciuitatem tantum ad hunc mo-
dum permanere incorruptam possumus cogitatione cõcipere, sed vnicam quo-
que domum, si quod in ea fatiscit, instauracionem subinde consequatur. Secun-
dum hanc igitur rationem si quid ortu careat, id omnino exors est interitus: sin
verò careat interitu, nõ necessariò procreationis est expers. Apertè igitur vir ille
neque ei quod quacunque ratione caret interitu, id dixit esse consequens, quod
non nascitur, sed ei demum quod interitus rationem non habet. Atq; Platonem
æternitatem cælo tribuisse ad hunc modum concessit. Verum de his hæcenus.

VI.

I A M verò cum in iis quæ sequuntur rursus acceperit Plato ex inordinato
factum id esse, quod adductum est in ordinem, ipse addit ortu carere inordina-
tum, cum Plato neque generatum, neque non generatum esse vsquam dixerit.

Deinde

Deinde hinc conficit esse quoque caducum. Nam si ex inordinato factum est ordinatum, constante autem ordinato, non constat inordinatum, caducum certe erit inordinatum. Quare ortu caret simul & caducum est inordinatum. Quod si inordinatum, inquit, ortus expers est, & capax interitus, quod autem in ordinem adductum est, natum est & non caducum: melius est autem non natum non intereunte, ut ipse probauit: quoniam procreatio potior est interitu: ex meliore igitur, nempe eo quod ortu caret, deterius hoc est, quod nascitur & non interit, opifex ipse confecit. De Platonis igitur hypothese dictum est, & cum ea ad hunc modum candidè se habeat, rationi erat conuenientius, ut dictum est, hinc colligere quod si quicquid capax est interitus, est natum ut ipse docuit: interitus autem capax & caducum est inordinatum secundum Platonis sententiam & inordinatum sanè natum est. Quare si natum est & caducum, deterius erit ordine composito quod natum est & expers interitus. Verùm si nascitur inordinatum, inquit, ex eo nascitur quod est ordinatum. Primum, hoc non est necesse. Nam sæpe docuimus, non omnino ex eo quod est ea gigni quæ procreantur. Deinde etsi hoc ita se haberet, nunc non inquirimus quid sequatur hanc hypothesein, quæ dicit natum esse inordinatum, sed quid consequens sit ei quod inordinatum interire ex Platonis propositis. Si igitur natum esse consequens est ei quod interit secundum Platonis decretum, interit autem ex ipsius sententia inordinatum, natum certè erit secundum ipsum: nusquam enim ipsum ortu carere dixit. Quod si Proclus inordinatum ortu carere necessariò postulauit, Plato autem ipsum vult euidenter interire (nam quod immoderatè, inquit, & sine ordine mouebatur, ex inordinato adduxit in ordinem) sit sanè ut quidpiam sit ortu carens simul & caducum. Alterum enim Proclus dedit, ortu nempe carere, alterum Plato, nempe interire. Quid igitur vetat & quod in ordinem adductum est, natum esse, non tamen esse interiturum? Alioquin etsi quod ortu caret, eo sit præstantius quod non interit, etiamsi inordinatum non nasci concesserimus: tamen quod expers est interitus, eo quod interit, est præstantius. Quare id quod digestum est in ordinem cum secundum Platonem exors sit interitus, præstantius est inordinato quod subit interitum. Vnde efficitur ut quadam ex parte, ex meliore, nempe ex eo quod non nascitur, & quadam ex parte ex deteriore, nempe eo quod interit adducti in ordinem facta sit procreatio, neque ex meliore simpliciter factum sit deterius, ut ait Proclus. Præterea, si esse præstantius est: quàm non esse, quoniam procreatio melior est interitu, ut ait ipse, & fieri poterat ut inordinatum non amplius esset quàmquam caducum & iam peremptum. Quod autem in ordinem adductum est, fieri non potest ut non sit cum careat interitu. Est igitur simpliciter ordinatum inordinato præstantius. Quare ex deteriore est ordinati procreatio. Verùm inanis opinor & vana tantum est ambitio huiusmodi rationum impostura. Vtile autem & quod rem ipsam attingat, nihil continet. Vnde necesse est nos citius ab huiusmodi rationibus referre pedem, & decebat opinor Philosophum ab initio talia non mouisse. Porro quòd improbus non sit opifex si id perimat quod ordine est compositum, id iam pluribus in sexto confirmauimus. Nam hoc modo prauis essent mundani dii, qui res

singulas ordine compositas, interimunt. Neque verò improborum deorum opifex & procreator probus erit, sed omnino malus. Cum igitur probus sit opifex, probos fecit deos qui sunt in Mundo: hos probos si fecit, proba & ipsi efficiunt, non mala. Quare si res singulas quæ ordine compositz sunt, interimunt illi (nihil enim procreare possunt, nisi aliud perimant, siquidem rei vnus procreatio, alterius est interitus) non certè malum omnino, sed modo quodam etià in bonis est ordinati interitus: quando eas particulas, quæ ad compositorum procreationem mutuò acceptæ sunt, bonum est eis restituere, secundum Platonis sententiam, à quibus mutuò accepta fuerunt.

P R O C L I D I A D O C H I

Argumentum decimum octauum.

SI sub iisdem manere, & eodem statu semper habere se naturis iis demum conuenit, quæ omnium sunt diuinissimæ, ut ipse ait in Politico, certè si opifex in iis est, quæ sunt diuinissima, ei solùm conuenit, ut vnus idem & eodem modo se habeat. Quòd si minus est in maximè diuinis, nos certè ipsam neque semper esse Deum, neque causarum præstantissimam esse concedamus: at verò de Deo hæc nos adfirmamus; sicuti scriptum est in Timæo. ei igitur conuenit ut in iisdem constet & eodem modo se habeat. Nam si quod non semper est, id habebit ut in iisdem constet & eodem modo se habeat: cuiusmodi erit ut non semper sit, & præstantissima si non sit causarum, non erit tale id quod est præstantissimum. Quæ cum absurda sint, necesse est eum, qui causæ præstantissimæ locum tenet, quique est semper, esse diuinissimum: & diuinissimus cum sit semper, in iisdem constet necesse est, & eodem modo se habeat: ei autem quod vnum & idem semper manet, id competit, ut nunquam aliàs aliter sit adfectum. Hoc enim repugnat ei quod in eodem statu manet, & eodem modo se habet. Iam verò ei quod nunquam aliàs aliter adficitur, nunquam conueniet interdum non facere, deinde facere, neque interdum facere, deinde non facere. hoc enim est aliàs aliter se habere, nempe ita ut modò faciat, deinde non faciat: vel ut non faciat modò, deinde faciat. Quod autem nunquam ita est adfectum ut interdum non faciat, deinde faciat: aut interdum faciat, deinde non faciat, id aut semper facere, aut semper non facere est necesse. Nam præter hæc non est aliud quicquam. Extrema sunt enim semper facere, & semper non facere: media autem sunt, ut quod non facit, postea faciat, aut contrà quod facit, postea non faciat. At verò ut nunquam faciat qui opifex est, quia est opifex, fieri nullo modo potest. Opifici enim non conuenit semper esse in otio. Quando enim opifex sit qui nunquam quicquam faciat? Necesse est igitur ut faciat, & in opere sit opifex, idque ipsum fabricetur semper: qui autem semper fabricatur opifex Mundum, semper efficiat oportet. Necesse est igitur Mundum neque principium quo cœperit effici, habuisse, neque finem esse habiturum. Nam si principium habuit, non semper ad Mundi formam adornabatur. Finem autem si est habiturus, non semper adornabitur. Mundum autem semper ad formam Mundi adornari oportet, siquidem opificem oportet semper adornare. quod certè est necesse, si semper eodem modo

modo facit : atque hoc rursus necessarium esse ideo intelligimus, quia in iisdem semper est & eodem modo se habet opifex. Oportet igitur, ut Mundus ita sit Mundus, ut nunquam habuerit principium, neque vnquam finem sit reperturus: & ut sit sine procreatione Mundus, & sine interitu, nunquam natus, & permanens incorruptus. Quare necessario efficitur, ut si semper eodem modo se habet opifex, & manet in eodem statu, Mundus nec nascatur nec occidat. Quapropter quando Plato illud aperte dicit, necesse est Mundum, secundum eum, ortu carere & interitu. Itaq; si Deum adesse Mundo, & rursus ab eodem abesse dixit in Politico, & in Timæo abesse quidem prius, deinde præstò esse (ad hunc enim modum, inquit, se habebat Vniuersum, ut id par erat se habere, à quo abesset Deus) & similiter ambo dixit Plato, & ideo interdum ex inordinato Mundum in ordinem commutari: interdum ex eo, quod ordine digestum est, in id traduci, quod est inordinatum, donec ipsi infederit clauum & gubernacula tenens Deus, non oportuit Atticum ad ea tantum respicere, quæ scripta sunt in Timæo, quæ absentem, interdum præsentem faciunt ei, à quo aberat: sed etiam ad ea, quæ habentur in Politico, quæ præsentem, interdum absentem faciunt ab illo, qui præstò aderat: & quemadmodum per illa ex inordinato ordinem facit, ita per hæc post ordinem inordinatum inducere debuit. Quare si hæc ambo dicat hæc omnia Deo quidem, ut ante Mundum circa ipsum aspectabilem Deum mutationes, quas, sublata cogitatione, constare, eorum est, quæ fieri non possunt. Neque enim cum Deus modo eodem se habeat, Mundum dixit aliàs aliter se habere, quasi per se obtineat, ut aliàs aliter sit adfectus, quod rebus conuenit singulis: verum quia Deus aliàs aliter sit adfectus, Mundum etiam aut inordinatum, aut ordine esse digestum. Cum illud igitur fieri non possit (Deus enim in eodem est statu & eodem modo se habet) fieri non potest, ut Mundus ordinatè & inordinatè sit adfectus. Atque hoc equidem dixerim verè diuinum Platonicæ sapientiæ inuentum esse, quod postulat Mundi naturam procreationis expertem simul & immunem interitus, à sempiterna Dei actione venire, cum ordinis Mundi & inordinati causam, in Dei præsentia & absentia collocarit. Nam si ex sola causa est ordinis & inordinati in parte ipsius Mundi, ipsa autem esse non potest, quia fieri nequit, ut Deus aliàs aliter sit adfectus, ordinem certè simul & ordinis confusionem in Mundo conspiciere, eorum est, quæ fieri non possunt. Quare si Deus eodem modo perpetuò se habet, non interdum Mundo præsens est, & interdum abest. Nisi autem interdum adsit, & absit interdum, non fiet, ut Mundus aliquando ordine sit compositus, & aliquando incompositus. Dei enim præsentia ordinem Mundo conferebat, absentia autem inordinatum. Quòd si non interdum quidem ordine digestus est, interdum autem inordinatus erat, aut erit, efficitur, ut sit necesse, semper esse ordine compositum. Quòd si semper est in ordine, ex infinito tempore in ordine stetit, & in immensum atque infinitum tempus ordinem eum conseruabit. Id quod ipse vel surdis notum faciens, clara voce pronuntiauit, exemplum in omni æuo & eternitate constare: Mundum autem per omne tempus ad finem vsq; fuisse, constare, & esse futurum. Quemadmodum igitur in infinitum est futurus, sic & stetit ab infinito. Neq; oportuit, cum:

vtranq; in partem ex æquo Plato Mundum ipsum proteadât, vt ex æterno fuerit, & sit perpetuò futurus, non inquam oportuit Platonis amicos, partem vnâ facere ex tempore finito, alteram autem in infinitum producere, sed eos decuit Platonis assentiri suffragio. Nam ad hunc modum imitationem æternitatis æui habiturus est Mundus, si non ex dimidia parte obtineat in tempore perpetuitatem, sed in vtranque partem. Hoc autem propositum erat ipsi quo tempus simile efficere, & æterno animanti Mundum constantem per omne tempus. horum igitur summa est & caput, nullum in disputatione de Mundo adeò pium esse, vt Platonem, & eum, quicumque dixerit, Mundum esse inordinatû, si Deus eodem modo non se habeat, vt semper vnus sit & idem, hoc est, si Deus non sit intelligentiâ comprehensus Deus. Nam diis, qui intelligentiâ comprehenduntur, conuenit, vt sub iisdem & eodem modo se habeant. Aut igitur dii sunt ambo, tum Mundus, tum opifex, aut neuter. Nam non Deum efficit illum quidem ordinis confusio, hunc autem id, quod est non eodem modo se habere. Illius autem inordinatio, est ex eo, quòd hic non eodem modo se habet. Neque enim ille alia ratione inordinatus esse potest, quàm si non eodem modo hic aut adsit aut absit. Illum enim huic modis omnibus similem esse oportet. Quare si cogitatione Deus interdum præstò adest, & abest, Mundus quoque cogitatione interdum inordinatus est, & ordine compositus, communem enim ipsi esse cogitationem, est necesse, vt si hic præsens est, in ordinem illum esse adductum: sin abest, non ordine digestum esse necessariò consequatur. Quòd si reuera hic ordine compositus est interdum, & interdum inordinatus, multò priùs reuera ille præsens est interdum, & interdum abest. Nam aliòqui si Mundus ordine digestus esset, aut inordinatus, non esset consequens, illum Deum aut abesse, aut esse præstò, sed contrâ. Quapropter illud prius erit verum, cui hoc consequens esse necesse fuit. Quare si hoc fieri non potest, propterea quod Deus eodem modo se habet, & manet in iisdem, fieri etiam non potest, vt Mundus inordinatus sit interdum, & ordine compositus. Nam quod consequens est ei, quod fieri non potest, necessariò est eiusmodi, vt ipsum quoq; fieri non possit. siquidem ei quod fieri potest, id consequens est, quod ipsum fieri potest: vt tradunt leges Dialecticorum. Vnde intelligitur vt si propositum fuerit tale, vt fieri possit, Mundum nempe interdum esse inordinatum, & interdum ordine compositum, fieri quoq; poterit, vt Deus à Mundo absit interdum, & interdum sit præsens. Quòd si fieri hoc non potest, illud quoque fieri nequit. Semper igitur & Mundus ordine compositus est, & ille Mundo præsens adest, neque ex inordinatò adductus est in ordinem. Neque enim ille cum antè præsens non esset, postea præstò fuit: neque ex inordinato inordinatus erit. Non enim ille antè præsens, postea non præsens erit, atque, secundum Platonem, par & æqualis est necessitas, cur Mundus ortus sit, & caducus: & vt Mundi fabricator non earum sit rerum, quæ maximè sunt diuinæ: quibus competit in iisdem esse, & eodem modo se habere. Si igitur nos, erga illum Mundum opificem pie adfectos esse decet, erga hunc quoque Mundum oportet bene esse adfectos: aut in hoc nos sceleratè gerentes, in illum multò priùs peccauerimus: neque verò in illum solum, sed etiam in id omne, quod diuinum est. Nam si his

omnibus commune est, in iisdem esse, & eodem modo se habere, aut oportet in omnibus hoc ita retinere, vt in opifice quoque eodem modo retineamus: aut si in vno id improbemus, in reliquis quoque credi non oportet.

Capita solutionis decimioctavi Argumenti.

Quod hic Proclus incidit in vitium tautologiae, cum iisdem argumentis hic utatur, I.
quibus in quarto, nono, & decimoquinto est usus.

Breuis commemoratio eorum, quae in quarto & decimo sexto argumento dicta fuerunt, nullum motum & nullam immutationem in Deo intelligi, ex eo, quod opificia interdum sint, & interdum non sint. II.

Breuis item repetitio eorum, quae in decimo quinto argumento explicata fuerunt, Mundum secundum Platonem ad sempiternum eius exemplum retinere similitudinem, etiamsi ab aliquo principio tempus esse cæperit. Et Platonem cum Mundum & tempus naturae suae ratione caduca esse velit, accommodatissime ad Physicæ principium eis dedisse, quo esse cæperint. III.

Quod eidem Platoni contradixit, Vbi ait: Neque enim, cum Deus eodem modo se habet. Mundum dixit Plato aliàs aliter se habere. IIII.

Quod sibi repugnantia proposuit Proclus.

Quod etiam naturae rerum repugnat huiusmodi propositum.

Quod ex his quae cum Plato, cum Proclus, cecesserunt, fieri non potest, ut Mundus sit Deus: quodque Poetarum consuetudinem secutus Plato, Mundum Deum nominauit. V.

Quod in multis locis Poetarum fabulae suae doctrina commiscuit: quanquam ut rationibus non ut fabulis ob causas quasuis iisdem sit usus. VI.

Quod τῶπα, & αἰὲρ, & οὐρανός, hoc est a perpetuo cursu Deum cum dixit Plato nominari, verbo ambiguo eodem cum diis, qui intelligentiâ comprehenduntur, non autem eadem ratione Deum ipsum nuncupat. Unde colligitur, Plat. velle Mundum penes tempus, ortum esse, non solum penes causam: deos autem qui intelligentiâ comprehenduntur, penes tempus tantum, non autem penes causam expertes esse procreationis. VII.

Quod Plato Poetarum fabulas de diu. maximorum malorum causas adferre arbitratus, non vltiò, sed Atheniensium metu ad eas de se rebatur. Quo modo & Mundum Deum esse dicebat non quod ortus expertem esse existimaret. VIII.

Quod non quemadmodum in Politico ex conditione in id quod ordine caret, id commutat, quod ordine est, compositum: sic in Timæo ex conditione ex inordinato ordinatum, procreatum esse dixit. Et quomodo intelligenda sit ex inordinato in ordinem compositi, procreatio. Et quod hanc Platonis opinionem nonnulli referunt ad Empedoclem. IX.

Epilogus vniuersi operis, & eorum, quae sequuntur propositio. XII.

DECIMIOCTAVI ARGVMENTI

PROCLI SOLUTIO.

R VRSVS easdem versat argutias, neque quicquam nouum proferre, neque ab his, quae iam exposuit, abstinere potest: ut canes solent voraces, cum os aliquod apprehenderint: vel homines, qui his voluptatibus semel irretiti fuerint, quibus affectus percelli vehementius consueuerunt. Cum enim semper iisdem immoderate sededant, &

- quasi se ingurgitent: in iisdem tamen, perinde vt in nouis voluptatibus appetitum semper retinent vigentem. Nam nihil propemodum in iis, quæ hic dicta sunt, quicquam inuenerit, quod non expositum sit in præcedentibus. Quod enim statum in principio habet, oportere opificem semper eundem esse, & eodem modo se habere, & ob id non interdum facere, & interdum non facere, sed aut semper facere, aut nunquam: & quoniam fieri non potest, vt nunquam faciat, si opifex sit, vt faciat semper esse necesse: & ideo id, quod fit, sempiternum quoque esse oportere: & præterea illud, nisi Mundus ita adfectus sit, vt nunquam ortus sit nec interiturus, opificem semper eodem modo se habere non posse: & propterea esse necesse, vt erga opificem & erga Mundum eodem modo pietatem colamus. Vt illum in diuinissimis esse dicamus, & semper esse eundem, & eodem modo se habere, hunc autem ortu carere & interitu. Aut si erga Mundum sumus impu, quia ipsum ortum esse & interitum manere proponamus, in huius quoque effectorem nos impietate polluamus: vt qui eum neque in rebus esse maxime diuinis, neque semper eodem modo se habere, ex orationis consecutione dicere cogamur. Hæc inquam omnia, in quarto quoque argumento iisdem propemodum verbis exposita fuerunt. Nam innocum esse opificem quod ibi dictum est, idem est cum eo, quod est, semper eundem esse, & eodem modo se habere, quod hoc in loco dictum est: rursus, imaginem similem esse ei, ad quod facta est, hoc est, Mundum similem esse exemplo. Et cum exemplum sit æternum, non alia ratione fieri posse, vt eidem similis sit Mundus, nisi vtraque ex parte temporis infinitatem contineat, apertè in decimoquinto dictum est. Præterea, necesse esse, vt ambo sint dii, hoc est, opifex & Mundus, aut neuter: & ambo dii sint, ex æquo expertes esse mutationis: quia totum genus eorum eius sit naturæ & conditionis. Mundum autem non esse eiusmodi, vt mutationem non recipiat, si ex inordinato factus, rursusque in ipsum inordinatum commutabitur, in nono comprehensum est: adeo vt in hac ratione nullum sit propemodum argumentum nouum. Quid igitur opus eadem nos de iisdem dicere, qui in præcedentibus, quantum fieri potest, singulis respondimus? Cum igitur breuem tantum commemorationem eorum, quæ dicta sunt, hoc in loco fecerimus, nos, auspice Deo, orationi finem imponamus.
- II. S I semper, inquit, in iisdem manet, & eodem modo se habet opifex, nunquam aliàs aliter adfectus est. quod si nunquam aliàs aliter est adfectus, non interdum facit, & interdum non facit. hoc enim est aliàs aliter se habere, nempe, vt faciat, & postea non faciat. Quod si non ita se habet, vt interdum faciat, & interdum non faciat, facit tamen, cum sit opifex, necessarîo semper facit: & id igitur, inquit, semper crit, quod efficiatur ab opifice. Verum in quarto pluribus est probatum, eos, qui perfectos in re quauis habitus continent, nullam tum subire commutationem, cum secundum ipsos habitus aut agunt, aut non agunt. Quod si nullam subeunt mutationem, certè non immutantur. Si non immutantur, non in hoc aliàs alii efficiuntur. Si aliàs alii non efficiuntur, eodem modo se habent, tum cum agunt secundum ipsos habitus, & cum non agunt: nam in eo, quod fit, non in efficiente commutationem consistere docuimus. Porro nullam eos commutationem

mutationem subire, qui ex habitibus actiones promunt, cum ex aliis compluribus docuimus, tum ex eo, quod distinctum fuit, si immutatio progressus est ab habitu in actionem, omnino esse necesse, ut aut ante actionem immutationem esse dicamus, nempe tum, cum solus erat habitus sine actione, aut ipsam actionem, hoc est, ipsum efficere, aut docere, aut aliud quiduis immutationem esse dicemus: aut certe inter habitum & actionem commutationem fieri statuemus, præter hæc enim nihil est. Cum igitur ibi probatum sit, fieri non posse, ut habitus ipse per se siue agendo sit immutatio, aut omnino motus. Quicquid enim magis, quam motioni, aut immutationi habitus similis esse videtur: ut cum ibi ipsum Proclum dicere ostendimus, tum nunc quoque eadem enuntiauit. Ei enim quod semper in iisdem est, & eodem modo se habet, conuenire dicit, ut aut nunquam faciat, aut semper, quasi sit perspicuum, non facere, statum esse & quietem, non motum. Quare quod agendi tantum habitum continet, nec facit, non immutatur: & alioqui si quæ habitum habent, immutantur, neque in ipso agendo deficit habitus, habitus autem est motus, efficitur, ut in motu semper sit opifex, cum efficiendi habitum semper obtineat. Quod si hoc absurdum est, nullus certe habitus est immutatio, neque verò actio ipsa est immutatio. Eo enim modo efficeretur, ut cum opifex Deus secundum ipsos Mundum semper efficiat, in motu & commutatione semper sit futurus. neque verò affectio vlla cernitur inter habitum & actionem, quæ certe ab his sit diuersa, & quam motum aut commutationem dicere quisquam possit. Quoniam neque tempus est vllum inter non agendum, & agendum: verum non agendi finis, agendi est principium. Tempus autem si non sit, neque affectio alia erit inter agendum, & non agendum, neque omnino motus, omnis enim motus & omnis mutatio est in tempore. Cum igitur neque ante actionem, neque in actione, neque inter habitum & actionem immutatio vlla videri possit, non certe mutationem subiit, qui ex habitu actionem profert. Quare multò minus in Deo vlla cernitur immutatio quia non agat, & postea prodeat ad agendum. Præterea, ibi docuimus, quod quæ in nobis motus & affectio magis varia excitari videtur, quando secundum habitus operamur, quibus iam antea præditi eramus, ut cum prius non docentes, postea docemus: aut cum prius non edificantes, postea edificamus, motus non fit in eo, qui habitu præditus est, hoc est, in animo, sed in corpore, quod instrumentorum vicem supplet. Cum igitur Deus eo solo omnia efficiat, quod velit, nullum habet locum quæ in nobis fit diuersa organi affectio. Cum igitur neque habitus moueatur, neque sit instrumentum, quod subeat motum, efficitur, ut nulla in re Deus immutetur, & aliàs aliud efficiatur, etiam si non agat semper, sed principium tribuat suo opificio. Illud quoque docuimus, nullo modo in Deo habitum ab actione differre, sed simplicem esse quandam semper & eodem modo se habentem Dei efficiendi facultatem, sola autem voluntate in naturam omnia producere posse, cum natura eorum, quæ gignuntur, & consistentiæ & boni sit particeps. Et ipsam Dei voluntatem simplicem esse & semper eodem modo se habere: semper enim vult, quod bonum est, seu in naturam & substantiam res producat, seu non producat: & seu quispiam concesserit idem velle Deum, seu non velle, hoc

non esse motum, neque immutationem. Nam si hoc sit motus, semper in motu erit Deus, ut qui vnamquamque rerum singularum interdum esse velit, interdum velit non esse, in rebus autem singulis semper aliæ gignuntur, aliæ intereunt. Quare si quia interdum sit Mundus, & interdum non sit, necesse sit, Dei quoque de Mundo voluntatem aliàs esse aliam, aliàs autem de eodem aliud vellet, moueri sit & immutari, necesse habebimus dicere, Deum semper immutari, & moueri: siquidem vnamquamque rerum singularum interdum esse vult, interdum non esse. Verum docuimus non esse necesse, quemadmodum se habent res, quæ sunt, ita se habere earum opificem Deum: sed potius quemadmodum non ideo quia quæ nascuntur, & prouidentur, partibus constant, & in multitudinem sunt diffusa, atque interdum sunt, & interdum non sunt, non inquam idcirco Dei in ipsis prouidentiam & cognitionem aut partibus constare, aut in multitudinem diffusam esse, aut aliàs aliam esse oportet: sed indiuisibiliter agere in illa, quæ partibus constant, in illa, quæ multipliciter diffusa sunt, uniformiter: in ea denique, quæ aliàs aliter adfecta sunt, semper & eodem modo: ad hunc sanè modum Dei voluntatem, ut res sint, aut non sint, non aliàs aliam esse dicere est necesse, sed semper eodem modo se habere, cum semper id velit quod bonum est. Bonum est autem quodque ita ut naturæ comparatum est, & quando esse suapte naturā est idoneum. Hæc igitur tum in quarto, tum in sexto cum ipsi probauimus, tum ipsum Proclum atque Plotinum dicentes produximus, atque aliis compluribus argumentis ibidem vti sumus, ut inde quicumque volet, colligere possit, ea, quæ ad hoc pertinent, ut intelligatur nullam in Deo fieri mutationem, quia quæ gignuntur, interdum sint, & interdum non sint.

- III. A T verò Mundum ad imaginem æterni exemplaris generatum, secundum Platonis sententiam, similitudinem ad illud retinere, etiam si ab aliquo principio esse cœperit, in decimoquinto argumento confirmauimus ex ipsius Platonis verbis: docentes, quod non eò quod procreationis expers sit Mundus, etiam similitudinem ad exemplum vult retinere, sed quod quemadmodum illud est in omni æuo, sic Mundus in omni constat tempore. Exemplum enim, inquit, in omni est æternitate, Mundus autem in omni tempore fuit, constat, & ad finem est futurus. Quare si quis dicat, aliquod esse tempus, in quo non sit Mundus, is non retinet imaginis similitudinem, quam ad exemplum Platonis sententiā retinere debet. Tempus autem vnā cum cœlo factum est, ut simul orta, simul etiam dissoluantur, si quando vlla eorum futura est dissolutio. Perspicuum est, quod etiam si ab aliquo principio cœperit esse Mundus, retinet tamen cum exemplo similitudinem, cum in omni sit tempore, quemadmodum illud in omni est æuo. Neque enim, ut Plato vult, Mundum futurum in infinitum, quoniam censet illum non esse interiturum, sic ex æternitate ortum esse dicit, ut hic asserit Proclus, suam opinionem, non Platonis sententiam nobis ostendens: verum ipsum ita ortum esse, ut ab aliquo temporis principio esse cœperit, aperte clamat, & non fuisse priusquam esset procreatus. Naturæ tamen eius, qua constat, aut futurus est, finem non tribuit, ubi animi cogitatione in his rebus naturæ accommodatissima est vsus. Nam nihil vetat, tempus in infinitum protendi, & numeri au

rum augeri in immensum. At ut actum infinitum sit, aut fuerit, nullo modo fieri potest. Infinitum autem actum fuerit, in tempore & in numero, si tempus careat principio. Quod si numerus & tempus actum infinitatem habuerunt, pertransiri potuit infinitum, imò verò peractum & pertransitum est. Nam per infinitas unitates progressa procreatio, ad nos usque peruenit. Quod si percursum est infinitum, & quod percurritur, omne est finitum (hoc enim interest inter finitum & infinitum, quod illud decursum habeat, hoc non item) infinitum certe finitum erit, & contradictio simul erit vera. Erit enim quod est infinitum, non infinitum, quod absurdè dicitur. Non igitur fieri potest, ut quod percurri potest, sit infinitum. Quare si percurri non potest, quod est infinitum, non per infinitas unitates ad nos usque peruenit procreatio. Quod si non per infinitas, sed per finitas, & cuiusque earum rerum, quæ generatæ fuerunt, tempus est finitum, efficitur, ut tempus omne quod fuit, sit finitum. Quod enim ex finitis coagmentatum est, necessariò est finitum. Fieri igitur non potest, ut tempus, quod præcessit, aut futurum est, actum unquam sit infinitum. Nam in quo infinitum esse aut fuisse actum sumptum fuerit, seu in retroactis, seu in consequentibus, infinitum efficiet, quod percurri possit. Quapropter erit quidpiam infinito maius. Neque unquam desinet augeri infinitum, & ipsum seipso maius fieri. Si cum numero eorum hominum, qui generati fuerunt, eos, qui semper gignuntur, & qui sunt futuri, connumeremus, atque multis modis multiplicabitur ipsum infinitum, si infinitatem in unoquoque genere reliquis addiderimus: ut verbi gratiâ, si hominum infinitati equorum infinitiorem addideris, atque his bouum, & his rursus reliquorum, quæ in Mundo sunt tum animata, tum inanimata. Porro, unumquodque horum eiusmodi est maximè, ut fieri nullo modo possit. Accommodatissimè igitur ad naturam rerum Plato tempori dedit principium. Volens autem semper futurum esse Mundum, tempus quoque semper futurum esse dixit. Nam etsi in infinitum tum Mundus fuerit, tum tempus augeatur, semper quidem quod nunc est tempus, eo, quod iam præcessit, priusquam hoc instaret, maius est, verum id omne quod de tempore sumitur, & actum consistit, finitum est. Quæ autem in tempore finito generata fuerunt, sunt eodem modo ipsa quoque necessariò finita. Hoc enim modo uno fieri potest, ut neque tempus unquam sit desitutum, neque actum fuerit infinitum, si tempus principium habueris, quo coeperit esse, & id omne quod præcessit, sit finitum.

V E R V M E N I M V E R O etiam si Deum Plato dicat esse Mundum, non propterea ipsi naturam immutabilem tribuit, & ut semper idem sit, & eodem modo se habeat. Contrà, enim in Politico sentit: qui neque mutationis expertem, neque in maximè diuinis eum esse constituit. In iisdem enim, inquit, & eodem modo se habere, & idem esse iis demum, & solis conuenit, quæ maximè sunt diuina. Corporis autem natura in hoc numero haberi non potest. Vnde quoniam cælum & Mundus corpus participauerunt, mutationis, inquit, expertia semper esse non possunt. Et rursus in Timæo, Quid est, quod semper est, neque vllum habet ortum? & quid, quod gignitur quidem semper, nunquam est tamen? Quorum alterum intelligentiâ cum ratione comprehenditur, quod

"vnum semper atque idem est: alterum, quod adfert opinionem per sensus ratio-
 "nis experies, quod totum est opinabile, id gignitur & interit, nec vnquam esse
 "verè potest. Mundum, qui per sensus apprehenditur, gigni dicit & interire, verè
 "autem esse nunquam. Quocirca si semper vnum & idem esse & eodem modo
 "se habere diuinissimis tantum competere dicit: est autem opifex in diuinissimis,
 "vt asserit Plato, & Proclus assentitur, & ob id vnus semper est & idem, & eodem
 "modo se habet. Mundus autem corporis particeps non huius est ordinis, hoc est,
 "non est in iis, quæ semper eodem modo se habent. Hoc enim diuinissimis modò
 "Plato competere dicit, quod autem est aspectabile, id omne gigni & interire,
 "verè autem esse nunquam. Vnde pronuntiauit fieri non posse, vt mutationis ex-
 "pers ex toto semper sit Mundus. Quare cum semper & eodem modo opifex se
 "habeat, Plato Mundum non eodem modo se habere constituit. Qui sit igitur, vt
 "contrarias Platonis sententiæ in his voces emisit Platonis successor, qui tam
 "evidenter contra Platonem mentitur, vbi ait: Neque enim cum Deus eodem
 "modo se habeat, Mundum dicit aliàs aliter se habere, quasi per se obtineat, vt
 "aliàs aliter sit adfectus, quod in rebus est singulis, sed quia Deus aliàs aliter adfe-
 "ctus sit, Mundum quoque aut inordinatum esse, aut ordine digestum. Nam etsi
 "tanquam in hypothesi & conditione in Politico Mundo Deum adesse & abesse
 "dicat Plato, & certè sine vlla conditione, quod semper est ipsum, per se definiuit,
 "tum in Timæo, tum in Politico, cum dicit ipsum comprehendi intelligentiâ, &
 "semper vnum esse & idem, & similiter quod cernitur, & sub conspectum cadit,
 "gigni & interire, nec fieri posse, vt ex toto expers sit commutationis. Quare si
 "ipse quicquid sub conspectum cadit, quantum ad eius naturam attinet, in com-
 "mutatione naturam suam obtinere definiuit, non certè quod Deus aliter aliàs
 "adfectus sit, ob id Mundum quoque aliàs aliter adfectum esse dicit Plato, vt Pro-
 "clus ait: verum etiam si Deus vnus sit & idem, & eodem modo se habeat, ipsum
 "tamen Mundum quantum in ipsius natura est positum, quia corporatus est, gi-
 "gni dicit & interire, nec fieri posse, vt mutationis ex toto sit expers. Quanquam
 "mirum est, qui fieri possit, vt non animaduertit Philosophus, aut certè vltro
 "prætermiserit (nam vltro prætermisisse ex iis etiam ipsis, quæ Platonem in Po-
 "litico dicentem produxit, apertè docetur) à Platone, non per Deum, vt ait Pro-
 "clus, sed propter ipsius naturam aliàs aliter adfectum esse tradi. Nam etsi Dei
 "tum præsentia, tum absentia aliàs aliter Mundum adfectum esse proposuit Pla-
 "to, præsentia quidem ordine esse compositum, absentia verò inconditum, palam
 "est tamen, quod vt in eodem ordine permaneat, non id à se ipsum habere vult
 "Plato, sed ex Dei præsentia. Nam si extrinsecus & à se haberet, vt in eodem statu
 "permaneret, etiam si cogitatione ab eo abesset Deus, nihilominus interim ordine
 "conditus & compositus permaneret. Quare si ordine compositum, definitum
 "est & eodem modo se habet in eo, quod ordine est compositum, quandiu est or-
 "dinatum. Quod autem est inordinatum, cum indefinitum sit, nunquam in eo-
 "dem statu manet. Nam inordinatum non esset si terminum & eandem rationē
 "retineret. Habet autem Mundus ordinem eundem ex eo, quod Deus præsit, &
 "obseruet, quo destitutus in ordinis confusionem deducitur, non quod Deus illius
 turbati,

turbati ordinis causa sit efficiens, sed ideo tantum, quod ipse in ordinem non di-
 gerat. Vnde perspicuum est, quod ut vnus sit & idem, id habet ex Deo. Hoc enim
 idem est cum eo, quod est ordine esse compositum. Ut autem aliis aliter sit ad-
 factus, id a sua natura habet. Hoc enim rursus cum inordinato idem esse, proba-
 tum est. Quare efficitur, ut Dei praesentia ordinis Mundi, & ut ipse in eodem
 statu permaneat, causa sit efficiens; absentia autem, nisi ex accidente inordinati
 sit causa, per se tamen ipsa Mundi vel potius corporis natura: quemadmodum
 naufragii ex accidente causa est gubernatoris absentia, per se autem ipsa tempe-
 stas & fluctuationis natura, quae non habet naturam suam stabilitatem. Quare per
 hanc ipsam hypothesin, quae explicata est in Politico, Plato suas enuntiationes
 confirmavit: quibus efficitur, generatum esse Mundum, atque quantum in natura
 eius est, interiturum. Quoniam enim ipsam per se Mundi naturam respiciens, ipsum
 gigni & interire dixit, verè autem non esse vnquam. Nam cum sit corpus, fieri
 nullo modo potest, ut expers sit mutationis. Videtur autem Mundus in eodem
 ordine & eadem collocatione semper permanere; neque gigni videtur, neque interire.
 Ideo ab ipso cum in Politico Deum cogitatione separauisset, & hac ratione ipsum
 in comutatione & ordinis confusione esset contemplatus, hinc collegit, ordinem
 qui in Mundo cernitur, & ut in eodem statu ipse permaneat, non ex ipsius Mundi
 natura, sed ex ipsa ad opificem coniunctione consistere. Sed quid opus est syllo-
 gismis: cum liceat iisdem verbis Platonem id ipsum in Politico disertè dicentem
 audire: nempe quod Mundus habet ordinis confusionem, & ut aliis aliter adfe-
 ctus sit, ex sua ipsius natura, non autem ex relatione ad opificem. Ibi enim ad
 verbum hæc habet: Tunc Vniuersi gubernator Deus quasi gubernaculi clauo
 dimisso ad speculam suam recessit, Mundum autem rursus conuertit fatum &
 insita cupiditas. Deinde ubi, quæ deinceps ipsi accidit, ordinis perturbationem
 exposuit, & concussionem (quemadmodum par erat ipsum subire destitutum
 Dei sui gubernatoris praesentia) harum rerum causam subiungit ad hunc modum:
 Hinc autem ipse corporea concretionis causa est id, quod pridem vnà cum eius
 natura enutritum fuit, quod multæ particeps erat perturbationis, priusquam in
 hunc Mundum & ornatum peruenisset. Nam ab eo, qui ipsum composuit, omnia
 pulchra obtinuit: ab eo autem habitu, qui praecessit, quaecunque in caelo sunt,
 graua & iniusta, cum ipse habet, tum eadem in ipsis efficit animantibus. Plato-
 nem igitur aperte dicentem audiuius, tum ordinem, tum quicquid pulchrum
 est in Mundo, id ex eo obtinuisse, qui ipsum coagmentauit; ex corporea autem
 concretionem & habitu, qui cum eius natura est enutritus, ea habere incòmoda,
 quæ tum ipse habet, tum in animantibus ingenerat. Quare non ob id solum,
 quod per hypothesin Deus absit à Mundo, inordinatum in ipso inesse Plato nu-
 dè pronuntiat, quasi efficiens causa sit Dei absentia eius ordinis perturbationis,
 quæ est in Mundo: quoniam absens Deus id solum praestat, quod Mundo ordi-
 nem à se non impartitur: quod superest autè, corporea natura permissionis ea-
 rum rerum, quæ Mundo sunt intestinae, eam facit ordinis confusionem, quæ à
 natura ipsi inest: quemadmodum absente gubernatore insitam perturbationem
 in naui, cum venti, tum tempestas ostendunt.

V. A D S V M P S I T autem Philosophus, quod non Platonis solum, sed suis etiam ipsius enuntiationibus, quas alibi eleganter, & concinnè proposuit, sit repugnans. Operæpretium autem, opinor, faciemus, si ipsa quoque Procli verba inter se comparemus, ut eorum pugnam & contrarietatem ostendamus. Nam in eo Opere, quod inscriptum est, Observationes eorum, in quibus Platonis Timæo contradixit Aristoteles, cum pluribus ostendisset probè Platonem dixisse, & id omne, quod est aspectabile, gigni & interire (verè autem esse nunquam, propterea quod non habet sempiternam consistentiam, cum Vniuersi corpus, quemadmodum Aristoteles ipse demonstrauit, vires habeat finitas) deinde volens iterum probare Mundo aliunde, non ex ipsius natura accedere, ut sit semper, hæc addit ad verbum: Neque enim quod in eo est verum, quod semper est, ad in eo est verum, quod semper gignitur, nempe ut ipsi vires infinitè infinitæ, hoc ipso, quod semper gignatur, quemadmodum illi eo solo, quod semper sit verum ei demum, quod hoc facit. Quapropter hoc quoque semper gignitur extrinsecus & aduentitium habens, ut sit perpetuò: nempe per id, quod per substantiam suam semper est. Itaque quantum est in ipso situm, non obtinet illud, ut sit semper. Vnde efficitur, ut eius, quod gignitur, definitio Mundo etiam conueniat. Et paulò post: Omne id ergo, quod gignitur, ipsum per se etiam capax est interitus. Vinctum autem & colligatum ab eo, quod est, cum maneat in eo, ut gignatur, totum id est, quod gignitur, propterea quod ita est, ut non intereat id, quod ab eo, quod verè est, obtinuit. Cum definitionem igitur eius, quod ipsum per se gignitur, comprehendat, etiam interire ipsum quasi suapte naturâ sit eiusmodi. Ita appellauit rursus idem in iis, quæ deinceps sequuntur: Quoniam enim Vniuersum est finitum, quod autem est finitum, viribus non est præditum infinitis, ut probauit, quod autem facultatem mouet infinitam, infinitis mouet viribus, perspicuum est illud immobile, quod Vniuerso motum præbet infinitum, ipsum viribus præditum esse infinitis. Quare si ratione ab illo separaueris Vniuersum, infinito tempore non mouebitur, ut quod non habeat facultatem infinitam, sed mouendi finem habebit. Verum ubi iterum hoc illi coniunxeris, eius ope & beneficio mouebitur in infinitum. Neque verò quicquam est absurdi, si quæ coniuncta sunt, cogitatione separemus, ut peruideamus, quid vtrique insit ab altero, & perspicientes intelligamus, quid à natura sua habeat deterius, & quid à conjunctione cum eo, quod est præstantius. Qua ratione Mundus in se non habet, ut sit semper, sed cum gignatur, & intereat, verè autem nunquam sit, in mutatione & transformatione habet suam naturam, idque ex sua ipsius natura ipsi inest. Ut autem sit semper, aduentitium est, acquisitum ex conjunctione cum eo, quod est præstantius, & semper constat. Si hæc pulchrè atque tum Platonis tum Procli sententiæ accommodatè in libro, quem citauimus, sunt explicata, quæ sit, ut in præsentibus hisce repugnantia præloquatur, cum ait: Neque enim si Deus eodem modo se habeat, Mundum aliàs aliter se habere dicit, quasi per se habeat, ut aliàs aliter sit adfectus, quod sit in rebus singulis: verum quod Deus aliàs sit alius, Mundum quoque inordinatum esse aut ordine compositum. Nam si non per se Mundus aliàs aliter est adfectus, quemadmodum res singulares, semper autem

eodem modo se habet, secundum ipsos, si sempiternus est, in ordinem quoque semper est digestus. Per se igitur habebit, ut vnus sit semper, & idem. Verum in libro, quem commemorauimus, consensit Proclus Mundum, quantum in ipso situm est, non id habere, ut sit semper, idque ex sua ipsius natura eidem inesse. Quare secundum has rationes Mundus ex sua ipsius natura id obtinebit, ut sit semper: & rursus, ut sit semper, non obtinebit, quod fieri non potest: sic enim vera esset tota contradictio. Quare si ea probè dicta sunt, & ita ut Platonis opinioni sint consentanea, nempe Mundum secundum suam ipsius naturam non ita habere, ut sit semper, verum id extrinsecus ex opifice, & effectore obtinuisset, perperam certè in proposito argumento Proclus adfirmavit, non à se id inesse Mun-
do, ut aliàs aliter sit adfectus. Porro, quod Plato cum Dei præsentiâ & absentiâ Mundum aut ordine componit, aut inordinatum manere proponit, nihil aliud, quam quòd iterum quæ in Timæo dicta sunt, quasi adposito sigillo confirmat: Mundum, ut sit in commutatione, nec sit vnus, & idem, id à sua ipsius natura obtinuisset, sed ut sit semper, id ex coniunctione cum Deo adeptum esse, ut ex ipsius Platonis verbis nuper confirmauimus. Quare vnà cum veritate necessaria ratione confectum est, Platonis successorem tum sibi, tum Platonem repugnare.

I A M verò statim est absurda huiusmodi hypothesis. Nam si non per se
habet Mundus, ut aliàs aliter sit adfectus, quemadmodum res singulæ, quæ, etiam si Deus vnus sit & idem, à sua natura habent, ut aliàs aliter se habeant: verum ut Mundus aliàs aliter se habeat, id habet à relatione, quam habet ad Deum: vtrum si ipse Mundus in sua ipsius natura mente concipiatur sine eà adfectione, quam habet ad Deum, in iis rebus erit, quæ eodem modo se habent, an verò in iis, quæ aliàs aliter adfectæ sunt, ut res singulares? Nam etsi Deus à Mundo separari nunquam possit, donec erit Mundus: tamen nullo modo absurdum est (quod Proclus ipse modò professus est) ea, quæ simul sunt, cogitatione separare, ut perspiciamus, quid insit cuique ab intestina natura sua, & quid ab ea coniunctione, qua cum potiore est copulatum. id quod Plato quoque in Politico fecit, qui Deum cogitatione à Mundo separauit, & ita quæ Mundo eueniunt, ex ipsius natura contemplatus est. Quoniam igitur hoc non est absurdum, mente nobis & cogitatione Mundus intelligatur sine Deo. Vtrum igitur ipse per naturam suam id habet, ut vnus sit semper & idem, an contrà, hoc est, ut aliàs aliter sit adfectus? Necessè est enim è duobus alterum concedere, quantum certè in hisce scitis hypothefibus est situm. Nam si res singulæ, ut ait Proclus, ipsæ à sua ipsarum natura id habent, ut aliàs aliter adfectæ sint, in Mundo quoque necessariò inquirendum est, vtrā contradictionis particula ipsi à sua ipsius natura insit. Aut enim semper vnum esse, & eundem, aut non semper vnum & eundem esse oportet, sed aliàs aliter esse adfectum. Verum quoniam apertè pronuntiauit Proclus ipsum à sua ipsius natura non id habere, ut aliàs aliter se habeat, quemadmodum res singulares, palam est, quòd ipse à sua ipsius natura id habebit, ut semper sit vnus & idem. Vnde efficitur, ut si à sua ipsius natura, id habet, ut semper eodem modo se habeat, ut autem aliàs aliter sit adfectus, à coniunctione & adfectione erga Deum, certè cum quod potius est & præstantius, à natura sua

obteneat, nempe ut semper vnus sit & idem, quod deterius est, hoc est, ut aliàs aliter sit adfectus, à coniunctione cum Deo & adfectione erga eundem obtinebit. Sed quæ tandem est impietas, quæ cum hac impia cogitatione contendere possit, vel si hæc tantum ex conditione dicantur? Quare si hoc & absurdum est & impium, certè non ex sua ipsius natura habet Mundus, ut semper eodem modo sit adfectus: verum id ex ea relatione & adfectione obtinet extrinsecus, quam habet erga id, quod semper est, etiam si sempiternus esse concedatur, non autem per suam ipsius naturam habebit, ut sit semper, ut tum Platonem, tum Proclum ipsum alibi dicentes produximus.

- VII. P. R. A. E. T. E. R. E. A, si vnum & idem esse semper rebus maximè diuinis tantum conuenit, Mundus autem corporis parriceps non in eorum numero est habendus, sed in iis est, quæ gignuntur & intereunt, verè autem nunquam sunt, commune est autem omni diuinæ naturæ, ut in fine argumenti ait Proclus, ut vna semper & eadem permaneat, & vniuersum deorum genus, cum virii non sit capax, mutationem nullam recipit, ut in nono argumento idem enuntiavit, Deus certè non est Mundus, neque secundum ea, quæ Platoni videntur, neque secundum ea, quæ antè à Proclo confessa fuerunt. Efficitur ergo, ut sit necesse, Platonem dicere Mundum, aut in iis esse, quæ semper eodem modo se habent, siquidem arbitratum esse Deum. Deorum autem genus commutationis non est capax, aut si non dicit eum in iis esse, quæ semper eodem modo se habent, certè in iis esse, quæ gignuntur & intereunt, verè autem nunquam sunt, præterea & ab insita natura, tum ipsum quæcunque grauius sunt, & incommoda habere, tum in animantibus ingenerare dicit, & in reliquos deos impium esse, ut Proclo videtur: qui illos quoque tales esse dicat: iis enim omnibus commune esse dicit, ut semper in eodem statu & eodem modo permaneant: atq; aut in omnibus ipsum esse seruandum, aut si improbetur in vno, nec in reliquis fidem ratam habere. Alterum igitur è duobus est necesse, aut Platonem non arbitratum esse, Mundum esse Deum: aut si cum Deum ipsum esse dicat, nihilominus gigni asserat & interire, verè autem esse nunquam, in totum genus deorum esse impium, ut Platonis interpres hoc in loco confirmavit. Quare si Mundum esse in commutatione tum euidens est, tum apertè dictum Platoni, certè ipsum non existimabat esse Deum, ne in vniuersum deorum genus Plato conuincatur esse impius. Clare enim enuntiavit, quod semper vnum & idem permanere, diuinissimis quibusq; conuenit. Quare & si eundem Deum esse dicat, id ex Orphicis versibus accipiens, Poëtarum consuetudinem fabulosius Plato sequutus, Deum ipsum esse dixit. Nihil est enim in natura rerum, quod Poëta non Deum esse finxerint. Neque solum ignem & terram, & reliqua elementa: verum humanas quoque adfectiones, & opera, ut bellum, contentionem, metum, Riras (nam & Rita Iouis magni filiz esse dicuntur) Aten, iusiurandum, somnium, gaudium, cupiditatem, amorem, & omnia, ut semel dicam, quæ tum in bonis, tum in malis esse videntur, ut satis nouerunt qui in Poëtarum scriptis sunt versati. Præterea, deorum ortus omnium nobis tradiderunt, mortes non item. Quid igitur est miri, si cum Plato Mundum ortum esse, neque interiturum esse dixerit, Deum ipsum Poëtarum consuetudine appellet?

PORRO, Platonem in sua doctrina multis in locis Poëticas fabulas immiscere, non tantum quas ipse fingit, sed etiam à Poëtis acceptas, quibus quauis de causâ non tanquam fabulis, sed tanquam rationibus vitur, norunt quicunq; Platonis scripta legerunt. Nam apud ipsum animarum iudicia in inferis exercent Iouis liberi, duo ex Asia, Minos & Rhadamanthus, vnus ex Europa, Aeacus. neque in Gorgia tantum de his fabulosè loquutus est, sed etiam in Minoë, siue de lege: vbi non fabulas fingere, sed de legibus disputare constituit. Iouis quidem & Europæ filios, Minoëm & Rhadamantum esse dicit, Poëtarum sequutus figmenta. cæterum, è veteribus legumlatoribus probum legislatorem Minoëm fuisse. Atque ad confirmandum filium esse Iouis, cumque probum, Homeri versus proposuit:

Hos inter Minos Gnosi arcibus imperat aëis,

Hincque nouem docuit conuiuium suppet annos.

Odys. 19

Atque versum sententiam exponens, ait vnum Minoëm ex omnibus liberis, qui à Ioue creati fuerant, à parente suo fuisse institutum: versatum autem cum Ioue per nouem annos, in eius antrum frequenter ire solitum, partim vt disceret, partim vt postea doceret, quæ didicisset priore nouennio. Et in secundo de legibus, vbi Bacchi fabulam exponit, hunc ait à nouerca Iunone de animi ratione & mente deiectum fuisse. Sed quid opus est orationem producere in his Poëtarum fabulis commemorandis, quas suæ doctrinæ immiscuit Plato, quibus tamen non vt fabulis vsus est? Nam in ipso Timæo, vbi Deum ait esse Mundum, & Stellâs omnes, quæ conspiciuntur, Solem, inquam, Lunam, & reliquas, audi quomodo contexuit, quæ sint his consentanea. Eius verba sic habent: Verum hæc, quæ de deorum, qui cernuntur, quique orti sunt, natura præfati sumus, habeant hunc terminum. Reliquorum autem, quos Græci dæmonas appellant, Latini, opinor, lares, & nosse, & nuntiare ortum eorum, maius est, quam vt profiteri scribere nos audeamus. Credendum nimirum est veteribus, & priscis, vt aiunt, viris, qui se progeniem deorum esse dicebant. Itaque eorum vocabula nobis prodiderunt. Nosse autem generatores suos optime poterant: ac difficile factum est, à diis ortis fidem non habere: quanquam nec argumentis, nec rationibus eorum oratio confirmatur: sed quia de suis rebus notis videntur loqui, veteri legi morique parendum est. Sic igitur vt ab his est traditum, horum deorum ortus habeatur, atque dicatur, vt Oceanum, Salaciâque cœli satum, terræque conceptu generatos editosque memoremus. ex his Phorcyn, Saturnum, & Opem, deinceps Iouem atque Iunonem, reliquos quos fratres inter se agnatosque vsurpare, atque appellare videmus, & eorum, vt vtamur veteri verbo, profapiam. Quare si Proclus cum à Platone audit Mundum esse Deum, simpliciter sine vlla disquisitione Deum ita intelligi censet, & ob id ipsi perpetuitatem imperitum, quanuis Plato ipsum ortum esse clarè dixerit, vt prius, sic & nunc, & deinceps postea sine curiosa disquisitione exaudiat, & velit nos credere deorum progeniem atque filios fuisse, quos Poëtæ heros, deorum satum ortos esse fabula sunt, & ex consecutione incertas illas nuptias à diis celebratas fuisse dicat, è quibus nati fuerint, qui deorum filii esse dicuntur: neque quicquam curiosè disquirendum, sed vt leges

III illorum, theologias esse suscipiendas, arque iisdem credendum esse censeat, cum nimirum illi aperte nouerint suos progenitores, tum deos, tum dæmonas, quibus non credere non possumus, quanuis sine argumentorum verisimilitudine, & sine rationum necessitate loquantur, tanquam sua scilicet nobis renuntient, & non aliena. Quæ nam autem illa sint, quæ nos illi de suis progenitoribus docuerunt, quibus non credere sit nefas, sed potius credendum, & ita de diis & opinantur dum & loquendum, statim ipse subiunxit: Oceanum, inquit, Salaciamque cæli
 " satu terræque conceptu generatos editosque memoremus. Et quæ sequuntur. Aut igitur hæc nudè ut posita sunt intelligere nos, iisdemque credere debere censeat Philosophus, & alius eodem modo omnibus, quæ Poëtæ his ex consecutione connectunt. Cuius generis sunt incestæ nuptiæ, deuorationes, lacerationes, tum in se mutuo, cum in parentes suos rebelliones, & quæcunque alia ad hominum vitæ corruptionem Poëtæ iis tribuerunt, quos honoribus volunt adfectos, hos non satis scio prauosne dæmonas, an cacodæmonas dicere debeam, qui ab insigni, & omnem modum supergressa improbitate consequi sunt, ut illustres sint, & noti, cum scilicet spiritus improbitatis hominū internecioni & pernicipi per inuidiam insidiati sunt, propter lapsum, quo ipsi sponte de pulchro & honesto statu suo deciderunt. His igitur quoque, ut dixi, Platonem sine ulla disquisitione assentiri dicar. Aut si hæc Poëtarum, & eo tempore florentem opinionem sequurus, fabulosius dixit Plato, seu per allegoriam, seu sine allegoria à Poëtis ea dicta esse arbitratur: eodem modo ut consequens est, Dei quoque nomen Mundo tribuere Platonem concedat, seu à perpetuo cursu, *ωρα δ' αὖ γὰρ*, seu *ωρα δ' αὖ γὰρ* hoc est, à visu, quod ipse id omne in se comprehendat, quod cadit sub visum, seu ab aliqua alia significatione.

IX. OMNINO autem Dei appellationem non incorporeæ & rerum naturæ effectrici causæ, sed cælestibus corporibus à perpetuo cursu veteribus Græcis impositam fuisse in Cratylo asserit Plato. Neque enim illos aliud, quicquam Deum nouisse præter ea corpora, quæ conspiciuntur, Solem, Lunam, & reliqua: ut ad hoc usque tempus barbarorum quamplurimos dicit arbitrari. Deinceps autem Græcos ait ad notionem aliorum deorum corporibus carentium adductos, eodem cum illis nomine eos appellauisse. Sunt autem huiusmodi ad verbum, quæ in Cratylo scripta sunt: Soc. Nonne igitur æquum est, iniriū a diis sumere, ut inquiramus, qua tandem ratione effectum sit, ut hoc *τὸ θεῶν*, hoc est, Dei, nomine sunt appellati? Hermog. Certe est ita æquum. Soc. Tale igitur equidem suspicor. Qui in Græcia primi hominum extiterunt, videtur mihi deos hos solos existimauisse (ut hodie etiam barbarorum plerique) Solem nempe, Lunam, Terram, stellam, cælum: ut cum viderent ea sempiterno cursu incedere, ab hac *τὸ θεῶν*, id est, currendi natura, *θεῶν*, id est, deos appellauerint. postea autem cum alios deos obseruauissent, eos nomine eodem nuncupauerint. Nonne quod dico, aliquid verisimilitudinis habet? Hermog. Imò verò permulcūm. Quare si Dei nomen cælestibus à perpetuo cursu Plato à veteribus Græcis impositum fuisse arbitratus est, & postea ad alios quoque deos, qui intelligentiā comprehendantur, iam cognitos translatum ipsum fuisse, perspicuum est, quod, homony-

monymos, id est, societate tantum nominis, tum in deis corpore carentibus,
 tum in Mundo nomen Dei positum esse censet. Nam si coelum Θεός, id est Deus,
 παρὰ τὸ θεῖον, id est, à sempiterno cursu, nuncupatur, quæ autem comprehen-
 duntur intelligentiâ, & corpore vacant, omni motione sunt superiora, efficitur,
 ut secundum eam notionem illa deorum appellatione censere, hominis sit sensu
 carentis, nedum Platoni in mentem id vnquam venisse possit. Cum itaque res,
 quæ communi nomine significantur, distinctæ sint, sola & nuda relinquitur no-
 minis communio. Quare si in nomine tantum societas est, qua tandem ratione
 necessariò effici videtur, ut quia Mundus à Platone Deus esse dicitur, ob id con-
 cludamus, ipsum naturâ esse incommutabilem, & ortu carere, hoc solo, quòd
 Plato talem velit esse diuinam naturam? nam intelligentem illam esse ait Plato.
 Quare quantum certè in argumentis Procli positum est, cum Mundum Deum
 esse dicit Plato, ipsum intelligentiâ tantum comprehendi, & incorporeum esse
 vult. Atqui Plato ideas quoque nominibus appellat iisdem, quibus appellantur
 ea, quæ sentiuntur. Nam ipsum animal, & ipsum hominem, & è reliquis rebus
 vnamquamque synonymos, id est, eodem nomine cum rebus, quæ sentiuntur,
 appellari dicit. Vtrum igitur propter verborum similitudinem, animalibus, quæ
 sub sensu cadunt, id tribuamus, ut semper vnâ sint, & eadem, & ut intelligentiâ
 tantum cõprehendantur, incorporeâq; sint? An potiùs exquisitè nouimus, quòd
 quemadmodum hæc nominis societate conueniunt, sic rebus ipsis plurimùm
 inter se differunt? Quemadmodum igitur neque intelligentiâ tantum cõpre-
 henditur Mundus, neque est incorporeus, etiam si Dei nomine nuncupetur: sic
 certè neque in iis est, quæ non immutantur, sed vnâ manent & eadem, neque
 exors est procreationis. Nam ut diuinæ naturæ hæc ineffe testificatus est Plato,
 sic Mundum in iis esse quæ gignuntur & intereunt, reuera nunquam sunt, aper-
 te dixit. Et ob id ipsum ab aliquo temporis initio ita ortum esse adfirmavit, ut
 aliquando esse cõperit: & quoniam ortus est, neque indissolubilem naturâ, neq;
 immortalem esse: etiamsi, quia Dei voluntate & consilio instauraturam perpe-
 tuitatem obtinet, naturam indissolubilem retineat. Deprehensus est igitur Pro-
 elus pro sua consuetudinè ex verbi ambiguitate veritatem deprædari, atque ea
 cursim prætermittere, quæ à Platone de Mundi naturâ clarè dicta sunt, Mundū
 autem Dei appellationem arripiens, inde suum, non Platonis decretum confic-
 cere. Quanquam, nōne absurdum est, cum Plato ipsum Mundū Deum simul
 & generatum esse dixerit (quæ enim, inquit, ad hunc modum, de deorum, qui
 cernuntur, quique orti sunt, naturâ præfati sumus, habeant hunc terminum)
 non inquam absurdum est, Deum esse secundum propriam Dei notionem acci-
 pere, naturam autem esse, & naturæ esse procreationis capacis suppressere fraudu-
 lenter, & sum mouere? Neque enim per causam tantum Mundum hîc ortum
 esse suspicari possumus. Ex eo enim quod Plato se de deorum, qui cernuntur,
 quique orti sunt, naturâ dixisse profitetur, satis significauit se alios quoque deos
 nouisse, qui intelligentiâ tantum comprehenduntur, & ortus sunt expertes.
 Quemadmodum enim ei quod cernitur, id opponitur, quod comprehenditur
 intelligentiâ: sic ei quod oritur, id, quod expertis est procreationis. Quare si deos,

qui cernuntur, per causam tantum ortos esse vult, & eos certe, qui intelliguntur, expertes ortus penes causam tantum vult ortu carere. Ei enim quod penes causam ortum est, id opponitur quod penes causam ortu caret. Quod si qui intelligentiam comprehenduntur dii penes causam orti non sunt, nullus certe, ipsis causam præbet cur sint, & consent. Vnde efficitur, ut non ex eodem principio suam habeant naturam. Quare non vnum erit rerum omnium principium, & eadem causa, sed tot erunt principia, quot sunt, qui intelligentiam comprehenduntur dii. Absurdum igitur si hoc est & à Platonis cogitationibus alienum, ut ex eius verbis frequenter docuimus, & vnum est rerum omnium principium, unicamque causa, estque id vnicum, quod sine principio constet, & sine causa, efficitur, ut dii qui intelligentiam comprehenduntur, non penes causam procreationis sint expertes. Quare si deos, qui intelliguntur, Plato eis opposuit qui cernuntur, qui autem intelliguntur, cum non orti sint, secundum Platonem, non penes causam ortu carent (siquidem omnium unica est causa, quæ eadem primum est rerum principium) colligitur deos, qui sentiuntur, quique orti esse dicuntur, non penes causam tantum, sed penes tempus quoque esse procreatos. Nam si eos qui intelligentiam comprehenduntur, non ortos esse vult, non quod sint sine causa, sed quod principium non habeant, quo esse cœperint; deos certe, qui cernuntur, ita ortos esse dicit, ut principium consistendi, & suæ naturæ acceperint. Hæc igitur nobis quantum vires nostræ tulerunt, in sexto argumento abunde satis sunt explicata.

- X. Q. V. O. D. autem Plato multis in locis fabulis usus est, vel ut, quod antea dixi, patriæ consuetudine defungeretur, vel quod à multitudine & plebe periculum formidaret, ut in quarto capite sexti argumenti clare docuimus, ne receptos deos ipse quoque improbare videretur, & noua inducere dæmonia (hoc enim nouerat Socrati mortem adtulisse) alibi autem quæ ipse sentit, sumpta fiducia audet in lucem producere, & fabulas rider, maximamque contentionem Poëtas reprehendit, qui fabulas confinxerunt, nonnulla ex ipsius Platonis scriptis, ad huiusce rei confirmationem proponam in medium. In secundo igitur libro, De Republica, ubi Homerum & Hesiodum reliquorumque Poëtarum cœtum de sua ciuitate depellit, audis quibus eos criminibus incescit. Nam præter alia complura, hæc quoque addit ad verbum: Primum igitur nobis ut par esse videtur, fabularum fictoribus animus est intendendus, ut quam bonam fabulam confinxerint, eam nos cooptemus, atque recipiamus: quam autem secus, eam improbemus. Quas verò admiserimus, suadebimus nutricibus & matribus eas ut pueris narrent, ut animos eorum fabulis multò magis, quam corpora manibus veluti fingant. Earum verò, quas nunc commemorant, complures sunt reiiciendæ. Qualesnam? inquit. Maioribus, inquam, in fabulis minores quoque perspicimus. Oportet enim eandem esse formam, & maiores idem cum minoribus valere, vni que eandem obtinere. An non ita censes? Censeo equidem, inquit. Verum non intelligo quasnam dicas maiores: quas cum Homerus ac Hesiodus, tum reliqui Poëtae descripserunt. Hi enim falsas hominibus fabulas confictas à se scribebant, quæ hodie quoque circunferuntur. Qualesnam? inquit ille, & quid in ipsis reprehendis? Quod, inquam, imprimis & maxime est reprehendendum, &

aliè qui si quis non rectè mentiatur. Quid istud? Quando quispiam perperam »
 oratione fingit, qualisnam sit heroum natura, & deorum, perinde ac si pictor ni- »
 hil prorsus describat quod eorum referat similitudinè, quibus similia depingere »
 voluerit. Atqui, inquit, merito talia reprehenduntur. Primum quidem, inquam, »
 qui maximum & maximis de rebus mendacium protulit, is perperam est men- »
 titus: quòd Cælius ea perpetraverit quæ illum Hesiodus gessisse commemorat, »
 & rursus, ut Saturnus eum ultus est: tum quæ res fuerint gesta à Saturno, quæ- »
 que à filio suo sit perpeffus. Ea enim nec si vera essent, putarem tam facile in ho- »
 mines inopes mentis, iuuenèsque esse divulganda, sed potius premenda fuisse si- »
 lentio. Quòd si ea prodere esset necesse, in arcanis essent audienda, non is, qui por- »
 cellum sacrificarent, sed paucis isque magnam quandam ac raram victimam »
 offerentibus, ut id quàm paucissimis audire contingeret. Certè quidem, inquit, »
 illè. Sunt enim sanè duri hi sermones. Sunt verò ô Adimante, neque in nostra ci- »
 vitate divulgandi, neque cum iuuenis audiat, dicendum, qui extrema facinora »
 admittit, cum nihil, quod mirandum sit, perpetrare, neque vllò modo præuari- »
 cari, qui peccantem parentem vlciscatur: sed ea facere, quæ deorum primi ac ma- »
 ximi fecerunt. Non hercle, ait illè. Neque hæc idonea mihi esse videntur, quæ di- »
 vulgentur. Neque verò inquam vllò modo dicendum, deos bellum cum diis ge- »
 rere, sibi que mutuo insidiari & pugnare. Neque enim vera sunt hæc. Siquidem »
 debent, qui nobis civitatis futuri sunt custodes, turpissimum ducere leui de cau- »
 sa ciues inter se dissidere: tantum abest, ut Gigantum pugnas illi fabulosè narra- »
 re, & confingere debeant: atque adeò per multas alias omnis generis similitates, »
 tum deorum, tum heroum cum suis cognatis & proximis. Verum si qua ratio- »
 ne efficiere possumus, ut persuadeamus nullum vnquam ciuem alteri esse aduer- »
 satum, neque hoc esse sanctum, illud verò à senibus & aniculis potius iuuenibus »
 est narrandum. Atque Poëtæ eò sunt necessitatis adigendi, ut fabulas suas ita con- »
 fingant, ut hæc referant quàm proximè fieri poterit. Vincula autem à filio in- »
 jecta Iunoni, & Vulcanum de cælo deiectum à patre, qui matrem pulsatam vl- »
 cisci vellet, & deorum pugnas quæcumque finxit Homerus, in civitatem admit- »
 tere non debemus, seu per allegoriam, seu sine allegoria ea dicta sint. Neque enim »
 iuuenis aut adolescens est, qui diiudicare possit, quidnam allegoria sit, & quid »
 non sit. Verum quæ qui huius est ætatis, opinione semel comprehenderit, ea »
 haud temere elui aut immutari solent. Quarum rerum gratia in primis fortasse »
 danda est opera, ut ea, quæ prima pueri audient, quàm pulcherrimè fieri poterit, »
 ad virtutem instituta & conficta videantur.

Desunt nonnulla. V. R. V. M. quoniam in ista opinione de Platone opinione

Neque enim aliis ciuibus his vti præceptis, aliis non item, sed vt omnes, à quibusuis inuitiles & damnosos omnino reiecit. Quòd si in pulcher-
rimo ciuitatis statu, quem Plato confirmauit, in quo sola virtute & prudentiâ
res administratur, fabulas eiusmodi admittere non decet, quod ad iniquitatem
potius & veritas actiones inducant, nullo certè modo in nostræ ætatis ciuitati-
bus sunt recipiendæ, in quibus voluptas bono, & deterius meliori præfertur. Ne-
que tantum quid hominibus vtile esset, curauit is dæmon, qui Poëtas tutatus est,
quantum Plato non solum suæ ciuitati prouidit, quanuis ea tantum in conditio-
ne & verbis tenus exquiratur, sed quilibet etiam, qui modum retineat in iis, quæ
à se geruntur. Præuorum igitur dæmonum opus ad generis hominum pernici-
ciem in vitam nostram Poëtarum fabulas inuexit. Id quod cum cognosceret
Plato, eos de sua ciuitate exigendos esse censuit. Quare si hic Plato improbat fa-
bulas, in Timæo autem credendum esse dicitur, qui eas nobis introduxerunt:
quòd se deorum prolem esse profiteantur, & clarè suos nouerint progenitores,
nefas enim esse deorum filiis fidem non habere: hæc autem sibi mutuo consen-
tanea esse non possunt, cuius profectò sit perspicuum, eum alibi de sua sententiâ
germanos discipulos suos docere, eaque quæ ipse sentit. Nam in libris De repu-
blica, de hominum institutione seriò verba facit: alibi autem multitudinem ex-
piare, vt quod ab ea periculum impendat, effugiat. Ad Dionysium itaque tyran-
num scribens, non Atheniensibus quidem illum, sed Syracusis præfectum, ait
epistolarum suarum, probarum quidem Deum autorem esse & principium,
“ deos autem non probarum. Verba autem sic habent: Cæterum, de consultore,
“ qui eas epistolas suggerit, quas ego seriò scribo, & eo, qui eas, quas non seriò, pu-
“ to te meminisse. Sic tamen habeto, & animum diligenter aduertito. Permulti
“ sunt enim, qui scribere iubent, quos repellere palàm facile non est. Nam probæ
“ epistolæ Deus mihi est autor & principium, dii autem non probæ. Et in alia rur-
“ sus ad eundem, ait rerum omnium autorem vnum esse & effectorem. Nam in
“ omnium rege, inquit, omnia sunt posita, & eius gratiâ sunt omnia: atque ille re-
“ rum omnium honestarum autor est & causa. Et in quarto de legibus rectâ, pro-
“ gredi Deum dicit, qui principium, & mediâ, & finem rerum continet: vnde effi-
“ citur, vt etsi deorum multitudinem inducat, & Mundum asserat esse Deum, non
“ seriò tamen neque secundum ea, quæ ipse sentit, hæc dicta sunt: sed Poëtarum
“ potius & communem consuetudinem sequutus, aut certè à perpetuo cursu vt
“ ipse professus est, Deum appellat. Neque verò quia Deum esse dicit, idcirco non
“ ortum esse arbitrabatur: cum apertè & procreatum esse & principium habere
“ non solum dixerit, sed etiam necessaria ratione confirmarit.

XI. VERVM quoniam vt confirmer Mundum de Platonis opinione or-
rum non esse, vt firmum argumentum Proclus hoc quoque proponit, quod in
Politico, vt in conditione à Mundo separat Deum, & hac Mundi separatione ex
ordine in ordinis perturbationem ipsum deducit, hincque censet traditam in
Timæo Mundi procreationem, atque ex inordinato in id, quod in ordinem ad-
ductum est, commutationem, in sola cōditione dici. Sciendum, quòd vt concessit

scribit quis ea, quæ in Politico scripta sunt, in conditione dici, nihil tamen necessarium inde conficitur, Mundi ortum, qui in Timæo traditus est, conditione tenus tantum esse traditum. Nam idem in Politico

Desunt nonnulla.

LVGDVNI,

EXCVDEBAT NICOLAVS

EDOARDVS, CAMPANVS,

QVINTO IDVS

IANVARIAS,

1557.

